

77-84

7785


7786

910.4(41.5)

725

4-65







# ԽԱՌՆ ՆԱՄԱԿՆԵՐ

ՈՒՂԵԻՈՐՈՒԹԵԱՆ

ԳՐԵԱՑ

ԿԻՐԱԿՈՍ Ս. ՂԱԶԱՆՃԵԱՆ



Կ. ՊՕԼԻՍ

ՏՊԱԳՐՈՒԹԻՒՆ ՍԱՐԸԵԱՆ

1887



910.4 (47.925)

# ԽԱՌՆ ՆԱՄԱԿՆԵՐ

## ՈՒՂԵԻՈՐՈՒԹԵԱՆ

ԳՐԵՍՅ

ԿԻՐԱԿՈՍ Ս. ՂԱԶԱՆՃԵԱՆ

---

معرف نظارت جلیله سنک ۴۴۵ نومرولی رخصتنامه سیله طبع اولمشدر

---



Կ. ՊՈՒԼԻՍ

ՏՊԱԳՐՈՒԹԻՒՆ Մ. Կ. ՍԱՐԳԵԱՆ

1886

THE UNIVERSITY OF CHICAGO

LIBRARY

1917

PHYSICS DEPARTMENT

PHYSICS DEPARTMENT



2 6746.17

PHYSICS DEPARTMENT

UNIVERSITY OF CHICAGO

1917



ՁՕՆ

ՆՈՒԻՐԱԿԱՆ ՅԻՇԱՏԱԿԻ

ՍՄԵՆՍՍԻՐԵԼԻ ՀՕՐՆ ԻՄՈՅ

ՍՈՒՔԻԱՍ ՂԱԶԱՆՃԵԱՆԻ

ԾՆԵԱԼ Ի 1808 ՄԱՐՏ 18

ԵՒ ՎԱԽՃԱՆԵԱԼ Ի 1880 ՄԱՅԻՍ 15



## ԱՌ ԸՆԹԵՐՑՈՂՍ

Այս անգամ՝ դարձեալ Պօլիս գալով, ուրիշ շատ մը փոփոխութեանց հետ տեսայ նաև ուսման յառաջդիմութիւնը շնորհիւ մեր Օգոստոսիաոս Սուլթանի, Օսմանեան բարեխնամ կայսեր, ՍՈՒԼՔԱՆ ՀԱՄԻՏ մեծի Ինքնակալին :

Երջանկութիւն է և ուրախութիւն Օսմանեան հպատակաց համար ունենալ մի այսպիսի հղօր և քաջարի գահակալ նման իւր մեծ հօր երջանկայիշատակ (ձէննէթմէքեան) Սուլթան Մահմուտի, բարեսիրտ, բաղդր և ողորմած նման իւր հօր հանգուցեալ Սուլթան Մէճիտ սիրեցեալ Ինքնակալին . իսկ խոհական բարեսիրտ, իմաստուն, հանճարեղ, և ուսումնասէր առաւել քան զամենայն նախորդ գահակալս Օսմանեան, Տէր տացէ նմա երկար, երջանիկ և յաջող օրեր :

Մեր Ինքնակալի ուսումնասիրութիւնը, Պօլսոյ Օսմանեան նոր թանգարանի հաստատութիւնը և վարժարանաց հոգատարութիւնը, թէ՛ ՚ի Պօլիս և թէ՛ ՚ի գաւառս նոր նոր կրթութեան մեծ շնորհքները, անթիւ գրքերու հրատարակումը գրող եցին իմ ցանկութիւնս, որ ես ալ մաս մը ունենամ գրականութեան մէջ :

Եւ որովհետև չունիմ հիմնական մի ուսմունք որպէս զի տպագրութեան արժանի գործ մը հեղինակեմ, որոշեցի իմ ճամբորդութիւնս հրատարակել, գիտնալով որ լի է սխալներով և թերութեամբ, անկանոն է ոճ և գասակարգութիւն, և ուրիշ հրատարակութեանց քով մերը անարժան է տպագրութեան : Այսու հանդերձ, կարգ մը գրուածքներ ալ կան որք մինչև իսկ մնաս կը բերեն բարուց : Իսկ մեր տեսարակ գէթ մնասակար կողմը չունենալուն, և վստահ ընթերցողաց ներողամտութեան, յանձնեցի տպագրութեան :

Ես ամօթ չեմ համարիր խոստովանիլ իմ անկարողութիւն. մեր գպրոցի շրջանը չկար ներկայ ուսմունք և դիւրութիւնք :

ինչպէս պիտի տեսնէ ընթերցողը Երզնկայի տեղեկագրութեան մէջ . հետևաբար մեք գրեցինք մեր դաւառական ոճով և մեր գիտցածին չափ :

Գրքուկին անունը կոչեցի Խառն Նամակներ , քանի որ դասակարգութիւններս ալ խառն են , և տեղեկութիւնս քաղած եմ իմ ճանրորգութեան յուշատետրէս և նամակներէս , և առաջնորդ ունեցած եմ ինձ Տիեզերական Աշխարհագրութիւն Հ. Ղևոնդ Ալիշանի պատուական գիրքը :

Քաղցր է մեզ յուսալ որ ընթերցողք բարեսրտութեամբ պիտի ընդունին մեր այս դեղձական գրուածք , յորմէ քաջալերուելով կրկին աշխատիմք դրել պակաս մնացած մասեր և այլ ինչ :

Ընթերցող Տէր , ես խոստովանեցայ իմ անկարողութիւն , և դուք ներողամտութեամբ կարգացէք իմ սխալներ և թերութիւններ :

Կ. ՂԱԶԱՆՃԵԱՆ



# ԽԱՌՆ ՆԱՄԱԿՆԵՐ

## ՆԱՄԱԿ Ա.

Երզնկայ , 1842—1886.

Ընթերցողք անշուշտ կը ներեն Երզնկայէ սկսելուս համար , քանզի Երզնկան նշանաւոր էր 'ի հնումն իր Անահիտով , և Քրիստոնէութեան ատեն Ս. Գրիգոր Լուսաւորիչով , այժմ՝ Օգոստամիառ Սուլթանի չորրորդ բանակի կեդրոն ըլլալով , նաև կարևոր իր վանքերով և հնութեամբ , իմ ալ ծննդավայրս ըլլալուն՝ բնական էր որ գէթ այսչափ նախադասութիւն մը նուիրէի իրեն :

## ԵՐԶՆԿԱՅ , ԵՐԻԶԱՅ , ԷՐԶԻՆՃԵՍՆ

Այս քաղաքի ե՞րբ և յու՞մէ՞ շինուիլը նշանակուած չէ , 'ի հնումն էր Երիզայ կամ Երէզ , հաւանականաբար Եփրատի եզերքը ըլլալուն համար :

Յետոյ եղաւ Եկեղեցաց գաւառ 'ի ժամանակս Տրդատի և Լուսատուին մերոյ , բաղում՝ եկեղեցիք , վանքեր , մատուռներ շինուեցան , և ապա եղև Էրզինկեան կամ Էրզինճեան յետ անկանելոյ ընդ իշխանութեամբ Օսմանեան կայսերաց :

ի կողմանս արեւելից Երիզայի է Գերջան . յարեւմտից Քէմախ կամ Անի ամրոց և Կերճենիտ . հարաւակողմն Տաւրոս կամ Տուժիկ լերինք և Վերին Կեղի . հիւսիսակողմն է Գայլ Գետ նահանգ , Տաճկերէն Բելլի :

Երզնկայ շրջապատեալ է Տաւրոս լերան շղթայներով , Գոհանամ և Քէշիշ տաղի լեռներով , ամենքին ապառաժ :

Երզնկայի դաշտին երկարութիւնն է 7 ժամ ( 12 մղոն ) և լայնութիւնը 2 1/2—3 ժամ : Գաշտն է տափարակ և դեղատեսիլ . լեռներու ստորոտը ցրուած կան իր 110 գիւղերը և վանքերը ( ոմանք ի միջավայրի ) . օգը բարեխառն է . տարուան չորս եղանակները անթերի կը կատարեն իրենց զօրութիւն :

Գաշտը զարդարեալ է պտղատու և անպտուղ ծառերով , այգիներով և պարտէզներով : Եփրատ գետը , Մէրճանի , Գայլ Գետի , Բաղնիքի , Վասկերտի և այլ գետակներ և առուներու ջուրեր կ'ուռուցեն արտեր այգիներ : Ունի քաղցրահամ ջուրեր մանաւանդ 'ի վանօրայս և 'ի գիւղօրէս :

Կառավարութիւնն է Մութէսարըֆութիւն ընդ իշխանութեամբ Կարնոյ կուսակալութեան , և ունի իր հսկողութեան ներքև Քէմախ , Կերճենիտ ( Բէֆահլիյէ ) , Գուրեշոյ գաւառները և շատ մը գիւղեր բաժանեալ Գուրեշոյն որ կոչի Պալուկ :

Բերքն է ցորեն , բամպակ , սուսամ , խաղող և այլ պտուղներ . ունի մէկ ջերմուկ տաք ջուրի , մէկ հանքային ջուր որ կը կոչուի Էրզնի . բժիշկը կը նմանցնեն Վիշի և այլ հանքաջուրերու , զոր օգտակար կը գտնեն քանի մը հիւանդութեանց համար :

Տեղային արհեստներն է տարազագործութիւն և պղնձագործութիւն , որ կը շինեն մանուշակ և Խաչուներու ամեն տեսակը , բուրդէ շոյախ , ճերմակ կտաւ , պղնձեայ ամեն կերպ անօթներ , դաւաթներ՝ եւրոպական ապակեղէններու նման . կան վարպետ թիթեղագործ , ժամագործ , դերձակ , ստաղձագործ , հիւսն , և որմնագիրք , սոյն արհեստաւորաց մեծ մասը սորված են Կ. Պօլիս , ինչպէս նաև եւրոպական կօշիկներ շինող , զինագործ , ներկարար , խաղաղորդ , և այլ շատ արհեստաւորք , տաղանդաւոր վարժապետներ , տաճկաբաններ , գծագրիչներ և այլն :

Հայ արհեստաւոր մը կը շինէ նոր տեսակ զէնքեր , կղպանքներ և այլ հնարաւոր գործիներ . ուրիշ մը ընտիր ներկեր . ոմն պղնձեայ ճարտար անօթներ , ինչպէս նաև Թուրք արհեստաւոր մը . վերջապէս արհեստի մասին այս քաղաքի ժողովուրդը շատ ընդունակութիւն ունի :

Հայ կանանց մեծագոյն մասը կը գործէ մանկատայ , խավիչ , շայտի և այլն . հոս կանայք պարապ չեն նստիր : Ներքին բերքը առատ չէ դաշտի փոքրութեան բաղդատմամբ ժողովուրդի բազմութեան համար , որով արտածութիւնը քիչ է կամ բնաւ . վաճառականութիւնն ալ ծաղկեալ չէ :

Հնութեան կողմանէ կը դերադանցէ ուրիշ շատ մը քաղաքներ . բայց թէ՛ շէնքերու հիմը քար , և պատերը չեփած աղիւս ըլլալով , հնութեանց փլատակները շատով կը դառնան հողաբլուրներու և քարանց կոյտերու : Ի նախնունմն յաճախ երկրաշարժ պատահելով , կրած է շատ փոփոխութիւնք . այնպէս որ՝ քաղաքին տեղը

քանի մը անգամներ փոխուած է . 1043 թուականին հրաման կըլլայ մէն մի տան մէջ ջուրի հորեր բանալ , ուսկից 2-8 կանգունէ ջուր կ'ելլէ :

1784 ին վերջի մեծ գետնաշարժը տեղի կունենայ կէս գիշեր ամառ եղանակի . շէնքերու մեծագոյն մասը կործանելէն վերջ բազմաթիւ մարդիկ փլատակաց ներքև կը մնան (1) . աւանդութիւնք և պատմութիւնք կըսեն թէ Հայերու կէսէն աւելին մեռան կամ վիրաւորեցան . թուրքերն ընդհանրապէս գիւղերը գանուելով , անոնցմէ կորուստ քիչ է պատահեր :

Սոյն թուականէ վերջ սասանմունք գաղարեալ է . երբեմն պատահեր է անկարևոր ցնցումներ , կենաց և շէնքի կորուստ չըլլալով :

Երզնկայ 'ի հնունն թագաւորանիստ քաղաք ըլլալով , շատ անցքեր տեղի ունեցեր է . Ասորուոց , Արարացուոց և Պարսկաց հալածումները կրելէ վերջ՝ խաղաղեր է ընդ իշխանութեամբ Օսմանեան :

Ի հնունն կը նստէր մէկ պաշտօնեայ պոյվատա անուամբ ընդ իշխանութեամբ Էրզրումի վալիին . իսկ երբեմն կը կառավարուէր տեղացի պէյի մը ձեռքով :

Շատ անգամ Քուրդեր սպառնացեր են , գիւղերը թալլեր և գիւղացիքը հարկատու ըրեր , այլ 'ի վերջոյ հալածուեր և հեռացեր են :

Այս գարուս սկիզբը կամ նախորդ գարուն վերջերը Մըրթոյ անուն Քուրդ մը զօրանալով , բերդ մը

---

(1) Այս ատեն Սիւլէյման փաշայ կուսակալի պաշտօնով Նարին կերթար , սոյն արկածին զոհ կերթայ , և փլատակաց տակ կը թաղուի :



մը կը շինէ Երկան գիւղի լերան միջնավայրը և բաւական զօրք սննենալով կիշխէ քաղաքին . կարնոյ վալիի կողմէ պաշտօնեայ մը կուգայ և զօրք ժողուելով կը յարձակին բերդին վրայ , Մըրթոն կապանեն , որոյ հարուստ և նշանաւոր կինը կնուծեան կառնու Օսման աղանուն անձը Բէմախի Ուրֆաթ գիւղէն և հին միցեղէ , որ յետոյ կըլլայ Օսման վաշայ (Թիւրք Օսման վաշայ) անունով և կանուանի Սերաստիոյ կուսակալ , ուր կը մեռնի , որոյ որդին է Հաճի Իզլէթ վաշայ , այժմ կուսակալ Ադրիանուպօլսոյ , սորա եղբօր որդին էր Հաճի Ալի պէյ , որոց գերդաստանը այժմ Երզնկայի հարուստ մեծատուններն են , և է նշանաւոր Հաճի Մէհմէտ պէյ , որդի Հաճի Ալի պէյի : Այս Հաճի Ալի պէյ նշանաւոր եղած էր իր քաջ բնաւորութեամբ և սարսափ ձգած էր Բիւրգերու սրտին :

Այս գերդաստանը ունի յիշատակներ , նոյնպէս բազում կալուածներ , արտեր , այգիներ , կրպակներ , խաներ և այլն :

Հաճի Ալի պէյ շինեց 1830ին Եփրատի մեծ կամուրջը . Հաճի Իզլէթ վաշայ կը շինէ մէկ մզկիթ սկսեալ 1871 էն և ցարդ հազիւ կաւարտի՝ ամբողջ քարաշէն բարձր , որ ցարդ չկոյ նմանը շրջակայ դաւառաց մէջ : Թանդիմաթէն վերջ քաղաքի կառավարութիւնը փոխեցաւ միւտիբութեան (1) . չորրորդ բանակի կեդրոնը քանի մը անգամ հաստատուեցաւ Երզնկայ և փոխադրե-

---

(1) Միւտիբութեան ատեն ժողով մը կար , մէկ դատի , մէկ միւֆթի և վեց Մահմետական անդամներէ , իսկ մէկ Հայ անգամ ժեյլէի վէտի անուամբ :

ցաւ Քարբերդ և Կարին, այժմ դարձեալ Երզնկայ :  
1864ին երբ Բեռլինի կառավարութիւնը փոխեցաւ միւթէսարըֆութեան որպէս է  
ցարդ : դարձեալ իշխանութեամբ Կարնոյ կուսակալին ,  
և եղաւ նոր ժողովներ՝ անդամոց կէսը քրիստոնեայ ըլ-  
լալով :

Ազգային կառավարութիւնը երբեմն Կաթողիկոս-  
ներ , երբեմն Հայրապետներ , երբեմն Առաջնորդներ  
մէն մի վանքի մէջ՝ գիւղեր և թաղեր մէջերնին բաժ-  
նելով , երբեմն երկու Առաջնորդ՝ մին քաղաքի և գիւ-  
ղօրէից , միւսն ալ Մէրճանի վանուց և հինգ գիւղերու .  
1860էն սկսեալ (Սահմանադրութեան թուականէն) կը  
նստի միակ Առաջնորդ(1), Եպիսկոպոս կամ վարդապետ ,  
ընդ իշխանութեամբ ունելով բոլոր վանքեր և գիւղեր :

Երզնկայ ունի հին ձեռագիր պատմութիւններ , շատ  
արձանագրութիւններ , բայց ընդհանրապէս կը խօսին ան-  
նիւթ և մասնաւոր բաներու վրայ , ինչպէս , արտասո-

---

(1) 1860էն մինչ 1836 Երզնկայ ունեցած է վեց եօթն Ա-  
ռաջնորդներ և Տեղապահեր , որոնք գրելու արժանի յիշատակ  
մը և գովութեան արժանի ծառայութիւն մը չունենալէ վերջ ,  
տուած են առիթ կերպ կերպ խռովութեանց , գժտութեանց և  
երկպառակութեանց , միայն Ալէթճեան Գրիգորիս վարդապետ  
( այժմ Եպիսկոպոս Տարօնի ) շինած է Քրիստոնեան օրիորդաց  
վարժարանը հանգանակութեամբ , և Հմայեակ Եպիսկոպոս Գի-  
մաքսեան ներկայ Առաջնորդարանը շինելէ վերջ , մեծ զարկ մը  
տուեց կրթական գործին , և չեղաւ ո և է պատճառ խռովու-  
թեան , այլ կառավարեց խաղաղ օգտակար կերպիւ , որ եղաւ  
Հայ ժողովուրդին սիրելի , պաշտօնէից և Թուրք ժողովուրդին  
յարգելի : Ինչպէս որ միշտ դէմ կը խօսինք մեր կղերին , նոյն-  
պէս ալ պէտք է օգտակարները կամ անվնասները քաջալերել :

վոր ձիւն գալ, հիւանդութիւն պատահիլ, վաշաներու երթեւեկը, Քուրդերու կռիւներ, ազգային վէճեր, և կեղեցիներու շինութիւններ կամ նորոգումներ, երեւելեաց մահեր . . . . .

որոց վրայ գրելը թէ՛ անպատեհ է և թէ՛ անկարևոր :

Երզնկայի հնութիւններն են վանքերը և վանքերու աւերակները, քաղաքի միջնաբերդը, գեանուղին, գըմբէթը, թաշխանը, պէտէսթէնը, Խսկէնտէր անուն բաղնիքը, որ Հայք սրբոյն բաղնիք կը կոչեն (նախնումն եկեղեցի), Գուրչունլի մզկիթը, և Հին քաղաք կոչուած տեղի աւերակները, ուրկից դեռ ևս փորելով կը հանեն շատ հասարակ քարեր, երբեմն կը գտնուի հին ոսկի և արծաթ դրամներ և այլն :

Մզկիթներ շատ կայ, սակայն վայտաշէն ըլլալով մէկ դար հազիւ կը տեսնուի, և կրկին նորոգուելով արծանագրութիւնք կը կորսուին. միայն Գուրչունլի մզկիթն է քարուկիր և ունի արծանագրութիւնք :

Միջնաբերդը շինած են Գենուացիք (Ճենովացիք) որ ռամիկ ժողովուրդ ձինիվիզ կըսէ :

Բերդը մեծ հնութիւն է. որմերու վրայ կան արձաններ, բայց մէջի շէնքեր մեծ մասամբ աւերակ ըլլալով կը մնայ պարիսպները, որոց քարերու մէկ մասն ալ քակած են, և մէջը նոր շէնքեր շինուած է վասն պիտոյից արքունի զորաց :

Քաղաքի բնակիչք կը հաշուեն 4300 տուն, որոց 3000ը Թուրք, 1200ը Հայ, 100ը Յոյն և Բողոքական, 200ը Քուրդ են, սակայն այս թիւերը վաւերական չէ. կառավարութեան վերջի մարդահամարը աւելի ճիշդ է անշուշտ :

Հայք ունին հինգ եկեղեցի , Ս. Ստուածածին՝ աւերակ , Ս. Նշան (1) և Ս. Փրկիչ՝ քարուկիր , Ս. Երրորդութիւն և Ս. Սարգիս՝ փայտաշէն , ունին մի հրապարակ (Քիլիսէ մէյտանի) . Հայոց և Թուրքաց թաղերը զատ է . խիստ փոքր մաս մը կայ խառն :

Ունի վրան գոց վաճառանոց (չարշը) , խան , մազազա , բոլորն ալ փայտաշէն , և միշտ ընդ երկիւղիւ հրդեհի : Խիստ փայելուչ և հոյակապ շինուած են արքունի շէնքեր , և փողոցներ լայն և ուղիղ են ըստ կարելւոյն , բայց կարօտ բարեկարգութեան . ունի ծառուղիներ թէ՛ ի քաղաքի և թէ՛ ի ճանապարհս հիւանդանոցի մինչ վեց մղոն և Եփրատի երկու մղոն . միւս ճանապարհք ևս կսկսին անդդալի կերպիւ լինիլ ծառուղի :

Հիւանդանոցը և զօրանոցը խիստ ընդարձակ է և կանոնաւոր , սլարտէզներով , բաղանեօք և դրախտներով զարդարեալ . շայեախի մեծ գործարանը (Փայրիքան) , և երկաթի գործարան , կաշիի և կոշիկի գործարան (տապաղհանէ , տիքիմհանէ) , որք բանակի զօրաց

---

(1) Այս եկեղեցւոյ մէջ Յովհան Երզնկացիի դամբանը կայ որոյ տապանագրին վրայ գրուած է «Այս է տապան հանդստեան , Յովհան Պլուզ Ծործորեան , էր վարդապետ ճարտասան » : Տես Թորոս Ախպար հատոր Բ . հեղինակութիւն Հայր Գարեգին Ա . Սրբենձտեանցի առաջնորդ Պոնտոսի . այս տողեր գրուած ատեն կը գտնուէի Էջմիածին վասն ընդունեւոց զկարգ Եպիսկոպոսութեան : Այս գերեզման՝ Առաջնորդի աթոռի ներքեւը չէ , գերեզմանին զատ է աթոռ . եկեղեցւոյն շինութենէն վերջ փոխադրուած է հոս . յառաջ հին եկեղեցւոյն դրան քօյն էր , որ այժմ վարնատուն կըսուէի կանանց դրան կոզմը . կերեի թէ սխալ տեղեկութիւն մը տուած են անդացիք Ն . Սրբազնութեան :

ղգեստուց և կօշիկներու պիտոյքը կը հողան, թէրդի-  
հանէ, սարաճհանէ և այլ ամեն պիտանի բաներու հա-  
մար ունին վարպետ զօրապետներ :

Մէկ տպարան վիմագրութեան, մէկ լուսանկարի  
գործարան, որք ամենքն ալ բանակին կը վերաբերին :

Բանակի ապարանքն է (պապի միւշիբի) քարաշէն  
և զարդարանքով, որոյ քովն է զօրային բիւշտիէ վար-  
ժարանը և նորակառոյց ապարանք կառավարութեան :

Չորրորդ բանակը կը կառավարի իշխանութեամբ  
բարձրապատիւ միւշիբի(Ա) միոյ, և որոյ իշխանութեամբ  
է Կարին, վան, Տիգրանակերտ, Սեբաստիա և Տրապի-  
զօն և այլուր գտնուած զօրքեր և զօրապետներ :

Միւշիբէն վերջ կան չորս հինգ Ֆէրիզ և ԱՅէն ա-  
ւելի իրիւյ փաշաներ, որոց ամենքն ալ ունին յատուկ  
պաշտօններ. ունի մէկ ընդհանուր համարակալ (մու-  
հասէպէճի), և բազում քարտուղարներ, գրագիրներ,  
և այլն :

Միւս պաշտօններ բաժնուած է զօրապետներու :

Քաղաքի կառավարութիւնն է մութասարըֆութիւն.  
ունի ժողովներ իտարէ, Պիտայէթ, Պէլէտիէ անուն-  
ներով :

Իտարէն է վարչական, հաստատուն անդամ են  
ղատի, միւֆթի, առաջնորդ, համարակալ (մուհասէ-  
պէճի), քարտուղար (թահրիրաթ միւտիրի), և առժամ :

---

(2) Միւշիբ Տէրվիշ փաշայ մեծ ջանք ըրած է քաղաքի դար-  
դադման. նոյնպէս ներկայ նաֆիզ փաշան ուրիշ շատ օգուտ-  
ներու հետ երկու ազրիւր շնորհեց նորաշէն Հայ թաղերու :  
Է բարի և հեղահամբոյր :

եայ անդամ ընտրութեամբ երկու թուրք և երկու քրիստոնեայ :

Պիտայէթը երկու ճիւղի կը բաժնուի , հուգուգ (իրաւանց) և ճէգա (պատժական) . ունին մէկմէկ նախագահ , երկուքը մէկ ընդհանուր դատախազի օգնական , երկերկու ընտրեալ անդամք՝ մին թուրք և մին քրիստոնեայ , և մէկմէկ փոխանդամ , քարտուղարներ և գըրագիր և այլն :

Պէլէտիյէն քաղաքական է որ ամեն տեղ կայ և պաշտօնը յայտնի է թէ՛ ի ն. Պօլիս և թէ՛ ի դաւառս :

Երզնկայի դատարանաց ենթարկեալ է Տաւրոսի (Տէրսիմ) դատարանները , որոյ կառավարութիւնն է յատուկ վալիութիւն :

Երզնկայի ենթակայ են նաև Քէմախ , Բէֆասիէ , և Գուրիչայի դայմագամութիւններ , և Պալապանի միւտիրութիւնը :

Գիւղերը ինը շրջանակի բաժնուած է , ունի ինը միւտիրներ , եօթն թուրք և երկուքն Հայ :

Գիւղեր և թաղեր կընարեն իրենց մըխթարը , իմամը , փափաղը և ծերակոյտի անդամները , որոց կըսուի էխթիյար մէճլիսի , և յարաբերութիւն ունի ընդկառավարութեան :

Աղգային խնդիրք կը ճանչցուին Առաջնորդարանէ , և Առաջնորդը Բէքեք կը գրէ ամեն աղգային խնդրոց համար , որք են ընդհանրական և աղգային :

Միւթէսարըֆը ունի մէկ խումբ ոստիկան ընդ տեսչութեամբ հազարապետին , և կան նաև շատ պաշտօնեայք , ինչպէս արտօրէից տուրքերու , էվկաֆներու , վարժարանաց և այլն :

Հասարակաց շէնքերու մէջ նշանաւոր է պէյերու  
և փաշաներու բնակարանները (ղօնախ) . Թուրք և Հայ  
երևելեաց տուները , ամենքն ալ հողէ և փայտաշէն . կա-  
նոնաւոր է նոր թաղերու տուներ որք վերջին տարիներ  
շինուեցաւ և կը շինուի :

Կայ շատ պարտէզներ , այգիներ , մանաւանդ գիւ-  
ղերը , բնական գեղեցկութեամբ զուարճալի տեսարան-  
ներով :

Թուրք բնակչաց մեծ մասը կերթան պարտէզներ  
մարտէն սկսեալ մինչ սեպտեմբեր , մէկ մղոնէ մինչ եօթը  
մղոն հեռաւորութեամբ , իսկ Հայեր շարունակ կը մնան  
ի քաղաքի , և միայն ամրան ջերմ օրերու կերթան օ-  
դավիտխութեան ՚ի վանօրայս և ՚ի գիւղօրէս :

Կալուածոց մեծ մասը Թուրքաց ձեռքն է . Հայերը  
գեռնոր կսկսին ըլլալ կալուածատէր :

Թուրք և Հայ բնակիչք շատ սիրով են միմեանց  
հետ . պաշտօնեայք և երևելիք անխտիր կայցելեն Հա-  
յոց վարժարանները , Առաջնորդարանն ու տուները .  
նոյնպէս Հայք :

Չկայ օտար հպատակ , ոչ հիւպատոս , և ոչ ալ օ-  
տարազգի . միայն մի քանի տուն Յոյն գաղթականք և  
մի քանի տուն ալ բնիկ կամ նորեկ Բողոքականք կան ,  
որ խիստ սիրով են հայոց հետ . Հայք արդէն ծանօթ  
են իրենց օտարասիրութեան համար :

Քաղաքի բնակիչք շատնալու վրայ են . Թուրքեր  
եկած են և կուգան Կարօի և Կարնոյ կողմերէ . Հայք  
կուգան յԱկնէ , Կիւմուշհանէէ և Գուղուլչանէ :

110 գիւղերը կը բաժնուի չորսի . Էօթէկէչէ , յան-  
կոյս Եփրատի , Սաղկէչէ (գետեղրի ճահճաւոր գիւղեր) ,

Գրուկէչէ (ընդ ստորոտս Քէշիչ տաղիի եղեալ գիւղեր),  
և Մըխարկէչէ՝ արևմտեան հիւսիսի գիւղեր : Յայտկոյս  
Եփրատի երեք բաժին :

Նշանաւոր գիւղերն են ձիմին , Մէղուցիկ և Խալս-  
չըրմէս աւանք արքայական , վասկերտ (վասակակերտ)  
և Բում-սէրայ , ուր գեղամահ եղաւ Մեծն Ներսէս 'ի  
Պապէն :

Շրջապատ լերինք ունին հինգ կիրճ , ձիպիճէ , Քէ-  
մահ , Չարտագլի , Մէրճան , Սըփըքոր անուններով , ու-  
րոնք անցք են 'ի ճանապարհացն Կ. Պօլսի , Պաղտատի ,  
Կարնոյ , Սերաստիոյ և Քարբերդի :

Նշանաւոր է Թիլն կամ Թիլ աւան և Հայրապետի  
գիւղերն , որք 'ի կարգի վանօրէից նշանակեալ են :

72 գիւղերու բնակիչք թուրք են և մասնաւոր Գը-  
զըլպաշ կոչուած Գուրդեր , 30 գիւղերը խառն Հայ և  
Թուրք , իսկ Մթնի , Կարմրի , Կիւլիճէ , Մահմուտցիք ,  
Չիֆլիկներ , Գարատիկին և Երկանկիլնցիք միայն Հայք  
կը բնակին :

Ամեն գիւղ ունի մզկիթ և եկեղեցի , միայն 6-7  
գիւղերի մէջ չկայ մզկիթ՝ Գուրդը ըլլանուն համար :

Գիւղերու վարժարանք հինօրեայ դրութեան մէջ  
են քիչ բացառութեամբ , և գրեթէ փոփոխութիւն չե-  
ղած կը համարուի վերջի 30 տարուան շրջանին մէջ , որ  
զգալի և մեծ փոփոխութիւն եղաւ քաղաքի վարժարա-  
նաց վրայ , մանաւանդ վերջին տասնեակի :

1849էն 1856 (իմ դպրոցի շրջանը) Երզնկայի մէջ  
կար միայն մէկ հատիկ ազգային վարժարան , ուր կար  
100ի չափ մանչ և 40ի չափ աղջիկ աշակերտ , և ունէր  
միայն մէկ վարժապետ և մէկ քահանայ , տարեկան



Ճախըն էր միայն 10-20 սակի եկեղեցեաց անտուկներէ :  
Աւանդեալ դասերն էր հայերէն կարդալ գրել և  
եկեղեցական երգ , փոխ և քարոզ :

Գասաղըքերն էին Քերական , Հեղարան , Սաղմոս ,  
Ժամագիրք , (Գործք Առաքելոց կամաւոր) և Նարեկ :

Երբեմն կար մի դասատու Տաճկերէնի , դասագիրք  
Քերական , ինչա , Թէօհօլէ և Կիւլիսթան :

Երբեմն կար Քերականութեան մի տաղանդաւոր  
դասատու՝ Աւետիս Զիւլալեան Արապկիրցի ( աշակերտ  
հռչակաւոր Յովսէփ վարժապետի) . որ դժբաղդարար  
մէկ տարիի չափ հաղիւ մնալով դնաց հայրենիք . ահա  
այս էր այն ատենի ուսման վիճակ , և վարժարանի կա-  
ռավարութիւնն էր գաւազանի և ֆալանգի միջոցաւ :

Շատ հոգ կը տարուէր կրօնական մասին . առաւօտ  
երեկոյ աշակերտք կսկսէին և կաւարտէին աղօթքներով ,  
և պարաւոր էին երթալ յեկեղեցի . կը սորվէին և մեծ  
մասը բերան կընէին՝ ինչպէս՝ Եկեցոցէ , Հաւատով , Տէր  
ամենակալ , Ողորմեայ և այլ աղօթքներ , և շատ մը Շա-  
րականներ , Փոխեր և Քարոզներ :

Շուկայէն կարգ մը հասակաւոր երիտասարդներ  
կուգային երեկոյները՝ ձայնագրութիւն և Շարական դաս  
առնլու :

Մեծ պահոց սկիզբէն մինչև վերջը երեկոյին կը  
կարդացուէր Յայամաուրքէն՝ աւուր պատշաճի եկեղե-  
ցոյ ժամասացութենէն յառաջ , և Եկեցոցէն՝ ամբողջ  
վերջը :

Հիմայ բաղդատենք 1886 թուականը 1886 թուա-  
կանին հետ ,

1886ին կայ երկուայի մէջ 4 աղգային , 2 մասնաւոր

և այլ մանր մունր մանչերու վարժարան, որք ունին 7-800 աշակերտ, և 1 ազգային, 2 մասնաւոր և մի քանի մանր մասնաւոր վարժարան աղջկանց, որք ունին 300 աշակերտուհի :

1856 ին աշակերտաց թիւը հազիւ 130-140 էր . 1886 ին աշակերտաց թիւն է 1000էն աւելի (1) . վարժապետ, դաստիարակ և այլն կը հասնի 30-40 և տարեկան ծախս կըլլայ 7-800 ոսկի :

Ներկայ դասագիրքեր կը կազմեն երկար մի ցանկ և ուսմունք ոչ թէ միայն հայերէն է . որ 40 «ֆէնէն» ըլլալու ցանկ մը ունի, կայ նաև Ֆրանսերէն, Թուրքերէն, Թուարանու-թիւն, Աշխարհագրութիւն, Գծագրութիւն և այլն :

Ահաւասիկ ժամանակը կերթայ յառաջ հսկայաքայլ . և մեզի կերևի անզգալի . ո՞վ գիտէ 30 տարի վերջ կամ 19րդ դարը լրանալուն ի՞նչ տարբերութիւն պիտի ըլլայ ներկայիս հետ :

Վարժարաններու վրայ մանրամասն գրել պէտք է, բայց մեր համառօտութենէն վրիպած չըլլալու համար, այսքանը կարծեմ գաղափար մը տուած կըլլայ ընթերցողին :

Պէտք չէ մտնալ նաև որ Երիզայի վարժարանք չունին մեծ կալուածներ և այլ եկամուտի աղբիւրներ . բոլոր ծախքը Ազգը կը հոգայ եկեղեցւոյ կալուածներէ, տղայոց թոշակներէ, և նուիրատուութիւններէ, դրա-

---

(1) Թէ այսքան ուսանողներէ շրջանաւարտ տղայոց ապագան ի՞նչ պիտի ըլլայ, և Նրիզայ ի՞նչ բարեկարգութեան պէտք ունի, պիտի գրեմ ուրիշ ատեն :

մական մասը տխուր է քիչ մը . այս քաղաքի մէջ չկայ մեծ հարուստներ , և Աղգը ունի վանքեր , եկեղեցիներ , ո՞ր մէկին օգտեցնէ . թէև ժողովուրդը վարժ է վճարելու , բայց ժամանակի տագնապ մեծ աղքեցութիւն ունի :

### ԵՐԶՆԿԱՅԻ ՎԱՆՔԵՐԸ

Այս քաղաք ունի շատ վանքեր , ուխտատեղիներ , մատուռներ , որոց հիմն է Ս. Լուսաւորչի նահատակութիւնը և մասամբ իւրք Տրդատի առատաձեռնութիւնը :

Բայց , ավստ՞ս , հիմայ ի՞նչ կը տեսնես այն օրերէ և շէնքերէ , եթէ ոչ շատ մը ուխտատեղիներու աւերակներ :

Կանգուն մնացած վանքերն ալ շեղած են իրենց նպատակէն և եղած են լոկ ուխտատեղիներ , կամ տւելի ճիշդն ըսելով՝ դրօսավայրեր (1) :

---

(1) Ո՞ւր մնաց վանօրէից մէջի հիւանդանոցները , ո՞ւր մնաց անկեղանոցները . ո՞ր են այն միաբանները , որք կը սորվէին Աստուծոյ ուսմունքը և կը սորվեցնէին ժողովուրդին Ս. Աւետարանի անգին գանձերը , այն Աւետարանի՞ որ ճշմարտութեան հիմը , արդարութեան մայրը , գթութեան գանձը , բնկերսիրութեան հաստատ կապը , մարդկութեան բարձրութիւնը , և աշխարհի ճրագն է : Արդեօք ինչո՞ւ և ի՞նչ պատճառաւ գոյուեցաւ ժառանգաւորաց դպրոցները , որ կեդրոնը այս վանքերն էր և կը պատրաստէր սուրբ կղերներ , ժողովրդեան հայրեր . ո՞ւր մնացին այն դպիրները , որ Ս. Գիրք կ'օրինակէին և կը տարածէին աշխարհ :

Ի՞նչ սոսկալի փոփոխութիւն . մէկ Աւետարանը ամիսներով կը գրէին և կը լեցունէին ամեն տեղ , հիմայ տպարանք այս

## ՆԵՐԿԱՅ ՎԱՆՔԵՐԸ

Ս. Նիկողայոս ընդ Բթառիճ գիւղի, յարեմուտս քաղաքին, հեռաւորութիւն 4 ժամ. վանապահն է մի քահանայ աշխատասէր, ունի այգի, արտ և ծառաստան:

Ս. Պօղոս Պետրոս, ՚ի կողմն հիւսիսոյ քաղաքին և

---

քան դիւրութիւն տալէ վերջ, կղերը (բացառութեամբ) չուզեր Աւետարանը սրուել կամ քարոզել:

Արդեօք ո՞վ եղաւ պատճառ Հայերու անջատման. ո՞ր կողմը կերթաս Հայ Հոռովէական, Հայ Բողոքական, Հայ Անդլիական, Հայ Յունական և այլ ճիւղերու բաժանեալ. միթէ երկո՞ւ Աւետարան կայ, միթէ երկո՞ւ Քրիստոս կայ, ինչպէս կրուի սրբազան Առաքեալն Պօղոս. միթէ ամենեքեան եղբարք չե՞ն:

Հիմայ ի՞նչ է և ի՞նչ նորատակի կը ծառայեն վանքեր. եթէ իբրև հնութիւն պիտի մնան, պէտք է քոյքայուածներուն և աւերակներուն տէր ըլլալ, նորոգել, և կանգուն եղածները քայքայելէ խնայել:

Եթէ իբրև ազգային կալուած կը պահուի, պէտք է անոնց եկամուտները շատցնելու կամ գէթ չկորցնելու հոգ տանիլ. եթէ իբրև ուխտատեղի և կրօնական զգացմանց վառարան պիտի համարինք, պէտք է մի այնպիսի ձև տալ որպէս զի ժողովուրդի ջերմեռանդութիւնը չի խանգարի, և Ա. Աւետարանի ճշմարտութիւնը քարոզուի. եթէ իբրև զրօսալայր, պէտք է դոնէ կանոնադրութեան մի ենթարկել և ժողովրդեան բարուց ու վարուց վերաշինութեան օգտակար ընել:

Վերջապէս ես չեմ կրնար գիտնալ թէ ի՞նչ է այս Հայոց վանքերի լքեալ վիճակ, սկսեալ մեծերէն մինչև ամենափոքր վանքեր, ամեն տեղի և ամեն դաւանի վանքեր (քիչ բացառութեամբ):

Ի՞նչ կրլայ այս վանքերի կալուածներ, ո՞ւր կերթայ այս ջերմեռանդ ժողովուրդի տուրքեր նուէրներ (որ այժմ տակաւ

հեռու 2 ժամ, բարձր գիրքով ընդ Չագրման գիւղի, կէս աւերակ, ունի աշխարհական վանապահ և մի հոգարարձութիւն՝ Բզվան և այլ գիւղացիներէ. այս վանք երբեմն շինեալ և պաշտպանեալ է Տատեան գերդաստանի բարերարութեամբ (A) :

Ս. Կարապետ Միաւորու վանք, արևմտեան հիւսիս Եալընըղ պաղ անուն գիւղի մօտ, 3 ժամ հեռու է

---

առ. տակաւ քիչնալու վրայ է և օր մ'ալ բոլորովին պիտի դադրի) . եթէ վանահայրերը ըսեմք, ասոնց ամենքն ալ աղքատ վիճակ մը ունին, և սակաւաթիւ է բարեկեցիկ վիճակ ունեցող : Ապա ի՞նչ կըլլայ, պատասխան չկայ . միայն սա պատասխանը քիչ մը կը յարմարի . «Տէր չըլլալուն, Աղղը կանոնի մը տակ չառնլուն, կը փճանայ» :

Քիչ կը մնայ ըսեմ Գրիտոսի տաճարին համար ըսած խօսքը . արդէն եթէ տեէ այս վիճակ, քանի մը տարի վերջ պիտի ըսեն . «Տուն իմ տուն աղօթից կոչեսցի, և դուք արարիք տեղի ոչնչութեան» :

Այս խորհրդածութիւնները միայն Երզնկայի վանօրէից համար չըրի . իմ հայրենիքս ըլլալուն աչառութիւն կընեմ չի հասկընաս սիրելի՛ ընթերցող . Երզնկայի վանքերը առաւելութիւններ ունին ուրիշ շատ մը վանքերէ . Ժողովուրդը բաւական հոգ կը տանի իր վանքերի, և եթէ մեծ յառաջըլիմութիւն մը չունի, գէթ վիշելու և աւերակ ըլլալու վտանգէն փրկուած է կանգուն մնացածներ :

Մեր նպատակէն քիչ մը հեռացանք :

Մենք պիտի գրէինք վանքերու ներկայ վիճակ, բայց ի՞նչ օգուտ եթէ լոկ պատմութիւն մը գրելով անցնիմք, այլ պէտք է դիտողութիւնք և խորհրդածութիւնք գրուին ազատօրէն, որպէս զի դարմանները չուշանան :

(A) Ժողովուրդը կը յուսայ որ դարձեալ օգնութիւն մը ըլլայ նոյն բարերարներու ժառանգներէ :

քաղաքէ, կէս աւերակ, վանապահ աշխարհական, ընդհոգաբարձութեամբ սամիրիչ արհեստաւորաց որք կը ջանան բարեկարգել և նորոգել :

Ս. Աստուածածնի (Շողակաթի) վանք, յարեմուտ և հուպ համանուն գիւղի, շինեալ նախ 'ի Թադէոս Առաքեալէ ըստ աւանդութեան, և ապա Մեծն Ներսիսէ, աշխարհական վարձակալ, ունի արտ, այգի և ծառաստան :

Կայիկոսի վանք, Ս. Յակոբ Մծբնայ Հայրապետի, բարձր գիրքով զառ 'ի վեր լերին Շողակաթի և ընդստորոտս Գոհանամ լերին. վանահայր քահանայ և յատուկ հոգաբարձութիւն. ցուրտ կլիմայիւ. 3 ժամ է 'ի քաղաքէն. Ս. Մինասի աւերակը մօտն է, որ երբեմն (ԺԳ. դարու) Յովհաննէս Երզնկացին պարապէր յուսումս : Ս. Յակոբի վանուց յանդիման և կէս մղն հեռու կայ մի մեծ Խաչարձան որ կանգնեալ է փոքրիկ լեռնադաշտի մը վրայ ուր կոչեն Թուրքք Խաչըն տիւղի :

Ս. Կիրակոսի մենաստան ընդ արեմտեան հարաւ, յանկոյս Եփրատի առ Քուրդ գեղիւ, 'ի մէջ ձորի անտառուտ, մի ժամ հեռու, և հանդէպ վանուց կայ մի քարայր որ կոչի մատուռիկ, և 'ի գաթաթս լերին Ս. Եղիա աւերակ և անյայտ. յաճախեն բազում ուխտաւորք. տեսչութեամբ ներկարար արհեստաւորաց քաղաքին :

Ներսէս Հայրապետի վանք, կամ Տիրաչէն. նախ Տիրանէ շինեցաւ. հոս է բազում Մեծին Ներսիսի Գիւտ նշխարացն. հարաւակողմն քաղաքին հեռաւորութեամբ միոյ ժամու՝ զարդարեալ այգիներով և ծառաստաններով : Սորա պարիսպն շինեալ է ԺԲ. դարուն և կը մնայ ցարդ :

1880ին ունէր մի վարժարան գիշերօթիկ 40 գիւղացի տղայոց համար, և ընդ հոգաձուլութեամբ Հմայեակ Եպիսկոպոս Գիմաքսեանի որ էր Առաջնորդ Երիզայի, առ ի չգոյէ եկամուտի գոցվեցաւ յետ չորից ամաց:

1883ին նուիրեց 130 Օսմ. լիրա հանգուցեալ ներսէս Ս. Պատրիարքն Հայոց՝ մի քանի սենեակ շինելու, ընդ հսկողութեամբ է յատուկ հոգաբարձութեան, և կերպիւ իւրք միացեալ Գրիստինեան օրիորդաց վարժարանի քաղաքին: Ս.յս վանք էր ի նախնու մն առաջնորդանիստ:

Ս. Գէորգի վանք, հուպ Երկան և Կելնցիք գիւղերու, ընդ հարաւ քաղաքի և հեռու 2 1/2 ժամ, ՚ի ստորոտս Տուժիկ լեռանց. այս վանք քայքայեալ էր բաւական. ներկայ հոգաբարձութիւն՝ որ գիւղերէ և քաղաքէ են, շինեցին բաւական, և յուսալի է բարեկարգութիւն:

Տատասկի վանք կամ Չարչարանաց Ս. Լուսաւորչի, հարաւային արեւելեան կողմն է և չորս ժամ հեռու քաղաքէն, յանգիման Մէրճան կիրճի, և եղբրս Մէրճան գետին որ կը բաժնուի վանքի քովերէն և կերթայ այլ գիւղեր. ունի շատ արաւեր, պարտէզ և այլի. վերջին 6-7 տարուան մէջ շատցաւ անպտուղ ծառեր: Վանահայրն է մի քահանայ ժառանգական, խոտակրօն և աշխատասէր: Հոգաբարձութիւնն է իր թեմի չորս գիւղի Հայերէ: Օղի և ջուրի առողջարար միճակ և աննրման գիրք կը քաշէ ոչ միայն Հայ ուխտաւորք, այլ և բազում թուրք պաշտօնեայք և մեծամեծք որ կերթան ընտանեօք, ոմանք վրաններ կը զարնեն մարդագետինը և ոմանք կը բնակին վանքի սենեակներ, թուրքեր աւելի յարգ կուտան այս վանուց և կը սիրեն վանահայրը:

Հոս պահուած է հին նշխարհօ սրբոյն Գրիգորի Լուսաւորչին , և ցարդ երբեմն արտերու մէջէ կելլէ երկաթեայ հին տատակներէ ՚ի ժամանակէ շարչարանաց Սրբոյն (1) :

Կայ նաև Սեպուհ Ս. Լուսաւորչի վանք և Սւաղ վանք , որոց վրայ պիտի դրեմ ֆէմախի պատմութեան մէջ :

Կայ նաև 13 աւերակներ վանօրէից , Քրիստափոր , Ս. Աստուածածին Եղնաբեր , Քառասուն Խաչեր , Առաքելոց , Անարծաթ բժիշկ , Ս. Մինաս , Ս. Եղիա և այլն անուամբ , որոց նշանաւորն է Թիլն աւանի վանք , յարեմուտս քաղաքին 3 մլնու և յեղերս Գայլ դետի և մօտ Եփրատի , ուր ՚ի նախնումն կանգնեալ էր պատկեր Աթանասի (Նանէական դիոց) :

Աստ թաղեցան Ս. Արիստակէս և Մեծն Ներսէս , որոց նշխարհ յայանեցաւ 1273ին և կանգնեցին եկեղեցի կրկին , և եղաւ աթոռ Հայրապետաց (Կաթողիկոսաց) և կոչեցաւ Զուխտակ Հայրապետ :

(Սյժմ է խափան և աւերակ և միմիայն կոյտ մի քարանց , և ոչ ոք ունի ուշադրութիւն մի այսպիսի հընադոյն և նուիրական տեղի) :

Հայրապետ Ս. Լուսաւորչի վանք , համանուն դիւղի մէջ մէկ մղոն հեռու յարեմուտս քաղաքին , ունի մի փոքր մատուռ շինեալ 361 թուականին , կէս աւերակ և վերջին տարիներս նորոգեալ սակաւ ինչ , ուխտատեղի

---

(1) Սյս վանքին եթէ աւելի հոգ տարուի , ասպագայի համար օգտակար կրնայ ըլլալ իր եղակի օղին , ջուրին , և ընդարձակ արտօրէից պատճառաւ :



Հայոց, և եկեղեցի Հայրապետի դիւղի 10-20 տուն  
Հայ բնակչաց (1) :

Կայ ուրիշ շատ եկեղեցիներու աւերակներ որ ցարդ-  
կերևի, և շատեր ալ հաւասար եղած են հողի, և եր-  
բեմն կելլէ խաչքարեր կեդրոնը երկաթ գամով, ինչպէս  
երեք տարի յառաջ ելաւ քաղաքէն կէս մղոն հեռա-  
ւորութեամբ տեղէ մը բազմաթիւ խաչքարեր (2) :

(1) Աւանդութեամբ և հին պատմութիւններէ կիմանամբ որ,  
երբ Տիեզերական Ս. Ժողովը գումարեցաւ ի Նիկիայ, Լուսա-  
ւորիչ ձերացած ըլլալով իր կողմանէ խրկեց Արթանէս և Արիս-  
տակէս Հայրապետները, որոնք Հաւատոյ հանգանակը բերին և  
Լուսատուն դասն 'ի նոյն դիւղ ներկայ մատրան տեղը, և մա-  
տային իրեն Հանդանակը որ կարգաց բարձր ձայնիւ (Հաւա-  
տամբ 'ի մի Աստուած) և այլն, և ապա գրիչ ուղեւով խաչա-  
կներեց և գրեց. « Իսկ մեր փառաւորեացուք որ յառաջ քան  
դյաւախեանս երկիր սլազանելով» որ ցարդ Հայաստանեայց Ե-  
կեղեցին Հանդանակի հետ կընդունի :

Սոյն պատճառաւ գիւղի անուն կոչեցաւ Հայրապետի, որ  
Թուրքերէն ալ նոյն է, և նոյն տեղ շինեցաւ եկեղեցի. ազգը  
շատ ուշադրութիւն և հոգ կընէ այս տեղի վրայ, բայց ինչ ինչ  
պատճառներ արգելք եղած են ցարդ նորոգելու :

(2) Այս քարերը ելաւ Թուրք երևելիի մը արտի քովէն որ  
խրկեց յԱռաջնորդարան. և ոմանք լրագրաց գրելով՝ թիւր մեկ-  
նութեամբ խաչը թաճ կարուացուեր է. Պոլսոյ Մէարիֆէն հրա-  
ման եկաւ և խաչերը վերցնելով տարին կառավարութեան ա-  
պարանք, զձեցին վրայի պատկերներուն օրինակը և խրկեցին  
Պոլիս, և գրեցին ճշդութիւնը. ապա հրաման դալով խաչերը  
յանձնեցին Առաջնորդարանի որ աւարկայ եղաւ պարսպ տեղ.  
խաչերու վրայ բնաւ չը կար գիր կամ թիւ. ոմանք երկաթէ  
գամ ունենալով կիմացուի թէ մեծ հնութիւն չէ. ինչպէս  
յայտնի է, երկաթ գամը վերջէն հնարուած էր, որոյ դէմ գրեց

Երբեմն կելլէ տապանաքարեր 3-4-5 դար յառաջ  
Թուականներով, ինչպէս 1883ին մի տապանագիր գտաւ  
Տ. Եղեկիէլ քահանայ իւր պարտէզէն, որոյ վրայ կար  
հետեւեալ արձանագիրը .

Այս է տապան հանդստեան Ըռուղտի փաշային  
դուստր Ս Յովհաննէսեան որ փոխեցաւ 'ի Քրիստոս ԶԶ.  
(այսինքն Հայոց 906 թուականին) . ըսել է 427 տարուան  
մի հնութիւն . սակայն չեմք գիտեր թէ ի՞նչ ըսել է  
Ըռուղտի, և ի՞նչ էր անուն օրիորդի որ Ս գրի նման  
նշան մը դրուած է, որոց լուծումը կարօտի հնագիտաց  
նոյնպէս գերեզմաններէ կելլէ Ք. Վ. Ք. դարերու  
տապանագրեր այս ինչ պէյի, կամ փաշայի, բայց ան-  
ժանօթ է մեզ թէ այս պէյ և փաշա տիտղոսները պաշ-  
տօնակա՞ն տիտղոսներ էին թէ Ժողովրդական : Հնու-  
թիւն մի է նաև Եփրատի աւերակ հին կամուրջը և Ար-  
շակի կամուրջը որ այժմ չորը մնացած է : Ի վերջ բան՝ Եր-  
զընկայի քաղաք և գիւղօրէք մի հնութիւն է ամբողջ,  
ամեն տեղէ կելլէ սիւնի քարեր և անկիւններ, սափօրներ  
մեծ ու փոքր, իսկ ոսկերոտեաց չափ և սահման ան-  
ցած է :

Մեծ հնութիւններ կան ինը ժամ հեռու Սատաղ  
գիւղն, ուրկից ելաւ տապանաքար մը մեծ քարէ գե-  
րեզմանի մը մէջ որոյ արձանագիրը Լատիններէն էր և  
մէջը կար պղտիկ շիշով մը աչքի արտասուք քարացած,  
որ Քրիստոնէութենէ յառաջ կար այս սովորութիւն :

---

Յունաց Կիւ Մանուէլ կայսրը և Սինողը, որ մերժեց մեր Կի-  
լիկոյ Հայրապետը : (Տես Ընդհանրականի մէջ որ գրուած է եր-  
կար բացատրութեամբ : )

Նոյն գիւղ կերևի այժմ ապարանքի և խոհանոցի հին աւերակներ և նշաններ, և գիւղացիք կը գտնեն պղնձեայ և այլ գրամներ Յունական գրերով և պատկերներով:

Այս գիւղէն ելած էր մէկ հին արձան (մեծ գլուխ մը), գտնող թուրք Երզնկայ տանելով կուղէ վաճառել 400 դահեկանի բայց չի ծախուիր: Կառավարութիւն իմանալով կառնէ և կը խրկէ Կարին (որ մեք տեսանք 1874ին ՚ի Կարին), կուսակալ Սամիհ վաչա ալ Պօլիս կը խրկէ. գտնող գեղջուկը Պօլիս գալով ստացաւ 25 ոսկի նուէր և հրամանագիր մը, որ կըլլին փորելով գտնէ նաև մարմինը (1):

Երզնկայի պատմութիւնը այսքանիւ այժմ բաւ համարելով, ուրիշ աւթիւ պիտի գրեմք սովորութեանց, հին և նոր ցեղերու և այլ նիւթերու վրայ: Անցնիմք մեր ճանրորութիւնը շարունակել՝ Գերջանէ սկսելով:

---

(1) Հնախոյզներէ ոմանք կրտսն թէ նոյն գլուխը Փարիզ կամ Լոնտոնի մուզահանէն է և իբր թէ ծախուած է 11,000 ոսկիի, բայց ստուգութիւնը չեմք գիտեր: Մարմինը գեռ գրտնուած չէ. հնագէտներէ ոմանք կը կարծեն Անասիտի արձանը ըլլալ. աւանդութեամբ լուած է թէ Անասիտի արձանը երգրնկայի Տատասկի վանուց դէմ Գամբրոր անուն Քրդարնակ գիւղի մէջ գտնուած կրկնակի բլուրներու մէջ է, որոնք գեանուղի մ'ալ ունին որ խափանուած է. բայց սոյն բլուրներ կը կտրածուի ոսկերոտեաց կոյս մը ըլլալ:

## ՆԱՄԱԿ Բ.

ԴԵՐՋԱՆ ԿԱՄ ԹԷՒՄՆ

1863—82

1863ի աշունը մեր անցանք Դերձանէ ՚ի Կարին, և սոյն թուականէ վերջ ալ մի քանի անդամներ այցելեցինք անճնական գործերով և երբեմն պաշտօնով, թէև 1853ին մի անգամ անցած էինք ՚ի Մուշ Ս. Կարապետ ուխտի երթալով իմ ծնողաց հետ, վերջապէս համարէ թէ շրջած և տեսած եմ մեծ մասը գիւղերուն, որ քաղաք չունի :

Թէրճան անունը ազաւաղեալն է Դերձանի և էր հնումն այս անուն, չեմ գիտեր անունի ստուգաբանութիւնը, և չեմ կարգացեր պատմութիւն մը թէ ե՞րբ և ո՞վ շինեց, բայց քանի որ չունի կեդրոն մը, անշուշտ չունի աւելի տեղեկութիւն քար զոր կը գրեմք :

Դերձանի արևելքն է Կարին, հարուն ստորին Կեղի, հիւսիսն Խաղտեաց լեռինք (Գօք տաղի) և արևմուտն (Պալապան) գիւղօրէք խառն Գուղչանի և Երիւղայի :

Կեդրոնն է Մամախաթուն, ոմանք կարծեցին մանան աղիէ ազաւաղեալ, որ համանուն ջուրն (Թուղասույի) կը հօսէ իր ստէն և կերթայ Կոթեր գիւղի մօտ կը խառնուի Եփրատի Կարնոյ թևին :

Աստ (Մամախաթուն) կայ մի խան հին քարաշէն, մի մզկիթ, մի բաղանիք և մի շիրիմ՝ որք կաղմն հնութիւնք, յետոյ շինուած է զօրանոց, կրպակներ և այլն. գիւղն է 30 տուն թուրք բնակչօք, և է ՚ի վերայ կար-

նոյ-Երիզայի ճանքուն , որոց ճիշդ կէսն է և հեռաւոր  
16ական ժամու :

Խանին հնութիւնը և չորս սիւները առակ դարձած  
է (1) , բայց որոշ թուական մը տեսած չեմք . շիրխը  
( թիւրպէ ) շինուած է Սառակինեան ոճով և ունի 12  
դերերգման բոլորակաձև կամարներով բաժանեալ , նըշ-  
մարի աղբիւրի որ այժմ է աւերակ , դուռն զարդար-  
եալ ծաղկենկարիւք քիւննթեռնի հին գրերով , ա-  
ւանդութեամբ կըսեն թէ Սելճուգիներէն արքայազուն  
իշխանուհի մը շիներ է խանը , որ դամբանն է իւր և  
իւրայնոց (2) : Մզկիթն է կոթած և փոքր և կոկիկ , իսկ  
բաղնիքը հասարակ :

Կառավարութիւնն է գայմէգամութիւն (տեղակալ)  
ընդ իշխանութեամբ Էրզրումի , ունի երկու ժողով Խ-  
րոբէ և Պէրոյէն անուամբ (վարչական և դատական) , քա-  
նի մը քարտուղարներ , պաշտօնեայներ , դանձապետ մը  
և խումբ մը ստտիկան , կառավարութեան շէնքն է հին  
և անյարմար :

Գերջանի օդը բարեխառն է , բերքն է ցորեն , կը-  
տաւատ , փեթակ , ոչխար և այլն :

Չունի այգի , պարտէզ , և ոչ ալ անպտուղ ծառեր :  
Երկրագործութեան համար ընդարձակ և տրամադիր  
հող , ջուր և ամեն միջոց կայ . ընդունակ է այգիներու

---

(1) Արձանագրութեանց մին կը յայտնէ իբր սիւներու միոյն  
ներքև ըլլալ գանձ մը . և չորս սիւնի վրայի արձանագրութիւնք  
ալ կըսեն «պէնտէ տէյիլ օնտա տըր» , որով առակի կարգ ան-  
ցած է Մամախաթուն տիրէյի , կամ պէնտէ տէյիլ շունտա տըր :

(2) Շատ տեսակ աւանդութիւնք կան Մամախաթունի վրայ :

պտղալից և անպտուղ ծառերու, բամպակի, կանեփի մշակութեան, բայց ժողովուրդը անհող, ծոյլ և տգէտ է. ոչ ոք ուշադրութիւն ըրած է այս դաւառին. աւստի ժողովուրդը ամառը աշխատելով՝ հանած բերքերնին կը լեցունեն քանի մը անխիղճ վաշխառուներու քրտակ՝ իրենք դարձեալ մնալով աղքատ և ձմեռն ալ պարապ:

Նշանաւոր դիւղերէն մին է Բաղառիճ, 'ի հնումն Բաղայառիճ, ուր կանգնեալ էր պատկեր Հելիէստեայ չաստուածոց, հիւսիսակողմն Մամախաթունի և 3 ժամու ճանապարհ 'ի վերայ ճանապարհին Բաբերդի,

Ժողովուրդն է իբր 3-600 տուն թուրք և Հայ: Գիւղի կեդրոնն է հին բերդը բնական ժայռերու վրայ որ կազմած է մի բլրածև լեռ:

Ի վերայ բնական բերդի կայ աւերակ շինուածոց, ունի դեանուղի (թօնէլ) ճամբայ փախստեան և ջուր հանելու 'ի բերդն:

Տափարակ քարերու վրայ կայ սեպագիր կամ բեւեռագիր 14 հատ, որձաքարերու մէջ փորեալ:

Մէն մի դրի երկարութիւնն է 6-12 ոտք, և լայնութիւնն 1էն 4 ոտք, խորութիւնն 1-2 ոտք, որոց օրինակը ուղած էր կարնոյ Առաջնորդ Յարութիւն Ս. Արքեպիսկոպոս Վեհապետեան (այժմ Պատրիարք), և դժելով խրկեցինք, որ կարծեմ հնագէտ Մօրթման Գերմանացին ուղած էր լուծելու համար (1):

---

(1) Յարդ տեղեկութիւն մը չունիմ թէ այն դրերը լուծուեցա՞ն թէ ոչ. եթէ լուծուեցան, ի՞նչ է, որ աւանդութիւնք կը պատմեն շատ բաներ:

Բերդի ստորոտն և գետնուղիի բերանն է ջուրի աղբիւր մը որ կը բղխի, և գետնուղին աստիճաններով կելլէ 'ի բերդ (1) :

Այս դիւղ կը բնակի հռչակաւոր Գալոյ քէհեայի գերդաստանը , որոյ միակ որդին կայ այժմ՝ Մ. Յովհաննէս էֆէնտի (2) :

### ԿՕԹԷՐ ԳԻՒՂ

Տաճկերէն Քէօթիւր , Եւրոպացիք կոչեն Քուդգուր , նշանաւոր իր համանուն կամուրջին համար , յանուն հին երկրին Կոտերոյ որ էր միջասահման ի՝ Հայս Դերջանի և Եկեղեաց , յորում էին 'ի հնումն աւան Սուրէնաշէն և դղեակ Պարթէնից ժառանգութիւն հօրն Ս. Թէոդորոսի նահատակին յաւուրս տքնութեան Լուսաւորչի 'ի վերայն :

Ս. Թէոդորոսի մենաստանն է Կոտերի և Երիզայի ճամբէն դուրս Ինձորիկ դիւղի մօտ՝ ի մէջ ձորի և դըժուարընթաց ճանապարհներով . վանապահութիւնն է ժառանգական կրկին քահանայից՝ խստակրօն հսկայ պարթեւաձեւ , այժմ՝ բաղձանալով բաժանեալ հինգ վեց

(1) Թօնէլ շինող Եւրոպացիք իբր նոր զիւտ ըսելու իրաւունք չունին , քանի որ Անի , Դերջան , Քէմախ և այլ շատ տեղեր կան դարաւոր գետնուղիներ , ինչպէս նաեւ Քաղառիճ , Երզնկայ , Հալէպ և այլն :

(2) Այս անձը բաւական յառաջադէմ է , և երբեմն սլաշապան կը կանգնի ժողովուրդի իրաւանց . իսկ իր ծայրայեղ բնութիւնը միշտ կենթարկէ զինքն վնասուց և վտանգի . են ի բնէ հիւրասէր և ունին տուն , պարտէղ և երկիր (արտ) և այլն :

տուներու , կապրին երկրագործութեամբ և վանուց ե-  
կամուտներով :

Նշանաւոր է Ծաղկարի Ս. Դաւիթ վանքով եփրա-  
տի երեսէն քիչ հեռի : միակ մենաստան Գերջանի , ուր  
կայ մեծ խաչ արձանք , շատ դրերով , որք կը յիշատա-  
կեն խաչին հրաշքները . (Թուական չունին) :

Ուրիշ շատ աւերակներ կան ուխտատեղի կամ  
զբօսավայր , ուր յաճախեն ընտանեօք տօն օրերու , կը  
սլարեն թմբուկներով և փողերով . . . :

Կօթերի կամուրջը որ նշանաւոր է , աւանդութիւնը  
կըսէ թէ շինած է Կօթերցի մի Հայ երկրագործ Ժ.Գ.  
դարուն , որոյ քովը կայ հին խանի մի աւերակ և Դ.  
բարձունս մի ուխտատեղի (մատուռի մը) աւերակ :

Հնութիւն է նաև Ճիպիճէի հին խանը և կը կար-  
ծուի շինուած ըլլալ Սուլթան Մուրատ չորրորդէ որ ու-  
նի շատ կողմեր այսպիսի հոյակապ խաներ ՚ի վերայ ճա-  
նապարհաց (A) :

Գերջանի Ժողովուրդ են Թուրք , Հայ , Քուրդ . այ-  
ժըմ բնակութիւն հաստատել սկսած են նաև Պարսիկ-  
ներ . Թուրք գիւղեր ունին մզկիթ , նոյնպէս Հայք ե-  
կեղեցի , և ընդհանրապէս ջերմեռանդ ու ուամիկ են :

---

(A) Այս խանի դրան վրայ արձանագրութիւն մը կար . խա-  
նը պիտի շինէինք հրամանաւ կառավարութեան , ( որ սլարա-  
դայք չը ներելով ցարդ կը մնայ աւերակ ) քարը մէկ կողմ առ-  
նել տուած էինք կարգաւ տալու համար . հին քիչ դրերով  
էր . մօտակայ գիւղացի Քուրդեր աւանդութենէ լսած ըլլալով  
թէ շրջակայ արտեր կը վերաբերի խանին , գիշերայն կը կոտ-  
բեն նոյն քարը , առաւօտուն տեսանք կոտորած և կտորները  
ցրուած որ անկարելի եղաւ կարգաւ :



Քուրդերը չունին մղկիթ կամ աղօթատեղի, ոչ ծով և ոչ աղօթ.ք : Հազրէթի Ալին, կըսեն իրենք, մեր ծովը աղօթ.քը ամենքը լինցուցած է, որոյ աղանդներու վրայ ունիմք գրելիք :

Գերջանի դաւառը ուշադրութեան շատ արժանի է. հողերը խիստ աժան է և բերրի, ու երկրագործութեան ընդարձակ ասպարէզ. նաւահանգստին մօտ ըլլալով, Կարնոյ և Տրապիզոնի խճուղիին կրնայ կցուիլ քիչ ծախսով և աշխատութեամբ, և կրնայ օգտակար դաւառ մը ըլլալ Տէրութեան և Ժողովրդեան համար (1) :

Գերջանի երկիրը շատ յարմարութիւն ունի մեղուարութեան, և կրնամ ըսել թէ մինչև իսկ շերամագործութեան :

Քաղցրիկ յոյսեր ունիմ այս Գերջան դաւառի վրայ որ այսուհետև շնորհիւ մեր Յղոտտախաւ և հպատակիննամ Սուլթանի՝ բանիրուն գայմէգամներ և պաշտօնեայներ ընտրուելով, մէկ կողմէ Ժողովուրդի կըրթութեան և միւս կողմէ գաւառի բարգաւաճման հողատարուելով ըլլայ օգտակար երկիր մը :

Այս երկրի յետադիմութեան պատճառները շատ

---

(1) Հոս ալ կը մտածեմ թէ ամեն կարգի հարուստներ, վաչաներ, պէյեր, և հարուստ վաճառականներ հազարաւոր ոսկիներ կուտան Պօլսոյ մէջ Էալէ մը, տուն մը, կամ մազազա մը կը դնեն, նոյնպէս գաւառաց կեդրոն քաղաքներու մէջ, արդեօք չըլլա՞ր որ երբեմն ալ այս տեղեր դնեն միակ մէկ հազար ոսկիով ամբողջ մի գիւղի հողեր և իրենց շնորհիւ երկիրը բարգաւաճի, ինչպէս Չարսանճաքը, Քասէնը, և այլ շատ մը տեղեր անտէրութենէ, և հարուստներ չգանուելով ենթարկուած են աղքատութեան և զրկողութեան :

է, որոցմէ մին ալ քաղաք մը, կեդրոն մը չըլլալն է, ինչպէս գրեց Հ. Շիւշէճեան :

Երզնկայի և Դերջանի պատմութեան մէջ, նոյնպէս ուրիշ շատ մը քաղաքաց, յաճախ կը յիշուի Եփրատ գետը, ուստի հետեւեալ նամակս կը գրեմ Եփրատի վրայ, որ այնքան կարևորութիւն ունի աշխարհագրութեան և պատմութեան մէջ :

## ՆԱՄԱԿ Գ.

### ԵՓՐԱՏ ԳԵՏԸ

Այս գետն է Եդեմական չորս գետերէն մին կամ գլխաւորը, թէև չորրորդը : (Տես Ատոու ածաշունչի Ծընընդոց Գ. գլուխ 10-14 համար) :

Եփրատի երկայնութիւնը բոլորովէն մինչ ծովը թափած տեղը հաշուած են նախնիք 1300 մղոն :

Կը բղխի Կարնոյ սահմանին մէջ Տումլու անուն լեռնէն որ 19 000 ոտք բարձր է ծովու երեսէն, մասն Պին պիր կէօլ կոչուած ալեբու, ուր էր Եդեմական պարտէզը ըստ պատմութեան :

Սկիզբը կիջնէ Կարնոյ դաշտ, և կոչի Սև ջուր և կը միանայ Սէրչէմէ անուն գետալի հետ, կրկին ունելլով անուն Սև ջուր՝ կընթանայ դէպ յարևմուտի դաշտն էրզրումի, և տպա դէպ հարաւ ՚ի Դերջան, կը միանայ Մանանաղի ջուրի հետ որ կոչեն Թուզլա սուլի կամ Թէրճան սուլի, մօտ Կօթերի հռչակաւոր կամուրջին :

Հօս (Դերջանի մէջ) անունը կը փոխուի և կըլլայ

Եփրատ . լռիկ մեջիկ կերթայ հարաւային արեմուտք  
Երզնկայ (1) , նոյն ուղղութեամբ սլոր մուր ճանքայնե-  
րով Քէմախ , Ակն և Կապան մատէն , ուր էր սահման  
ի հնումն : Կարինէ մինչ Մատէն կընդունի անթիւ գե-  
տակներ , առուներ և առուակներ իր ծոց , ինչպէս Գեր-  
ջանի և Պալապանի ջուրեր , Զորբերանի , Բաղնիքի , Մէր-  
ճանի , Գայլ գետի , Աւ ջուրի , Քէօմիւր սու , Գուրու-  
չայ , Գարբառունար , Գուրմա և այլ անուն ջուրերը :

Կապան մատէնի մօտ կընկերանայ իր քրոջ հետ որ  
գայ յահեկէ Մատէնի , որ է ինախնումն բուն Եփրատ  
կամ Արածանի (Տաճկերէն Մուրատ) որ գայ յարևելից  
Բագրևանդայ :

Կապան մատէնի քովը կամ ոտքը կըլլայ գետ ա-  
հեղատեսիլ նման ծովու , ուրկից ճամբորդք կանցնին  
+էլէկներով (2) կամ Կեֆով (3) :

Հոս հզօրացեալ մեծն Եփրատ իր հպարտութեամբը  
խիտ ծանր ծանր ընթանալով կերթայ մինչ Պիր (Պիրէ-  
ճիկ) թողելով լաղում քարաւաղ կօշկու և խոխոմ :

---

(1) Երզնկայի գաշտին մէջ երկուքի կը բաժնուի , և քա-  
ղաքի մօտ կը միանայ որ կըսուի Մեծ և Փոքր Եփրատ , և եր-  
կուքի միջավայրը կըլլայ սեպածե մի կղզեակ ուր կայ նաև 2-3  
գիւղեր :

(2) Ետ մը տիկեր իրար կապելով վրան կը շարեն փայտէ  
ձողեր , ճամբորդք կը նստին անոր վրայ , և քէլէկճիներ կը տա-  
նին ի գէմ :

(3) Կէմի կըսեն Պօլսոյ մեծ մավունաներու նման շինուած  
խիտ անկանոն նաւակներու , որով կանցնին թէ՛ ճամբորդք և  
թէ՛ իրենց կենդանիք :

կը ձևէ բովանդակ Միջոցէտ . Ասորիք կընթանայ Բաբիլոն (Իրազ Արապի) և կը խառնուի Տիգրիսի հետ ՚ի հուպ Խուռնայ քաղաքին , ուր կըլլայ (Շատիւլ Արաբ) և յետ սակաւուց կը թափի ի Տոցն Պարսից :

Այսքան է Եփրատի համառօտութիւն , թէև ունի բնդարձակ մանրամասնութիւնք և շատ բանաստեղծութիւն , երգեր և այլն , որոնք գրած են նախնիք և գետ կը գրեն ներկայ ուսումնականք :

## ՆԱՄԱԿ Դ .

Կարին , 1863 — 1882 .

Առաջին անգամ այցելեցինք ի Կարին 1863ին , և ապա 1863էն վերջը շատ տարիներ մնալով մէկ կամ աւելի ամիսներ մինչ 73, և մնացինք շարունակ 4-5 տարի երբեմն բնտանեօք , և վերջի պատերազմի ատեն մեկնելով , կրկին այցելեցինք 1882ին : Կարինը իմ երկրորդ հայրենիքս է . Կարին շատ այցելած են և երբեմն բնակած մեր հայրը , պապը և նախնիք , նաև Երզնկայի կեդրոնը , որու կապուած է թէ՛ քաղաքական իշխանութեամբ և թէ՛ վաճառականութեամբ :

## Կ ԱՐԻՆ , ԷՐԶՐՈՒՄ , ԹԷՌԳՈՒՊՈՒԿՈՒԽՍ

Հայերէն կըսուի Կարին , (ստուգարանութիւնը չեմ գիտեր) , Տաճկերէն էրզրում կամ Արզի-բում (երկիր յունական) , Յունարէն Թէոդուպօլիս : որ նորոգ շինե-

ցաւ Ե. դարուն ի Թէոդոսէ, երբեմն էր մայր քաղաքաց  
Յունական Հայ բաժնի :

Եղև միշտ քաղաք անուանի, վասն քաղաքական  
վարչութեան, ամրութեան և շահաստան վաճառուց,  
այլ և այլ կարևորութեան, որք պատճառ տուին յս-  
լովակի անկանիլ ի ձեռս Յունաց, Պարսից, Արաբացուց,  
Թուրքաց, Վրացուց և Թաթարաց :

Երբեմն տիրադրուիս և հարկատու նստան պետք և  
Սուլթանք յաւուրս Բագրատունեաց և Ռուբինեանց . . .  
և ապա անկաւ ՚ի ձեռս Օսմանեան բարեխնամ կայս-  
րութեան . 1828ին ինկաւ ՚ի ձեռս Ռուսաց, աւերեցաւ,  
աւարեցաւ, անշքացաւ, նուազեցաւ վաճառականութիւն  
և բնակիչք :

Կրկին բարգաւաճեցաւ ՚ի խնամս Տէրութեան, պա-  
հելով իր նախագահութիւն Օսմանեան իշխանութեան :

Նստած են միշտ բարձրաստիճան վաշաներ, որք  
կոչէին էւսէբէ Էրբուս Էսէբէ, և ընդ իշխանութեամբ ու-  
նէր էեալէթի Չըլլըր, Կարս, Վան, Հէքքեարի, Մուշ,  
Բաղէշ, Պայաղիտ, Երզնկայ, Տէրսիմ և այլ շատ քա-  
ղաքներ :

Կարինը սահման է Ռուսաց և Պարսից . միւս կող-  
մերը կը ձևէ Քարբերդի, Սերաստիոյ, Տիգրանակերտի  
և Տրապիզոնի վեպէնները :

Էրզրում շատ անգամ եղած է երկրաշարժ, սա-  
կայն վերջի 1858ին երկրաշարժը մեծ եղաւ և բաւա-  
կան մնաս տուաւ :

Օգն է ցուրտ և ձմեռային :

ԺՉ. դարու առաջին քառորդին սասանեցաւ ուժ-  
ղին, և ձմեռը երկար տևեց . բնակիչք դաղթեցին

փախան այլ գաւառներ և էրդրումը մնաց աւերակ մի քանի տարի :

Յետոյ Քուրդ Հաճի Ալի պէյ անուն մի անձ 12,000 մարդով եկաւ ընակեցաւ ՚ի Կարին և սկսաւ շինել և նորոգել ինքնագլուխ , և իրեն ընկերացաւ Մէհմէտ խան անուն Քուրդ մը , և ապա տեղեկագրեց առ Բ. Գուռն Կ. Պօլսոյ , որ հրաման տրուեցաւ իրեն կառավարել իբր վալի . քանի մը տարի վերջ Բ. Գուռը իմաստուն խորհրդով մը խրկեց Ֆէրհատ փաշայ անուն աշխարհաշէն վալին Տաճկաց հիճրէթին 934 թուականին , որ խոհեմութեամբ վարուելով Քրդերու հետ , նորոգեց շինեց քաղաքը և շրջակայից բնակեցուց ամեն ազգերէ Օսմանեան հպատակներ , որուն յաջորդելով մինչև ցարդ 232 վալիներ , շքեղացուցին մեծ շէնքերով , աղբիւրներով , և ըրին կրկին շահավաճառ :

1878 փետրուարին կրկին անկաւ ՚ի ձեռս Ռուսաց ոչ թէ պատերազմով այլ դաշնակցութեամբ , որք նըստելով 7 ամիս պարպեցին զնացին . այս անգամ ժողովուրդը չը գաղթեց կառավարութեան արթուն անօրէնութեամբ՝ Ղաղի Ահմէտ Մուխթար և Մուսա փաշայից ու Յարութիւն Եպիսկոպոսի մասնաւոր ջանքերովն : Ռուսք հիւանդութենէ ձգեցին բազմաթիւ մեռեալք որոց ՚ի յիշատակ շինած են մի կոթող ՚ի գերեզմանաւան Հայոց : Շինեցին քանի մը աւերակներ , և լեցնել տուին փոսեր . լաւ վարուեցան թուրք ժողովուրդի հետ , և չեղաւ անտեղութիւնք :

1864 ին Մուլթան Աղիզ երջանկայիշատակ Կայսեր ժամանակ եղաւ Կարինը վիլայէթ ըստնոր Բեշէլի , և բաժանեցաւ ութը միւթէսարըթութեան , 48 դայմէ-

գամ ութեան և շատ միւտիրութեան քաղաքներու :

Անգլիանիկ վալին էր՝ Էմին Մուսլիս փաշայ, որ առաւ Էրզրումի մի նոր կենդանութիւն, ըրաւ այնպիսի ձեռնարկութիւնք՝ որ եթէ ցարդ տեւէին, Կարինը պիտի տեսնէինք ուրիշ կերպ. նորա յաջորդեցին Մէհմէտ Բէշիտ, Հաճի Ահմէտ, Իսմայիլ Հազդը և այլ փաշաներ, և ապա ներկայ կուսակալ արդարասէր Մուսթաֆա փաշայ որ կոչի Ֆօսֆօր :

Մուսթաֆա փաշա էր զօրապետ (ֆէրիզ) և շինեց Կարնոյ, Կարսի և Արտահանի ամրութիւնքը (խթիհ-քեամ) և Տրապիզոնի խճուղին, եղաւ միւշիւր չորրորդ բանակին որ կը նստէր յԵրզնկայ. 1869ին միւշիւրութիւն և վալիութիւն միանալով եկաւ Էրզրում՝ իւր հետ բերելով բանակի պաշտօնեայք. երբեմն Պօլիս բարձր պաշտօններ վարելէ վերջ, կրկին անգամ եղաւ վալի. միւշիւրութիւնը բաժնուած էր պատերազմի ատեն. միացեալ պաշտօնը վարեց նաեւ 13 ամիսի չափ նշանաւոր Ղադի Ահմէտ Մուսթար փաշայ խոհական զօրապետը և երբեմն Սամիհ փաշայ :

Քաղաքը շինուած է Կարնոյ դաշտին հարաւակողմը լեռներու ստորոտը 3 մղոն հեռի Տէվէ պոյնի կիրճէն և է բարձր 3740 ոտք (1) :

Կարնոյ դաշարը 32 մղոն երկայն է արևելից 'ի մուտս, և 10 մղոն լայն հիւսիսէ 'ի հարաւ, շրջապատեալ և գրեթէ ամենուստ պարսպեալ լեռներով որք դաշտէն

---

(1) Բարձրութիւնք կը չափուին ծովու երեսէն. աշխարհագրութեան մէջ կարևոր մաս մ'է բարձրութիւնը. հիմա ժամայօցի նման գործիք մը կայ բարձրութիւնը չափող :

բարձր են մինչև 6000 սաք. դաշտը՝ որ կոչի օշո, ունի փոքր գետակներ, առուներ, սև ջուր և սէրչէմէ որք կընդունի շրջապատ լեռներէ և կը խրկէ յարեւմուտս կաղմել զեփրատ : (Տես երես 36.)

Այս ջուրերն ու ակերը (կէօղէ) կը կաղմեն կարնոյ շոֆը լճաձև ճահիճները :

Քաղաքի յատակագիծն է զառ ՚ի վայր, տեղ տեղ փոքր բլրակներ . ունի առատ աղբիւրներ պաղ և քաղցրահամ ջուրերով որք ունին անուռներ, ինչպէս, Թօփհանէ, Գրմզի փունար, ձէննէթ փունարի, Չէթէճի, Խպրահիմ փաշայ . ունի կրկնակի բերդ, Գարադալէ և Իչ գալէ անուամբ : Արաբացիք երբեմն կոչէին զկարին Գալի գալէ բերդին անուռնովը : Միայն միջնաբերդի մէջ կայ հին շինուածքներէն՝ ասպարանք, զինարան, գետնախոր տեղեր (բանա կամ գանձատուն) և նշանաւոր աշտարակ մի (Ա) (Թէփուսի մինարէ) :

Միջնաբերդի պարիսպն է հաստատուն քարերով, անկիւնաւոր և աշտարակաձև . ՚ի մէջ երկու պարսպաց կոչնն Հիսար պլիչէն կամ Պէտէն արասի, որք հետըզհետէ կըլլան աննշմարելի . ունի չորս գուռ, Թէպրիզ գաբուսի, Կիւրճի գաբուսի, Էրզինճան գաբուսի և Եէնի գաբու անուռներով, Մեծ պարսպի մէջն էր խոր խրամները, որ այժմ քիչ տեղը մնացած է . նոյնպէս քաղաքէն քիչ հեռի կար խոր խրամատեղիք զորս գոցեցին նոր ամբութիւնք (իսթիհէքեամ) :

Քաղաքը շինուած է ՚ի մէջ պարսպացն և արտա-

---

(Ա) Այս մինարէթին վրայ կայ եզեր ՚ի հնումե արհեստաւոր մի ժամայոյց, որ 1828ին անհետացեր է :



քոյ . ունի բազում հնութիւնք որոց նշանաւորներն են հետևեալք . Ուլու ճամի (մեծ մղկիթ) երկայնութիւն 150 և լայնութիւն 120 հարաւակողմն միջնաբերդի , սաքաշէն և լայն որմերով քարուկեր , չորս կարգ կամարներով , 'ի վերայ 28 որմասիւններու :

Գմբէթն կործանեալ , ունի 7 դուռ , ոմանք որմեալ գոց . և այժմ է շտեմարան . արձանագրութիւնք են աւերեալ կամ անընթեռնի . ոմանք կարծեն 'ի հընումն լինել դիւանատուն . մերձ է տապանք (կամարեայ) վկայիցն Յովսէփայ և Սահակայ որք նահատակեցան անդ 808 թուականին (1) :

Զիֆթէ մինարէ , 'ի հնուց աղօթատեղի և ուսումնարան , կրկնակի աշտարակներ մեծ դրան քովերը , գոյնգոյն յախճապակեայ , շինեալ 933 թուականին հրամանաւ Մէլիք խան թագաւորին Խալիլէֆն , ինչպէս կրսէ Պարսկերէն լեզուաւ և քուֆի դրերով արձանագիրն . մերձ է Ուլի ճամի մղկիթին և Թէպրիզ դրան :

Լալէ փաշայ ճամիսի , դեղեցկաշէն , շինեալ Տաճկաց 949ին Լալէ Մուսթաֆայ փաշայէ , սր և կոչի Կահանէի Քեօղէ , համաձև և համաշափ Մէքքէ քաղաքի Քեապէին (ուխտատեղի) ամբողջ սրբատաշ և կամարաձև երևք դրունս և ընդարձակ գաւիթ և աղբիւր . զարդարուած է յախճապակիով . ունի բազում արձանագրութիւնք որոց նշանաւորներն են վեց պատուհաններու

---

(1) Զիօրիի հէմամի մօտ տան մը մէջ մի աղբիւրի չափ ջուր մը կեցէ . ջերմ ունեցողք կերթան նոյն ջրով կը լօկնան , և ոմանք կը բժշուին , անունն է նահատակի աղբիւր . ըստ ականդութեան նահատակուած ատենինն բղխած է այս ջուր :

դւուիս յախճապակի (մինէլի) և ճէլի (զարդարուն) տա-  
ուերով դրուածները :

Լաիլահէ իլլալահ , Մուհամմէտ ըէսուլ ուլլահ

Լաիլահէ իլլալահ , Իսա բուհ ուլլահ

Լաիլահէ իլլալահ , Մուսա քէլիմ ուլլահ

Լաիլահէ իլլալահ , Տավուտ խէլիֆէթ ուլլահ

Լաիլահէ իլլալահ , Իպրահիմ խէլիլ ուլլահ

Լաիլահէ իլլալահ , Նուհ նէճի ուլլահ

Թարգմանութիւն

Ձիք Աստուած բաց յԱստուծոյ միոյ , Մուհամմէտ  
առաքեալ Աստուծոյ

Ձիք Աստուած բաց յԱստուծոյ միոյ , Յիսուս հոգի  
Աստուծոյ

Ձիք Աստուած բաց յԱստուծոյ միոյ , Մովսէս խօսակից  
Աստուծոյ

Ձիք Աստուած բաց յԱստուծոյ միոյ , Դաւիթ ընտրեալ  
յաջորդ

Ձիք Աստուած բաց յԱստուծոյ միոյ , Աբրահամ բա-  
րեկամ Աստուծոյ

Ձիք Աստուած բաց յԱստուծոյ միոյ , Նոյ փրկեալ  
յԱստուծոյ

Նշանաւոր են Գուրչունի ճամի , Ճաֆէրիյէ , Չինիլի  
մինարէ , Մուրատ փաշայ և այլ մզկիթներ , որոց շա-  
տերը ունին նոյն անուամբ բաղանիս , աղբիւրներ , Բէ-  
ռէներ , հոյակապ շիրիմներ շատ մը քեղերնբու և այլոց ,  
Նշանաւոր է Հայոց միակ Ս. Աստուածածին եկե-

ղեցին մեծ և սրբատաշ և վերջի դարուս առաջին քա-  
ռորդին կրկին շինուած 26 սիւներով. ունի կցեալ մի  
մատուռ հին որ կոչի տաճար նաև ուխտատեղի բոլոր  
ազգաց, ընդարձակ դաւիթ և պարտէզ, հոյակապ զան-  
դակատուն (շինեալ 'ի Փաստրմաճեանէ), կիցն է Հայոց  
ընդարձակ Արքեպիսկոպոսարանը, պատարագիչ քա-  
հանայներու սենեակները, եկեղեցւոյն կալուածները՝  
շինեալ 'ի ժամանակի Առաջնորդութեան Յարութիւն  
Արքեպիսկոպոս Վեհապետեանի, և վարժարանն տղայոց  
(շինեալ 'ի Մակարեանէ), և աղջկանց ընդարձակ վար-  
ժարան (1) շինեալ հանգանակութեամբ և յատուկ ջա-  
նիւք Առաջնորդին և երևելեաց Հայոց. և պարտէղին  
կից է ընդարձակ գերեզմանատունն Հայոց ուր և մասն  
ունին Հռոմէական Հայք և Յոյք՝ բաժանեալ թաղերով,  
ճամբաներ զատուած և անպտուղ ծառերով զարդա-  
րեցաւ 1880ին. եկեղեցին մեծ է Ասիոյ հայաբնակ դա-  
ւառաց բոլոր եկեղեցիներէն, և ունի կրկնակի սլահա-  
րան, ամպիոն, շքեղ զարդ, զգեստ եկեղեցական և բա-  
ւական կալուածներ (2):

Կայ մի եկեղեցի Հռոմէական Հայոց որք են 120  
տուն 'ի քաղաքի, է պայծառ և ճոխ զգեստիւք, Առաջ-

---

(1) Այս վարժարանի շէնքն առժամեայ կերպիւ տրուած է  
Սանասարեան վարժարանին, և աշակերտուհիք կը յաճախեն  
աղջկանց հին վարժարանը որ շինեցաւ 1870 ին:

(2) Կարին միակ եկեղեցի մը ըլլալուն է որ շատ եկամուտ  
ունի. հայաբնակ շատ մը գաւառներ չորս հինգ և աւելի եկե-  
ղեցիներու բաժնուած ըլլալուն, զբամները կը վասնուին, և  
կը մկան առանց եկամուտի:

նորդարան, վարժարան եկամուտներով. նստի Եպիսկոպոս թեմին Էրզրումի, որոյ կրօնական իշխանութիւնն տարածի բոլոր Կարնոյ գաւառները. ունին որխորդաց վարժարան ևս :

Կայ մի եկեղեցի Յունաց Ս. Գէորգ անուն, փոքր և պայծառ, 130 տուն Յոյն ժողովուրդ. սոյն եկեղեցի ուխտատեղի է նաև Հայոց, ունին Առաջնորդարան և դպրոց. նստի մետրապօլիտ և իշխէ բոլոր գաւառայն Կարնոյ. սոյն նահանգ սակաւաթիւ է Յոյն ժողովուրդ :

Կայ մի եկեղեցի (ժողովարան) Աւետարանական Հայոց նորաշէն. ունին մեծ և փոքր վարժարաններ, գիշերօթիկ ևս. ընդարձակ տուն վասն միսիօնարաց, նստի մի երկու միսիօնար, երէց և քարոզիչ :

Կայ մէկ եկեղեցի Լատինաց, թէև չունի յատուկ ժողովուրդ. յաճախեն պաշտօնեայք հիւպատոսարանաց որք վերաբերին Լատինական եկեղեցւոյն, և Հայ Հռոմէականք : Նստին Ֆուէրներ և գաբուշիներ, ունին աղջիկանց վարժարան ընդ տեսչութեամբ մայրապետաց :

Կարնոյ կրթական մասը յառաջդիմութիւնը բրած է ներկայ գարուս կէսէն ՚ի վեր. Հայք, Հռոմէականք, Բողոքականք, Լատինք և Յոյնք շատ վարժարաններ շինեցին :

Կառավարութիւնն ունեցաւ գլխաւոր երկու վարժարան՝ Խտատիէ և Բիւշտիէ. թուրքերը ունին այլ և այլ հասարակ վարժարաններ. վերջին երեք տարուան մէջ հոն բացուեցաւ Սանտասրեան հռչակաւոր վարժարանը : Ուսմունքը յառաջ կերթայ տակաւ սու տակաւ (A) :

(A) Գպրոցներու վրայ առանձին խօսել մտադիր էինք, այլ

Աղգային եկեղեցական կալուածները բաւական շատ-  
ցան և նորոգեցան՝ խնամօք Առաջնորդին(1) և Ժողովոց:  
Նշանաւոր շէնքերն են կրկին ասպարանք կառավա-  
րութեան, զօրանոց (գըշլա) կրկին, տպարան, հիւան-  
դանոց, արհեստանոց, արքունի վարժարանք, հպատակ  
աղգաց Առաջնորդարաններ, վարժարաններ, հիւպատո-  
սարաններ, Թուրք և Հայ երեւելեաց տուներ, ամենքն  
ալ կէս քարուկիր. հին խաներ, բաղնիքներ, և մեծ  
տուներ բազմաթիւ են. նորերու մէջ նշանաւոր է Վա-  
հիա պէյի, Արագլատէի և այլոց տուները, Փաստը-  
մաճեանի խանը, բաղնիքը, տունը, ընթերցարանը ու  
վաճառանոցները, որ հինգ տարուան միջոցին հին պա-  
րխապի խրամները շինեց. այս նշանաւոր շէնքերը (2),  
նաև Պալլարեանի, Շապանեանի, Մակարեանի, Տէր Ա-  
ղարեանի և այլ տուներ, նշանաւոր է Ժամուն ճաշարանը  
և Շապանեանի ընթերցարանը և դորժարանը. կրպակ-  
ները շինուած է քաղաքին անուղիղ փողոցներու երկա-

---

քանի որ շատ մը տեղեկագիրներ կը հրատարակուին, մեր խոր-  
հըրդածութիւնք կը վերապահեմք ուրիշ առթի:

(1) Առաջնորդաց մէջ նշանաւոր էր Գրիգորիս հանգուցեալ  
Նախկոպոսը. ՉՅ տարի ալ օգտակար կերպիւ վարեց սոյն պաշ-  
տօն Վեհապետեան Յարութիւն Ս. Արքեպիսկոպոսը, որոյ ջա-  
նից և գործոց վրայ նամակներուս մէջ ունէի երկար գրուածք-  
ներ. այժմ վերուցի զանոնք Պատրիարքութեան բարձր աթոռը  
նստած ըլլալուն համար: Պատրիարք Սրբազանէն վերջ 1880ին  
Առաջնորդ ընտրուեցաւ Գեր. Մ. Ծ. Վ. Օրմանեան, որ այս  
տարի ընդունեց Նախկոպոսութեան բարձր աստիճանը:

(2) Աւագ որ ինքը չը կրցաւ վայելել իր աշխատութեանց  
պաուղ, որոյ կենսագրութիւնը կայ անտիպ:

բութեան անկանոն և անյարմար, ունի պէտէսթէն քարուկիր, և եկեղեցւոյ մազազաները և այլ քանի մը անոնց նմաններն են կանոնաւոր. խաները բաց դաւիթ չունին ձմրան երկիր ըլլալուն :

Ամեն կերպ արհեստաւոր կայ. նշանաւոր է էհրամը, թուճեղէնը, արծաթեայ և սղոնձեայ անօթք ու կաղմածք, սառածիէն, և այլն, որ մեծ մասամբ կըսպառի թէ՛ կարին և թէ՛ շրջակայ դաւառս. վաճառականութիւնն թէև անկեալ է իր նախնի վիճակէն, սակայն դարձեալ է վաճառաշահ քաղաք ճոխագոյն քան զբազում շահաստանացն Ասիոյ : Վաճառքներ կուգան կովկասէ, Պարսկաստանէ, Հնդկաստանէ, Կ. Պօլսէ, Հալէպէ, Եւրոպայէ, և Տաճկաստանի այլ և այլ կողմերէ որք վաճառին և սպառին շուտ ընդ փոյթ :

Բերքն է ցորեն, կտաւատ և այլն. չունի այդեստան կամ սլարտէզ՝ առ ՚ի ցրտութենէ կլիմայի :

Կառավարութիւնն է կուսակալութիւն. նստի վալի և ունի մի մի համարակալ, քարտուղար, կեդրոնական կառավարիչ, և բազում սպաշտօնեայք, տեսուչք, թարգման, գրագիր, և գունդ մի ոստիկան ընդ տեսչութեամբ գնդապետի ( ալայ պէյի ), նախնական և վերաքննութեան իրաւանց ատեանք և պատժական, վաճառականութեան և վարչական, և մի քննիչ Ատլիէի, ( սոյն տղերը գրած ատեննիս սոյն սպաշտօն ջնջուեցաւ, ) ընդհանուր դատախազ, օգնական, և Պէլէտիէի Ժողով( 1 ) :

Անգլիոյ, Քաղղիոյ, Ռուսիոյ, Իտալիոյ և Պարսից

---

( 1 ) Պաշտօնէից իրսուասութեան, Ժողովների իրաւանց և սարտուց վրայ գրածներ ունիմք :

տէրութեանց կողմէն նստի մի մի հիւպատոսք հանդերձ պարագայիւք :

Մոռցանք գրելու քաղաքէն քիչ հեռաւորութեամբ Ապտիւրրահմանի Ղազի անուն Տաճկաց ուխտատեղին , որոյ մզկիթը նորոգել տուեց Հաճի Իզզէթ փաշայ Երզրնկացին . նաև Փաշա քէօշկիւ կոչուած մեծ շատրուանը , պատշգամը , որ այժմ է իբր պարտէզ հասարակաց , շինեալ է Հիճրէթին 1209 թուականին Մատէն էմինի Եուսուֆ փաշայէ կուսակալին Կարնոյ , որ յետոյ եղև Մեծ Եպարքոս :

Թողոյլ Կարնոյ մանրամասնութիւնը կուղէի գրել Հին գերդաստանաց անուններ , բայց Կարնոյ քրիստոնեայք (հին ցեղեր) դաղթած ըլլալով , ներկայն կը կազմէ նոր դաղթականութիւն մը եկեալ հաւաքեալ տարբեր քաղաքներէ . բնիկներն են Պալլարեան , Փաստրմաճեան , Տ. Աղարեան , Խոսրովեան , Տէօքմէճեան և այլ մի քանի տուներ , որ 1828էն վերջ մնացեալք հազիւ կըլլային 40 տուն . ՚ի վերջոյ հաստատուածներուն նշանաւորներն են Շապանեան , Մակարեան , Եկաւեան , Հանէսեան , Տ. Ներսիսեան , Խարաճեան , Եօրկի , Հէմամճեան , Գունտախճեան , Ճիվանեան , Մըսրբեան , Ֆէրմանեան , Երկանեան , Տիլպէրեան , Նշկեան , Աղաճանեան , Հէքիմեան , և այլ շատ վաճառականք , ազատ արհեստաւորք , և հասարակ արհեստաւորներ . կղերական դասուն մէջ նըշանաւոր է Կարապետ վարդապետ , Տէր Գրիգոր Արծրունի , և դասատուաց ծերագոյնը Կարապետ վարժապետ , և սլատմագէտ Պօղոս վարժապետ , և այլ աւղանդաւոր անձինք :

Թուրք ժողովուրդի մէջ կայ նշանաւոր և հանճարի

տէր անձինք, որք թէ՛ ՚ի հնուսն և թէ՛ ներկայս կը վարեն Տէրութեան կարևոր պաշտօններ :

Քիչ մ'ալ գիւղերը շրջելով լննցունենք էրզիւրիւմի պատմութիւնը :

Կարնոյ դաշտին և լեռանց ստորոտը սփռեալ կայ 130ի շափ գիւղեր . գլխաւորք են՝ Իլիճէ կամ Կլիճայ, հետևի Ծ մլոնաւ, յարեւմուտս քաղաքին ՚ի վերայ մեծ խճուղոյն Տրապզօնի, մերձ ՚ի շամքն կարնոյ . ունի երկու ջերմ աղբիւր բաղանիս (Իլիճէ) որք յիշին Ե. դարէն . յաճախեն ժողովուրդք սկսեալ մայիսէ ցվերջն սեպտեմբերի . սոյն բաղանիք օգտակար են յօգացաւի և այլ հովային հիւանդութեանց . գիւղի բնակիչք են 60 տուն թուրք և Հայ որք ունին մի դպրոց և եկեղեցի . սրճարանք (ախոսք ջորեպանաց) շատ են, և է կայան բոլոր կարաւանայ Պարսից և Տրապզօնի :

Մուտուրկայ գիւղ, առ որով վանք Մուտուրկայ յանուն Ս. Լուսաւորչի, ստորոտս լեռան Տէվէ պոյնի, կէս աւերակ և անբարեկարգ նման այլ բազում վանօրէից Հայոց :

Հինձ կամ Հնձուց գիւղ, 30 տուն Հայ Հռոմէականաց, ունի մի մատուռ կամ ուխտատեղի յանուն Յովհաննու Կողրան . մերձ է Կարմիր վանքն, հիմնարկեալ Մեծին Ներսեսէ յանուն Տիրամօր . վանուց մօտ ՚ի ձորամէջի կան քարայրք Հռիփսիմեանց (աւանդութիւն մը կայ թէ՛ Ս. Լուսաւորիչ երազի մջ կը տեսնէ զՍուրբ Աստուածածինն կարմիր զգեստով, յորմէ կըսուի Կարմիր վանք) :

Իրզըլ քիլիսէ և Մաղիի գիւղ, յարեւելեան հիւսիսակողմն քաղաքին, ստորոտ Տումու լեռին :



Սէրշէմէ կամ Սարչամ, առ համանուն լերան, և վտակաւ: (Տես Եփրատ գետ, երես 36.)

Ստորոտս լերանց կայ Խաչկավանք, ուխտասեղի և խաչափայտ, աւազան խիտ ցուրտ ջրոյ, ուր թագուցաւ խաչափայտն (ըստ աւանդութեան) 'ի դարձունեւ զնա Կ Պօլիս ձեռամբ Հերակլեայ կայսեր, ուրկից բըղխեցաւ ներկայ ջուրն: Արծաթի կամ արծթի ունի ջերմուկ. քաղմամարդ էր նախնու մն որ դաղթեցին Ռուսիա 1828 ին:

Քարուոր կամ Քարոր, ուր կայ անուանի քարայրք(1):

Քարաբլ, Վաղաւեր, Ղուշճի կամ Տուշճի առ Սև ջրով. 'ի հնու մն էր շահաստան քաղաք մեծ. անդ կոտորեցին Սելճուկեանք առաւել քան զչորեքսասան բիւր մարգիկ և աղարտեցին 1049 ին:

Գաղտաւիճ կրկնակի (մեծ և փոքր), հնու մն խաղտայ աւիճ, ուր արգելաւ պահ մի Գետադարձ Պետրոս կաթողիկոս, հրամանաւ Վասիլ կայսեր:

Սօլուղ ջերմուկ, ունի պաղ աղբիւր բազանեաց և է օգտակար մորթային հիւանդութեանց և ջերմի:

Կան (Քեան), Կէղ, Չիֆթլիք, Ըզտաձոր, Չիթավուղ և այլ գիւղս բազումս, որոց չէ հարկ յիշել մի ըստ միովէ:

Գեղջական ժողովուրդն է երկրագործ, որ մշակեն ընդարձակ հողեր հին դրութեամբ. ոչ մի գիւղի մէջ չը

---

(1) Այս քարայրներն են իբր մենարան Տէրհատ և Շիրին կոչեցեալ սիրելեացն, որ վիպասանք հիւսած են մի տեսարակի վերայ ամուլացն, է հետաքրքրական:

կայ այդի կամ պարտէզ. տեղ տեղ կը գործածեն գոթան և կէս գոթան (1) :

Գիւղացիք երկրագործութիւնն կիմանան միայն ցորեն և գարի ցանել, իրենց և կենդանեաց ուտելիքը զատել և աւելին պարտքերնուն տալ. բնաւ չեն գիտեր նոր բան մը հնարել, ձմրան աշխատութիւն մը մտածել կամ մեծ ուսմանց հետևիլ. հարիւրէն տասը միայն կարգալ գիտէ, այն ալ հասարակ կարգալ, եկեղեցական ասացմունքներ և Շարականներ և այլն :

Կարնոյ և հանուր հայաբնակ գաւառաց գիւղացի խեղճերը քրտինքով կաշխատին և բնաւ բանի մը տէր եղած չեն. վաստկածնին կառնեն վաշխառուք. և երբ գիւղացիք ընեն մի քիչ տրտունջ, կը պատասխանէ «այ ախպէր, չե՞ս գիտեր որ Ս. Գիրք կըսէ թէ քրտամբ երեսաց քոց կերիցես զսև հաց (2). հաց կուտես, ջուր կը խմես, հանգիստ կը քնանաս, ալ ի՞նչ կուզես ». և դեղջուկն ալ «այո՛» ախպէր ատանկ է, փառք Աստուծոյ» ըսելով կուտայ իրեն ցորենը և այլ ունեցածը փոխարէն վաշխի :

Հոս բնաւ չեն գիտեր և չեն ուզեր գիտնալ ծառ տնկել, նոր պտուղ կամ բոյսեր հասցնել, մեղու շատցունել, պանիր շինել և այլն. գիւղացիք ամեն տեղ մի և նոյն գիրքն ունին, բայց տեղիս տեղիս մեծ տարբե-

---

(1) Գոթան է արտ վարելու գործիք, որ 12 զոյգ եղներով կամ գոմէշներով կը քաշեն, իսկ կէ՞րը 6 զոյգով, որ նոյնահասակտի ատենէ մնացած է :

(2) Այս պատգամը այժմ կը վերաբերի միայն գիւղացիներու . . . . .

բութիւնք կերևի . Քարբերդի և Երիզայի գիւղացիք աւելի յառաջ կերթան Կարնոյ , Քասէնի և Գերջանի գիւղացիներէն . իսկ Տրապիզոնի և այլ կողմերու գիւղացիք կը գերազանցեն Երզնկայ , Քարբերդ և շատ տեղերի գիւղացիք :

Ասիոյ շատ գիւղերը բարեկարգութեան կարօտ է , այս բարի ժողովուրդը , որոցմէ կը շատնայ քաղաքացի ժողովուրդը , կաճին կենդանիք , և կարտադրեն անչափ բոյսեր և բերքեր . մէկ խօսքով քաղաքներ կապրին գիւղերով , և չեն սիրեր գիւղացիքը . իրենց շահը գիւղացուցմէ կախեալ է , և չեն ջանար յառաջ տանիլ զգիւղացիս . վերջապէս մեծ կարօտութիւն ունին խրատու , օրինակի , ընկերութեան , վարժարանի , և այլ շատ բաներու , ինչպէս , երկրագործական նոր գործիքներու , մեքենայներու և մանաւանդ հարուստ հողատէրերու (A) :

(A) Թէև մեք չեմք պահանջեր որ գիւղերն ունենան բարձր վարժարաններ և ուսումնարաններ , բայց զօնէ սորվին ապրելու միջոցները , ճանչնան պարօք և իրաւունք , սորվին առողջարանական կանոնները , սորվին երկրագործութեան վերաբերեալները , ինքզինքնին ճանչնան , և գիտնան թէ ի՞նչ է Աստուած , և ի՞նչպէս պէտք է պաշտել , ի՞նչ է Ս . Աւետարանը , ի՞նչ է եկեղեցին , ի՞նչ է քահանան և ի՞նչ է ժողովուրդը , որ այժմ մեծաւ մասամբ չեն գիտեր , և քահանայք չեն սորվեցըներ , կամ չեն ուզեր սորվեցնել , կամ չեն գիտեր որ սորվեցընեն . վերջապէս ամեն տեղ խեղճ ժողովուրդը գործիք եղած է տգէտ կղերին , քէհեային , այս և այն վախառուին . . . և չը կրնար վայելել Աստուծոյ շնորհքը որ Աւետարանով պարգևեալ է մարդկանց , և ոչ ալ բարեխնամ Տէրութեան շնորհքը որ արդար օրէնքներով շնորհեալ է հպատակաց . . . որքան տաղանդաւոր , ճարտար և ուշիմ անձինք կը գտնուին գիւղեր և այնպէս կը կորսուին առանց օգտակար ըլլալու :

Գիւղերու կրթութեան մասը տխուր է, ոչ թէ միայն Կարնոյ գիւղեր, այլ համարէ թէ Ասիոյ գիւղերի մեծ մասը զուրկ է լոյսէ, և շունին վարժարաններ(1) :

Ահաւասիկ հոս կաւարտեմք էրզրումի տեղեկագիրը, որ դեռ ևս ունիմք շատ բան գրելու. և ստիպեալ կը թողումք ուրիշ շատ մը տեղեկութեանց հետ պատեհ ժամանակի. Հիմայ ընթերցողը պիտի տանիմք Կարինէն՝ Բասէն, Կարս, Շիրակ, Անի, Կիւմրի, Էջմիածին, Էրեւան, և անախ կրկին վերագարձնելով. Ոչ նուազ հետաքրքրական տեղեկութիւնք գրած եմք վերջի պատերազմին վրայ, բայց թէ՛ երկար և թէ՛ ժամանակէն անյարմար ըլլալով, յետաձգեցինք :

---

(1) Գիւղային ծրագիր անունով շինած եմ մի կանոնագիր և ցարդ շատ տեղեր փորձ քրած եմ ընդունել տալ և չեմ յաջողած, որովհետեւ ժողովուրդը իր կամքով բնաւ չուզեր նոր բան մը, նոր բերք մը ցանել կամ հնարել. ուստի պէտք կըլլայ Կոռտվարութեան միջատութիւնը, հարուստներու հողատիրութիւնը, և հանրութեան ուշադրութիւնը, քանզի Օսմանեան երկրի բոլոր ոյժը երկրագործութեան մէջ պիտի փնտտենք. և մեծ հարստութիւնը երկրագործութենէ կրնայ դոյանալ :



## ՆԱՄԱԿ Ե.

ԵՐԵՒԱՆ

1868 հոկտեմբեր.

1868 ի աշունը Երիզայէն մեկնեցանք շատ ընկեր-  
ներով և գնացինք Ս. Էջմիածին՝ Միւռնոնի օրհնութեան  
հանդէսը վայելելու, որ կատարեց Գէորգ Գ. կաթողի-  
կոսը՝ նոր ընտրուած տարին. Երեւանը Էջմիածնից հեռի  
է միայն 4 ժամ. ուխտաւորք մեծ մասամբ այցելում են  
նաև Երեւանը, և մեք հետևելով այլոց, Երևան երթալով  
չրջեցանք երկու երեք օր, ուր քաղցինք մեր տեղեկու-  
թիւնք :

Երևան նշանաւոր էր ՚ի հնումն, որպէս և այժմ :  
Երևանի շուրջն է դաշտ Վաղարշապատի, լերինք Գեղա-  
մայ, Շարուր գաւառ, Հրազդան գետն (Ձէնկի չայ) և  
Գրըգ պուլաղ :

Երևան աւան էր ՚ի հնումն. շինողն է անյայտ, Ե-  
րևան Ը. դարէն վերջ անկաւ ՚ի ճեռս Հագարացոց,  
Պարսից, Օսմանցոց, և կրկին Պարսից, ուր իշխէր մի  
բարբարոս իշխան Սէրտար Հասան խան, ինչպէս նաև  
կիշխէր Էջմիածնի և շրջակայից. հակառակ հրամանացն  
Պարսից Շահերու և միջամտութեան Օսմանեան կայսե-  
րաց (1) և Ռուսաց, Սէրտար և ենթակայք գործէին

---

(1) Օսմանեան կայսրներէ և փաշաներէ շատ ֆերմաններ և  
հրամաններ դրեալ են ՚ի պաշտպանութիւն Էջմիածնի և Հայոց,  
նոյնպէս Ռուսիոց կառավարութենէն, Վրացոցմէ, որոնց շա-  
տերը պահուած կան ցարգ ՚ի Ս. Էջմիածին :

անլուր բարբարոսութիւնք, որոյ անշուշտ պիտի յաջորդէր անկումն :

1827ին Ռուսք դրաւեցին զԵրևան և ընդ նմին էջմիածինը, Շագի, Նախջուան և այլ շատ քաղաքներով, ձեռամբ Պասգևիչ զօրապետին (որ կոչեցաւ Երևանսքի), և աջակցութեամբ Ներսէս Եպիսկոպոսի (յետոյ կաթողիկոս Սշտարակեցի) : 1841ին Երևանը եղև կուսակալութիւն (կուլէնաթէօն) որոյ իշխանութեան ենթարկեալ է կիւմրի, Սարտարապատ, Ապարաններ և այլ շատ քաղաքներ :

Երևան ունի մի հին բերդ. հողաչէն, որոյ մէջն է նշանաւոր Սէրտարի պաղը (պարտէղ), ապարանքը, յախճապակեայ պատշգամբ և ջուրի աւազանը (1) :

Ռուսք նորոգեցին ամրոցը, շինեցին գետի կամուրջը, կառավարութեան ապարանք, դպրոցներ, առևտրական հրապարակ, հասարակաց պարտէղ և այլն :

Քաղաքի շէնքերու ամբողջութիւն է աղիւսէ և հողէ, շուկան խիստ կանոնաւոր և աղիւսեայ կամարով, և գուրսի ծայրերը խաներ շինուած է որ կոչում են Քէրվան սարայ :

Երևանի արտաքին տեսարան գծուծ, օդը անառողջ, ձմեռը ցուրտ և ամառը տաք և ջերմոտ է :

Բնակիչք հաշուում են 4000 տուն, կէսը Պարսիկ,

---

(1) Ասոնց և Երևանի այլ տեղերի վրայ «շէնքեր յօրինած են շատ տեսակ խաղեր, երգեր, Թուրքերէն, Հայերէն և Պարսկերէն, որոյ ժողովուրդ արդէն սիրահարած է երգելու մանաւանդ Պարսիկներ : Երևան նշանաւոր է պայտիէ անուն երգերը :

երեք ութերորդը Հայ, և մէկ ութերորդն ալ խառն Ռուս, Վրացի, Թաթար, և այլն :

Նոր թաղը, որ վերաբերում է Հայ դաղթականաց, ունի մի հին եկեղեցի և մի մատուռ, ստորերկրեայ շէրիմ Անանիա Առաքելոյն :

Նշանաւոր է Հայոց Ս. Սարգիս եկեղեցին իր պարտէզներով և դպրոցներով. ունի սենեակներ էջմիածինէ Երևան այցելող ուխտաւորաց համար. կայ նաև ուրիշ եկեղեցիներ ալ :

Արքունի վարժարանը բարձրագոյն է, ուր կը յաճախեն Հայ և Պարսիկ Երևանցի տղէք (1) և շրջակայ դաւառներէ դալովներ, որք քիչ կուգան օդի գէշութեան համար. նոյնպէս բարձրագոյն է հայ օրիորդաց վարժարան, որ շրջակայ դաւառներէ ալ կը խրկեն աշակերտուհի. օդը կօզնէ անոնց (2) :

Կառավարութեան ապարանքը մօտ է հրապարակին և որոյ առջևն է հասարակաց ընդարձակ պարտէզ, որ ունի ջուրի աղբիւր (չատրուան) և է բաց ժողովուրդի :

Քաղաքի հին փողոցներ նեղ և նորեր կանոնաւոր է. տուներ ունին ընդհանրապէս գեղեցիկ պարտէզներ, սիրահար են ծաղկանց ամեն տեսակին :

Ժողովուրդն է վաճառական, արհեստաւոր և այլև :

---

(1) Ռուսահայոց լեզուն կերպ մը քաղցրութիւն ներշնչելուն, տեղ տեղ հետևած էինք նոյն ոճի, այժմ կը պահենք անփոփոխ :

(2) Երևանի օդը իր մլասակարութեամբ շատ առողջարար է իգական սեռի համար, ուր կանայք և օրիորդք միշտ առօրե և գեղեցիկ են ընդհանրապէս :

գործ՝ մեծագոյն մասամբ Հայք . վասն զի հոս կարող չէ  
ըլլալ Հայ մը հացագործ , նպարավաճառ և այլն , որով-  
հետև Պարսիկք չեն գներ տյն ուտելիքը որուն գլած  
ըլլայ Հայու ձեռք . նոյնպէս իրենց (Պարսիկների) ծա-  
խած ուտելիքի վրայ պէտք չէ գլիլ Հայու ձեռք . եթէ  
գլի , կըլլայ անտուրբ և տէրը մեղանչող :

Այս սովորութիւնն անցած է կրօնական արարողու-  
թեան կարգ որ ցարգ չի միջամտեր Ռուս կառավարու-  
թիւն կրօնից ազատութեան տեսակէտով (1) :

Ժողովուրդի ապրուստ աղէկ է երկրին առատ բեր-  
քերովը , շերամ , բրինձ , բամպակ և պտղենի բազում .  
կայ նշանաւոր այգիներ և պարտէզներ :

Հայոց նշանաւորն է Ղէհրիման աղէն (2) , Ղահրի-  
մանեան հին գերդաստանէն և աղգական վրաստանի  
վերջին թագաւորին : Ղահրիման աղան (3) է խոհուն ,  
հիւրասէր , բարեսիրտ և աղնուական մի մարդ 60 տա-  
րեկան , լաւ կազմուածքով . ունի բազում հող , կալ-

---

(1) Այս նախապաշարումը կայ նաև Պարսկաստանի Շէէ կոչ-  
ուած ցեղին մէջ և է վաղեմի . աւանդութիւնը կըսէ . Պարսիկք  
խիստ նեղէին զՀայս . Շահը ուզելով արդիւնէլ , ախոնտի (կղեր)  
մը ձեռամբ հրատարակեց թէ , « Հայու հաց ուտողը , Հայու  
ծախած ուտողը կըլլայ մեղապարտ » . տյն ատեն մեծ օգուտ  
բազած են Հայք այս ձէտէն , այժմ ալ կը տուծեն :

(2) Ռուսահայք աղէ կըսեն աղայի տեղ և երբեմն պարոն .  
էֆէնտի անականը չեն գործածում :

(3) Մեք տեսակցեցանք անձամբ , որ պատուեց , և  
հետաքրքրութեամբ հարցուց Օսմանեան երկրի սովորութեանց  
և Հայերի վրայ շատ բաներ . ունէր հշապուրիչ խօսուածք և  
պատկառելի դիրք :



ուած , խան , բաղնիք , կրպակներ և այգիներ , մեծաշէն տուն և պարտէզ . ունի կրկնակի թոշակ կառավարութենէ , մին մօր կողմէ որ ազգական է Վրաց թագաւորին , միւսն իւր պաշտօնին համար . է միրավայ սուտ ( նախագահ տուտրական տտենին ) , կը վճռէ նախնական դատեր Երևանի , և կը վերաքննէ գաւառներէ գալած վճռադրեր ( իւրամեր ) :

Պարսիկների մէջ կայ նշանաւոր անձինք . անշուշտ չէք զարմանար եթէ լէք որ կայ նաև մէկ Քուրդ ծափէր աղայ անուն , բոլորովին ( միրավայ ) և ցեղապետ Զիլանցի « շէրէֆէ » որք են 3000 տուն այն կողմեր :

Պատկառելի է յաչս պաշտօնէից և ժողովրդեան . ինքն է յազթանդամ և զգեստն է շաւշուր շէրէֆէ թրթաւան և ուսերու վրայ ունի « քէլաթ » . ՅՅ տարեկան ճարտարախօս իշխանադէմ , կը սիրէ և կը յարգէ Օսմանցիները ( Ա ) . կայ Պարսիկ զօրապետներ :

Նաև կայ նշանաւոր վաճառականներ և ուսեալ վարժապետներ , ահեստաւորներ , մէկ երկու ուսեալ քահանայ . ժողովուրդի սովորութիւնք մեծ մասամբ է պարսկական , թէև մտեր է ռուսական և հայկական սովորութիւնք :

---

( Ա ) Մեզ հանդիպեցաւ 'ի ճանապարհի , հետաքրքրութեամբ զխտելէ վերջ ձիով մօտեցաւ մեզ հարցնելով « Ի՞նչ Օսմանցի » ճէ « շէր » և երբ ստացաւ պատասխան , ձիէն իջնելով շատ յարգանք խօսեցաւ , և խնդրեց երթալ Երևան իրեն տուն հիւր ըլլալ . տունն էր ընդարձակ կրկնակի պարտէզներով . զմեզ պատուեց չափազանց և ուրախ եղաւ Օսմանցի հիւր մը ունենալուն համար , միշտ կը պատմէր հին եղելութիւնք :

Քաղաքի հիւսիսակողմը (ի կօնդ թաղ) կայ մի բլուր կօղէռ անուամբ, մատուռն և տապան Յովհաննու կողման (1) և տապան Մովսէս կաթողիկոսի՝ նորագողին Էջմիածնի, և այլ գերեզմանք Հայոց :

Ունի ընդարձակ և բազմամարդ գիւղեր. բերքերն են խիստ առատ. բրինձը կը գիղեն ՚ի հրապարակ և ծախում են Էէֆէր ըսուած շափով՝ իբր 400 քաշ որ մի հարիւրորդի կըսեն դոման իբր 4 օխայ մեր սղ զբամով 60 փարայ, Բրինձը(2), բաճազկը և խաղողը ամենաառատ և աժան են անհաւատալի գիներով. այս տարի (1868) Էջմիածին 30,000 մարդոց բազմութիւն ըլլալով զարձեալ մէկ օխայ խաղողը 10 փարայ էր (իբենց գրամով) որ ըսել է 6 փարայ, կամ ուրիշ տարիներ մինչև 3 օխան 10 փարայ : Խաղողը շատ ընտիր է և ունի շատ տեսակներ, ինչպէս անկուտ խաղող որ կուտ չունի (քիշմիշ իւղիւմիւ). նոյնպէս սեխ, խնձոր և այլ պտուղներ առատ և աժան են. խաղողի առատութեանը համար ժողովուրդը կըսէ թէ՛ նոյնահապետի և որդւոց տնկած որթերուն և սւսերուն մնացորդը ըլլալուն է (3) :

Տեսանք թէ և մի քանի գիւղեր, այլ ևս ցանկանում էի տեսնել զՄասիս աւելի մօտէն, Գեղարդի և այլ նուրի-

---

(1) Չմոռնանք կարնոյ Արծըթի գիւղի սոյն անուամբ եղած տապանը :

(2) Բրինձի արտեր միշտ ջուրի մէջ ըլլալով կը նմանի վիճերու, յորմէ կապականի օդ, և գոյանայ միջնաւոր մընձըզ (սիվրի սինէկ) :

(3) Մասիս լեռը մօտ է Երեւանի, և ամեն կողմէն կերելի :

բական վանքեր , և Գառնի՝ որ կոչի թաղա Տրդատայ ,  
թէ և աւերակ է այժմ բոլորովին , բայց ի՞նչ քաղցր կը  
նկարագրէ Հ. Ղևոնդ Ալիշան՝ ՚ի մէջ բերելով Խորենա-  
ցւոյն հետեւեալ հատուած :

« Որձաքար և կոփածոյ վիմօք , երկաթագամ և  
« կապարով մածուցեալ , յորում շինեալ և տուն հո-  
« վանոց , մահարձանօք , սքանչելի գրօշուածովք բարձր  
« քանդակու ՚ի համար քեռ իւրայ Խասրոֆիզխտայ և  
« դրեալ ՚ի նմա զյիշատակ իւր հելլենացի գրով » :

Երևանի վրայ այսքան մը գրելէ վերջ կը բաժնուինք ,  
բայց ի՞նչ տխրութեամբ , ընթերցողը չը կրնար զգալ  
մինչև որ չի այցելէ . որ կողմէն նայիս այն խորհրդաւոր  
լեռք աչքիդ առջև է , որոյ բոլորաշուրջն է վանքեր ,  
աւաններ , դիւղեր , նուիրական վայրեր , նախնի յի-  
շատակներ Քրիստոսէ 3000 տարիներ յառաջ . ի՞նչպէս  
բաժնուիմ . ի՞նչպէս լռեմ առանց տեսնելու , առանց  
բան մը գրելու . և որովհետև մարդիկ միշտ չեն կրնար  
լրացնել իրենց փափաք , մերն ալ կը մնայ կիսատ , ճա-  
նապարհների երկիւղալի լուրերուն և ընկեր չը գտնե-  
լուս համար . եթէ գտնէի ալ , ի՞նչ կրնայի գրել . ասանց  
նկարագրութիւնն հատորներու կարօտ է , և բանաս-  
տեղծներու , պատմագէտներու և հնագէտներու :

Վերջապէս տեսնելով որ չը պիտի կրնամք ՚ի մօտոյ  
տեսնել այն Նոյեան աշխարհահռչակ լեռք , նստանք  
Բարձր Թաղի Մարտիկ աղի այգին՝ հանդէպ Մասիսի ,  
նստանք այն հինօրեայ խնձորենիի շուք , զուարճալի և  
տխրատեսիլ . մի կողմէ ճաշեցինք Նոյեան տունկերու

անոյշ խաղողներ , 5000 տարի վերջ(1), միւս կողմէ ալ օրինակեցինք հետեւեալ գողարիկ կտորը Հ. Ալիշանեանի թանկագին գիրքէն , որ կը նկարագրէ՝ զՄասիան և դըժբաղդ Անուշ :

« Ի հարաւակոյցմն արևելից դաւառին Սուրմառոյ , միջաստաման բաժնի երկոյն ինքնակալութեանց՝ ընդ որս այժմ՝ բաժանեալ է աշխարհս Հայոց , ամբառնան յաւերժական արձանք երկրի տիեզերահաշակ ԼԵՐԻՆԻ ԱՐՍՐԱՏԱՅ , յանուն մեծի դաշտին (յորոյ հարաւակոյման կան) , և դիսաւորի աշխարհաց կամ նոյնպէս երկրիս Հայոց՝ Այրարատայ , և սա յանուն Արայի Գեղեցկի , ըստ հնապատում աւանդութեանց ազգիս . յիշեն և Ս. Գիրք զլերինս Արարադայ ՚ի սկզբան անդ պատմութեան ալանց , ՚ի ձեռն Մովսէսի մարգարէի , իրը չորիւք և եթ դարուք յետ Արայի կացելոյ , և ՚ի նոսին վկայեն զնիստ տապանին :

« Բնիկ անուն լերանցս՝ առ տեղացիսն պահի առ Հայս , ՄԱՍԻՔԻ կոչեցեալ և ԼԵՐԻՆԻ Մասեաց , և յոճախ և ս Մասեաց գրարձրագոյն կատարն իմանալով . և զայս՝ յանուն Ամասիա նահապետի նախահաւուն Արայի սսեն կոչեցեալ . ( որ և շինեաց յարեմոսից հիւսիսոյ լերինն զՓոսեթոս և զՅուլիսոս աւանս ) , և կամ Մար-

---

(1) Այսպէս կանցնին հազարաւոր տարիներ և յիշատակը աշխատասիրաց կը մնան անմահ , ( Տես Ֆաթիհ Սուլթանի չիւնարներն ) . նոյնպէս գրաւոր յիշատակներ , բարեգործական և նուիրական շէնքերու հեղինակներ՝ օրհնութեամբ կը յիշուին հազարաւոր տարիներէ վերջ :

սակայ ընդոճնի Արրահամու հատուածելոյ յիսահակայ  
'ի Հայո , ըստ այլոյ պատմի :

« Կոչի և այլ պէս պէս մակադրական անուամբք ,  
Աշուր , Ասոր , Թուրք , Միլի , Սեւեւեան և 'ի աւակաց Մար-  
տիրոս , Էստի Նոյե 'ի Պարսից , և Աղլու կամ Սհրու որդ  
'ի Թուրքաց :

« Անուանի 'ի սկզբանցն և այսր , վասն տապանին  
'ի նմա հանգստեան , և երկրորդ խանձարուրք մարդ-  
կութեանս լինելով , յոր սակս և արդարապէս կարգի  
ընդ սրբազան տեղիս . և ուխտազնացութեամբ պատ-  
ուեալ է անդստին 'ի վաղ ժամանակաց հեթանոսու-  
թեան և 'ի դարս քրիստոնէութեան :

« Եւ բազում առասպելս և զրոյցս յօղեալ է  
զնմանէ վիպասանիցն Հայոց դիցապաշտից . նշանաւոր  
է և վասն բարձրութեանն , զի յետ Կովկասեանն Էլ-  
պուրզա առաջին է բարձրութեամբ 'ի լեռինս արևմտեան  
Ասիոյ , ունելով յերեսաց սեաւ ծովու 'ի վեր 16254'  
և ևս առաւել վասն բարձրագիտակ կերպարանացն  
չեղձաձև ամբարձմամբն , որպէս յարևմտեան Հարաւա-  
յին կողմանց՝ յերեսաց դաշտին Երասխայ վերամբառնայ  
ոտս ոչ պակաս քան զ13,500 , ահեղ իմն և գերահրաշ  
տեսլեամբ , զոր գրեա թէ չիք այլ ուրեք տեսանել , ոչ  
'ի Կովկաս և ոչ 'ի հսկայն երկրի 'ի լեռինս Հնդկաց և  
Անդեայց Ամերիկոյ . այսպէս և ըստ հեռուստ վայրաց  
ի տես գալոյ՝ ըստ ոմանց գրեա թէ զամենեքումք գլէ ,  
հաւասարելով յայսմ ծայրագունին լեռանց Հիմալայայ ,  
նշմարեալ յափանց Կադրիականին 'ի բացէ 200 և ա-  
ւելի մլոնաց :

« Երրորդ անգամ , զարմանալի և բնութեամբն , այ-

սինքն է կազմուածովն , գորով միաստանի որձաքար պոր-  
փիւր զցուեալ յերկրի , և հրաբուխ ահաւոր շիջեալ  
ի հազարաց ամաց , այլ ոչ իսպառ դադարեալ . հիւսի-  
սային ստորոտքն երկայնեալ տարածին 'ի դաշան երաս-  
խայ , խորովեօք և քարակարկառ կոհակօք , արեւելա-  
կողմն խճախառն և աւաղուտ , ըստ հարաւոյ կուսէ ան-  
ձուկ լեռնադաշտակաւ կցեալ ընդ այլում լերին որ  
Փոփ Մոփ կոչի , և երրորդ է բարձրութեամբ 'ի չափ-  
եալ կատարս լերանցն Հայոց , ունելով 12254' , իսկ ա-  
րեւմտեան ոտքն 'ի լերինս մանունս հանդին : Ի հասա-  
րակի ստորին կողմանքն աւաղուտք և առապարք են ,  
միջավայրքն բուսաբեր և քարուտ , և քարինքն յաճա-  
խակի լաւա , պորփիւր , բուցցոլեան հող , աւաղ և աղ  
ինչ . այլ բաղում ուրեք անհեղեղք և խառն 'ի խուռն  
իմն կառուցեալք , 'ի մեծ և 'ի բուռն ցնցմանց երկրի  
կերպարանեալք , և վերնակողմն յ12,000 ոտից և 'ի վեր  
համակ ձիւնապատ է 4000 ոտնեայ վերարկուաւ ան-  
լուծանելի սառամանեաց . և 'ի քղանցից անտի սառա-  
մանեացն 'ի հիւսիսոյ կուսէ զգեօղն Արկուռի՝ պատառ-  
եալ է լեռունն 6000 ոտս ընդ խոնարհ . 'ի վաղնջուց ու-  
րեմն հրաբուխ վերաջնջմանց , զոր յիշէ և մերս վիպա-  
հայր Մովսէս Խորոնեցի , և Վէհ Մոփոց կոչէր կամ Փլափ  
Քօ , յորում արդեւեալ ասէին վիպասանքն Հայոց զԱր-  
տաւազդ արքայ և 'ի Քաջաց պահեալ , զի մի ելեալ և  
աշխարհի աւեր և վախճան հասուցէ . ընդ այն խաղային  
ուղիք 'ի հալից ձեանց : Ի կուշտ մի քարակոհակ վհին  
շինեալ էր մենաստանն Ս. Յիշ , 'ի տեղով դադարման  
Մծբնեցւոց հայրապետին՝ յելանել իբում 'ի խնդիր փայ-  
տից Նոյեան տապանին , ըստ ազգիս մերոյ աւանդու-

Թեան, մենաստան փոքր և պարտէզ. և ի վերայ լուսաղբիւր ջնջիչ մարտոյ յ7620' բարձրութեան: Ստորև քան զսա կայր Ահուէ կամ Ահուէ գիւղ ՚ի 5982' բարձու, ՚ի տեղուջ ալգւոյն անկերոյ ՚ի նոյայ, ըստ աւանդութեան, առ սրոյ յիշատակէ տնկեալ դարմանէին այգիք ստորև ՚ի 4013' բարձու. իսկ ՚ի գեղջն բնակէին 300 տուն Հայոց, և ունէին եկեղեցի հին և գերեզմանատեղի հազարամեայ արձանագրովք, զամ Տեառն 1840. յորում ՚ի քսաներրորդի աւուր ամեան յունիսի սասանութիւն մեծ եղև ՚ի գաշտին և ՚ի լերինս Արարատայ, որ և ընդհատ և նուազ ժաժիւք տեւաց աւելի քան զերկու ամիս, կեդրոն ցնցմանց ունելով զբարձրն Մասիս. սրոյ յետ բազում դարուց ՚ի յուշիմն բերեալ զնախկին հրամուղ եռանդնն, ահեղ որոտամբ և վերապատումամբ արձակեաց բոցախառն ծուխ սեաւ. և մեծապէս շարժեալ դղրդեցաւ, ինքն և դաշտն առ հասարակ և անդրադոյնք և զսահմանք. և մինչդեռ բազում ուրեք երկիրն խորխորեալ պատառէր, և շինուածք տապալեալ կործանէին, և գետն Երասխ օժանդակօք իւրովք ալեկոծեալ ընդ հունն վաղէր և տեղափոխէր. վէ՛մ մի կարմրադոյն բլրահասակ վրթուցեալ ի բարձանց լերինն, և թափ ընդ թափ յուրեալ ցուեալ ընդ քարինս և ընդ սառոյցս՝ դահալիժեալ անկանէր կիսով յորկորս վհին մեծի, և կիսով խոնարհադոյն ևս թաւալ առեալ՝ զմասն մի վանաց Ս. Յակովբայ և զնորին աղբեր հարեալ՝ կորզեալ արկանէր ՚ի վերայ գեղջն Ակոուոյ, և նոքիմք զգիւղն կործանեալ աւերէր ջնջեր հետախաղաղ առնէր. տամբք և ընտանեօք և ստացուածովք կորուսեալ զտեղին, և զառ ստորև նորին տա.

ւաղեալ վրանաքնակ Քուրդս , յորոց սակաւք ոմանք կարացին անձնապուրծ լինել . և ծուխ հրախառն փոթորկեալ զհետ մեծ ի թաւալոցին՝ ճարակեաց թխացոյց զմնացուածս շինին և ծառաստանին , և ծածկեաց տըգեղծ աւերածովք . որք յետ ամսօրեայ աւուրց ( 'ի 24 յուլիսի ) քայքայեալք սորսօրեցան իջին 'ի խոնարհ 'ի դաշտավայրսն , վարեալք 'ի հեղեղեալ քարանց զերծելոց և 'ի սկախառն հոսանաց կաւոյ և տղմոյ . յորոց գարձեալ ոչ սակաւ աւերմունք եղեն . և ցարդ նշմարին ողորմելի մնացուածք գեղջն և մենաստանին մասամբ ի տղմի խրեալք և մասամբ 'ի խառնակոյտս անկերպարանս , և մեծագոյն ևս մասամբ՝ անհետացեալք :

Բայց առ յիշատակէ գեղջն հնոյ կանգնեցաւ Ն<sup>ր</sup>ն Ալիս<sup>ն</sup> 'ի ստորոտս լերինն , և բնակեցաւ 'ի Հայոց իրր 180 տանց . — Գագաթն լերինն ի հանդարտութեան օդոց՝ մառախլապատ տեսանի , իսկ 'ի շնչել ի նմա հողմոց՝ պարզ և սպիտակավառ և պաղպաջուն վայլէ վսեմահայեաց . բայց և հողմքն և մառախուղք , և սառամանիք նորին և ապալեր ուղղաբերձ կողք և աւաղն սահագնաց , և ամարանի հեղեղք ձիւնահալ հոսանաց , և բրդածք հիւսոյ , դժուարինս և վտանգաւորս գործեն զերս լերինն , և գրեա թէ անմատոյց՝ զսրբազան գագաթնն զասպնջական տապանին . յոր նախ առաջին առ մեօք յամին 1829 յիններրորդում՝ աւուր ամսեան հոկտեմբերի ել գիտուն բնախոյզն Բարրոգ Գերմանացի ընդ Ֆէստօրովի չափաբերի և այլոց ոմանց , և ետես բլուրս երիս սառամանեաց ի վերոյ քան զպատառածն մեծ , և ի գագաթան տեղւոջն տափարակ իրր 200 քայլու շրջապատու , ուստի երևէին համօրէն Այրարատ և կողմանք Սիւնեաց .



անդ կանգնեաց խաչ վոքր, և խաչ մեծ ի ստորև՝ յառաջին ելան . յետ նորա ելին և այլ բնագէտք ի զանազան նուագս և հաւաստեալ ստուգեցին զքննութիւնս Բարրողեանց . — Փոքրն Մասիս որ կոնաձև ևս քան զԱւագն ամբառնայ 99360՝ յերեսայ դաշտին Երասխայ, յամարան զերծանի ի ձեանց, և զխրեւանելի է, թէպէտ և աւազուտ և սա . ի դադաթանն ունի լճակ ըստ օրինի հրաբխաց, և եղերքն քարախտք . իսկ ի աեղուջ տափարակի վէմք մեծամեծք թաւալեալք կան, զորս Օղաղէ կա՛մ Հսկայից զերեզմանս ասեն լինել : Ի լեռնադաշտի կցուածոյ կրկին յերանցն կարծի յոմանց նիստ տապանին : Ի հարաւոյ կուսէ խառնին ոստք Մասեաց ընդ լերինս Պայէղիտոյ, արևմտից ընդ լերինան որ սահման հատանեն ընդ գաւառս Պայէղիտոյ և Սուրմառոյ, և երթեալ կցին ընդ Բարդողայ . համօրէն լեռնադաշտակքն բերեն զհրաբուխ երկրի կերպարանս, սպնդաքարիւք և լաւաքարիւք, որք յաճախագոյն ևս գտանին ի հիւսիսային կողս լերինն, մանաւանդ առ ակամբք Սեւջրոյ . ուր և մօրսվայրք են, և քաղմութիւն ջրասէր հաւուց : Հաւուցս վայրենեաց և որսականաց առատութիւն է և ի ստորտաս լերինն, ուր և որսան բազայիւք, իսկ չորքոտանիք չեն առատ ի Մասիս, ի գաղանաց երեւի երբեմն և յովազ . նուազեալ է և բնասարերութեամբ . ծառք սակաւք են ի նմա և գտանին ցբարձրութիւն 7800-8000 ոտից . անտի և ի վեր այսեան բոյսք որք ժամանեն 942,000 և արգք ինչ 943,000 : Առ ակամբք գետոյդ յիշելոյ ի սահմանս Արկուռոյ՝ ելեալ Արաւադդն արքայի յորս կնճից և ցռուց՝ խարդաւանեցաւ ի վիհն . լեռնակօհակն այն կոչէ՝ տրա հինսն Գնոյ լեռուն կամ

Բլուր և գետն Գինեգոյն , թուի թէ ի յիշատակ գինւոյն  
Նոյի : — Ի հիւսիսային Մասեաց ստին կան գեօղքն Սեւ-  
գառն , Արււլի , Հասանադար և այլն » :

Ընթերցողաց ուշադրութիւնը կը խնդրեմ այս գե-  
ղեցիկ գրուածքին վրայ , որ կը պարունակէ Մասիս լե-  
րին ու Ակուռի գծրազգ գիւղին ամբողջ պատմութիւնը ,  
և ապա կը հրաւիրեմ ի Ս. Էջմիածին :

## ՆԱՄԱԿ Զ.

### ԷԶՄԻՍՏԻՆ ՎՍԴԱՐՇՍՊՍՏ

1868 , Հոկտեմբեր .

Աշնան միջին ամիսն եմք , և օդերու յարմար ժա-  
մանակու՛մ . հովեր փչում են անուշիկ և զով . առաւօտ-  
եան արեւու ճառագայթ սիւռերէ իր լոյս . գոյն և ջեր-  
մութիւն ի վերայ խորհրդաւոր դաշտին Եղիվարդի ,  
Մուղնի , Օշական , Աշտարակ , Վաղարշապատ և այլ գիւ-  
ղերի . հաւք և թռչունք երգում են քաղցրիկ բնական  
նուագարանով . վճիտ առուակներ հոսում և կարկա-  
չում են , և օձապտոյտ դնում են :

Այգեաց և պարտիզաց ծառեր , տունկեր , ծաղիկ-  
ներ և խոտեր վայլում են գոյնզգոյն , և գիշերային  
ցօղերու մարգարտանման հատիկներ բերում են ի տես .  
ոգխարներ , գառներ , և այլ կենդանիք մայում են գնալ  
արածիլ դաշտեր և ձորեր . հովիւք և հովուհիւք վը-  
չում են իրենց սրինգներ :

Մեր կարաւան՝ յետ երկարօրեայ յողնութեան՝ կը տեսնէ Էջմիածնի գմբէթներ դաշտի մէջ փայլած . ինչ ուրախութիւն . ոմանք կը խաչակնքեն զուարթ և ջերմնուանդ երեսով, ոմանք երգում են եկեղեցոյ անուշիկ երգեր . վերջապէս խիստ զուարթ կերպիւ կը հասնիմք այն աղբիւր և հանգիստ կառնէ կարաւան , ուրկից կերևի ամբողջ դաշտն Էջմիածնի և Վաղարշապատի : Ի կարին միացած էին մեզ Տիգրանակերտի , Քարբերդի և Էրզրումի ուխտաւորք ևս . մեր թիւ կը հասնէր 80ի . չորեպանք և քլաւուր 100ի մօտ :

Քարբերդցի Կազուպեանի հետ յառաջացանք կարաւանի օթեան ճարելու համար , վասն զի լսած էինք ուխտաւորաց բազմութիւնը , վանուց հիւրանոցներ և վրաններ լցուիլը , և Վաղարշապատի շատ մը տուներու վարձու բռնուիլը :

Հասանք ի Ս . Էջմիածին սեպտեմբեր 23ին՝ Վարագայ Խաչի պահօց երեքշարթի օրն . (Ս . Միւռնի օրհնութիւն պիտի կատարուէր կիրակէ օր .) ահա ինչ կը տեսնեմք , բազմութիւն ուխտաւորաց եկեալ շատ մը քաղաքներէ , Պարսկաստանէ , Ռուսիայէ և Թուրքիայէ . լցուած էր բոլոր սենեակները և վանուց կողմէ պատրաստեալ վրանները :

Գտանք հիւրընկալ Ներսէս վարդապետը և խընդրեցինք բնակարան , և առինք երէքտ , շէնք պատասխանը , յաւելցնելով թէ ոչացել էք և պէտք է երկու պզտիկ խուցով գոհանաք . Մութ , խոնաւ և փոքր էին և հազիւ կը բաւէր մեր կարաւանի գոյքերը լեցնելու :

Բախտը կամ ուխտաւորաց ջերմնուանդութիւնը օգնելով , պատեհ հանդիպմամբ ներկայացանք Վեհ . Ս .

Կաթողիկոսին ամենայն Հայոց Գէորգ Գ.ի, ի զաւիթ եւ կեղեցւոյն, ուրկից կանցնէր բազմութեամբ :

Նորին Վեհափառութիւնը լսելով հեռաւոր երկիրներէ և Թուրքիոյ ներսերէ այսքան ուխտաւոր գալը, շատ ուրախ եղաւ, և Օսմանեանց վրայ յատուկ խնամք ունենալով, իսկոյն հրամայեց հիւրընկալ Հայր սուրբին պարպել ձեմարանը, մէկ կողմը յատկացնել Կարնեցւոց և Երիզացւոց, միւս կողմը Քարբերդցւոց և Տիգրանակերտցւոց (1) . անմիջապէս կատարեցաւ հրամանն Վեհափառի, և կարաւանը ուրախութեամբ տեղաւորեցաւ : Գպրոցի մահճակալներն ալ յատկացաւ ուխտաւորաց (2) : Ուխտաւորաց բազմութիւնը արդէն խոնեալ էր, որոց թիւը մինչև 30,000ի կը հասնէր : Այս թուոյն ենթակայ չէ Ռուսիոյ մի վաշտ զօրքը, պաշտօնեայններ, միաբանութիւն վանուց, Վաղարշապատի 1000 տուն երկրագործ Հայեր և շրջակայ գիւղօրէից Պարսիկներ, Հայեր, և առևտրական գործով գալողներ :

Էջմիածնի պատմութիւնը գրելու համար կայ առատ նիւթ . այլ մեք կը գրեմք համառօտիւ :

---

(1) Բոլոր ներկայ գանուողք ծիծաղեցան երբ Վեհափառը հրաման րբաւ հիւրընկալ Հայր սուրբին որ իր սենեակը պարպէ և յատկացնէ մեզի, և ինք հիւր ըլլայ Արէլ սրբազանին իրր պատիժ Օսմանցոց յարգ չի տալուն համար . քիչ մը վերջ բազմեցանք ընդ արձակ և կահաւորեալ սենեակը :

(2) Վեհափառը ամեն պարագայի միջ կը նախագտէր Օսմանեան Հայերը որոյ շնորհիւ վայելեցինք հանդստութիւն և ամեն կերպ դիւրութիւն . Միաբանութիւնն ալ յատուկ յարգանք կը տաճէր Օսմանցի Հայերուն նկատմամբ :

Էջմիածնի վանք շինեալ է ի դաշտին Վաղարշապատի, ի հնուամն կարբի կամ գլխաւոր մասն Այրարատի: Էջմիածնի շրջապատն է Երևանը, Արայի լեռը, Հրազդան գետը, Երասխը (Մայր Արագսին, Արազը):

Դաշտի յատակագիծը կը նմանի կարնոյ կամ Երիզայի դաշտերին. ունի միակ առուակ մը ջուրի որ կանցնի վանքէն կերթայ կը լցուի մեծ աւազանը՝ մեծ անտառը ջրելու համար. ջուրը և օդը առողջարար չէ. նման է Երևանի:

Այս աշխարհածանօթ տեղը նախ շինեց Երուանդ, հայրն Տիգրանի, Քրիստոսէ 700 տարի առաջ, որոյ քեռայրը Վարդգէս նորոգեց՝ առաջին աւանն անուանելով Արփադ:

Յետ բազում ժամանակաց կամ հազար տարիներու, Վաղարշ հաւ Տրդատի նորոգելով կոչեց Վաղարշապատ, այսինքն նոր քաղաք կամ դաշտի քաղաք, ուր գարնան եղանակի բնակէին Խոսրոֆ և որդին Տրդատ:

Աստ ետես զտեսիլն հրաշալի Գրիգոր լուսատուն Հայոց, իջն Մեծն Բանին և զբաղխելն ուռամբ զհիմուննս երկրի. վասն այսորիկ կոչեցաւ «Էջմիածին»:

380 թուականին կործանեց այս քաղաք Մեհրուժան, սակայն կրկին նորոգեցաւ, և է շէն ու պայծառ մինչև այսօր:

Նշմարք հին պարսպիցարդ երևին ի Վաղարշապատ գիւղ, որ նորոգեց Վահան Մամիկոնեան և յանձնեց տեսչութեանն Ղազար Փարպեցւոյն:

Կրեց պէս պէս փոփոխութիւնք, երբեմն անշքացաւ. 1441 թուականէն սկսեալ պայծառանար երբ բաժանեցաւ աթուէն Սոյ. և եղև աթոռ նախապատիւ

քան զամենայն աթոռս Հայոց, ինչպէս մինչև ցայսօր :  
1441էն մինչ 1868 նստան 47 կաթողիկոսունք յէջ-  
միածին 427 տարուան մէջ (1) :

Իսկ վանուց շէնքեր և պայծառութիւնք կսկսի  
1600էն որ շինեցին մեծամեծ շինութիւնք՝ Մովսէս, Փիլ-  
լիպպոս, Ղազար, Սիմէօն, Ներսէս Աշտարակեցի և Մատ-  
թէոս կաթողիկոսունք :

Սիմէօն կաթողիկոս շինեց վանքի ներկայ արտաքին  
հաստատուն պարիսպը, որ ունի չորս դուռ և բուրգեր :

Ղազար կաթողիկոս շինեց ընդարձակ հիւրանոցը  
որ կոչի Ղազարապատ, հաստատուն կրկնայարկ բազում  
սենեակներով :

Ներսէս Աշտարակեցին շինեց մեծ աւազանը որ ու-  
նի 300 ոտք երկայնութիւն, 300 ոտք լայնութիւն և 20  
ոտք խորութիւն, ողջ սրբատաշ քարերով. վանքի ա-  
ռուն գիշեր և ցերեկ վաղելով աւազանը հազիւ կրնայ  
լեցունել 15 օրէն, որ կոռոզէ մեծ անտառը նոյնպէս  
շինեալ Ներսիսէ. շինեց նաեւ շատ շէնքեր, գրաւեց  
վանքի բոլոր հին կալուածները և հողերը, մինչ Աշտա-  
րակ շինեց ծառուղի և այլ օգտակար բաներ. երջան-  
կայիշատակ կաթողիկոսի մեծագործութիւններն անթիւ  
անհամար է (2) :

---

(1) Տես Պատմութիւն Եկեղեցական, որ գրեաց Ամենա-  
պատիւ Մեկքիսեղեկ Մուրատեան սրբազան Արքեպիսկոպոս  
Զմիւռնիոյ :

48 րդ. կաթողիկոսն է ներկայ Ս. Մակար կաթողիկոսը :

(2) Ներսէս կաթողիկոսի կենսագրութեան վրայ ժողուած  
էի բաւական տեղեկութիւնք, բարերախտօրէն ձեռքս անցաւ  
մէկ տարի վերջ իր կենսագրութիւնը :

Մատթէոս Կաթողիկոս շինեց մեծ վաճառատունն արտաքոյ պարսպաց՝ 4 դուռ 160 կրպակներով :

Ներկայ Վեհափառը (Գէորգ Գ.) սկսած է զարդարան մը շինել, և մտադիր է կառուցանել շատ շէնքեր և ուսման յարկեր (1) :

Վանուց միջնապարիսպը բաժանեալ է կրկնակի քառանկիւն, կրկին պարսպաց միջավայրն է բաղնիքը, ակտոններ և այլ շէնքեր. իսկ միջնապարիսպէն ներս անկիւնները զարդարուած է, Վեհարան, Ս. Սիւնհոգատեղի, սենեակք Միաբանից, նոյնպէս եկեղեցւոյ դաւիթում սեղանատուն, վարժարան, տպարան և այլն :

Եկեղեցւոյ շուրջը դաւիթ է ընդարձակ. Վեհարանի դաւիթը կայ գեղեցիկ պարտէզ մը, սեղանատուն (2) և այլ շէնքեր. եկեղեցին շինուած է դաւիթին ուղղակի կեդրոնը, այն տիեզերահռչակ Կաթողիկէ եկեղեցին, Մայր եկեղեցին, Լուսաւորչաշէն եկեղեցին, Տրդատաշէն եկեղեցին, հայաստանեայց սուրբ և անդրանիկ եկեղեցին :

Այս հոյակապ եկեղեցի շինեալ է նախ Գրիգոր Լուսաւորչէ և ապա Տրդատէ, ի վերջոյ նորոգեալ Վահան Մամիկոնեանէ 433 թուականին, վերակացութեամբ

---

(1) Գէորգ հանգուցեալ Ս. Կաթողիկոսը սկսած էր շինել եկեղեցւոյ խորանի կից ուր պիտի դրուին սուրբ անօթք, որք դեանափոր տեղեր կեղծանէին. այժմ այցելուք անշուշտ կը տեսնեն թէ ի՞նչ օգտակար եղած է. շինեց նաեւ Գէորգեան ձեմարանը և այլ շէնքեր :

(2) Սեղանատունը կրկին է ամարայնոց և ձմերայնոց, ամարանոցը կը պարունակէ 250-300 մարդ :

Փարպեցւոյն անփոփոխ պահեալ զտեղի Իջման և յիշատակ Լուսաւորչին :

Է. դարուն Կոմիտաս Կաթողիկոս կրկին նորոգեց և շինեց քարակերտ մեծ գմբէթն, կրկին նորոգեալ մաս մի ներսէս շինողէ, յաւելեալ խորաններ և գմբէթներ. կրկին մնայ անփոփոխ հնուծիւն եկեղեցւոյն, լայնածաւալ սիւներուն և զարմանալի կազմութեանն. ունի 3 դուռ, 7 խորան և 4 խիստ մեծ սիւներ. արևմտեան մեծ դուռի վրայէ եռայարկ և բարձր զանգակատուն, որ ունի ահագին զանգակներ, որոց մին եկեալ է աշխարհէն թաթարաց և ունի գրոշմեալ սրբազան ճշմարտութիւնք թաթար տառերով :

Եկեղեցւոյն մէջտեղն է Էջմիածնի Ս. խորանը որոյ վրայ է այն մեծ կաթողիկէն բարձր 70-80, եկեղեցւոյ երկայնութիւն 100 և լայնութիւն 90, վայելուչ և սքանչելի. կրկին աթոռք հայրապետական, մին հուպ խորանին Իջման, միւսն ի դասուն, քանդակեալ և զարդարուն :

Վանքը ունի նաև ճոխ թանգարան և մատենադարան, բազում ձեռագիր գրեանք, սառնատուն որ միշտ անպակաս է սառոյցը ամրան եղանակին. նոյնպէս առատ է գինին. ունի մօմատուն, խոհարանք և այլ բազմաթիւ շէնքեր ամենքն ալ քարակերտ :

Վանքի պարսպաց շուրջն է կարծեօք Չմղոնի չափարտաքոյ պարսպաց է մեծ աւաղանը, անտառը Գայիանեաց, Հռիփսիմեանց և Շողակաթի վանքերը (1) (մտա Էջմիածնի վանուց), վաճառատունը և մեծ հրտապարա-

---

(1) Որոյ աղագաւ կոչի Իւչ քիլիսէ :



կը , յորմէ անդին է Վաղարշապատ գիւղը և Էջմիածնի գերեզմանատունը , ուր կայ հոյակապ շիրիմներ կաթողիկոսաց :

Շուրջի երեք վանքերու եկեղեցիք պայծառ են , իսկ ուրիշ շէնքեր աննշան . ասոնց մօտն է վանքի ախոռներ որ ունի բազմաթիւ ձի , եղ , կով , ոչխար , խոզ . Վաղարշապատի հողեր և այգիներ կը վերաբերի վանուց , որ կը մշակեն 1000 տուն Հայք . ունի նաև ուրիշ շատ գիւղեր , ագարակներ և կալուածներ :

Անտառը կարծեօք երկու ժամու շրջապատ ունի , (անդին հարստութիւն) . վանքի եկամուտներ և ուխտաւորաց նուէրք և փոխարէն ծախքեր կը գործադրուին Սիւնհոգի որոշմամբ . նստի մի պաշտօնեայ (պըրօկուրօր) Ռուսիոյ տէրութեան կողմէն՝ Պալաթէնիա անուն կանոնագրքի արամադրութեամբ , որ կը վերաբերի վանուց կառավարութեան , հաստատեալ 1837 ին :

Տպարանը հրատարակում է մի թերթ Այրարատ անուն , և եկեղեցական գրեանք . թանգարանը ճիս է ձեռագիր և տպեալ գիրքերով :

Եկեղեցին ունի բազում սուրբ անօթ , զարդեր և զգեստներ , ոսկեզօծ և արծաթեայ թագեր , խաչեր , քշոյցներ , դաւազաններ , ոսկիթել զգեստ և արծաթապատ Աւետարաններ և այլն . խաչերու և թագերու վրայ կերևի նաև քարեր , միլիոնաւոր հարստութիւն՝ իրրեւ արքայական :

Վանքը ունի սրբոց մասունք որ կը բաղկանայ հետեւեալ նուիրական նիւթերէ :

Աստուածամուխ Ս . Գեղարդն երկաթեայ .

Մասն Նոյեան տապանի (Թղաչափ) .

Աջն Ս. Գրիգոր Լուսաւորչի (արծաթապատ) .

Աջն Ս. Արիստակէս Հայրապետին (արծաթապատ) .

Աջն Ս. Յակովբ Մժբնայ Հայրապետին »

Պատկեր ձեւակերտ Յովհաննու Աւետարանչին  
(փայտեայ) .

Այլ մաս Նոյեան տապանին (փայտեայ) .

Գաղաթն Ս. Հռիփսիմէ կուսին .

Ս. Խաչեր մի քանի հատ , մաս և նշխար Սրբոց  
(ոսկիէ և արծաթեայ ոսկեղօծ) . ասոնք կը պահուին  
մեծ խնամքով և մաքրութեամբ :

Հռիփսիմեանց վանքն է տեղի նահատակութեան  
հրաշագեղ կուսին Հռիփսիմեայ 32 ընկերօք , որ կու-  
չեցաւ Մայր Հայոց . հոս է հնձանք արքունի շինեալ նախ  
Լուսաւորչէ , ապա Մեծն Սահակէ և նորոգեալ կամի-  
տաս կաթողիկոսէ որ հանգչի աստ և ունի դամբան .  
ինչպէս նաև հոս է գերեզման Փիլիպպոս կաթողիկոսի :

Ս. Գայիանեայց վանք՝ ուր նահատակեցաւ մայրն  
կուսանաց երկու ընկերօք՝ շինեալ Լուսատուէն Հայոց .  
ընդարձակեց Եզր կաթողիկոս 630ին , ի վերջոյ Փիլիպ-  
պոս և Եղիազար կաթողիկոսունք նորոգեցին . հոս է  
գերեզմանք Եզր և Եղիազար կաթողիկոսաց :

Շողակաթի վանքն է տեղի նահատակութեան միակ  
հիւանդ կուսին , նորոգեալ նահապետ կաթողիկոսէ (A) .

Ս. Միւռոնի օրհնութիւնն սկսած էր Վարազայ  
Խաչի կիրակիէն 40 օր յառաջ , որ ամեն ժամեղբունէ

---

(A) Ընդարձակ պատմութիւն կուսից , տես Վարք Սրբոց  
անուն գրքին և Ազգային պատմութեանց մէջ :

վերջ կը կարգան, շարաթ օրը կատարեցաւ Վեհափառի տօնախմբութեան հանդէսը խիստ շքեղ կերպիւ . զի շերը հրախաղութիւն և այլն . Վեհափառը եկեղեցիէն ելլելուն բոլոր զօրքեր բարևի կայնած, նուագարանք, երգեր և ճառեր կը յաջորդէին, կեցցէներու ձայներ և հարբաներ օդը կը թնդացնէին :

Կիւրակէ առաւօտ եկեղեցւոյ ժամերգութիւնը լրացաւ սովորապէս մինչև Հոյ Ժոյ Խորհուրդ խորհիին, և եկեղեցին աւարտեցաւ . յայտարարեցին թէ մէկ ժամ վերջ (1) պիտի սկսի Պատարագը և Միւռօնի օրհնութիւնը :

Կէս ժամ վերջ ուխտաւորք խոնած էին եկեղեցւոյ դաւիթը, տանիքները և այլուր . զօրքեր շարուած էին հրացան ի ձեռին բարևի, ահա երևցաւ Վեհափառ Հայրապետն զգեատաւորեալ թանկագին կերպասիւք, և ընդ նորա զգեատաւորեալ երկօտասան Եպիսկոպոսունք ծանրագին զգեատներով, թագերով և գաւազաններով,

Վեհափառի զլիին կար մի ամպհովանի զարդարուն որ բռնած էին չորս յատուկ անձինք, երգելով մտան յեկեղեցի . Վեհափառը պատարագիչ էր, ահա սկսաւ պատարագի խորհուրդը . 12 Եպիսկոպոսունք ունէին ի ձեռին Ս. Մատունքներ և Միւռօնի աղաւնակերպ անօթը և ծողկանց հիւթը :

Պատարագը սկսեց խիստ շքեղ և բացառիկ հանդիսով . բոլոր վարդապետք և քահանայք, դպիրք

---

(1) Աթոռի սովորութիւն է հանդիսաւոր օրեր առաւօտեան ժամերգութիւնը և պատարագի արարողութիւնը զատել և երկուրի մէջ մէկ ժամ միջոց տալ (թէյ խմելու և նախաճաշ ընելու) :

և այլ եպիսկոպոսունք զգետաւորեալ էին եկեղեցա-  
կան շքեղ համազգեստներով . բոլոր խորաններ զար-  
դարեալ էր խաչերով , Աւետարաններով և ծաղիկներով .  
եկեղեցւոյ բիւրեղեայ բոլոր ջահեր և արծաթեայ կան-  
թեղք լուսափայլ աննման տեսարանով :

Չօրաց սպայներ հագած էին մեծ համազգեստներ,  
և զօրքեր նոր զգեստներով կարգ կարգ բաժնուած էր  
եկեղեցւոյ մէջ տեղեր , դուռներ , դաւիթներ և վանքի  
բոլոր շէնքերու կարգեր և պարսպաց դուռները . պա-  
տարագը լրանալու մօտ Առաքելացի ատեն սկսեց վեհա-  
փառ պատարագիչը բարձր ձայնիւ ևս սուսեւ ափնուղը-  
մօժ կայսն ափնայն Ռուսոյ և այլ տիտղոսներով , և ապա  
թագուհին և դահաժառանգը և այլ կայսերազունս  
յիշատակել (1) :

Վեհափառը խօսեց կարճ և ազդու մի քարոզ , օրհ-  
նեց կայսրութիւնն Ռուսիոյ և Օսմանեան , օրհնեց ալ-  
գը , եկեղեցին , միաբանութիւնը , ուխտաւորները , դրո-  
ււատեց Օսմանցի Հայոց հեռաւոր երկիրներէ ջերմե-  
ռանդութեամբ եկած ըլլալինն . համառօտիւ բացատրեց  
Միւռոնի արարողութիւնը և ո՛ր թուականէն սկսիլը ,  
և կրկին օրհնութեամբ վերջացուց : Ապա սկսեց Միւ-  
ռոնի օրհնութիւնը (2) և լրացաւ շորս ժամէն (պատա-  
րագի սկիզբէն մինչև ցաւարտ) :

---

(1) Ռուսահայոց եկեղեցիներում կայ մի տպեալ թուղթ որ  
կը մնայ խորհրդատետրի մէջ . պատարագիչ վարդապետ կամ  
բահանայ նախ պարտի յիշել կայսրն , կայսրուհին և կայսերա-  
զունք և ապա կաթողիկոսը , որոյ կը հետևին նաև գպիրք :

(2) Միւռոնի օրհնութիւնը 40 օր կը տևէ . 39 օր առաւօտ

Ի համբոյր ուխտաւորաց դրուած էր տօնի օրէն յառաջ և վերջը Միւռոնի խալկինը որ ուխտաւորք կը համբուրէին : Կիւրակէն լմնցաւ . երկուշարթի առաւօտէն ուխտաւորք սկսան վերադառնալ, մինչև երեք օր համարէ թէ ուխտաւոր չէր մնացած : Նոյնպէս վերադարձաւ մեր կարաւան և մեք մնացինք մի քանի օր , քանզի բազմութեան մէջ չունէինք դիւրութիւն ամեն կողմ պտըտելու , վանուց և շրջակայից առարկայք տեսնելու :

Յայնժամ ազատ կերպիւ տեսանք վանքի բոլոր շէնքերը , եկեղեցւոյ անօթները և զարդերը , գիրքերը , մօտակայ երեք վանքերը , շիրիմները , Վաղարշապատ գիւղը և եկեղեցին , մեծ անտառը , մօտակայ մի քանի գիւղերը և այլն :

Սոյն հանդիսի ներկայ էին Տ. Մկրտիչ վարդապետ Խրիմեան և Նրեմիա վարդապետ որք եկած էին Եպիսկոպոսութեան բարձր աստիճան ընդունելու . մեք շատ կը փափաքէինք տեսնել նաև ձեռնադրութեան հանդէսը մանաւանդ Հայրիկի ձեռնադրութիւնը , դժբաղդաբար չլրացաւ մեր փափաք (1) և մեք վերադարձանք ի Կիւմրի :

---

ներ եպիսկոպոսունք և քահանայք կը կարդան Մարգարէից Առաքելոց թուղթերը , Աւետարան , Նարեկ , Շարական , Սաղմոս , Մաղթանք և այլն , որ մէն մի օր կը տուէ մի ժամ . ԿՕրդօրը կը լրանայ , և կը նմանի Մենդեան տօնի առաւօտ ( յետի ջրօրհնէնք) ի արարողութեան , « Առաքելոց աղանոյ » ըսելով հին Միւռոնը կը լեցնէ Վեհափառ պատարագիչը պատրաստ խալկինի մէջ և ապա խալկինի բերան կը դոցուի :

(1) Վեհափառը ճաշի մը ատեն յայտարարեց իր յոգնած

Վանքը կը կառավարի Սիւնհոդի որոշմամբ և կընտրուի ամեն պաշտօնեայք, ինչպէս համարակալ, դանձապահ, տպարանի և թանգարանի տեսուչք, մատակարար, կալուածական տեսուչք, նուիրակք և շատ մը եկեղեցական և քաղաքական պաշտօնեայներ :

Վանքի կանոնադիրքն է Պալատէնիան և որոյ գործադրութեան կը հսկէ պրօկուրօրը :

Սիւնհոդի նախագահն է Ս. Կաթողիկոսը կամ Փոխանօրդը . Կաթողիկոսը բացարձակ տէր և իշխանն է վանուց և նորա սեփհականութեան : Կաթողիկոսն է դատաւոր միաբանութեան և վանքի երկրագործ ժողովրդեան :

Կառավարութիւնը կը ճանչէ իբրև գերագոյն Եպիսկոպոսապետ, տրուած է բաւական արտօնութիւնք և մեծ յարգանք : Զօրքեր և զօրապետք կը բարևեն կը յարգեն Կաթողիկոսը ինչպէս բարձր նախարար մը (1) :

Կաթողիկոսական իշխանութիւն խիստ բարձր է, մանաւանդ Կաթողիկոսը եթէ ըլլայ օրինաց հմուտ ինչպէս Ներսէս Աշտարակեցին, այն ատեն լսեղիւրը կ'իսխուի : Ներսէս Կաթողիկոս կառավարեր է վանքը և ազդը ինք-

---

ըլլալը, և հազիւ 20-25 օրէն կրնալ ձեռնադրելը : Հայրիկը մեզ ըսաւ թէ «մի սպասէք», ձմրան մօտենալը և ճանապարհներու երկիւղը, Վեհափառի յողնութիւնը, զրկեցին զմեզ մի այդպիսի չքեղ հանդէս տեսնելու :

(1) Ռուսիոյ զօրքերը կը բարևեն Եպիսկոպոսը իբրև ժէնէրալ (լիւա), վարդապետը իբրև պոլգոմիսիկ (գնդապետ) և քահանայն իբրև մայեօր (հազարապետ) . այս է իրենց Բեչքեֆ-Բէկ կարգ :

նիշխան կերպիւ , ստրտափ ձգեր է շատերի վրայ . Պարսիկ ժողովուրդք անգամ կաթողիկոսի կը դիմեն եղեր իրենց դատերին համար : Միաբանութիւնը կը բազկանայ կարծեօք 300 անձէ . կայ մէջերնին խոհուն , քաղցր և բարի մարդիկ :

Մեր վայելեցինք համակրութիւն Վեհափառից և միաբանութիւնից , ի մասնաւորի Ս. Աբէլ և Պետրոս եպիսկոպոսներից , հիւրընկալ ներսէս վարդապետից (այժմ՝ Եպիսկոպոս) :

Տեսանք Ռուսիայի 30-40 քաղաքներէ շատ Հայեր , որոց մէջ կային բարձր դիրքի տէր անձինք , ուսումնականք , վաճառականք , որ խիստ կը յարգէին Թրքահայերը :

Տեսանք նիկոլ իշխանը , Տփլիսի Փոխարքային տեղապահը , որ եկաւ Էջմիածին շատ սոսանախոլ(1) , գնաց եկեղեցի և անտի Վեհարան . մեկնեցաւ մէկ ժամէն : Տեսանք կայսերական գերդաստանէ մի դշխոյ որ գալով գնաց եկեղեցի և անտի Վեհարան , ապա շրջեցաւ կրկին վանուց շատ կողմերը , շերմեռանդութեամբ համբուրեց սրբոց նշխարքը , և երկու ժամէն մեկնեցաւ : Տեսանք Խրիմեան Հայրիկը , Երեմիա վարդապետը , Պօլսեցի Բէխեան Մկրտիչ պէյը , և այլ շատ աղգայինք զանազան տեղերէ . տեսանք առարկաներ , նոր տեսակ ծառեր , պտուղներ , սիրամարգ , բրինձի մշակութիւն և այլն . տեսանք Երեանը , Վաղարշապատը , Օշականը , Աշտարակը , Մուղնին և այլ նշանաւոր գիւղեր . տեսանք

(1) Ռուսահայք սալթանաթ բառի տեղ կը գործածեն սանսանաթ , այսինքն շքեղութիւն :

Ս. Էջմիածինը և շատ ուրիշ վանքեր . տեսանք կաթո-  
ղիկոսաց շիրիմներ , ոմանք գմբէթաձև , ոմանք գրքա-  
ձև , կերպ կերպ արձանագրութեամբ : Ամենէն պարզն  
է Ներսէս Ե. ի գերեզմանը , հրապուրիչ և խորհրդա-  
ւոր (1) . տեսանք , շրջեցանք, վայելեցինք, ուխտեցինք,  
վերջապէս դարձանք գոհ և ուրախ սրտիւ . կը վաժա-  
քիմ սիրելի ընթերցողք, որ դուք ալ պատեհութիւն ու-  
նենաք վայելելու մի այսպիսի Ս. Աթոռի տեսութիւն որ  
լի է բազում հին և նոր յիշատակներով , որոց նկա-  
րագրութիւնը պէտք է լեցունէ ամբողջ հատորներ (2) ,  
մենք հաղիւ կըցինք գրել այսքան մը , և անցանք ի  
կիւմրի որ է Ազէքսանդրապօլ :



---

(1) Բոլոր ուխտաւորք կղմայլէին այս գերեզմանին որ Էջ-  
միածնի եկեղեցւոյն գաւիթն է , և է մի պարզ մարմարիոն ,  
որ պիտի պատմեմ նորին կենսագրութեան մէջ :

(2) Անշուշտ հատորներ կը լեցունէ եթէ պէտք ըլլայ գրել  
վանից պիւտձէն , նիւթական ելումուտ , վարժարանաց և ու-  
սումնարանի ծրագիր , աչակերտաց թիւ և ուսման եզանակ ,  
թանգարանի և մատենադարանի հին գրեանց ցանկեր , ար-  
ձանագրութիւնք , յիշատակարաններ , միարանութեան գրու-  
թիւն , Պալատէնեայի թարգմանութիւն , վանուց նիւթական և  
նուիրական հարստութիւն , Օսմանեան Սուլթաններու և այլ  
կառավարութեանց ֆէրմաններ և այլն :



## ՀԱՄԱԿ Է.

### ԿԻՒՄՐԻ

1868, Սեպտեմբեր.

Կարսէն գնացինք Կիւմրի, և Էջմիածնէ վերադարձին եկանք դարձեալ. երկու անգամին մնացինք իբր 8 օր:

Մեր պատմութիւն կսկսի Կարսէ մեկնելու ատեն, որ նոյն օրուան գիշեր անցուցինք Փալարուան գիւղ, և առաւօտեան ժամը 3 ին հասանք Պաշ գօրտօն՝ մօտ Օ. ճագ. զուլի գեղջ. գօրտօնք (պահականոց) շինուած են Ախուրեան գետի (Սրբա չայի) եղերքին և գետն է սահման Ռուսաց և մեր (Օսմանեանց):

Մեր գօրտօններ կար զօրապետք և մաքսաւորք, որք պաշտօն ունին քննել անցնելի անձանց անցագիրները և գոյքերն ու վաճառքները:

Մեր պաշտօնեայք ընդունեցին զմեզ խիստ քաղցր եղանակաւ, յարգանք ցոյց տուին կարաւանին, և անցանք Ախուրեան գետ որ սահմանագիծ ըլլալուն կամ մուրջ չունի:

Քետի միւս կողմն է Ռուսաց պահակները, մաքրարանը (գարանիթին) և մաքսի տեղեր. մեր և Ռուսաց կողմը ցիցերու վրայ չուաններ քաշուած է իբրև սահման և ունի միմիայն դուռ որ կսպասէ շարունակ:

Ռուսաց կողմը որ ոչ ծառ կար և ոչ շուք, գետեղըը կը նեղուէինք արեւու տաքութենէն, և երբոր

Ռուս պաշտօնեայներէ և սօյտաաներէ կը խնդրէինք դուռը բանալ, շնորհակց (ինչ կը խօսիւք) պատասխանը կառնուինք. վերջապէս եկան Կիւմրիցի Հայեր գիր հարցընելու և մեք հասկցանք որ սպասել պէտք է եղեր 3 ժամ. ետինքի ատեն միայն կը բացուի դուռը օրը մէկ անգամ որ ռուսերէն կըսեն «ყოշ(1)» :

Մեք ստիպուեցանք գրել Կիւմրի Զիթողեան (2) աղաներու (որոց հետ Կարինէ ունիմք բարեկամութիւն) կէս ժամ վերջ կառքով եկաւ Յարութիւն աղան հրաման ի ձեռին և մեք գացինք Կիւմրի որ հազիւ կը տեէ մէկ քառորդ ժամ :

Կիւմրի էր մի գիւղ անշուք. 1840ին գաղթականք Հայոց եկեալ ի Կարնոյ, Պայէզխէ, Կարսէ, Բասէնէ, Դերջանէ և այլ տեղերէ, ոմանք մնացին Կիւմրի և գիւղերը, ոմանք ալ գնացին Տիւսիս, Ախլցիսա և այլուր. 1828էն սկսեալ շինեցին շէնցուցին և մեծցուցին :

Քաղաքը շինուած է բարձրաւանդակի վրայ՝ պատերազմական խորհրդաւոր գիրքով, կոչեցին Աղէքսանդրապօլ 1834ին Աղէքսանդր Բ. կայսեր անուամբ

---

(1) Հոս ժամերու սխալութիւն մը զմեզ ստիպած էր առաւօտեան ժամը 3 ին գանուիլ սահման, մինչդեռ երօսպական ժամը 3 ին կը բացուի եղեր :

(2) Զիթողեան գերդաստանը Կիւմրիի առաջին երեւելի տունն է, որք գաղթած են Կարնոյ Զիթափուզ գիւղէն 1828ին. են հարուստ և պատուասէր, ունին մեծ շէնքեր, վայելուչ տուներ և այլն. կըրացին Տէրութեան գօնթրաթներով, վաճառականութեամբ, և ունին պատուանշաններ :

որ էր թագաժառանգ ամենաողորմած(1) Նիկօլա կայսեր : (Ս. յժ մու կայսրն է Գ. Աղէքսանդր :)

Ռուսք շինեցին ամուր բերդ մի , զօրանոց , հիւանդանոց , վայելչագեղ եկեղեցի , ուղղմական ամրու թիւնք և այլ շէնքեր :

Արտաքոյ բերդի կայ երկու աշտարակ Գըզըլ գուլէ և Գարա գուլէ անուամբ , որք ամրացեալ են մեծ և փոքր թնդանօթներով :

Կառավարութիւնը ունի ապարանքներ , մաքսարան և մաքրարան , զօրանոց և շատ պահակներ դէպ Ս. խուրեան . փողոյներն են լայն , միաձև և ուղիղ՝ բաժանեալ թաղերու :

Բնակիչք 4000 տուն Հայ . հազիւ կելլէ 200 տուն իտան ազգեր՝ Պարսիկ , Վրայի և Ռուս :

Քաղաքի շէնքեր շինուած են՝ սև , կարմիր , ճերմակ , գորշ և դեղնագոյն քարերով՝ մեծ մասը սրբատաշ և միայակ(2) :

Քաղաքի մօտ ձորի մը մէջ կայ մի պարտէղ հասարակաց Չէրքէղի ձոր անուամբ , զառիվար և վեր . բնական զիրքը և ծառեր սուած է մի զուարճալի երևոյթ :

Հայք ունին երկու եկեղեցի և երկու վարժարան . սրբորդ եկեղեցւոյն պատերը լինցած է և կը կենայ կիսաա՝ կառավարութեան հրամանաւ , և է հոյա .

---

(1) Ռուսաց մէջ կայսեր տիտղոսն է ամենաողորմած , կարծեմ ուսերէնէ թարգմանեալ է , ինչպէս մեք կը յիշեմք . մեր Սղոստափառ Սուլթանը , բարեխնամ կայսրը , թուրքերէն չէ վըլէթ մէալ է ֆէհնաըմըղ , շինքեար է ֆէհնաըմըղ և այլն :

(2) Կառավարութիւնը հրաման չիտար կրկնայարկ շինելու՝

կապ խիստ վայելուչ ընդօրինակութիւն Անիի Մայր եկեղեցւոյն(1) :

Վաճառաշահութիւնը աղէկ է՝ բանակի կեդրոն և միշտ զօրք ըլլալուն համար . կան բաւական հարուստ հայեր՝ քաղաքի փոքրութեան հակառակ :

Բարք և սովորութիւն բազմակերպ է . ոմանք պահած են Օսմանեան հին Հայ սովորութիւնք իրենց բնիկ երկիրների հետևութեամբ՝ Կարնեցի, Կարսեցի և Պայեաղիտցի . ոմանք հետևած են Ռուսաց կամ Վրացաց, ոմանք Եւրոպացաց :

Նոյնպէս արանց և կոնանց զգեստներ բազմատեսակ է . ամեն ոք իր ճաշակի համեմատ՝ Եւրոպական, Վրացաց, Պարսից, Ռուսաց, Թուրքաց և այլ կերպ կերպ զգեստներ . կը գործածեն գլխարկ (շապկայ) շատ տեսակներ, փափաղ, ֆէս և այլն :

Ժողովուրդն է հիւրասէր, և համակիր առ Օսմանեան Հայո . նշանաւորք են Զիթուղեանք, Տիգրանօֆ, Պապայօֆ, Սիրականօֆ և այլք . կան տաղանդաւոր անձինք :

Կառավարութիւնն է Մութէսարըֆութիւն ընդ իշխանութեամբ Երևանի . ունին մի պաշտօնեայ առևտրական դատերու և ուրիշ մը պատժական ճիւղի, (ատաօգաթ կառավարութեան) իբր դատախազ և այլն . քիչ

---

ապրիական կանոնի մը համար . կրկնայարկ կրնան շինուիլ եթէ երկու յարկը հաւասարի միայարկ տանիքներու :

(1) Սոյն եկեղեցիի ամեկրոյցած է և ականատեսք կը պատմեն շքեղութիւնը :

մարդով կը կառավարեն . շունին ժողովներ կամ ժողովրդական անդամք :

Գատարանները խիստ լքեալ են եղեր ի հնումն . այնպէս որ՝ շէնք (վաղը եկուր) բառը առակ դարձած էր . յետոյ բարձրագոյն հրամանաւ մը բարեկարգեցաւ որ գոհ էր ժողովուրդը , դատերը շուտ վերջանալուն համար :

Առաջնորդը սոսկ քարոզիչ մ'է . բնաւ չի միջամտեր քաղաքական գործոց և է ընդ իշխանութեամբ Ս. Էջմիածնի :

Ժողովուրդը ունի մի ժողով Բեկ-Բեկ անուամբ 10-15 անձէ բաղկացեալ . ամեն տարի նոր ընտրութիւն կըլլայ և կառավարութիւնը ասոնցմէ մին կընտրէ թէփութէթ (իբր նախագահ) ասոնք կը բաժնեն տուրքերը , կը վճռեն մանր մունր վէճերը և ունին բաւական կարևորութիւն իրենց սահմանի մէջ :

Քաղաքը շունի ծառ կամ ծառաստան և ոչ այգի պարտէզ . կլիմայն է ցուրտ . փայտը կուգայ Սողանլիի մեծ անտառէն և ներսերէն . արհեստներն են սովորական . ժողովուրդը կը գործածէ մեծ մասամբ ներքին բերք և տարազ . Եւրոպայի ապրանսաց վրայ ծանր մաքս դրուած է (իմաստուն հեռատեսութեամբ) որով ժողովուրդը տրամադիր կըլլայ ներքին ապրանսաց . դարձեալ կսպառի օտար ապրանք , այլ օրէ օր նուազելու վրայ է այս սպառում :

Ժողովուրդի կեցութիւնն է խաղաղ , ուրախ և զրւարթ . են կրթասէր , պարկեշտ , հմուտ . գտած չէ Ռուսիոյ ներքին քաղաքաց այն սովորութիւնք որուն Եւրոպա և Ռուսիա կըսէ աղատութիւն :

Մեծ ծախսեր ունին սեղաններու, թէյի, ըմպելեաց և ստակով խաղերու :

Սովորապէս օրը երկու անգամ թէյ, և երկու անգամ ճաշ. կէս օրի ճաշէն վերջ երկու ժամ գոց է պաշտօնատունք իբր միջոց քնանալու :

Ճաշէ յառաջ մանաւանդ երեկոյթի, անհրաժեշտ է շաքարով (1) (նախաճաշ մը) և ապա ճաշի սեղանը օր կը տեւէ կէս ժամէն մինչ 3-4 ժամ, պիտի ըլլայ կախէրդի և Շամբանեայի դինի (2). կարծես հացի հետ կապուած է նաև գինին. առանց գինիի ճաշելը նշան է աղքատութեան (3). ճաշը կօկսի կենաց բաժակներով և հոբոներու (կեցցէ) ձայն կը շարունակի :

Կըխմեն հիւրերու կենաց, տան ատրոջ և զաւակաց. պաշտօնական սեղաններու մէջ կայսեր և զօրապետաց և բարձր պաշտօնէից ըստ վերաբերութեան, ազգային սեղաններու մէջ կաթողիկոսի, Պատրիարքի, Առաջնորդի, ազգային պաշտօնէից և այլն ըստ կարգի :

---

(1) Չագուսկին կը բաղկանայ՝ սպուտ, ղուրկիլ և շամայի ձուկեր, երշակ, կարագ իւղ, պանիր, աղցաններ, խավեար և այլն, որ կը տեւէ կէս ժամ. զաքուսկիի ատեն կը գործածեն օղի կամ գոնեաք, իսկ սեղանի վրայ՝ գինի եւ շամբանեայ :

(2) Որոց շիշը մէկ մանէթնոցէն մինչև վեց մանէթնոցը կայ :

(3) Ներքին կողմերը եկեղեցւոյ մէջ աղքատի ծանուցում ըրած ատեն քահանայն աղքատի կարօտ ըլլալը իմացնելու համար կըսէ. «Ժողովուրդ այնքան աղքատ է որ առանց գինիի կը ճաշէ», առ հասարակ ժողովուրդի մէջ ալ կը գործածուի այն խոսքեր աղքատ է, գինիի փող անգամ չունի :

Սերզաններն են ճոխ և զուարթ , հեռի վիճաբանութեանց և քաղաքական խօսակցութեանց (արդիլեալէ) :

Սերզանին կը յաջորդէ նուազ , պար և երգ՝ երբ գտնուին իգական սեռէ . կը յաջորդէ խաղի թուղթեր՝ երբ ըլլան միայն արականք :

Ստակով խաղ խաղալը սովորութիւն եղած է պաշտօնէկց և հարուստներու . յատկապէս Գլխաւ մը կայ գիշերները դրօսներու կամ խաղալու համար . խաղամուտութիւնը թեթեւ է կիւմբիի մէջ , և աւելի տարածուած է Ռուսիոյ ներքին կողմեր , զի օրինօք չունի արգելք (1) :

Քաղաքի մէջ կայ շատ վարձու կառքեր որոշ և չափաւոր գիներով , որք կը փոխադրեն զժողովուրդ վայրէի վայր և մինչև իսկ մէկ երկու ժամ հեռի ի քաղաքէ :

Սղէքսանդրապօլ չունի հնութիւն . ամեն բան նոր է և շինեալ 1828էն ասդին . միայն եկեղեցւոյ մէջ կայ հին զգեստներ , անօթներ և զարդեր . կայ նաև հնաւանդ աւելորդապաշտութիւնք ինչպէս շատ տեղեր :

Չունելով գրելի ինչ ի վերայ կիւմբիի , շարունակեցինք մեր ճամբայ . նոյն օր մեկնելով 4-Յ ժամէն հասանք ի Արպլաղ վանք , յանուն Ս. Աստուածածին , և վայելեցինք հանգիստ վանուց օդի և կանոնաւորութեան շնորհիւ :

Արպլաղ է անուն մօտակայ համանուն գիւղի և կը համարուի ստորոտն Արագած լեռին . գիւղի անունով կոչեն Արպլաղի վանք և երբեմն ալ Հառճոյ վանք . շին-

---

(1) Օսմանեան օրինադիրքը արգիլած է ստակով խաղալը , բայց Եարգարոյ օրէնք ոչ գոյճ , . . .

եալ է հոյակապ եկեղեցին Չաքարիա սպասարէ 1204  
ին . զարմանալի է շինուածք եկեղեցւոյն՝ սրբատաշ յա-  
տուկ ներքնագաւթով որոյ ձեղունն է տափարակ և  
ոչ կամարակերպ , քարեր կցեալ և ագուցեալ միմեանց  
հիանալի ճարտարութեամբ և ապա քանդակեալ ծաղ-  
կանկարիւք :

Այս վանք ունի մի վարժարան յանուն Ժառանգա-  
ւորաց ընդ տեսչութեամբ Տ. Յովսէփ արժանընտիր քա-  
հանային . աշակերտք չրջակայ գիւղերէ և քաղաքէ թիւ  
35 գիշերօթիկ , որոյ ծախք կը հայթայթէ մի ընկե-  
րութիւն :

Մեծ գրան դէմ մի ժայռի վրայ կայ մատուռ մի  
աւերակ՝ ճգնարան Սիմէօն Սիւնակեցւոյն ( աւանդու-  
թեամբ ) : Ունի շատ արձանագրութիւնք եկեղեցւոյ մէջ  
և խորանի արտաքին ճակատը (1) մեծ գրեթով :

Առաւօտեան ճամբորդեցինք գահ մնալով վանքի  
բարեկարգութեանց և վայելեալ հիւրասիրութեանց .  
անցանք Արագած (2) լեռն (12,800 ոտք բարձր ) որ

---

(1) Դժբաղդաբար կորուցեր նմ շատ մը այսպիսի արձա-  
նագրութեանց օրինակներ որ գրած էի կտոր կտոր թուղթերի  
վրայ . նոյնպէս Ռուսահայոց խաղեր , առածներ , երգեր և ու-  
տանաւորներ :

(2) Բնական արձանս լերին Արագածի , Հայկայ օրդւոյն  
Արմենակի անուամբ , բարձրագոյն քան զամենայն լերինս բաց  
ի Մասիսէ , շեղջածև և քառահերձ դաթաթով իր հրաբուխովը  
կանուխէն կամ առաջին հրաբուխ չին աշխարհին , իր գետովը  
որ կոչի Միամօր կամ Շամբի ջուր , ուր կայ շամբ եւ շաց ,  
( աւանդութեամբ ) աստ ինկաւ Տրդատ իբր խոզան . Արագածի  
հարաւակողմն է Սարտարազաա , ընդարձակ և խորհրդաւոր  
գաւառն . իսկ մեք չունիմք առայժմ գրել ինչ . . .



կոչի Ալեկեօղ Կոչ և է երկրորդ Մասիս, ունի պատմա կան շատ աւանդութիւնք :

Այս շրջան կիրճի անցքը խիստ երկիւղալի է աւազակներէ, որոյ ստորտը կայ մի պահականոց և կազազներ (ձիաւոր զօրք) կը հսկեն, և ընկերացան մեղի տասնի չափ, ըստ հրամանի Կիւմրիի Կապուճի (1) (մութասարթի) հասանք Պաշ ապարանի գիւղերէ Այի քիւչիւկ անուն մի հայարնակ գիւղ, որ մէկ ժամէն հաղիւ բարեհաճեցան տալ մեղի մի մի բնակարան մեր դրամներով (ինչպէս վերադարձնուս կրեցինք Տամա կիրմէղ գիւղ մի այսպիսի շարչարանք Հայ Լուսաւորչական ժողովուրդից, այս կողմերի 100ի չափ Հայ գիւղացիք են Գերմուսանդ, բայց իբր սնապաշտ և տմարդի մեղ կը շարչարեն մէկ գիշեր հիւր ընելու մեր դրամով, և մեր ձեռքեր ու աչքեր կը համբուրեն Ս. Միւռոն տեսած ըլլանուս համար. բիւր կեցցեն մեր երկրի գիւղացիք որ ունին Արբահամեան հիւրասիրութիւն) :

Այն ժերունիք որ 1828էն դաղթած և դեռ ողջ են, կը պահեն Օսմանեան երկրի հիւրասիրութիւնը և հայրական գթութիւն կը տածէին մեր վրայ. ոմանք յուզեալ կարտասուէին և անյադ կը հարցունէին իրենց բնիկ գիւղերը ու հայրենեաց առարկաները :

Սոյն գիւղէ մեկնելով այցելեցինք շատ գիւղեր և մի քանի աւերակ և նշանաւոր մենաստաններ :

1. Սաղմուսաց վանք կամ Սիօնի վանք. եկեղեցին

---

(1) Մեք ունէինք չորրորդ բանակի միւշիբէ և Կարնոյ վալիէ յատուկ յանձնագրեր (պուրուլտի), որ ներկայեցինք Կիւմրի և ըստ այնմ հրաման խրկեց անդ :

կէս աւերակ, իսկ վանքը բոլորովին . խորաձոր գետի մօտ դժուար ճանապարհաւ . (աւանդութեամբ) հոս եղած է գանձարան և ապաւէն պահպանութեան ի Հայս :

2. Եղիվարդ Ս. Լուսաւորիչ, ի հնումն նշանաւոր : Եղիվարդ գիւղէ կէս ժամ հեռի, բոլորովին քայքայեալ, ուստի էր Մովսէս Բ. Կաթողիկոս որ շինեց Տօմարն Հայկական Յ20 թուականին . Եղիվարդ գիւղ ոտս Արայի լեռան, քայքայեալ մնայ միայն եկեղեցին հոյակապ ութ անկիւնով կիսակործան դմբէթով, շինեալ Գ. Մամիկոնեանէ է. դարու : Այս գիւղի դաշտավայրն է ահեղատեսիլ, ուր մղեցաւ պատերազմն Արայի ընդ Շամիրամ թագուհւոյն Ասորւոց՝ Քրիստոսէ 2000 տարի առաջ . ապա Փոկաս կայսր ընդ Պարսից է. դարու, և յետոյ Օսմանցիք ընդ Թահմաղի կամ Նատր Շահի :

3. Յովհաննու Ս. Կարապետի վանք, ռամկօրէն Հաննա վանք, որ և Սիւղի կամ Սովի վանք, մեծ և ի հնումն անուանի, այժմ լքեալ, նախ շինեալ Ս. Լուսաւորիչ, և ապա նորոգեալ Մեծն Ներսիսէ, ունի բազում արձանագրութիւնք եղծեալ :

Հոս էր (աւանդութեամբ) վարչամակն Քրիստոսի, և այլ նշխարհ սրբոց . Եկեղեցւոյ դրան վրայ կայ մի խաչ Լուսաւորչի հասակաւ, կրսէ Զաքարիա սարկաւադ պատմիչն :

Այս վանքէն կը տեւէ կէս ժամ Մուղնի և Սերկելիլի գիւղ, ուր սպանեցին Վասակ Պահլաւունի՝ հայրն Գ. Մագիսարոսի :

Այս վանքի հիւսիսակողմն է Կարբի գիւղն հինդաւերակ եկեղեցիներով, նոյնպէս մօտն է Ուղի գիւղ, ուր պահուած էր նշխար Սրբոյն Սարգսի զօրավարին

ձեռամբ Ս. Մեսրոպի , էր ուխտատեղի մինչ Ճէ. դարս  
և տեսուչ նշանաւոր Ոսկան վարդապետն :

Է. Մուղնի Ս. Գէորգի վանք, հոյակապ եկեղեցի, ըն-  
դարձակ շէնքեր, հիւրանոց, ամուր պարիսպներով Հան-  
նավանքէն աստ փոխադրեալ է նշխարհ Սրբոյն Գէոր-  
գայ . (հոս տեսինք առաջին պողատու ծառն , այգի և  
պարտէզ , որ վրիպած էր մեր աչքերից սկսեալ Երզն-  
կայէ իբր 300 մղոն ճանապարհ) :

Յ. Օշական գիւղ, առապար Օշականի , աստ պա-  
տահեցաւ նշանաւոր դէպքն Վահան Մամիկոնեանի .  
աստ հանգչի Ս. Մեսրոպի թարգմանիչն Հայոց . շիրիմը  
գիւղի մօտն է զառիվայր մի բացադեայ տեղ . ոմանք  
ասեն եկեղեցւոյ մէջ թաղեր է Վահան Բ. Ամատունի .  
եկեղեցւոյ մօտ կայ աւերակք , ոմանք կարծեն ըլլալ  
ապարան և մահարձան Մեծին Վահանայ :

Այս գիւղի մօտն է փոքրիկ լիճն կոչեցեալ Այղըր  
կէօլի իբր անյատակ այսինքն խիստ խոր . այս գիւղ ունի  
մի գեղեցիկ կամուրջ եռասիւննման Մուղնիի կամուրջին :

Յ. Աշտարակ գիւղ, ունի 3 եկեղեցի և խաչ վէմք  
դամբանաց , գեղեցկատեսիլ և զուարճալի նման և միմ-  
եանց առաւել հրապուրիչ են Մուղնի Օշական և Աշ-  
տարակ գիւղերը , շէն և զարդարեալ պարտէզներով և  
ծառաստաններով :

Այս գիւղացի էր (Աշտարակեցի) Ներսէս Ե. մե-  
ծագործ կաթողիկոսն որ կոչեցաւ «Պաշտպան Հայրեն-  
եաց» որոյ յաջորդեց Մատթէոս և այժմ (1868) Գէ-  
որգ կաթողիկոսունք . հիմայ կը վերադառնամք դարձ-  
եալ Կիւմրի որոյ կցեցինք այս վանքեր և գիւղեր , և  
կերթանք Կիւմրիէն Անի . . . :

## ՆԱՄԱԿ Ը.

Ա. Ն. Ի

1868, Հոկտեմբեր.

Մեկնեցանք Աղէքսանդրապօլէ՝ անցնելով Ախուրեան գետն, սակաւ մի հանգիստ առինք մեր (Օսմանեան) գօրտօնը, որոյ պահապան զօրապետք և մաքսի պաշտօնեայք ընդունեցին զմեզ յարգանօք, և մեք զգացինք հանգստութիւն ընդ կոխեալ կրկին ի հող Օսմանեան բարեխնամ Պետութեան. յետ թափառելոյ իբր մի ամիս օտար տէրութեան երկիր որոյ բոլոր սովորութիւնք կերևէին մեզ տարբեր, սրբան ալ կը դանէինք յարգ և համակրութիւն, դարձեալ կարծես սրտնեղութիւն մը կզգայինք, ինչպէս ծանօթ է օտար երկիր այցելողներու. Ախուրեան գետը անցնելով կարծեցինք հասած ըլլալ մեր հայրենիք:

Երեկոյն հասանք Պաշ շէօրէկէլ ի գաշտն Շիրակայ, ի տուն (A) Խաչոյ քէհեայ հին տանուտէր ցեղէ հարուստ երկրագործ ազգեցիկ և հիւրասէր անձին:

Կարաւանէն զատուած էինք արդէն ի Ս. Էջմիածին, այժմ՝ ընկերնիս էր բնիկ Երիզայի և այժմ՝ Կար-

---

(A) Զարմանալի տարբերութիւն Ախուրեանի երկու եղբրաց գիւղերի Հայոց մէջ, միևնոյն եկեղեցւոյ զաւակների, միևնոյն ազգակցաց մէջ. անդ կը նեղութիւնք մի բնակարան գտնելու, ասա կը դիմաւորեն իբրև բարեկամ իրենց տան հիւր ընելու:

սեցի Գէորգ Էֆէնտի Էհրամճեան սիրելի և խոհական բարեկամնս , և հօրեղբօրս որդին ընտանեօք :

Ճանապարհները շատ երկիւղալի էր , և ունէինք մի այն մի ոտտիկան (կարսի) , խաչոյ քէհեան հաճեցաւ ընկերանալ մեզ և ապա մի Պարսիկ Բէրէէօ որ երբեմն ըրած է աւաղակութիւն , և այլ մի Հայ աւելի հուշակաւ որ կտրիճ . . . ապա վտահ եղանք ճամբօրդութեան որ գիւղացիք կը կարծէին խիստ վտանգաւոր , և Շիրակի գիւղերէ որ կանցնէինք , Հայեր կը ջանային համոզել զմեզ և դարձունել ի կարս . « յայտնապէս դուք ձեզ վտանգի կը դնէք » ըսելով . բայց մեք մէկ անգամ մը տաղիր և փափաքող , շարունակեցինք ճամբան վտահելով աւելի Ատուածային ոգորմութեան քան թէ զօրաւոր ընկերաց , որ արդարև չեմք կրնար ուրանալ անոնց օգուտը . գողեր և աւաղակներու լրտեսներ կուգային , և երբ կը գիտէին կորագլուխ կը դառնային(1) :

Առաւօտուն կանուխ ելած էինք . Պաշ շէօրէկէլէն անցանք բոլոր դաշտն Շիրակայ շատ տեղեր ամայի և աւերակ . հասանք Անի . և ինչ կը տեսնեմք :

Մի քանի ամայի շէնքեր , կոյտեր աւերակներ .

Յառաջ շատ զարմացայ թէ այս է այնքան հուշակաւ հեղքազար . բայց շրջելով սկսեց նոր տպաւորութիւն ներգործել ի վերայ իմ և ընկերացս :

---

(1) Ոտտիկանը կարսի կառավարութենէն էր և այն կողմերից . խաչոյ քէհեան շատ աղղեցիկ և պատկառելի էր ամբողջ Շիրակի . Էհրամճեան Էֆէնտի արդէն մեծ նշանակութիւն ունէր կարս և Շիրակ . թէրէքէմէ և Հայ կտրիճներ ի վաղուց սարսափ ձգած էին այն կողմեր :

կը վայելէ կարդալ ողբ Շնորհալուոյն որ երգեաց ի վերայ եղեւիոյ .

Արդ ողբացէք եկեղեցիք , հարսունք վերին յառագաստի .  
Քորք և եղբարք իմ սիրելիք , որք ընդհանուր կողմն աշխարհիս  
Քաղաքք և դեօղք առհասարակ , ազգ և ազինք որ էք երկրի .  
Հաւատացեալք Քրիստոսի , երկրպագուք սրբոյ Խաչի , և այլն :

Աշխարհի պատմութեան մէջ չը կայ այսպէս շուտ հռչակեալ և շուտ լքեալ մի քաղաք . 600 տարիէ ի վեր առարկայ եղած է պատմաբանից , և 60-70 տարիներէ ի վեր դրաւած է ուշադրութիւն Եւրոպիոյ . բազումք այցելեցին , քննեցին , երգեցին , զարմացան , տեղեկագրեցին , պատմեցին , բայց և ոչ մին կարողացաւ իր գննութիւնն կատարելութեան հասցնել (1) , քանզի այս մի քանի աւերակ շէնքերու , դերբուկներու , պարսպաց , միակ մզկիթի , գեանուղոյն և այլ վայրից պատմութիւնը լրացնելու համար պէտք է Հայր Ալիշանեանի և իր հետ մի քանի հնագէտներ անձամբ այցելել և ապա ձեռք առնուլ այն գրիչը որ ընթերցողաց սքանչալում և հայ գրականութեան մեծ վիայլ տուած է ցարդ .

Մեք մնացինք միայն երկու օր և շրջեցանք հողիւ 16 ժամ , չափելով նաև մեր անկարողութիւն , ըն-

---

(1) Անիի վրայ ամենքէն ընդարձակ և սքանչելի կերպիւ գրած է Հ. Ալիշանեան իր Տիեզերական աշխարհագրութեան մէջ , և վերջերս հրատարակած Շիրակ անուն գործով , որ ցարդ չկրցինք տեսնել . Պոլիս և ոչ մի գրավաճառի քով չը կայ . ու մանք կրսեն թէ արդիլեալ է . մեր կը կարծեմք թէ սխալ ըլլալու է , վասն զի Հ. Ալիշան միշտ սիրած է Օսմանեան երկիրը և Օսմանեան բարեխնամ կառավարութիւնը , որոյ վրայ գրած է գովեստիւք :

Թերցողը թող համարի իբր մի հարևանցի տեղեկութիւն ղուրկ ամեն պարագայներէ . փափաքողք թող կարգան յիշեալ Շիրակը (եթէ գտնեն), Տիեզերական աշխարհագրութիւնը Օսմանեան ի. երես 28-36 թաղմովէպը տպեալ ի Ս. Ղազար հատոր Գ. 324 և է. Յ, և այլ գըրութիւնք որ ունին պատկերս մանրամասն տեղեկութեամբ :

Անի երբեմն շքեղազարդ թագուհի քաղաքաց, ընակարան . . . և պատուար Այրարատ աշխարհի, իսկ այժմ պատսպարան բուերու, իժերու, գողերու, և բազմախոտ արօտավայր ոչխարաց և այլ կենդանեաց :

Անիի 1004 եկեղեցիք և տասը բիւր (80,000) ընակարանք որ առակի կարգ անցած է հռչակմամբ, ինչպէս պարունակած էր ներկայ սահմանը . եթէ երթանք մինչև Քիւչիւկ Անի գիւղն, անհաւատայի պիտի թուի, քանզի Ե.-Ձ. դարու մէջ այսպէս անհետ եղած է նշմարք և դերբուկք անգամ դարձած են արօտավայր . հաւանականաբար կերևի թէ նուիրական և պաշտօնական շէնքերէ զատ միւսներն էին հողաշէն որ շուտով հաւասարեցան հողի = Հող էիր անդրէն և ի հող դարձցիս . . .

Անի է արևելեան կողմն Կարսի իբր 20 մղոնաւ, եղբրս յաջակողման Ախուրեան գետի, ի վերայ քարուտ բարձրաւանդակի բարձր յերեսաց ծովու իբր 4500 ոտս, յատակագիծն է եռանկիւնածև իբր թերակղզի . արևելից պատած է քարածայռ ձորն, հարաւէն Ախուրեանը 2-300 ոտք խորութեամբ, արևմուտքը ընդարձակ ցամաքով Մաղկոյածորն, հիւսիսն խորթ և հարթ կըցեալ դաշտին Շիրակայ, որ մի մասն չունի ձոր կամ գետ, և է գլխաւոր անցք կամ իբրև կիրճ քաղաքին :

Ներկայ քաղաքի տրամագիծն է 1 մղոն երկայն և կէս մղոն լայն , բայց այս շրջանակէ դուրս ունէր սահման ինչպէս կը վկայէ նշմարք Քիւչիւկ Անի քրդաբնակ գիւղի , որ հեռի է իբր 2 մղոնաւ . կրնայ մակաբերուիլ ներքին քաղաք կամ արտաքին քաղաք : Առաջնոյն մէջ կը տեսնուին հոյակապ եկեղեցիք և այլ շէնքեր , հետեւութեամբ կըսեմ թէ ներքին քաղաք էր տեղի ազնուապետութեան և արտաքին մասն ժողովրդեան , յորմէ բնաւ չի տեսնուիր աւերակ մը կամ դերբուկ մը բացի Քիւչիւկ Անի գիւղէն , որով արտաքին քաղաքի վրայ բառ մը անգամ գրելու առարկայ չունիմք , կը գրեմք միայն ներքին քաղաքի վրայ :

Ճանապարհորդ մը՝ այցելելով ներքին քաղաքը , պատշաճ կը համարէր հետևեալ վերնագիրը գրել ի վերայ դրան Անուոյ , որ երգեց Տանթէ քերթողահայրն Ի տալացւոյ :

«Ընդ իս են մուտք ի Քաղաքն ցաւագին :  
Եւ ապա կսկսի գրել .

«Մեղամաղձիկ յոյժ զգացմունս ազդէ ի սիրտ տեսարան քաղաքիս այս անսպատացելոյ . եկեղեցիք նորա էքեալք յուշ իմն այսպէս առնեն . եթէ ազգ հզօր քրիստոնեայ անկեալ է աստանօր ընդ բաղմակրկին հարուածովք . . . . .

Ենուածոցն անեղծ մնացութիւն՝ յերկբայս արկանէ զկիրս միայնութեան , և յանդգաստից իմն յածեն աչք շուրջանակի խնդրել նշանակս կենդանութեան : Ոչ այսպիսիս ներդործէ ի սիրտ ազդմունս տեսիլ նշխարեալ աւերակաց հնութեան զառանցելոց ժամանակաց , անկերպարան հողաբլուրք Բաբելովնի՝ երևին հանդոյնք կմա-



խաց մեռելոտոյ. իսկ ամայացեալս այս և տակաւին կանգուն քաղաք, նմանեալ թուի դիական այն ինչ անշընչացելոյ, յորում դեռ ևս նշմարիցին տիպք կենդանականք և այլն»:

Քաղաքի անուն համաձայն է Քէմախի անուան (Ս. Նի) և պատմիչք չսառագեցին դեռ թէ ե՞րբ շինեցաւ. ոմանք կարծեն Գ. դարու ըլլալ մի բերդ որ Տրդատ պարզեաց Շիրակի հետ տանն Կամարայ, ինոցանէ պայազատեցին Բագրատունիք Լ. դարու:

Ամրացոյց նախ Աշոտ մակեր 783ին, և Աշոտ Գ. ըրաւ մայրաքաղաք Ժ. դարու, Սմբատ Բ. շինեց ներքին և արտաքին պարիսպները 964ին, զարդարեց եկեղեցիներով, որ եղև նաև աթոռ կաթողիկոսական:

Պարիսպներ ըսելով չիմանամք հասարակ պարիսպ, այլ արգելներ բացառիկ ճարտարագիտութեան, մաքուր սրբատաշ գոյնզգոյն քարերով (կարմիր, սև, գորշ, դեղնագոյն, ճերմակ) բոլորչի, քառակուսի անկիւնաւոր տեղիս տեղիս կրկնայարկ և եռայարկ, և զարդարեալ գրուագ արձանագրութեամբ խաչարձան և ի վերայ դրան միոյ առիւծ և ինձ:

Երկու գուռ կերելի արտաքին պարսպի և հինգ գուռ ներքին պարսպի, որ կոչի միջնաբերդ. յետ պարսպաց շինուածոց զարմանալիքն են՝

Ս. Գեանափոր ճանապարհը (թօնէլ) քաղաքէն Ախուրեան դետի ներքեւէն շինուած իբր 6 մղոն (2 ժամ) ճանապարհաւ, քորակերտ աղիւսեայ կամարով (թօլոս). պատմիչք կը նմանցունեն թայմղի (ի Լսնտոն) գեանուղւոյն, մուտքն է ի մէջ Անիի և ելքն յանկոյս Ախուրեանի, այժմ խցուած է և տեղ տեղ փլած. տեղացիք կոչեն Կիտէր կէլմէզ և օլ:

Բ. Մաղկաց ձորին խճախառ քարերու մէջ կարգաւ փորուած կայ շատ մը մատուռաձև խորշեր , ոմանք կարծեցին սենեակ (իրարու դուռնելով հաղորդակցութիւն ունենալուն համար) ոմանք փոքր տուններ բնակութեան , և ոմանք կարծեցին գերեզման . իսկ հաւանական գտան ինչպէս և մեք կարծեմք ըլլալ կրպակ , վաճառատուն , շատերու մէջ դարակի ձեւով խորշեր ըլլալուն և այլ մանրամասնութեանց համար :

Գ. Եկեղեցիք , որ դարուս սկիզբը 40ի չափ կերեւելու կանգուն , այժմ հազիւ 14 կայ , մնացորդք հազար ու մէկ եկեղեցեաց :

Նշանաւոր է կաթողիկէ կամ Մայր Եկեղեցին (1) , որ 110 ոտք երկայն և 72 ոտք լայն է համակ սրբատաշ և գունաւոր քարերով . քարերու շարք զետեղուած է այնպիսի ճարտարութեամբ մը որ ցարդ երևի միակտոր . հարաւային որմի արտաքին երեսի վրայ նկարեալ և քանդակեալ է աղաւնի , արծիւ և ծաղկունք :

Ներքին ձևը , հինգ աստիճանները , չորս խաչաձև սիւները , վեց որմասիւնները և անոնց կամարները , գլմբէթը , կրկնակի մատուռ կամ աւանդատունք կրկնա-յարկ , խորանը և իր տասը խորշերը սքանչելի շինուածք է և գլուխ գործոց ճարտարապետութեան :

Այն հրաշակաւոյց գմբէթը որ կործանեցաւ 1820ի ատեններ , ունէր 92 ոտք բարձրութիւն և 28 ոտք բոլորակին տրամագծով . այս գմբէթէն կախուած էր այն

---

(1) Որոյ հիշք նմանութեամբը շինած են Աղէքսանդրասուլի Հայոց նորաչէն եկեղեցին , թէև հին ճարտարութիւնք ունին առաւելութիւն :

նշանաւոր բիւրեղեաց ջահը բերեալ Հնդկաց աշխարհէ,  
և ի վերայ գմբէթին մարդաչափ արծաթեայ խաչ իբր  
պահապան քաղաքին . . . Սոյն եկեղեցի հիմնարկեալ  
է Սմբատ Բ. է և աւարտեալ կատարամիղէ դշտոյէ 1008-9  
թուականին, աջակցութեամբ Սարգիս կաթողիկոսի և  
Ունի բաղում արձանագրութիւնք :

Մայր եկեղեցիէն զառ կան նաև՝

1. Տիրանօր կամ Հռիփսիմեայ եկեղեցի ,

2. Ս. Փրկիչ շինեալ 1037ին Ապլլարիպէ , հօրեղ-  
բայր Գ. Մագիստրոսի :

3. Ս. Լուսաւորիչ , շինեալ 993ին Ապուղամբի որդի  
Գրիգորէ , հրամանաւ Փագիկայ :

4. Առաքելոց եկեղեցի , շինեալ 1033ին :

5. Վանք կամ մենաստան Ս. Լուսաւորչի , եկեղեցին  
շինեալ 1213ին , նորավայլ քան զայլ եկեղեցիս , որ  
այժմ կոչի նազչի քիլիսէ , ունի արձանագիրք յունարէն  
և արձանք որ գրեալ է 1320 և 1344 թուականներով .  
ի հնումն ատա էր մատուռ Ս. Աստուածածնի :

6. (Խաչի) եկեղեցի քառակուսի խաչաձև ներքին  
և արտաքին տեսարանով անսիւն և գմբէթաւոր , ար-  
ձանագիր եղծեալ :

7. Հովիւի (Չօպան քիլիսէսի) (1) արտաքոյ պարսպաց

---

(1) Աւանդութեամբ Հովիւի կինը մայր եկեղեցին երթալով  
տեղ չեն տար , սրտակոտոր կը դառնայ և կը պատմէ ամուս-  
նոյն . ամուսինը որ էր հովիւ , կը շինէ այս եկեղեցին իր քսա-  
կէն և կինը կըլլայ նոյն եկեղեցւոյ դիւցազնուհին . կեցցե՛ն ,  
հասնողը եկեղեցի մը կը շինէր և ոչ ոք չէր մտաբերեր դպրոց  
կամ արուեստանոց շինելու կամ ապագան մտածելու :

վոքրիկ եկեղեցի, կան այլ և այլ 6-7 նշմարք և կոյտք եկեղեցեաց որք խափանեալ կործաներ են և չէ յայտ ձև և այլ ինչ: Այս ամեն եկեղեցիք շինուած են մին առաւել ճարտարութեամբ քան զմիւսն որ չեմ կարող նկարագրել:

Միակ մզկիթն է մօտ Առաքելոց եկեղեցւոյն, Երկայնաձև և քառակուսի, կամարակապ երկու կարգ սիւներով, ներքնատուն և աշտարակ (մինարէ) ութանկիւնի շէնք սքանչելի, ճարտարութիւն նման եկեղեցւոյ շինուածոց. ի վերայ որմին արևմտեան կայ արձանագիր Պարսկերէն.

« Էպուսայիտ Պահատուր խան հրամայէ մաքսաւորաց չը ներել զթողտուրդն Անիի: (Թուի գրեալ 1319.)

Այս մզկիթի և Առաքելոց եկեղեցւոյն մօտն է մեծ սալայատակն կամարակապ և աստիճանաւոր, ճանապարհ դուռնովայր ի գետափն Ախուրեանի, ուր կայ նաև մի եկեղեցի երկու մատուռներով անգիր (աւանդութեամբ) շինեալ զչխոյէ միոյ որոյ ապարանքի աւերակ նշմարին ի մօտ:

Պալատն է ահաւոր տեսարան, թանձր և հզօր պարսպօք բերդաձև, թէև չունի նրբութիւն միւս շինուածոց. բայց հաստատուն իրբն բերդ թխագոյն քարերով սառակինեան ոճով. երկու կողմը Մաղկոցաձորէն բարձրացեր է պարիսպը ահեղատեսիլ և մեծ դուռն է ի վերայ քաղաքի դէպ արևելք որ բարձր է Մաղկոցաձորէն իրր երկու յարկ, և յետ այնու շինեալ բարձր 2-3 յարկ, սրոց ներքին յարկերն են իրր գետնափոր. ոմանք կարծեն բոլոր քաղաքի յատակը ըլլալ գետնափոր հաղորդ պալատան. արտաքին տեսքը թէև չէ վա-

յերուչ, բայց ի վերայ մեծ դրան կայ գեղեցիկ և խիտ  
դրուագ, խաչարձան, զարդ և այլն, և ի վերայ հիւսիս-  
սային պարսպի քանդակեալ պատկեր զինուորակերպ  
մարդոյ կոտրած գլուխով, կը ձևացնէ ի ձեռին ունել  
զքաղաքն. ներքին կողմն է բոլորովին աւերակ, ձեղունք  
և պատուհանք քանդեալ, չէ յայտ թէ ի՞նչ էր ներքին  
վայելչութիւն, թէև կը պահէ իր վեհութիւն :

Անիի մեծ աշտարակը իբրև միջավայր քաղաքին և  
հուպ Մայր եկեղեցւոյն, գաղաթն է կործանեալ, ամ-  
բառնայ ութանկիւնի 84 քար աստիճանով, ուրկից կե-  
րևի քաղաքի ամբողջութիւնը, ահեղատեսիլ աւերակ-  
ները, տխուր դաշտը, և օձապտոյա Ախուրեանը, ուր  
նստած կերգէինք . . . . .

Բաղնիքն ալ թէև աւերակ, դարձեալ կը ցուցնէ  
իր ճարտարաշինութիւնը և կը նշմարին դեռ ծորակք  
աւազանաց :

Կամուրջի գլուխները Ախուրեանի երկու կողմը կե-  
րևի. կամուրջն է կործանեալ. կայ նաև մեծ աւազան  
մը որ իբր ի հեռուստ կենդանեաց կաթերը խողովակ-  
ներու միջոցաւ կը լցուի հոս և կը բաժնուի եղեր, որոյ  
գլուխն է արտաքոյ սահմանի Մաղկաձորէն վեր լերան  
վրայ գտնուած մի փոքր աւազան, երկուքի հեռաւորու-  
թիւն իբր մէկ ժամու ճանապարհ :

Հոս ըմպաւ Անիի պատմութիւնը : Անի ե՞րբ եղաւ  
աւերակ՝ որոշ չգիտցուիր . 1043 ին մատնութեամբ ին-  
կաւ ի ձեռս Յունաց, 1064 ին ի ձեռս Ալփարսլանի, քա-  
նիցս ալ Պարսից և Թաթարաց :

Մեծ գետնաշարժը եղաւ 1319 ին (թէև եկեղեցւոյ  
արձանագրութիւնք կը հասնին ոմանք մինչ 1348) :

Անիի գաղթականութիւնը կսկսի 1043 ին և կը հասնի մինչ ի կէսն ժ.Գ. դարուն :

Անին աւերակ ըլլալէ վերջ ինկաւ ի ձեռն Օսմանեան բարեգութ կայսրութեան՝ կարսի և շրջակայից հետ , և այժմ է կալուած Խաթուն օղլի մեծ գերդաստանին (1) :

Անիի գաղթականութիւնը քանի մը անգամ տեղի ունեցաւ . ոմանք եօթը և ութ գաղթականութիւն կը գրեն (2) : (Տես Գաղթականութիւն Անի քաղաքի տետրակը :

Գաղթականք ցրուեցան Վասպուրական , Նախիջևւան , Ալն և Կիլիկիա . գացին նաև մեծ բաղմութեամբ Ռուսիա , Ահաստան , Հնդկաստան , Հունգարիա , Բուսանիա և այլուր :

Ահա պատու անխոհեմութեան , որ այսպիսի մի հույակապ քաղաք ոչնչացաւ յամօթ և ի զղլումն ժողովրդեան որք սոնքացան յղփացան մեծապանծութեամբ և գրգռեցին զբարկութիւն տիրողաց , ևս առաւել ցասումն Երկնաւորին . սասանեցաւ կործանեցաւ և եղաւ հաւասար հողոյ՝ յապշութիւն գեանապանծ միտքերու , եղև

---

(1) Սոյն գերդաստանի անդամք են նշանաւոր անձինք , Արսլան փաշայ , Մէտէզ պէյ , և այժմ վէլլիր Նամայիլ Հազզի փաշայ (Քուրտ կոչեցեալ) , Եուսուֆ փաշայ և այլն , բազմութիւ անդամք և ազգականք :

(2) Օտար երկիր գաղթող Հայք բոլորովին կորսուեցան , չի մնաց ազգութիւն և լեզու . հազիւ նշմարին մնացորդք մի քանի տեղեր խիստ սակաւաթիւ . Օսմանեան երկիրը մնացող Հայեր ցարդ պահած են իրենց լեզուն և կրօնքը , և կապրին իբրև Հայ :

հօտից հանդրուան և խոտավայր այն նուիրական քաղաք  
որ իրաւամբ կը մեղադրէ Հ. Ալիշան :

Ուստի երախտագէտ ըլլանք այն պատմիչներու և  
ճամբորդներու որ գլխեցին , գծեցին , գէթ աւերակաց  
ողբալի յիշատակը թողուցին մեզի , 1001 եկեղեցի և  
այնքան քրքաղան անօթք և այնքան օրհնութիւնք չը  
կրցին ազատել կործանումէ այս քաղաք , քանզի կը  
պակսէր գլխութիւն , ուղղութիւն , միութիւն և ի սրտէ  
Աստուածաշտութիւն . շատեր եղած էին շահախնդիր,  
փոքր մաս մը կը մտածէր ժողովուրդի իրաւունք և ազ-  
քատի օգուտ . կրօնականաց մէկ մասը փառք և շահ  
կը մտածէր , իշխաններէ ոմանք իրարու ձեռքէ փառք  
և երկիր գրաւելու կաշխատէին , մտանէին զմիմեանս և  
դաւէին , օտարներ գրգռէին իրենց շահերու համար .  
ի՞նչ իրաւամբ պիտի մեղադրենք ուրիշը , քանի որ «կո-  
րուստ քոյ ի քէն է . »

Գժբախտ Անի , այնպիսի մը կործանեցաւ որ ան-  
դունդներու հաւասար եղաւ . կարծեմ ով որ ալ ըլլայ  
անձամբ այցելող , պիտի մեղադրէ , որովհետև կը յուղ-  
ուի , կը բարկանայ . . . . .

Անիէն հեռի է իբր 7 մղոն Խոշավանք կամ Հոռո-  
մոսի վանք յեղերս Ախուրեանի , որոյ վրայ ունէի գրե-  
լիք , յակամայս կը թողում ապագայի , 1868 էն վերջ  
տեղի ունեցած կարևոր անցքերու հետ օր մը գրելու  
յուսով , և կը դառնամք ի կարս , տխուր մտածութեամբ ,  
նման երազէ արթնցողներու . . . . .



## ՆԱՄԱԿ Թ.

ԿՍ.ԲՍ

1868, Սեպտեմբեր.

Սեպտեմբերի մէջ կարինէ հասած էինք կարս, ուր մնալով երկու երեք օր մեկնած էինք դէպ ի Ս. Էջմիածին: վերադարձնուս Անիէն եկանք դարձեալ ի կարս Հոկտեմբերի մէջ, մնալով դարձեալ մի քանի օր մեկնեցանք ի կարին:

Կարս կամ Գարս և Ղարս էր երբեմն քաղաք կարուց կամ վանանդ. ե՞րբ և ո՞վ շինելը յայտնի չէ:

Քաղաք կրկնապարիսպ ամուր բերդով, և մեծ համանուն դեառով, որ ի նախնեաց կոչէր Մայր մեծ, գլուխն է Չըլաբը կէօլ՝ որ էր մեծագոյն լիճ հիւսիսային Հայոց, միանալով ընդ կարս դեառի և ապա խառնի Ս. խուրեան (Արիաշայ):

Կարսի սահմանակից են Շիրակ, Բասէն, Արտահան, Կիւմրի, Չըլաբը, Կաղզուան և այլն:

Երբեմն պայծառացաւ պայազատութեամբ Բագրատունեաց Հայոց և վրաց, որք կոչէին կարսի քաղաքի (վրացերէն՝ դրան քաղաք) 961էն մինչ 1064 ինքնազուլս էին թագաւորք վանանդայ կամ կարուց կոչեցեալք:

Գագիկ վաճառեաց զկարս Հոռոմոց և ինքն զնաց պանդխտութեան:

Յոյներէ գրաւեցին վրացիք, Թաթարք, Թիմուրլէնկ (կաղ) Օսմանեանք, Ռուսք, ի վերջոյ մնաց ի ձեռս



Օսմանեան Օգոստաիառ Կայսրութեան և եղև միւթէ սարըֆութիւն ընդ իշխանութեամբ էրդրումի, և նսաի այժմ (1868) էմին փաշա Կարնեցի որ սիրելի է ժողովրդեան :

1828ին և 1855ին եօթնամսեայ պաշարմամբ Ռուսք դրաւեցին, 1856ի Բարիղեան դաշնագրութեամբ անբաժան մնաց ի ձեռս Կայսրութեան Օսմանեան :

Քերդն է ամուր և հին որ ամբառնայ անջատեալ ըլլալով մը հուս պաղաքին, շէնք բարձր և արհեստաւոր, բուրգերով և քանդակներով, կայ Հայ և Վրացի դրեր մինչ 1234 թուական :

Այս բերդ շատ անգամ տկարացած և զօրացած է: Գրբըմի պատերազմին Գէվուդօֆ անուն Ռուսաց զօրապետը յարձակում մը բրաւ և կորսնցուց 12,000 ռուսական զօրքեր, որ 12 դերեզմաններու մէջ կը հանդչին Կարսի մօտը, վերջապէս չը կրցին առնել Կարսը մինչև որ պաշարմամբ ըրին սովամահ :

Ռենի մի քանի կամուրջ, որոց մին՝ բերդը քաղաքին հետ կը միացնէ. այժմ նորօգուած է և շրջակայքն շինուած է նոր ամրութիւնք ռազմական ձևերով :

Նշանաւոր է հոյակապ մզկիթն բոլորչի բաղման կիւն արտաքուստ և խաչաձև ի ներքուստ, գեղեցիկ դմբէթաւ որ ամբառնայ առանց սլենի. գմբէթի բուրն է քանդակեալ 12 պատկերներ (առանդութեամբ) Առաքելոց :

Այս մզկիթ շինեալ է 942 թուականին որ եղեր է առարկայ ի մէջ Աբրասայ և Եղերաց Բէր թագաւորին վասն գեղեցկութեան և նշանաւորութեան շէնքին :

Հնունն էր շէն և բաղմամարդ, այժմ անկեալ և

ըբեալ կէս աւերակ . առևտուրը կործանած , ժողովուրդը պաղած , շէնքերը անհաստատ , փողոցները նեղ և անմաքուր , և որ աւելի գէշն է՝ բոլոր աղտեղութիւնք կերթան ի դեռ որ միակ ջուրն է Կարսի : Թէև ունի կարօտութիւն բարեկարգելու , բայց բնաւ չեմք կրնար մեղադրել տեղական կառավարութիւնը : և ոչ ալ ժողովուրդը (որ հաղիւ կելլայ 1500 տուն բնակիչ , 150ը Հայ , 50ը Հռոմէական և 1300ը Թուրք) , քանի որ միշտ նշաւակ եղած է պատերազմի (1) արիւնհեղութեանց , քաղաքի և բոլորի հողերը կարմրած է մարդոց արիւնով , եթէ նոր անուն մը դնել հարկ ըլլար , պիտի կոչէի Արեան քաղաք :

Կարսը չունի ուրիշ յիշատակելու արժանի բան մի՛ ըաց ի իր հնութիւններէն և թափուած արիւններէն .

Հայք ունին մի վարժարան , մի դպրոց և Առաջնորդարան , ամենքն ալ միջակ :

Պաշ Շէօրէկէլ . որ ի հնումն կոչէր Շիրակաւան , եղերս Ախուրեանի , ուրնախ նոտան Բագրատունիք , երբեմն կոչէին Երազգաւոր :

---

(1) Պատերազմ , անիձեա՛լ պատերազմ , երկնից պատուհասներու ակննէն սաստկագոյնը , ոչ մահտարածամի կը նմանի և ոչ ուրիշ պատուհասաց , կը քանդէ , կաւէրէ , և մարդոց արիւնները գետի պէս կը հոսեցնէ . ա՛հ , ե՛րբ պիտի վերնար աշխարհէս այս ազետալի դորձ , եւ չափ ու սահման պիտի ունենար երկրի իշխանաց փառասիրութիւն . . . Կովելի է մեր Սգոստափառ Սոսլթանի խաղաղասիրութիւն որ միշտ կը խորշկ պատերազմներէ :

Շիրակ առնուած է շատակեր Շարայի անունէն ,  
Հայկայ թուոներն օրերէն :


Շիրակաւանի եկեղեցին շինած է Սմբատ Ա. 897ին,  
տաճարն կիսականգուն . Շիրակի շատ մը գիւղեր կայ  
կիսակործան եկեղեցիք , ոմանք կրկնայարկ . ներքնա-  
յարկը աղօթատեղի և վրան ապաւէն պաշտպանութեան  
ընդդէմ թշնամեաց

Շիրակ , Զարիշատ և Կարսի դաշտ երբեմն կըլլայ  
այնքան առատ բերք (ցորեն դարի) ինչպէս այս տարի  
(1868) , որ 240 օխայ ցորենը 30 և 200 օխայ դարին  
16 շրուշի կը ծախուի , որ տեղացիք կրսնն ճաշած ստեղծ .

Այս գիւղերը մեք կը գնէինք 12 օխայ դարին 40  
փարայի՝ մէծիտիէն 23էն , որ կը բաւէր մեր 4 ձիերու :  
Իսկ երբեմն կրկայ սով , կը բարձրանայ գինը տաննա-  
պատիկ և քսանապատիկ՝ ի պտտճառս (անթծեալ) պա-  
տերազմաց

Այս կողմերն ալ չունի այգի և պարտէզ և ոչ ծա-  
ռաստան . կլիման ցարտ է զիւէրզրում . Կարսի պտուղները  
կուգայ կաղողուանէ որ խիստ նշանաւոր է իր այգիներ-  
բով , ի հնումն էր կաղզուան կամ Զարորրան , Երասխա-  
ձոր և Հին Արշարունիք , որ և կոչէր Փարեղեան գաւառ :

Ահա այսքան էր Կարսի պատմութիւննին , որ քիչ  
տխրութիւն չի տար ճամբորդի . այժմ կանցնիմք Բասեն :



## ՆԱՄԱԿ Ժ.

### ԲԱՍԵՆ Ի Վ.Ա.ՆՍ Ս. ԱՍՏՈՒԱԾԱԾՆԻ

1880, ցվերջն Հոկտեմբերի.

Կարինէն մեկնելով անցանք Բասենի կեդրոնէն (Հասան գալէ) Քէօլիլի քէօյ, Սանամէր, Եէնի քէօյ հայրն, վերադարձին Եկանք դարձեալ Սողանլիի մեծ անտառը, և կիրճը անցնելով՝ վերիչան, Գարա ուրդան, Պատժը վան գիւղերէն հասանք ի վանս Ս. Աստուածածնի միակ մենաստան Բասենի, ուրիշ անդամներ, այցելեցի Հերթէվ մեծ գիւղն և մի քանի ուրիշ գիւղեր, Բասեն քանիցս եղած է կոխան պատերազմաց:

Բասէն է վիճակ դայմէդամութեան ընդ իշխանութեամբ Կարնոյ վալիին՝ բաժանեալ վերին և ստորին (Խլեա, սիւֆլա) անուամբ, ունի գիւղս աւելի քան 130, ընդարձակ լեռնադաշտեր և հովիտներ, սահմանն է արեւելից Սողանլի լեռամբ Կարս, արեւմտինը Էրզրում, հարաւն Քէօսէ տաղ Շահեօլ լեռամբ, և հիւսիսն Քիրէճլու Ադմէղլէ լեռ:

Գլխաւոր աւանն է Հասան գալէ, որ է կեդրոն չառավարութեան հետի Յ ժամ Կարինէ, ունի մի գետակ համանուն (Բասեն սույի), ի հնումն Մուրց կամ Մուրցամօր, որ երթայ և խառնի յԵրասխ (Արագս, ՏՏ. Արագ):

Կայ նաև երեք ջերմուկ բաղանեաց (Իւճէ), մին

խիստ տաք ջրով . չէ կարելի մնալ այս ջերմուկ աւելի քան զհինգ վայրկեան վասն սաստիկ ջերմութեան (1) .

Հասան դալէ է աւան պարսպապատ հնօրեայ մի բերդով . ի վերայ ճանապարհին Էրզրում-կարսի . Հայք գաղթելով 1828ին , այժմ են սակաւաթիւ մի գաղթականութիւն՝ միակ եկեղեցեալ . կայ հնօրեայ մզկիթներ և մի նշանաւոր դամբան (թիւրպէ) որ ունի նաև Բեռք (աղքատաց կերակրելու տեղ) .

Այս դամբան կը վերաբերի Իսմայիլ Հադզի էֆէնտի անուն անձին , որոյ անուն հռչակեալ է 1720էն սկսեալ ընդ ամենայն Խոլամ ժողովրդեան , ունի մի հեղինակութիւն Մէրէֆէն անուամբ որ կը ճառէ Աստուածաբանութեան , փիլիսոփայութեան և բնական գաղանեաց վրայ , և ինքը կը յարգուի իբր սրբակրօն և նուիրական մի անձ , շատեր ուխտի կերթան գերեզմանի նորա , որոյ սերունդք կայ այժմ , որք են բարի անձինք . մեծ սէր կը յայտնեն Հայ ժողովրդեան և կը պաշտպանեն (2) .

---

(1) Այս և այլ ջերմուկները անգին գանձեր են երկրի . քանի՛ կերպ հիւանդութեանց բնական դարման . Եւրոպայ եւ Ռուսիա մեծ յարգ տուած է այս ջերմուկներու . մեր երկրի մէջ միայն Պրուսայի ջերմուկներն են հռչակեալ , և բազումք մնան անձանօթ :

(2) Տեղացիք աւանդութեամբ կը պատմեն : Ի կենդանութեան Իպրահիմ Հադզի էֆէնտի , Էրզրումի Էլէմյա կը հրաւիրեն դէօճան , և կը խորկեն միակ ձի առ Հայ մշակաւ . խօսճան Հասան դալէէն ձին կը նստի և Հայ մշակը հետեակ կուգայ մինչի կէսն ճանապարհին , ուր խօսճան իջնելով հրաման կընէ և կստիպէ որ Հայ մշակը նստի ի ձի : Կարնոյ մօտ դիմա-

Հասան գալէի գէմն է Հէրթէվ անուն մեծ գիւղըն (1) ուր կայ բազում Հայ բնակիչ և ի վերայ ճանապարհին Կարնայ Դոնուսի :

Հասան գալէի 7 մղոն գէպ արևելս է գիւղն Քէօրբի քէօյ , ի հնումե վաղարչ աւան , և որպէս ժամէն կանցնի Երասխը և հոն է այն նշանաւոր կամուրջն հովիտի (Չօպան քէօրբիտի) զոր կառոյց վաղարչ՝ հաւ մեծին Տրդաւայ , որ վայրն է իւր ծննդեան :

Մնացորդք երևին այն մեծ կարաւանատան որ առնն շինեալ ի Գրենացւոյ (Ճենովացիք) :

Կամուրջի երկայնութիւնն է 700 և լայնութիւնը 30 . է մեծ և ճարտար շինուածք որոյ մի կամարն կործանեալ է և քանիցս շինեցին կրկին կը կործանել , ի վերայ կամուրջի պատմեն տեղացիք բազում աւանդութիւնք և առասպելք :

---

Երողք կը տեսնեն որ Հայը ձի նստած ևւ խօճան կը քալէ ոտքով , սաստիկ կը բարկանան , և մշակի տէրը կը խորհի քիչ մը վերջ սպաննել զՀայ մշակն , որ խօճայի պէս մի ձերուսի և սուրբ մարդք կը չարչարէ հետիտան քալեցնելով ինք քաղմած է ի ձի . խօճան նշմարելով կըսէ . բնաւ իրաւունք չունիք Հայ ընկերս նախատելու . մեք երկօքին յԱստուծոյ ստեղծեալք՝ ունէինք միայն մի գրաստ , մինչ կէսն ճանապարհի նստայ ես և կէսէն աստ տուի անոր . միթէ այսպէս չէ՞ օրէնք և արդարութիւն . միթէ անիրաւութիւն ըրած չը պիտի՞ ըլլայի եթէ 6 ժամ ամբողջովին քալեցնէի զնա :

(1) Ինիկ այս գիւղացի է Մէլիք շահ անուն հոշակաւոր անձը , որ ցարդ վարած է կեանք միլիտաֆայական և այցելած է Եւրոպա և այլն :

Մուրցամօր (Բասեն դեա) և Երասխի հարաւակողմն է աւերակն Օկոմի գիւղի. (ի դարս ԺԱ.) Օկոմիի արեւմըտեան կողմն է Եաղան գիւղ 60 տուն Հայ բնակչօք, որոյ մօտն երևի աւերակք հին շինուածոց :

Բասեն ջրոյն աջակողմն է, բերդն Աւնկայ կամ Օնիկ շինուած դարմանալի և աւերեալ Լէնկթիմուրէ (1) :

Ջրամբարք ցամաք և սենեակք ինչ ի վերայ քարաբլրոյն. որ կոչի Ճիվան գալէ, է ուխտատեղի ռամկաց աստ և շրջակայս գտանին սակաւ Հայք Քրթակրօն (2) Պէյվէրան չէօլլի և Չէհէրկան կամ Չահերկան գիւղերով, և ի մօտս լերինք ուրեք անձաւք ձեռակերտ, որ կոչի Գըրգ բէնճէրէ, այժմ է դոմ անասնոց :

Ստորին Բասենի գլխաւոր գիւղերն են Խօրասան և Չարս որ ունի մի ջերմուկ :

Ազմէղրէ լեռն է անուանի բերդն Քէօք տւււէ՝ Պօլուի գիւցաղնին (3) որ ունի երգս և բազում պատմութիւն քաջութեան՝ առարկայ վիպասանից :

Երասխի կամուրջի մօտ մեք կերգէինք :

Մայր Արագսի ափերով, քայլամուր դնում եմ,

Հին հին դարուց յիշատակ, ալեաց մէջը պտրում եմ. և այլն :

---

(1) Այս մարդուն շինածը բնաւ չը լսեցինք. ուր որ գացեր է՝ քանդելու աւերելու մեծ փոյթ տարեր է :

(2) Որոց աղանդք և սովորութիւնք կցեալ է Տաւրոսի Քուրդ ցեղերու և Արարիոյ այլ աղանդաւորաց պատմութեան հետ :

(3) Քէօք օլլուի խաղերը աշրդներու աղը համարուած է, և այժմ Պօլսոյ թատրոններն իսկ կը ներկայացնեն Քէօք օլլիի երգեր, թատրերգութիւն. Ժ. դարու մարդ, և շատ տեղեր ունի. աշտարակներ իր անուամբ :

Երբոր հասանք Քէօր օղի բերդի դէմ, մեր ջորե-  
պան Հայ կարիճը սկսեց .

Քէօր օղի բմ չամիլի պէլտէ կեղերբմ ,

Ալթուն թօրուղ իլէ գաֆան էղերբմ , և այլն :

Խօրասան գիւղի արևելից հիւսիսակողմն է և Ե-  
րասխի հարաւը Մանազկերտ կամ Մժնկերտ , երբեմն  
քաղաք Եպիսկոպոսանիատ . ունի նաև գիւղեր Ամրա-  
գորմ , Գոմաճօր , Տէլի պապա , Սադարան և այլն :

Բասենի միակ վանքն է Ս. Աստուածածին՝ ի հիւ-  
սիսն Հասան գալէի և 7 ժամ հեռի Էրզրումէ , գեղե-  
ցիկ դէրքով և շատ մը աւերակ շէնքերով . վանահայր  
և վիճակի առաջնորդն է Տիմօթէոս Վարդապետ՝ ընդ-  
իշխանութեամբ Կարնոյ Արքեպիսկոպոսին . այս վանք ևս  
նման այլ վանօրէից մնայ անբարեկարգ՝ հեռի իր նօպա-  
տակէն , մինչդեռ կարելի է բարդաւածիլ և փայլիլ իւր  
հողերով , ուր կրնայ բլլալ առատ բերք , կրնայ պահուիլ  
բազում ոչխար և այլ կենդանիք նոյնպէս փեթակ ծա-  
ռաստան և այլն . հոս է Գ. Մագիստրոսի գերեզմանը .

Բասենի անտառն է Սօղանլիի մեծ անտառը որ այս  
ցրտաշունչ քաղաքները կը լեցնէ իւր եղևինի փայտերով՝  
իւր ծառերն են շատ երկար , մեծ և մաքուր և այնչափ  
առատ որ կը լիացնէ Էրզրումը , Բասենը , Խնուսը Կար-  
սը , և մինչև իսկ երբեմն կերթայ մինչև Կիւմրի և  
Էջմիածին :

Բասենի գիւղերը բնաւ չը կայ պարտեղ կամ այգի  
և կամ անպտուղ ծառեր . ինչպէս որ է ժողովուրդը  
մնացեր է անհող այս մասին ,

Բասեն ընդարձակ երկիր է մշակութեան և կեդրոն  
երկրագործութեան . ունի առատ բերք , բայց մնացած



է անտերունջ . ժողովուրդի մէջ թէև կայ հարուստ երկ-  
րագործներ , իսկ աւելի շատ է ազքատը վասն զի տգէտ  
է , ուսմունք չը կայ , խրատտու չը կայ , ստիպող չը կայ .  
Բասեն աւելի ընդարձակ է Շիրակէն և Գերջանէն , բայց  
դժբաղդաբար լքեալ է և ոչ ոք ունի ուշադրութիւն .

Ես աղէկ գիտեմ որ մինչև իսկ պատմութիւնը ան-  
գամ լսելու չը պիտի ախորժի ընթերցողը և ձանձրոյթ  
պիտի զգայ . թէև ըստ ինձ Բասեն և Գերջան և ասանց  
նման երկրագործութեան կեդրոնները առաւել և առա-  
ւելագոյն է քան զմիւս քաղաքները :

Բասենը , Խնուսը և Գերջանը կրնան շինել մի քանի  
էրզրումներ , Երզնկայներ , բայց վերջինք չեն կրնար  
շինել առաջնոց մին :

Մեր ժողովուրդը դեռ ևս յարգ չի տար երկրա-  
գործութեան , որովհետև փայլուն չէ , նոր չէ , առանց  
աշխատութեան չըլլար . իմաստակութիւն չը կայ երկրա-  
գործութեան մէջ :

Լուսաւորեալ աշխարհ լաւ ըմբռնած է որ միայն  
երկրագործութիւնն է աշխարհը սնուցանող , երկրագոր-  
ծութիւնն է 1500 միլիօն մարդիկը , անթիւ անհամար  
կենդանիները կերակրողը . երկրագործութիւնն է հա-  
րըստութեան աղբիւր , հաստատուն և միշտ կենդանի  
ստացուածք . դժբախտաբար այս պատուական արհեստը  
դեռ կը մնայ լքեալ , գիւղացին չը գիտեր յառաջ տա-  
նելու , քաղաքացին չի հաճիր ձեռնարկելու . դեռ եւս  
բոլոր գաւառները նոյի որդւոց գործիքներով կը մշա-  
կեն երկիր . անցած 3000 տարիները օգնած չեն մեր  
երկրագործութեան . Եւրոպայ և Ամերիկայ հազար տե-  
սակ գործիներ կը հնարեն և իրենց բերքերը աշխարհ

կը տարածեն , մեք գեռ. ևս մեզ կշտացնելու չափ բերք չեմք կրնար հանել , ի՞նչ է ասոր պատճառ , պատասխանն է երկար . . . . .

Բասենի կրթական վիճակ տխուր է , արդէն ըսելու հարկ չը կայ , մեր գիւղերի ամենքն ալ միաձև է խիստ քիչ տարբերութեամբ :

Ի՞նչպէս յեղաշրջելու է գիւղացոյ վիճակ թէ՛ դրժուար և թէ՛ դիւրին , խելքս հասածին չափ պիտի բացատրեմ գիւղական ծրագրիս մէջ : Բասենի վրայ գիտցածնիս , տեսածնիս և կարգացածնիս այսչափ էր որ լրացաւ Ս. Աստուածածնի վանք , ուր մնալով գիշերն հանգիստ առաւօտուն Հայր Սուրբի պատրաստած նախաճաշը ( որ կը բաղկանար պատուական սէր միքանի տեսակներով , ճերմակ և անհալ մեղր ( օղակ գալի ) կարագ իւղ խիստ մաքուր , անարատ ( Ա ) կաթ , մածուն և պանիր է ) փառաւոր կերպիւ ճաշակելէ վերջ . մնաս բարեաւ ըսելով մեկնեցանք , և ահա լրացուցած եղանք 1868 թուականի ճամբորդութիւննիս շնորհիւ Աստուծոյ ողորմութեան գնացինք և դարձանք անվնաս , որ տեղիս տեղիս էր վտանգալից և երկիւղալի :

---

( Ա ) Պօլսոյ ծախուած խառնուրդով Սիպիր եղիին , կեսէն քիչ պակաս ջուրով կաթն , արհեստներով շինած պանիրին , սերին , մածունին չի նմանիր Հայաստանի բերքեր :

## ՆԱՄԱԿ ԺԱ.

Կ. Պօլիս 1878

Կարինէ մեկնեցանք 1877 Դեկտեմբեր 16 ին ,  
եղանակն էր ցուրտ ձմեռ , ուտելիք և վառելիք թանկ,  
մէկ օխայ փայտն 40 փարայ , հացն 4 դրշ. և այլն սոյն  
կարգի :

Ռուսիոյ բանակը սլաշարած էր Կարինը մինչև  
դաշտը , գիւղերը , միայն Իլիճէ գիւղն էր մեր զօրաց  
ձեռք . պաշտօնակից ընկերս էր Խաչատուր Խան էֆ.  
Տ. Ներսիսեան : Զիւներու շատութենէն , ճանապարհի  
երկիւղէն շատ դժուարութեամբ հասանք Տրապիզօն՝  
ուր դարնան պէս էր , մնալով երեք չորս օր մտանք շա-  
գենաւ Աւստրիական ( Կալաթեայ անուն ) , Տրապիզօնէ  
մեկնելնուս սկսեց ալեկոծութիւնն մինչև ինեղուց Պոս-  
ֆորի ուր հազիւ կրցաւ կանք առնուլ ութերորդ օր-  
ուան իրիկունը , 4 Յունվարի 1878 ի . գիշերը կեցանք  
հուպ Պէօյիւք տէրէի , յաջորդ օրն որ խթում էր , կէտ  
օրին ելանք Կ. Պօլիս , ալեկոծութիւնը չպիտի դրեմ՝  
զի լսած էք բաղում պատմութիւն փոթորկի :

Շատ գոհութիւն տուինք Աստուծոյ փորձանքնե-  
րէ փրկած ըլլալուն . համաձայն էր այս աղօթք « ան-  
ցանք մեք ընդ հուր և ընդ ջուր և Տէր հան զմեզ  
ի հանգիստ : »

Հիմայ գրեմ Պօլսոյ վրայ որ կը տեսնեմ . կը շըը-  
ջիմ իբր նոր աշխարհ մեզ համար ( 1 )

( 1 ) Ասկից վերջ 1-2 անգամ կրկին Պօլիս գալով հարկ  
եղաւ նոր տեղեկութիւններն ալ միացնել :

Մի փնտուէք դասակարգութիւնք, կը դրեմ տե-  
սածս, լսածս և կարգացածս, ինչպէս որ հանդիպի.  
կսկսիմք վեհապետէն և Կ. Պօլսոյ և ընդհ. Թուրքիոյ  
Թագաւորն է Սուլթան Ապտիւլ-Խան Համիտ երկրորդ-  
մեծազօր կայսր Օսմանեան, խան և զաղի (յաղթող)  
Համիտ մեծ. բարեխնամ հայր և իշխան ընդհանուր  
Օսմանեան երկրի և Ժողովրդոց. Յէրդ. Թագաւոր  
Օսմ. հարստութեան և 28րդ կայսր յառմանէն Կ.  
Պօլսոյ միահիծան կայսր ծովու և ցամաքի, որդի Սուլ-  
թան Մէճիտ—Խան երջանկայիշատակ Թագաւորի,  
Թոռ՝ Ս. Մահմուտ հանգուցեալ հզօր կայսեր. քաջու-  
թեամբ, քաղձրութեամբ և բարեսրտութեամբ տիպարն  
է իւր Հօր և մեծ Հօր, իսկ խոհականութեամբ, իմաս-  
տութեամբ և հանճարով առաւելագոյն քան զհայրն  
և զպապն և ամենայն Թագաւորք Օսմանեան, շնորհա-  
շուք և մաքուր խղճմտանքի տէր, արդար, կանոնադիր  
իբրև Ս. Սիւլէյման Օսմանեան 30 միլիօն ժողովուրդի  
ընտրելագոյնն է Խալիֆա կրօնապետ և փոխանորդ  
Մահմէտ մարդարէին, ամենախնամախ Աստուած պարգե-  
ւեացէ կեանս երկարս, կարողութիւն և զօրութիւն,  
վասն բարօրութեան Օսմ. երկրի,

Կնեալ է Ս. Համիտ 18 Շապան 1258 և 10/22 Սեպտ.  
1842, դահակալութիւնն է 11 Շապան 1293 և 12/24  
Օդոստոս 1876 (1) Կառավարութիւնն է Սահմանադր-

---

(1 Տարեդարձը հանդիպեցաւ այս շարթուան երբ այս տո-  
ղեր կը գրէինք, հիանալի լուսավառութիւնք և հրախաղա-  
թիւնք կը կատարուէին Պօլիսի ամեն կողմը :

բական միապետութիւն, կայսեր անձ ընուիրական է, ինքը իւր ազատ կամքով կընտրէ նախարարները և կը հրաժարեցնէ, ինք կը հրատարակէ պատերազմ և կը դաշնագրէ հաշտութիւն :

Ինքը կը շնորհէ բոլոր պաշտօններ, աստիճաններ և պատուանշանները երբեմն ինքնակամ և երբեմն ըստ խնդրանաց նախարարութեան օր բաժանեալ է հետեւեալ ճիւղերու :

Սատրազամ, մեծ եպարդոս, վէզիր, փոխանորդ տէրութեան և Ս, նախարարապետ . գլուխ բոլոր նախարարաց և պաշտօնէից :

Շիյս-իւլ-իսլամ, դե՛նպետ, օրինաց փոխանորդ և վճռատու կրօնապետ, բացատրող պատգամաց, պատմիչ և պահպանիչ իսլամութեան . գլուխ բոլոր կրօնական պաշտօնէից :

Սէրասքէր . սպարապետ, սպասալար մեծ զօրապետ, մարալաֆտ, նախարար պատերազմական գործոց, հրամանատար ընդհանուր Օսմանեան զօրաց, զօրապետաց և բանակաց :

Տախիլիէ նազրի . նախարար ներքին գործոց (փոխանորդ մեծ եպարդոսի ներքին գործոց համար) ուղղակի յարաբերութիւն ունի վայիներու, և միւթասարըֆներու որք վիւայէթի մը ենթակայ չեն և կըսուին (միւսթէգիլ) ներքին գործերը կը տնօրինէ կարեւոր գործոց համար կը դիմէ առ մեծ եպարդոսն :

Շուրայի տէօվէթ ըէիսի . նախագահ պետական խորհրդոյ, սովորական գործերու մէջ կը դիմէ ներքին գործոց նախարարութեան, և կարեւոր գործերու համար մեծ եպարդոսին, կը հրամայէ պետական խորհրդոյ ամեն ճիւղերու :

Խարիճիէ նազըրի . նախարար արտաքին գործոց ,  
օտար տէրութեանց քով գտնուած Օսմանեան դեսպա-  
նաց գլխաւոր հիւպատոսաց , օտար տէրութեան արտա-  
քին գործոց նախարարներու . և օտար տէրութեանց  
կողմէ կ. Պօլիս գտնուած բոլոր դեսպանաց հետ ուղ-  
ղակի ,յարաբերութիւն ունի , և կը տնօրինէ օտար տէ-  
րութեանց քով մեր դեսպանաց և հիւպատոսաց ընտ-  
րութիւն և այլ քաղաքական գործեր :

Ատլիէ վէ միզահիպ նազըրի . նախարար արդարու-  
թեան և կրօնի գործոց , կը տնօրինէ բոլոր դատական  
և պատժական ժողովներու գործերը , պետ և տեսու-  
չըն է կեդրոնի և ընդհանուր Օսմանեան գաւառաց , ար-  
դարութեան պաշտօնէից , կրօնից տեսչութիւնը կը վերա-  
բերի հպատակ ոչ իսլամ ժողովրդոց , երկրորդական  
պաշտօնեայները , գաւառներու ժողովոց անդամներու  
ընտրութիւնը կը տնօրինէ յանձնաժողով ( էնճիմէնի )ի  
որոշմամբ , իսկ սկսեալ ընդհանուր դատախազի օգնա-  
կաններէն մինչեւ վերին պաշտօնեայն կը գրէ մեծ ե-  
պարգոսի և նա արքունի պալատը , որ կը վաւերանայ  
բարձրագոյն հրամանաւ ( իրատէի սէնիյէ ) :

Պահրիէ նազըրի . նախարար տեսուչ ծովային ամե-  
նայն գործոց նաւուց , շոգեհաւուց և նաւատորմիղի :  
Թօփհանէ միւշիւրի . հրամանատար թնթանօթա-  
րանի բոլոր գործոց ( այժմ միացեալ սպարապետու-  
թեան : )

Մալիէ նազըրի . նախարար ելեւմտական գործոց ,  
է տեսուչ կառավարութեան ելից և մտից , պետ եւմը-  
տական պաշտօնէից , կընտրէ ժողովներով երկրորդական  
պաշտօնեաներ և գրագիրներ , կարեւորներ կը գրէ մեծ

Եպարդոսին որ նա որչա կընէ պալատը, տէրութեան տարեկան պիւտճէն կը պատրաստէ, և բոլոր դրամական գործեր կը տնօրինէ :

Թիճարէթ վէ զիրաւթ նազըրը. նախարար վաճառականութեան և երկրագործութեան, կայսերական երկրի ( մէմալիքի մահրուսէ ) որոց բարգաւաճման կաշխատի իւր ստորագասեալ պաշտօնէից հետ :

Էվգաֆը հիւմայուն նազըրը. նախարար կրօնական կալուածոց. տեսուչն է բոլոր վազֆներու և անոր պատկանեալ պաշտօնէից :

Մէարիֆ նազըրը. նախարար հանրային կրթութեան, Օսմանեան երկրի մէջ կրթութիւնը ծաւալելու սահմանեալ. տեսուչ բոլոր վարժարանաց, դասատուաց, հրատարակելի գրքերու այլովքն հանդերձ :

Նաֆիէ նազըրը. նախարար հանրօգուտ շինութեանց, Օսմանեան երկրի խճուղիներու, երկաթուղիներու, ֆապրիգաներու և այլ հանրօգուտ շինութեանց, առանձնաշնորհութեանց և այլ խնդրոց տեսուչն է (1) :

Նախարարք ժողով կը գումարին որ կըսուի ( մէճլիսի խասի վիւքէլա ) , երկրին կարեւոր խնդրոց վրայ. նախագահն է մեծ եպարդոսը, կորոչեն ամեն մեծ գործեր, կը վաւերացնեն նոր կանոններ և ամենքը կը ներկայացնեն վեհ. Սուլթանի հաւանութեան :

Յետոյ կայ երկրորդական տեսուչք, ինչպէս (կէօմ-

---

(1) Կայ նաեւ պալատական նախարար, մապէյին հիւմայուն միւշիւրի, եւ խազինէի խասսէ նազըրը, նախարար տեսուչ կայսերական դանձուն որ այժմ կը վարէ Բարձրագատիւ Յակոբ բաշա Գազազեան. որոց և պալատական ուրիշ պաշտօնէից վրայ ևս պիտի գրեմ Պօլսոյ պատմութեան մնացեալ մասին հետ :

րիւք նազըրը) մաքսային , (թէլէկրաֆ փօսթա նազըրը) թղթատարութեան եւ հեռագրատանց , (շէհլը է-մինի) քաղաքապետ , (ղապթիէ նազըրը) սասիկանաց , ժանտարմաներու , փոլիսներու (մէրքէզ գօմանտանի) կեդրոնական հրամանատար զօրաց , (լէվադիմ րէյիսի) տեսուչ զօրաց պիտոյից , ջրհանկրաց տեսուչ , նաւահանգստեան տեսուչ նն. մէն մի տեսուչ թիւն բաժանեալ է շատ մը ճիւղերու և մանրամասնութեանց :

Փալիսքողը կրնան մի ըստ միովէ կարգալ Սալնամէ անուն պաշտօնական գրքին մէջ , որ ամեն ասորի կը հրատարակուի ի Պօլիս :

Նախարարաց ժողովէն վերջ , կարեւոր ժողովն է պետական խորհուրդը բաժանեալ մասնաճիւղերու :

Արդարութեան ժողովները , որք են՝ թէմիիզ , իսթինաֆ , թիճարէթ , պիտայէթ , իրենց ճիւղերովը . ամեն նախարարութիւն և տեսուչութիւն ունի խորհրդական (միւշթէշար) , օգնական (մուավին) ժողովներ , յանձնաժողովներ , համարակալ , հաշուապետ , քարտուղար , գրագիր և այլն :

Տէրութիւնը ունի եօթը բանակ ընդ հրամանատարութեամբ միւշիւրներու : Կեդրոնատեղիք են՝ 1 Կ. Պօլիս , 2 Էտիքնէ , 3 Մանասթըր , 4 Էրզրնկեան , 5 Շամ , 6 Պաղտատ , 7 Էմէն :

Տէրութիւնը 40 վիլայէթ ունի ընդ տեսուչութեամբ վալիներու , բոլոր գաւառները բաժանեալ է (սանճագ) միւթէսարըֆութիւն , (զէղա) գոյմէզամութիւն , (նահիյէ) միւտիւրութիւն :

Պօլիս կը նստին մեծ տէրութեանց դեսպաններ ,



որոնք ունին իրենց թարգմաններ, քարտուղարներ, հիւպատոսներ և այլ պաշտօնէիւք հանդերձ, նոյնպէս երկրորդական տէրութեանց դեսպանք և գործակատարք :

Հպատակ ազգեր ունին իրենց Պատրիարքները, Հայք, Յոյնք, Կաթողիկէ Հայք, Պուլկարք և Հրեայք. ունին պատրիարքարաններ, ժողովներ, տեսուչներ, պաշտօնեաներ, քարտուղարներ այլովքն հանդերձ, Մէն մի պատրիարքարանի արտօնութիւնք հաստատեալ է օրէնքներով և դրուած ախթուր օրինադրոց մէջ, ինչպէս Հայոց Սահմանադրութիւնը :

Կ. Պօլիս ( ստամպոլ ) Բիւզանդիոն, նոր հռոմ, Ս.յս քաղաք շինած է նախ քան Ղրիստոս 630 տարի, Բիւզաս, որ կոչեցաւ Բիւզանդիոն, որպէս ցարդ բանասէրք կը կոչեն :

Կոստանդինոս կայսրը Հռոմէն աստ փոխադրեց իւր աթոռ յամի Տեառն 320ին, կոչեց նոր Հռոմ, և իւր անուամբ Կոստանդնուպօլիս, որովհետև Յոյնք կը յորջորջէին ի հնումն Խոտինիօլի, ( Յուստինուպօլի ) Թուրքերէն յիշուեցաւ ( Ստամպօլ ) կամ ( իսլամ-պօլ ) քաղաք իսլամաց. երբ տիրեց Փաթիհ Սուլթան Մուհամմէտ 1443ին և Տաճկաց 830ին, մինչև ցարդ արքունի դրամոց վրայ ևս կը դրօշմուի Կոսթանթինիէ :

Քաղաքը շինուած է ի վերայ եօթն բլուրներու, մարմարայ ծովին պօսփորի և սակեղջիւր նեղուցին վըրայ, տեսքով գեղեցկագոյնն է քան զամենայն քաղաքացն աշխարհի, Նէապօլիս, Բալերմոյ և Լիսպոնեա, բնաւ չեն կրնար մրցիլ Պօլսոյ գիրքին հետ. օգն է առույվարար, շուրը զանազան տեսակ է մարտը և օդտակար. բնակիչքն կը հաշուին մէկ միլիօն բնիկ, բայց նոր

մարդահամարին մէջ պակաս կերելի . երբ ի հաշիւ առնուի՞ք բազմաթիւ պանդուխտներ և օտարներ մէկ միլիոնէ աւելի կրնայ հաշուիլ Պօլսոյ ժողովուրդը (1)

Պօլսոյ ժողովուրդը՝ Օսմանեան այլ երկրի ժողովուրդներէ առաւել ո և է արածնութիւն կամ առանձնաշնորհութիւն չունի ըստ Սահմանադրութեան (գանունի էսասի) :

Պօլսոյ գիրքը բաժանումներ ունի աշխարհագրական և կառավարական ձեւերով . կառավարութիւնն բաժնած է չորսի . ( Սաամպօլ վէ պէլատիսէլէսէ : )

1. Պօլիսը , սկսեալ Եէտի դուլէէն մինչև Էյուպ .

2. Կալաթիա , սկսեալ Կալաթիայէն մի թեւը մինչ Քեահրտհանէ և միւսն մինչ Բումէլի գալագ ի ( Պօսֆօր ) :

3. Իւսկիւտար , սկսեալ Գատը գիւղէն մինչ Անատօլու գալագ :

4. Կղզիներ , ( Ստալար ) որք են մեծ կղզի ( բուինգիրոյ ) , Հէյպէլի ( Խալքի ) , պուրկաղ ( Անախղոնի ) և Գընալը ( Բրօգի : )

Սկսիմք արքունի շէնքերէն . Երլարղի գեղեցիկ պալատը՝ Օրթաքէօյի և Պէշիկթաշի մէջ ուր կը նստի այժմ մեր Սուլթան Ինքնակալը . գիրքը բարձր , շնքերը և

---

(1) Պօլսոյ եւ այլ գաւառաց մարդահամարի վրայ բաւական աշխատութեամբ ժողոված էինք շատ մը տեղեկութիւնք , սակայն կառավարութեան վերջին մարդահամարը ստոյգ ըլլալով զանց ըրինք այս նիւթին վրայ գրել :

այլ վայելչութիւնք խիստ շքեղ . թէ այս և թէ այլ շէնքերու վայելչութեան վրայ գազափար մը կազմելու համար ի մօտոյ տեսնել և գիտելու կը կարօտի :

Զըրազանի պալատը մեծագոյն և գեղեցկագոյն ծովի եզերքը , յՕրթաքէօյ :

Տօլմա պահչէի պալատը , ի Պէշիկթաշ , այս երեք նորաշէն պալատի ճարտարապետութիւնք մեկզմէկ կը գերազանցեն , կոթական և Եւրոպական ամենաընտիր ճաշակներով , կռանիթ և մարմարիօն քարերով , սիւներով , քանդակներով և նկարներով :

Պէշիկթաշի պալատը Գ. մասի , համանուն գիւղի մէջ նման վերի երեք պալատաց , շքեղ և փառաւոր (1)

կիւլհանէի պալատը Ա. մասի . մօտ Այա սօֆիայի մզկիթին , ուր կարգացուեցու 1839/ն ( Խմբիւմը Խայրէն ) շնորհիւ Ս. Մէծիա հանգուցեալ կայսեր , որով գտին ազատութիւն հպատակ ազգք Օսմանեան . հոս է փողերանօցն ( զարպհանէ ) . կայ մի քաղանիք 32 կճեաց սենեակով , ունի երեք պատշգամ աննման հնութեամբ և շքեղութեամբ . 1 ( Պապատա քէօղի ) պատշգամ քարելոնի . 2 ( ղէվզիյէ ) պատշգամ ուրախութեան և զուարճութեան . 3 ( կիւլհանէ ) վարդիներայ , ունի պարտէզ մի կերպ կերպ զարդարեալ և պաճուճեալ , հարիւրաւոր սենեակներ և դահլիճք գեղեցիկ ճաշակով : Հոս է հը-

---

(1) Պալատներու եւ այլ կայսերական շէնքերու մեծ մասը շինուած է ճարտարապետութեամբն Պալեան եւ Կլանաւոր գերդաստանի :

հուժեանց թանգարանը, ուր կը պահուին Հռոմէական, Եգիպտական, և Յունական թագաւորաց զրահներ, խիստ հին գիրքեր, հին բանալիք քաղաքաց, որոց տիրած են կայսերք Օսմանեան, այլ անթիւ հնուժիւնք և հարստութիւնք ազգի ազգի ադամանդից, գոհարաց, մարգարիտ ոսկի և գոհարազարդ գոյքերու . զարմանք կը գրաւեն ոչ թէ ժողովրդեան այլ Եւրոպայի ճամբորդաց և բարձրաստիճան անձանց . հոս է Էճիպի քէօշկի ըսուած յախճապակեայ և քարաչէն պատշգամն, որ այժմ դէնքերու (մլուզէ) եղած է . նշանաւոր է մեծ գահիճն որ կոչի գուպպէ ալթը . նախնումն պայրամի, տօներու պետութեան ամեն պաշտօնատարք հոս կը համբուրէին ոտս արքային կամ ոսկեթել ծոպն, (սաչախի շէրիֆ) այժմ այս արարողութիւնք կը կատարի ի պալատն Էրլտըղի կամ Տօլմա պահչէի :

Սարայ պուռնիի պալատը, հին պալատ արքունի Կ. Պօլսոյ ճիշդ անկիւնը, մառմառայի վրայ, որ կողմնակի շինուած է ի ծովեզերս և այժմ աւերակութեան ենթարկեալ :

Թօփ գարուի պալատը . Պօլսոյ մէջ, շինեալ Ս. Մէհմէտ Փաթիհէ, հոյակապ և նշանաւոր հնուժեամբ (1)

Այս եօթը պալատներէն վերջը կուգան Կէօք սուլի պալատը կամ պատշգամը նորաչէն . անատօլուի կողմն . Քեաղըտհանէի պատշգամն, (քէօշկ) ճիշդ քեաղըտհանէի զբօսավայրին մէջ, և այլ շատ մը ապարանքներ

---

(1) Այս երեք պալատները ինչ անցքեր անցեր է (տես Օսմանեան պատմութիւն :

յատկացեալ Մուլթանուհիներու , արքունեաց փեսաներու , կայսերական ժառանգաց ( շահզատէ ) և այլոց որք կը վերաբերին կայսրութեանս Այս պալատներու շէնքեր աննման են ամեն կերպիւ հոյակապ և վայելուչ արտաքին կողմէ , իսկ ներքին շքեղութիւնք եւ կահ կարասեաց ճոխ զարդարանք , առաւել հիանալի են :

Կ. Պօլսոյ մզկիթները , Պօլսոյ և արուարձանից մզկիթներու թիւը անորոշ է , ճամի և մէսճիաներու թիւը կը հասնի երկու երեք հազարի . որոց բոլորին պատմութիւնը կը կարօտի ամբողջ գրքի մը , մեք նշանակեմք մի քանին նշանաւոր և մէկէ աւելի աշտարակ ունեցողներ . Այս սօփիա , երեւելի քան զամենայն շինուածս Բիւզանդիոնի . ոմանք կը կոչեն մին եօթն հրաշալեաց . շինեալ նախ մեծ Կոստանդիանոսէ տաճար և նուիրեալ իմաստութեանն Աստուծոյ 323 թուակա նին Քրիստոսի . Եւ ապա Թադէոս փոքրէ և Յուստինեանոսէ 532ին , երբեմն նորոգեալ , յետ առման Կ. Պօլսոյ եղև մզկիթ մեծ , հրաշալի է ներքին տաճարն , վերնատունք , գմբէթք և ճանապարհն որմերու մէջ . Պօլիս այցելող եւրոպական արքայազունք և ճանապարհորդք նախ կայցելեն Այս սօփիա իբր գլուխ գործոց հնութեան . ունի չորս աշտարակ ( մինարէ : )

Մուլթան Ահմէտ . շինեալ Ս. Ահմէտէ ի հրապարակի մեծ , որ կոչի Աթ մէյտանի , շինեալ ի Սևերոս կայսրէ և աւարտեալ Կոստանդիանոսէ . հնումն կոչէին ի փոստրօմոս , որ շինուած էր գեղեցիկ անդաստակով , գուռներով ուր կային դամբանք և մահարձանք կայսերացն Յունաց , երբեմն կայարան ( Եէնիչէրիներու ) այ-

ժըմ՝ բոլորովին թափուր, միայն երեք հոթող կայ որ կը կոչի (տիքիլի թաշ), օձապատ սիւնն պղնձեայ տասըն ոտ բարձրութեամբ, եռոտանի խարիսխը որ Յոյնք նուիրեցին Ապօղօնի: Կոթողն Եգիպտոսի շինեալ թէոթոս կայսրէ և կիսաւէր մահարձանն կոստանդին ՊէրՓէռուժէնի, այլ արձանք և արձանագրութիւնք են ըսքանչելիք հնութեան: Մղկիթն է հայակապ, կայ շատ մը դամբաններ, Սուլթան Ահմէտի և ուրիշ թագաւորաց, ունի վեց մինարէ երկուական պաաշգամներով, (չէրաֆէ) այս հրապարակի քովն է եէնիչէրիներու արձանք:

Սիւլէյմանիէ մղկիթ. ունի չորս մինարէ, նմանութիւն Այս սօֆիա մղկիթին, շինեալ Ս. Սուլէյմանէ արաբացի ոճով, ճոխ շինուածքով. աւազաններ, աղբիւրներ, դամբանք և այլն: Նշանաւոր է նաև խրրդայի շէրիֆի մղկիթը ուր կը պահուի պատմուճան Մէհմէտ մարգարէին, որ ամեն տարի ուխտ կընէ Օգոստափառ Սուլթանը բամազանի ԱՅրդ օրը և այլ բարձրաստիճանք և ապա իսլամ ժողովրդեան համար ի տես կը դրուի (A)

---

(A) Այս տարի եւս ականատես եղանք այս շքեղ հանդիսին Օգոստափառ Սուլթանը և մայր թագուհին և կայսերական գերզաստանի անդամք, թագուհի սուլթանք, մեծ հանդէսով նըլտըղի պալատէն ելան նուագարանաց եւ զօրաց վաշտերով, զարդարեալ կառքերով եւ նժոյգ ձիերով, եկան անցան կալաթիոյ կամուրջը եւ գնացին ուխտի, երեկոյին դարձան կըրկին մեծ հանդէսով, Պօլսոյ ժողովրդեան մեծագոյն մասը հանգիսատես էր, փողոցները գոցուած էր բազմութենէն, լուսթիւն մը տիրած էր Կ. Պօլսոյ վրայ, Օգոստափառ Սուլթանը ըաց կասքի մէջ նստած ժողովրդեան կեցցեաներով ողջունեցաւ:

Ս. Մէհմէտ Ֆաթիհի մզկիթը շինեալ Կոստանդին կայսրէ յանուն Ս. Առաքելոց, հանդատարան իւր և մօրն Հէղինէի, և դամբան Ֆաթիհի և այլոց կայսերազանց. մինարէ 2 զոյգ :

Եէնի ճամի, շինեալ Սուլթան Սէլիմ Ա.է և Ս. Սահմէաէ ի յիշատակ մօրն երկուց թագաւորաց. մինարէ 2. ասոնցմէ զատ մինն քան զմիւսն փառաւոր և հոյակապ և ամենեքեան զոյգ աշտարակներով և երկու երեք պատշգամներով են հետևեալ մզկիթները: Թօփհանէի, Օրխանիէի, Իւսկիւտարի, Շահզատէի, Ազսէրայի, Պայաղիտի (շինեալ 1840ին), Նուրի Օսմանիէի, Օրթաքէօյի, Պէշիկթաշի և Սէլիմիէի խըչլային մզկիթը: Յատուկ նշանակութեան արժանիէ հնութեամբ Էյուսպի մզկիթը՝ որ կոչի Էյուսպ Սուլթան. Օսմանեան կայսերը հոս կը կապեն իրենց Սուրը մեծ հանդէսներով և արարողութեամբ. դաւիթի ամենամեծ շինարի ծառերն Ս. Ֆաթիհ տնկած է Կ. Պօլսոյ առման տարին, որոց միոյն առնը (կէօփաէ) փորելով ըրած են սափրիչի կըրպակ մը՝ տերեւները դարձեալ կը մնան կանանչ, Պօլսոյ ամենահին ծառերու պապերն են: Հնութեամբ նշանաւոր է նաև (եէր պլթը ճամիսի), Կալաթա դեանի տակըն է ուր կիջնեն սանտուխով, հաստատուն կամարասիւններով :

Սմենահին մզկիթն է Կ. Պօլսոյ Արապ ճամիսի կոչուածը ի Կալաթա, որ շինուած կը կարծուի Արաբաց առաջին խալիֆէ մաավիէ ամիրայէն: Պօլսոյ մզկիթներու մէջ եղած դասարանները (մէտրէսէ) ժամանակացոյցները (մուլաղըթհանէ) աղբիւրները, շատրուան.

ները , ձեմելիքները անթիւ են և անհամար , և բոլոր  
չէնքերը ընդարձակ :

Կայանք կառավարութեանց .

Նշանաւոր հին շէնք մ'է Բ. Դուռը , (Պապը Ս'լի)  
ուր կը նստի Մեծ Եպարգոսը , արտաքին և ներքին գոր-  
ծոց նախարարները , պետական խորհուրդը ամեն պաշ-  
տօնեաներով , մօտ Այա-Սօֆիայի :

Պապը Սէրասկէրի , կամ Էսքի Սարայ , որ շինուած  
էր 1443 ին , Սուլթան Պաեաղիտի հրապարակի վրայ .  
ուր կը նստի Մեծ Սպարապետը . իւր սպայակոյտով և  
զօրապետներով և ամեն պաշտօնեաներով , նորոգ շին-  
եալ հօյակապ , բարձր դիրքով ի վերայ բլուրին միոյ  
եօթն բլրացմ' կ. Պօլսոյ , որոյ ներքին հրապարակի մէջն  
է Պօլսոյ ամենամեծ աշտարակը , ( եանկըն գուլէսի )  
237 աստիճաններով , վրան պատշգամ ընդարձակ ,  
աստի կերևի Պօլսոյ ամեն կողմ , Մարմարայ և Պոս-  
ֆօրը , ուստի կրնայ գուշակուիլ Պօլսոյ դիրքին աննը-  
մանութիւնը բնութեան և ճարտարութեան ամեն սքան-  
չելիքներով (A) :

Ապարանք Այա Սօֆիայի . մօտ համանուն

---

( A ) Այս աշտարակը դիտարան է հրդեհի եւ երթեւե-  
կութեանց շոգենաւուց ուր կը հսկեն պահապանք տիւ եւ դի-  
չեր . ունին նշաններ դիշերի եւ ցերեկի համար հրդեհի եւ այլ  
վտանգներու տանն . շինեալ ի ժամանակի Ս. Մահմուտի ձե-  
ռամբ ճարտարապետ Սենեքերիմ Պալեանի :

Այս շէնքի գէմն է (միտաֆիրհանէի ասքէրիէ) հիւրանոց  
պանդուխտ զօրապետաց շինեալ Ս. Աղիգէ :



մկկիթին, ընդարձակ և փառաւոր շէնք, կը նըստի արդարութեան նախարարը, գատաւորները, էվգաֆի տեսուչը իրեն ճիւղերով, պարտէղի մէջն է ( մէքթէպի հուղուգ ) իրաւագիտութեան վարժարանը :

Ապարանք դենպետի պապի ֆիթվա փենասի . կը նստի Շէյխիւլիսլամը և իւրայինք . Պօլիս Սիւլէյմանիէի կողմը՝ ապարանք մալիէի, կը նստի ելմտական նախարարը իւր ամեն պաշտօնեաներով, կից պապը սէրասքէրիէ, նորաշէն է և ընդարձակ :

Ասոնցմէ զատ կայ շատ մը ապարանք, պապը զապթիէ Պօլսոյ մէջ, տիվանհանէ խասքէօյի մօտ, նաֆիէի, մէարիֆի, թէրսանէի, պահրիէի և այլն որոց նկարագրութիւնն երկար է :

Նշանաւոր է Թօփհանէն ուր կը ձուլին ահագին թնթանօթներ և կը շինուին ամեն զէնքեր, կալթիոյ կողմը Գապաթաշի մօտ . ընդարձակ գործարան և պատրչգամ շքեղ, նոյնպէս Թէրսանէի գործարտնը մօտ խասգիւղի, ուր կը շինուին և կը նորոգին շոգենաւեր՝ շինեալ Ս. Մահմուտ Բ.է 1838ին :

Ֆէսհանէ մօտ էյուպի, շինեալ Ս. Մահմուտի ատեն ձեռամբ Յովհաննէս Գուլումճեանի :

Մաքրի գիւղի պասմահանէն, Զէյթուն պուրնիի տէմիրհանէն որ շինուեցաւ 1847ին հրամանաւ Ս. Մէճիտի ձեռամբ Յովհաննէս Ամիրայի Տատեան :

Պարութհանէ Այսթէֆանօյ . շինուեցաւ 1828ի Ս. Մահմուտի հրամանաւ ձեռամբ Տատեան Սիմօն պէյի և միւս վառօղարանն որ շինուած է Ս. Սէլիմ Գիօրով : Ասկից վերջ կուգայ կարգը զինուորանոցներու ( գըլլա ) և հիւանդանոցներու որք են բամիզ չիֆթ-

լիկ տավուտ փաշա, Մալթէփէ, Իւսկիւտար, Սէլի-  
միէ (A) Հայտար փաշա և այլն :

Ոչ սակաւ արժանի է նշանակութեան Գրղդուլէօի  
ըսուած աշտարակը, մարմարայի մէջ Իւսկիւտարի մօտ  
ընթացած ծովէն :

Շինեալ Մանուէլ Կոմնինոս արքայէն, ուր հաս-  
տատեց շղթայ ներուցը փակելու համար. քարածայուի  
վրայ նման փոքրիկ կղզեակի :

Եւրոպացիք կը կոչեն աշտարակ Լեանդրի, իբր  
թէ Լեանդրի եղբրական դէպքը հօս անցած ըլլայ .  
մէջը ունի անուշ ջուր, և այժմ է պահականոց ի վե-  
րայ աշտարակի կայ լապտեր իբր փարոս :

Ասոր հետ պէտք է գրել աշտարակն Կալաթիայի  
( Դալաթա գուլէսի ) Կալաթայի հին պարսպին ծայրը  
շինուած է այս լայնարուր մեծ աշտարակ բարձր դիր-  
քի վրայ, զոր շինեցին Գենուացիք, միջնաբերդին մէջ  
որ ապաստարան էր վտանգի ատեն, ունէր գեանա-  
փօր ճանապարհ բարձր 130 սանաչալի. այժմ է դի-  
տարան հրդեհի և երթեւեկութեանց նաւուց. սքան-  
չելեաց մին ի հնութեանց :

---

(A) Սէլիմիէի զօրանոցը շինեց Ս. Սելիմ Գ. Եւրոպական  
սքանչելի ճարտարութեամբ. այս զօրանոցը եւ Հայտար փա-  
շայի հիւանդանոցը որք մօտեն միմեանց Անգլիացւոց յատկաց-  
եալ էր գրքովի պատերազմի ատեն. սասնց մօտ ծովեզրը թա-  
ղեցին իրենց մեռեալք. եղև գերեզմանատուն անգլիացւոց, որ  
կայ մի կոթող ի յիշատակ, եւ սենեակք պահնորդաց. ցարդ  
է գերեզմանատուն Անգլիացւոց :

Նշակակութեան արժանի է նաև պոսֆորի և մարմարայի փարոսները որք ունին լապտերներ վասն պիտոյից շագնաւուց ի գիշերայն ։

Ի կարգի մեծ հնութեանց է երկու վաճառանոյք մեծ շուկայ և մըսըր չարչը . մեծն է ընդարձակ վաճառանոց կարգի կարգի կրպակներով և խաներով . համակ քարաշէն և քարուկիր . ի վաղուց շինեալ Յունաց կայսրերեն և ժամանակ ժամանակ նորոգեալ Օսմանեան Սուլթաններէ , ունի երկու պէղէսթէն , ճէվահիր պէղէսթէն և սանտալ պէղէսթէն անուամբ , ամրափակ դուռներով , կարգաւոր պահապաններ հսկեն ի գիշերի , ուշ բանան առաւօտներ և շուտ կը գոցուի երեկոյին որոշեալ ժամերու մէջ ըստ եղանակի տարւոյն , ծախուի ամեն տեսակ դոհարեղէն , կերպաս , տարազ մեծ քանակութեամբ , սորա մէջ կը հաշուին 70,000ի չափ կրպակ , սինեակ և լի . լցուած են ապրանքներով , խանութպանք իրենց ապրանքը հոն թողելէն վերջ , դրամական և այլ հարստութիւնք կը ձգեն աստ . մանաւանդ ճէվահիր պէղէսթէնն է ապահով հրդեհի ու վրտանդի , հոս են Հայ ազգի նշանաւոր ոսկերիչք , ամենէն բազմամարդ տեղն է Պօլսոյ ։

Երկրորդն է մըսըր չարչը , քարուկիր . ունի ամուր դուռներ և պահապան բայց մէկ տասներրորդը չկրնար համարուիլ մեծ շուկային , հոս կը ծախուի մեծ քանակութեամբ բանապակ , համեմ և պահարեղէն . (1)

---

(1) Մըսըր , եգիպտոս . ( մխիթ ) տեսնելու տեղ ( սէյիթ եէրի ) ։ Չեմք գիտեր որ նշանակութեամբ է ։

Խաներու մէջ ամենքէն հին և նշանաւորները են վէղիր խան, Մեծ նոր խան, Վալիտէ խան, Երլարդ խան և լն. որք շինուած են հին ժամանակներ լայն քարուկիր որմերով և լայն սիւներով, ասոնցմէ վերջ նշանաւոր կը համարուին Գամանթօ, Խրիսթաքի, Ամէրիկեան, Եուսուֆեան, Եալարդ խան, Մըսթաֆա բաշա, Բիլա բաշա, Շէրիֆ բաշա, Մըսթար բաշա, Մէհմէտ Ալի բաշա և այլ անուամբ խաներ. նոյնպէս Հալաճեան, Խավար, Գօմիսիօն, Նորատունկեան, Յակոբեան, Գէորգ պէյ անուամբ խաներ և այլք հազարաւոր :

Մէրճանի կողմն է Թիճարէթ խան, գնեալ Սովլըց Յանճնաժողովէն, սելիհական կալուած Աղգային :

Վաճառատանց նշանաւորներն են՝ Պօն մարշէ. Էօմէր էֆ. Էսայեան, Գարակէօղեան. Բաղթիվան, Սըվաճի, Մուրատեան, Մինասեան, Բաղար ալման, Նիշէսթէճեան, Հաճի բօլօ և այլ բազմաթիւք որոյ մանրամասնութիւնք կը հրատարակուին Էնաէքաթէօն անուն Ծրանսերէն գրքին մէջ. երկու տարին մի անգամ (A) : Եւրոպա սովորութիւն է հազարաւոր տարեցոյցներ հը-

---

( A ) Էնաէքաթէօն տեղեկութիւններ կուտայ իբր տարեցոյց, կը գրէ նաեւ գաւառներու վրայ, թէ եւ սխալներ պակաս չեն : Կը ցանկամբ որ ասոր Հայերէնը հրատարակուի զէթ համառօտ կերպիւ, և գաւառացիք զխանան թէ Պօլիս կամ ուրիշ գաւառներ ի՞նչ վաճառատուններ, եւ ի՞նչ արհեստաւորք կը գտնուի կողմնակի յարաբերութեան համար :

րատարակել ի մեծ դիւրութիւն վաճառականութեան  
և արհեստից , և այլ շատ ճիւղերու վրայ այս պիտոյք  
դեռ լրացած չէ թուրքիոյ մէջ :

### Կայսերական վարժարանք .

Երկու վարժարան բժշկաց , ասքէրիէ և միւլքիյէ .  
չըջանաւարտք կառնեն վկայական բժշկի . ասքէրիէի  
չըջանաւարտք լինին բժիշկ զօրական , իսկ միւլքիյէին-  
ներ քաղաքական բժիշկ :

Երեք վարժարան զօրապետաց , ուրկից կելլեն  
սպայակոյտ (էրքիանի հարպ) զօրապետ , պայթար, երկ-  
րաշափ և այլ թնթանօթածիք , ձիաւոր և հետեւակ  
զօրաց զօրապետներ :

Ծովային վարժարան . որոյ չըջանաւարտք լինին  
նավապետ և նավային զօրապետ :

Մէքթէպը Սուլթանի և մէքթէպը միւլքիէ , որոյ  
չըջանաւարտք կրնան վարել քաղաքական պաշտօններ :

Մէքթէպը հուգուգ . իրաւագիտական վարժարան  
ուրկից կելնեն փասաաբանք և պաշտօնեայք :

Մէքթէպը իւննաս . օրիորդաց բարձր վարժարան :

Մէքթէպը թիճարէթ վէ զիրաէթ . երկրագործա-  
կան և վաճառականութեան վարժարան :

Մէքթէպը զիրաէթ Հատիմ գիւղի մէջ որ նոր կը  
բացուի երկրագործութիւնը գործնական սորվելու հա-  
մար . ասոնցմէ զատ կայ շատ մը երկրորդական վար-  
ժարանք , թաղային վարժարաններ (մահալլէ մէքթէպլի)  
նաեւ միկիթներու մէջ եղած մէտրէսէներ որ հասա-  
կաւոր մօլլաներ կը սորվին կրօնական գիտութիւն :

Մէքթէպի սէնայիէի նէֆիտէ , վարժարան գեղարուեստից , Կիւլհանէի մէջ , մխիթարական ասպագայ կը խոստանան բոլոր վարժարանք :

### Գրատունք

Մզկիթներու գաւիթները և այլ տեղեր ըկայ շատ մը գրատուններ Տաճկերէն և Արաբերէն անթիւ դիրքերով , ընթերցողը կը հրաւիրեմ ի գրատուն Օսմանեան որ շինեց Սուլթան Համիտ մեծ կայսր . ի հրապարակ Սուլթան պայազիտի որոյ գեղեցիկ և վայելուչ շէնք , ներքին բարեկարգութիւն ու մաքրութիւն արժանի է գովութեան , ամեն աղգի դրքերէն շարուած , դարակներ լեցուն , նստէ թաւիշեայ աթոռներու վրայ զարդարուն գրասեղաններու շուրջ , կարդա՛ որքան որ կուզես , և որ գիրք որ կուզես . մուտք ձրի , և բաց ամեն կարգի անձանց . ահաւասիկ Օգոստափառ Սուլթան Համիտ բարեխնամ թագաւորին մի նշանաւոր դորձըն ալ որ կաւելցնէ իւր փառք և բարոյականութիւն ժողովրդեան : Յանկանք տեսնել այսպէս գրատուններ ի Պօլիս և ի դաւառս . մանաւանդ տեսնել բազմութիւն ընթերցասէր յաճախորդաց :

### Մանաւոր բարձրագոյն վարժարանք

Բօպէթ գօլէթ Բումէլի հիսար . Ամերիկացւոց վարժարան բարձր ըլլուրի վրայ . նշանաւոր շէնք , առողջարար օդ , ունի թանգարան թռչնոց , մետաղաց և մեքենայից և գրատուն ճօխ . ուսանին Տաճկերէն , Անգլիերէն , Փրանսերէն , Հայերէն և Պուլկարերէն : Աստուածաբանական ճեմարան Յունաց ի Հէյպէլ

կղզի . ուրկից կեննեն կղերք յունական և գիտնականք ։  
Առեւտրական վարժարան Յունաց ի նոյն կղզի , ուր կը  
սորվին վաճառականութիւն ( 1 ) ։

Լատինաց վարժարան ի Գառի գիւղ , Փրէրներու  
տեսչութեամբ կը սորվին ուսմունք Փրանսերէն և Լա-  
տիներէն իւրեանց ճիւղերով ։

Զարիայ . աղջկանց վարժարան Յունաց ի Թագսիմ  
իրենց մեծ Եկեղեցւոյն կից շինեց համանուն վաճառա-  
կան մը իւր անձնական քսակէն ։

Հայոց Ս. Փրկչեան վարժարան . Ղալաթիոյ վարժա-  
րան . Մայր Եկեղեցւոյ վարժարան և այլ վարժարանք ։  
Հոմ վարժարան Իւսկիւտար աղջկանց համար Ամերի-  
կացւոց տեսչութեամբ , Հայ Հռոմէականաց վարժա-  
րաններ և այլ վարժարանք բազմաթիւ են .

Իւսկիւտար Մէղպուրեան վարժարան Հայ աղջկանց  
համար իւր տեսչութեամբ , Իւսկիւտար Պէրպէրեան  
վարժարան աղայոց համար իւր տեսչութեամբ , յՕրթա-  
քէոյ Գուրգէնեան վարժարան աղայոց համար իւր տես-  
չութեամբ , այս 3 վարժարանք գիշերօթիկ են և կանո-  
նաւոր , ասոցմէ ետքը ամեն ազգի թաղային վարժարան-  
ներ չատ են ։

---

( 1 ) Այս վարժարանն է կղզիին մէկ միջավայրը շուրջը  
բրած են ամբողջ անտառ , դպրոցը շինուած է վանուց մէջ ,  
վանքի եկեղեցիին է 500 տարուան շինեալ Եուվանիս Բանէօ-  
լօղօսէ , եղբայր Կոստանդին Լէոբուրի , դիրք ևւ օդ նման  
Բօպէրթ գօլէճի . Թոչակ տարեկան 50 ընդերթը Կէ Օսման-  
եան ոսկի մէն մի աշակերտի համար ։

### Հիւանդանոցք

Տէրութիւնը ունի զօրքերու համար քանի մը հիւանդանոց կանոնաւոր կերպիւ Երբորդի կից հիւանդանոցը այս տարի դարմանեցան վիրաւորք վ. Կայսրը սփռեց մեծ խնամք և շնորհք, ինչպէս դրեցին լրագիրք, նոյնպէս հպատակ ազգերը ունին իրենց ազգային հիւանդանոցները, ասոնցմէ զատ օտար տէրութիւնք ունին հասարակաց հիւանդանոցներ որոց նշանաւորն է Բրուսիոյ հիւանդանոցը. հիւանդ մը օրական պիտի վճարէ միայն 15 դրշ. իւր դեղերու, բժշկի և ուսեիւաց ամեն ծախսերու համար. բարեկարգութիւնը և մարդասիրութիւնը միացած է այս բարեգործական շէնքերու մէջ:

Հայոց հիւանդանոցն է Եէտի գուլէ. ունի մի Եկեղեցի Ս. Փրկիչ անուամբ, գիշերօթիկ վարժարան վասն որը տղայոց, հիւանդանոց, յիմարանոց և անկեղանոց վասն հիւանդաց և ազքատաց. ուր կը պատասպարուին 6-700 անձինք, միս և հաց շնորհեն Սուլթանք Օսմանեան. շնորհ հատատեալ Ս. Մահմուտ երջանկայիշատակ կայսրէ, ջանիւք Պէղճեան ամիրայի որ ունի յատ բազում յիշատակս, ինչպէս նաեւ Տատեան ամիրայք. ամեն տարի Համբարձման օր Ս. Պատարագ կը մատուցուի ի յիշատակ Պէղճեան և Տատեան Գերդաստանաց. իսկ Մայիս 24ին Աղգային Սահմանադրութեան հանդէսը կը կատարուի մեծ շքով (1):

(1) Այս տարի ևս 15000ի չափ Հայք եկած էին ընտան.



Ունի գերեցիկ պարտէղ և ընդարձակ արօտ , միւս ծախքերը կը հոգացուի ազգէն յատուկ հոգարարձութեան ձեռամբ : Հայոց հիւանդանոցին մօտ է նաև Յունաց հիւանդանոցը . իսկ Հռովմէական Հայացընէ Բերայ ի Թագախիմ :

Պօլսոյ մէջ բաւական տեղ կը բռնէ նաև գերեզմանոցները . ամենէն նշանաւոր է Ս. Մահմուտի գամբանը Չէնպէրլի թաշի մօտ . և այլ կայսերական գամբանք . Հայոց հին գերեզմանատունը ի Բանկայթի , Հայոց և օտար ազգաց գերեզմանատունները Ֆէրիգիւղ (1) և այլ ուր , նաև Տաճկաց գերեզմանատուններ ամեն կողմ , ամեն ազգի տապանաքարերու մեծ ծախսեր եղած են և կըլլան : մարմարիօն քանդակեալ քարեր և արձաններ , ոսկեզօծ գրեր , Հայոց գերեզմաններէն նշանաւորներն են Պէզճեանի և Տատեանի գերեզման ի Մայր եկեղեցի , Մուրատեանի գերեզմանը Ս. Թագաւոր եկեղեցի , և այլ շատ վայելուչ գերեզմաններ և արձաններ , նոյնպէս Յունաց և Հռովմէական Հայոց , և Եւրոպացւոց (2) :

---

եօք , նուագածութիւնք և ճառախօսութիւնք ի պարտէզն որ զարգարուած էր շքեղ կերպիւ :

(1) Պօլիս զարդներու կ'յանձնարարեմ որ Ֆէրի գիւղի Ֆրանսական գերեզմանատունն այցելեն անշուշտ :

(2) Այս գերեզմաններու համար եղած մեծամեծ ծախսերու վրայ կայ գրելիք , բայց կանխահաս համարելով կը թողումք : Գաւառներու մէջ սոսկ մէկմէկ հասարակ քարեր գրանելով մահարձանի յիշատակութիւն մը կը գրեն և յետոյ նոյն քարերը կը գործածեն եկեղեցեաց շինութեան , խիստ սակաւ է մեծածախ գերեզմաններ :

Պօլսոյ ամեն կողմը կայ մեծ փառաւոր եկեղեցի-  
ներ քրիստոնէից, Հայք ունին քառասուն եկեղեցի,  
նոյնչափ ևս Յունաց, Հռովմէական Հայք ունին տասնի  
չափ, Եւրոպացւոց երեսունի մօտ գումար հարիւր քսան:  
Հնագոյն եկեղեցիք են Յունաց և ապա Հայոց. Եւրո-  
պացիք շինած են այս դարուս մէջ ի բաց առեալ Ղա-  
լաթիոյ Ս. Գէորգ եկեղեցին որ կար ի հնումն: Նշա-  
նաւորք են Յունաց Ծննեօի մայր եկեղեցին, Հայոց  
Գումգափուի մայր եկեղեցին, Յունաց Պալլոզլի եկե-  
ղեցին յանուն Ս. Աստուածածնի նորոգ շինեցաւ 1830ին  
ի հիմանց. մեծ նուէրներ եկաւ Ա. Կայսրէն Ռուսաց,  
Ունի այսպմայ (ակն ինքնաբուղիս ջրոյ) հռչակաւոր  
ի հնուց վասն կարմրախայտ ձուկերու (1):

---

(1) Կոստանդին թագաւոր անդ զուարճանար ձուկեր խո-  
րովելով. երբ լուր տուին թէ Օսմանցիք առին Պօլսը «չեմ  
հաւատար» ըսաւ եթէ այս տապակի ձուկեր (որոց մի կողմ  
կարմրած էր եփելով) կրկին ողջ շինան ի ջուր իբր թէ իսկոյն  
ձուկերը ինկան ջուրը և անտի ի վեր են կարմրախայտ: Այս  
աւանդութիւն է առասպել. Կ. Պօլսոյ առման պատմութիւնը  
չը յիշեր այսպիսի դէպք մանաւանդ Կոստանդին Ա՛որոլտ կայս-  
րը շայրենասիրութեամբ կռուեցաւ Ծաթի՛նի բանակին դէմ,  
և պատերազմի ատեն սպաննուեցաւ մէկ խաբշիկէ մը:  
Կոստանդինի և արարին գերեզմանները կայ ասօր Պօլսոյ  
Ունգաբանի կողմը Ալէֆայ մէյտանին Մաֆա անուն հին  
խանին մէջ. Կոստանդինի գերեզմանը թարուր է և աւերակ.  
խաբշիկինը երկաթ վանդակով պատած և վրան կայ մի կանդեղ,  
կը պատմուի թէ 1855ին գլխարկ դրած Յոյն մը շինել տուած  
է խաբշիկի գերեզմանը և ապա Կոստանդինի գերեզմանը շի-  
նելու մտօք՝ որ յետաձգուած է անձանօթ պատճառաւ այժմ

Նշանաւոր է նաեւ Գաթժօյիկ Հայոց Փրկիչ, Ս. Ոսկերեւրան և այլ Եկեղեցիք. Հայոց Ս. Երրորդութեան Եկեղեցին, Յունաց թագսիմի Եկեղեցին, Լատինաց, Անգլիացոց, Ֆրանսացոց և այլ Եկեղեցիներ ի Բերայ, Ս. Կարապետ Ի. սիւլւատարի, Ս. Լուսաւորիչ Գուգկունճուղի, Սամաթիոյ, Պէշիկթաշի և այլ Եկեղեցիներ. Հռչակաւոր է հնութեամբ և պայծառ նորութեամբ Ղալաթիոյ Ս. Լուսաւորիչ Եկեղեցին Հայոց, որ Գինուացոց ատեն Կափացի Հայ վաճառականք շինեցին Ս. Ֆաթիհէ յառաջ և ապա նորոգուեցաւ քարուկիր, Յովհաննէս (Կոլոտ) Պատրիարքի օրով և կրքկին 1834ին :

Սոյն Եկեղեցւոյն կից է Լուսաւորչեան մեծ վարժարանը. և Հայոց մատենադարանը որ ունի շատ գիրքեր. այժմ նորոգ կը կառուցուի Կեդրոնական վարժարանը գաւթիմին մէջ, որ բաւական վիճաբանութեանց առարկայ ըլլայէ վերջ ի զոք գացին անոնց ջանքեր որք կուղէին հայաբնակ քաղաքներէ միոյն մէջ շինուիլ (1)

---

մնայ տւերակ : Ծաթիւն սուլթանը հրահան տուած էր բանակին որ Կոստանդինը չսպանեն, խարշիկը անգիտութեամբ կամ չարամտութեամբ զԿոստանդին սպաննելուն Ս. Ծաթիւն հրաման տուաւ սպաննել նաեւ արօր գինուօրը, Կոստանդինը մեռած ատեն ծպտեալ է եղեր հասարակ գինուօրի զգեստով, խարշիկը կը ճանչէ զնա իւր ոտից արծաթեայ ճարմոնդներէն և զարնելով կոպաննէ :

(1) Մեք ալ կը ցտնկայինը գուաաներու մէջ և կամ Պօլսոյ գիւղերու մէջ օգուէա տեղ մը շինուելու պսու հանդերձ գուառական առածը կրսէ (եղածին շորհուօր ըսելու է)

Վարժարաններու և Եկեղեցեաց մանրամասնութեանց վրայ ապագային դարձեալ զրելու խոստմամբ քիչ մ'ալ չըջիմք Պօլսոյ գեղեցիկ պարտէզները :

Պօլսոյ պարտէզները ,

Պօլսոյ պարտէզներ բաղմաթիւ և նկարագրութիւնը դժուար է . ամենէն նշանաւորները են կայսերական պարտէզները , մէն մի պալատի զատ զատ անման շքեղութեամբ , Աբրահամ բաշայի պարտէզը ի Պէյդօզ , Խըտիվին պարտէզը ի պօսֆօր , ձէվտէթ փաշային պարտէզը ի Պէպէք (Ա) , Կարապետ սէյի պարտէզը Պէօյիւքտէրէ , Ա'լի և բրէնս Հալիմ փաշայի պարտէզները Արնավուտ գիւղ , հասարակաց պարտէզներ Բանկալթի Թէփէպաշի և այլուր , Տէրվիշ փաշայի պարտէզը , Եիւքտէք գալտըրըմ , Աղարեաններու պարտէզը և այլ փաշաներու և հարուստներու պարտէզներ , Նոյնպէս գետնապատներուն պարտէզները մէն մին իւր երկրին ճաշակովը . նման գրախտի ազգի ազգի ծառերով և գոյն զգոյն ծաղիկներով զարդարուած , բնականաձև ժայռեր , բլուրներ , ձորեր , ջուրեր , այրեր , քարեր . Եւրոպական և Արարական , Տաճկական Հայկական ամեն կերպ ձեւեր

---

մտղթենք որ գաւառներու մէջ ալ ունենամք բարձրագոյն վարժարաններ , մանաւանդ արհեստանոցներ :

(1) ձէվտէթ փաշան է արդարութեան գործոց նախարար հեղինակած է զիրքեր և Օսմանեան պատմութիւնը , և ունի մի նշանաւոր գրատուն բիւրաւոր գրքերու :

բով և ճաշակներով : Արուեստական ծառեր , դափնի-  
ներ , ամառ ձմեռ կանանչ ծաղիկներ և ծառեր , աղ-  
բիւրներ , շատրուաններ , անտառներ , որսորդութեան  
տեղեր , պատշգամբներ , վայրենի թռչնոց կայաններ ,  
ձուկերու աւաղաններ ջերմոցներ :

Միստմիօջէ դեղեցիկ և դմայլելի ընդարձակութիւնք  
անհաւատայի կերպիւ է . ելլողի պարտէզը մէկ ժա-  
մէն աւելի շրջապատ ունի , բրէնս Հալիմ փաշայինը մէկ  
ժամ երկարութիւն , Աբրահամ փաշայինը երեք չորս  
ժամ . այլուր կը մնայ այն փոքր պարտէզները որոնք  
հազարաւոր կանգուններ կը չափեն . ինչ սքանչելիք բնու-  
թեան , ինչ զբօսավայրեր տեղի զուարճութեան և սրտի ու-  
րախութեան . տիեզերաց արարչին սքանչելեաց և մարդոց  
իմաստութեան արհեստ միացած են այս պարտէզներու  
մէջ . պարտէզ պարտէզ , նախնիք լաւ անուն դրած են  
դրախտ և արաբք (ճէննէթ) կոչելով . Եունկը իրաւամբ  
ըսած է «տեղի առաքինութեան և երկայնակեցութեան»  
ո՞րէր թէ գիտնայի բանաստեղծութիւն և նկարագրէի  
այս պարտէզները հարիւրաւոր թուղթերով , կամ գա-  
ւառացիք ալ ունենային այնքան կարողութիւն և ճա-  
շակ շինելու հայրենեաց մէջ այնպիսի պարտէզներ .  
դեռևս գերազանցէր Պօլսոյ պարտէզները , գաւառներ-  
բու ընական ժայռեր և կարկաչող վճիտ առուակներ-  
բու , անուշ ջրերու առաւելութեամբ , Որոնցմէ զուրկ է  
Պօլիսը . ընթերցողը պտըտցնելով Պօլսոյ պարտէզները  
ապա տանիմ երիզայի Ս . Լուսաւորչի վանուց արօտա-  
տեղին և անկէց Մերձանի ջուր կոչուած առուին ե-  
զերքը , Քարբերդի դաշտը , յՍկն , Արապկիրը , վան ,  
Մուշ և շատ տեղեր այն ատեն առաջնոյն արհեստն ու

աշխատութիւնք, վերջնոցն բնական դիրքը միացնելով  
թող գոչէ ԴՐՈՒԹՅՆ ԵՂԵՄԱԿԱՆ:

Նախախնամութիւնը այնպէս իմաստութեամբ տը-  
նիրինած է ամեն բան, ամեն տեղի, ամեն կարգի ան-  
ձանց տուած է մի կերպ մխլթախութիւն, և ամեն  
կերպ բարիքներով լցուածներ անգամ թողած է կա-  
րօտ դարձեալ բանի մը. ինչպէս որ Պօլոսոյ այսքան փա-  
ռաւորութեանց մէջ վաղուն առատ ջրերու (1) լծնու-  
նը օգի և ջուրի, Բէթէրապուլի կլիմայի ջերմութեան,  
Սրաբիան ձիւնի և այլն ըստ կարգի, հարուստը ունի  
դշամ՝ չունի ակտորժակ ուտելու, ենթակայ հիւան-  
դութեան: Աղքատը, դիւղացին առողջ, ակտորժակը  
բաց՝ կարօտ ամեն բանի, մին սամուր մուշտակներով  
տկար, միւսն մերկ և կտոր մը կտաւի կարօտ՝ առողջ:  
Մինն խորտիկներով և անուշեղեններով լցուած և հի-  
ւանդ: Միւսն կտոր մը չոր հացի կարօտ և առողջ:

Մինն ապարանքներու մէջ յղփացած ենթակայ  
հիւանդութեան. միւսն խոնաւ գետնափոր մութ հիւ-  
ղերու ներքեւ, կաղմ և առողջ:

Մինն կահաւորեալ թանկագին գորքերով և գոյ-  
քերով բժշկի կարօտ՝ միւսն չոր փսեաթի կամ հողի  
վրայ ժիր և միշտ ողջ:

Մինն աղամանդներու և գոհարներու մէջ թաղ-  
ուած նիհար, միւսն հին քուրձերով գեղեցիկ և ա-  
ռողջ:

---

(1) Պօլիսը խմելու ջուրեր ունի քաղցրահամ մեր խօսք  
վերաբերի ջրոյ առատութեան:

Մինն մետաքսեայ շրջագգեասոներով նոր նոր զտր-  
դերով իբրեւ սիրամարգ փայլուն՝ և անգոյն, միւսն  
ածեւ ջգեասներով վարդագոյն :

Մինն հարսաւթեամբ լեցուած գիշերը քուն չու-  
նի, միւսն աղքատութեան վերջին ծայրը հասած իրիկ-  
ւընէ մինչ առաւօտ փառաւոր քուն կը քաշէ :

Մինն հարուստ միլիօնատէր՝ և չունի շնորհք և  
գութ օգնելու իր նմանեաց, միւսն ունի սիրտ օգնելու  
շնորհելու և չունի գրամ (1) :

Մինն ձեռքերով դաշկինակ մը չի վերցուներ ա-  
ռողջութիւնը չի խանդարելու՝ և դարձեալ բարակա-  
ցաւ, միւսն չարաչար կաշխատի քրտինքներու մէջ, հիւ-  
ւանդութիւնը ինչ ըլլալը չգիտեր :

Մինն տգէտ և հարուստ՝ միւսն ուսեալ և կարօտ :

Մինն ունի գրատուն հազարաւոր սսկեղծ գրքե-  
րով՝ չի կարդար, միւսն թուղթի գրուած կտորներու հին  
լրագիրներու կարօտութիւնը կը քաշէ (2) :

Վերջապէս ըստ նարեկացոյն զորն ասեմ կամ զո-  
րն խօստովանիմ . . . եթէ աշխարհի մէջ բացառու-  
թիւնք ալ չըլլային մխիթարութիւն պիտի չըլլար . (բա-  
ցառութիւն կը համարուին հարուստ ողորմածներ, հա-  
րուստ մարդասէրներ, հարուստ ուսումնասէրք, բո-  
րերարք այլովքն հանդերձ :

(1) Այն որ կարէ ոչ կամի և որ կամի ոչ կարէ, Պարսիկ  
փիլիսոփան ալ ըսեր է, « քէրէմտարա արէմնիսթ, արէմտա-  
րա քէրէմնիստ » ,

(2) Ամեն խօսքի և ամեն տեղ բացաարողութիւնը յար-  
գելով :

Երկաթուղի և ճանապարհք ,

Պօլսոյ ճամբորդութիւնը նաւային է , աշխարհի ամեն կողմերէ կուգան շողենաւեր անցներով սեւ ծովի Պոսֆորեան նեղուցէն , և Տարտանելի նեղուցէն . նաւահանգիստն է Մարմարայ կ. Պօլսոյ առաջ՝ Ունի երկու երկաթուղւոյ գիծ , մինն կերթայ Անգրիանուպօլիս կեդրոնն է Սէրէնէ . հանգիպելով Գումգարու , Եէնիգարու , Սամաթիա , Եէտիգուէ , Մաքրիքէոյ , Այիսթէֆանօս Չէքմէճէներ և այլն :

Միւսին կեդրոնն է Հայտար փաշա Իւսկիւտարի մօտ , կերթայ գիւղերը , Մալթելիէ , Գարթալ և Իզնիմիս որոյ գիծը պիտի երկարի գէպի Գաղատիա (Էնկիւրի) : Պօլսոյ ամեն կողմ ունի դրամուէյի գիծեր . կառքերն երկու ձի լծելով 10էն մինչ 40 մարդ կը տանին բաւական արագութեամբ ( թէև ունին թերութիւններ ) :

Թունել մը (գետնուղի) Ղալաթիայէն Բերայ կը հանէ երկու վայրկենի մէջ , և Բերայէն կիջեցնէ ի Ղալաթիա , գետինի ներքեւը փորած և աղիւսներով կամար (թուոս) դարձուցած կաշիէ շղթաներու վրայէ շողիլ զօրութեամբ կընթանան կառքերը , կողմնակի (գետնուղին կար ի հնումն ինչպէս Անի , և այլուր բայց կառքերով փոխադրութիւնը նոր գիւտ է ինչպէս շողենաւ , շողեկառք . հեռագիր . հեռաձայն և այլն որք 19րդ դարը բարձրացուցին նախորդաց քով ) .

Կայ երկու կամուրջ կ. Պօլսէ ի Ղալաթիա մինն ոսկեղջիւրի բերանը , Մարմարային հատած տեղը Պահէ գարուէն Ղալաթիա ի Գարաքէոյ շինեալ 1845 յա-



ւորս Սուլթան Մէճիտի փայտէ՝ և փոխեալ յերկաթ յաւորս Սուլթան Համիտի . միւսն սկեղջիւրի մէջ Ունդափանէ Ղալաթիա Աղապ դափու շինեալ յաւորս Ս. Մահմուտի 1836 այժմէ երկաթեայ , և ունին 3—400 կանգուն երկայնութիւն և 30 լայնութիւն կարծեօք . անցօղներէ տասը փարայ տուրք կառնուի , բեռնակիրներէ , սայլերէ , ձիերէ և կառքերէ աւելի :

Փողօցներու ճանապարհները որոնք նոր շինուած են լայն ուղիղ և մաքուր , խկ հին փողօցներ նեղ ու լորուն և անմաքուր :

Պօլսոյ տուները և այլ շէնքերը խիստ ի հնումն քարուկիր է եղեր լայն պատերով հին ձև (A) , յաճախ երկրաշարժէ մեծ վտանգներ պատահելով քարուկիրը արդիւուեր և բարձրագոյն հրամանաւ սկսերէն տախտակով շինել , այնուհետև սկսեր է հրդեհը սաստկանալ . եղերէ այնպէս ժամանակներ որ ամբողջ թաղեր մէկ կամ մի քանի ժամերու մէջ դարձերէ մոխիր . շատ հարուստներ մէկ օրուան մէջ եղած են աղքատ , յետոյ կրկին սկսած են քարուկիր շինել նոր ձև , լայն փողօցներով , այժմ հրդեհը չի կրնար այնքան վնասել , այսու հանդերձ քարկիրն ալ կայրի զարմանալի բան . ամեն շարաթ ամեն ամեն ամիս հրդեհ պակաս չէ :

---

(A) Հին ձև քարուկիրը լայն պատեր և վրան կամար եղածները . նոր ձև քարկիրը նեղ պատեր քարէ և աղիւսէ (թուղլայ) և վրան կամար չունի այլ երկաթեայ ձողերը շարելով աղիւսով կը լեցնեն , որ կըլսոյ աժան ամուր և վայելուէ , և երկրաշարժի տեսն հին ձևէն աւելի անվտանգ :


Նորաշէն տուները կը շինուին խիստ վայելուչ կերպիւ նոյնպէս ամարայնոց (եայր)ները, ի պօսֆօր և այլուր նըշանաւոր տուներ են նախարարներու, փաշաներու և պարանքներ և ամարայնոցներ, դեսպանատուներ և անոնց եայրներ, հարուստ անձանց տուներ, պանդաներու տուներ ի մէջ այլոց Հայ երեւելեաց տուները: Սուաջին կարգի տուներ կահաւորեալ է շքեղ և ճաշակաւոր երկրորդական և երրորդական տուներ ըստ կարգի: Նոյնպէս Իսլամ Յոյն և այլ հասարակութեանց տուները: Գեռուս կայ հին՝ անշուք, տձեւ, ցած և անպիտան տուներ ալ սր բնաւ չի վայելէր Պօլիսի, Մոսքանք քանի մը նշանաւոր հնութիւնք և շէնքեր յիշատակել որոց մին է Չէնպէրլի թաշ ըսուած կոթողը Սուլթան Մահմուտի թիւրպէյին և Վէզիր խանի կողմը. կանգնեաց մեծն կոստանդիանոս և արար նաւակատիս շինութեան քաղաքին. նուիրելով զայն պաշտպանութեան Ս. Աստուածածնի:

Հնութեանց կարգէն է պին պիր տիրէկ ըսուած դեռնափոր ընդարձակ տեղը հողար և մէկ սիւներէ, այժմ հազիւ երեւին երկու հարիւր սիւնք մարմարեայ. ի հնում ջրչեղջ և այժմ մանարան մետաքսագործաց:

Պօլսոյ հնութիւնքն են մեծ մասամբ պարիսպներ դուռներ, աշտարակներ նոյնպէս Ղալաթիա Իւսկիւտար (Խրիսուպօլիս), կամ սակեղէն քաղաք ի հնումն. Քահկեղոն (Գատըքէօյ) և այլ արուարձանս և գիւղս բազումս որոց վրայ չկրցինք գրել, ինչպէս նաև Պօլսոյ աղգայնութեանց սովորութեանց տպարաններու լրագիրներու, եկեղեցեաց և դպրոցներու հին ամիրաներու և ներկայ Հայ երեւելեաց վաճառականաց, ար-

հետաւորաց , զբօսաւայրերու , տօներու , և այլ և այլ նիւթերու վրայ , որ յուսով եմք գրել մնացեալ մասին հետ :

Թողելով Պօլսոյ շքեղութիւնը անցնինք Տարտանել ձեւելով միջերկրականի մի կողմը երթանք ընթերցողին հետ քիչ մ'ալ Աբաբիոյ կողմը շրջելու :



### ՆԱՄԱԿ ԺԲ.

#### ՀԱԼԷՊ (1)

1880

Նախորդ տարւոյն նոյեմբերի վերջերը մեկնեցանք Պօլիսէն անցնելով Տարտանէլի նեղուց (Չանագ գալէ) և մնալով մի քանի օր Զմիւռնիա ապա շարունակեցինք միջերկրականով ճամբանիս , տեսնելով Սագրզ , Բատոս , Մէրսինէ՝ հասանք նաւահանգիստն Իսկէնահէրուն , ուսկից ձիերով Պէլէն , Անտիօք , Ճիսրի հատիս և տարւոյն վերջերու մօտ հասանք ի Հալէպ :

Հալէպ է մայրաքաղաք մեծ , կարեւոր և ընդարձակ :

Հալէպ , ի հնումն Բերիա , Սքալիպօն , կամ Քալէպօն , այժմ կը կոչուի Հալէպ կամ Հալէպ-իւշշէհպա . եւրոպացիք կըսեն Ալէքքօ :

---

(1) Հալէպի վրայ գրած էի մասնաւոր տեղեկութիւններ 1880 թուականի Մասիսի մէջ , և Հալէպի հնութիւնք վերնագրով Զմիւռնիոյ Ա. Մամուլի 1880 փետրվար ամսաթերթի մէջ :

Ըստ Արարացւոց Հալէպ կը նշանակէ Կթէց, Շէհ-  
պայ կոյի մը անունն էր՝ հէլէպիւշէհպա (կթէց կոյը)  
զի բնակավայրն էր հայր Աբրահամու, որ ունենալով  
մի կով՝ Շէհպա անունով անոր կաթէն կը կերակրէր  
Արարացւոց բազմութիւն մը. որ կաթ ուտելու համար  
կը դիմէին՝ և անտի մնաց այս անուն (աւանդութիւն):  
Նախ շինեց զՀալէպն Սելուկոս Նիկանովր որ կոչե-  
ցին Բերիա յանուն Մակեդոնական քաղաքին. հայե-  
րէն յատուկ անուն մը չունի:

Քաղաքը շինուած է հովիտներու և բլրակներու  
ստորոտը և ունի հիւանալի տեսարան իր բարձր բեր-  
դովը, պարիսպներովը և շէնքերու հնութեամբը:

Գետակ մը ունի Քուվէյկ նէհրի անուամբ անհամ  
ջուրով որ կուգայ Անթապի ճատըղ գիւղէն՝ և միա-  
նալով ուրիշ ջուրերու հետ Հալէպի երեք ժամ մնա-  
ցած Հայլան գիւղին քովէն մէկ երրորդ մաս մը կը  
բաժնուի կուգայ Հալէպ. (աւանդութեամբ Ս. Հեղինէ  
թագուհին բերած է այս ջուր և ինչպէս կերելի հայ-  
լան կամ հէյլան բառը Հէլէյնի բառին տղաւաղեալն է)  
մնացեալ երկու երրորդ մասը կանցնի պարտէզներու  
մէջէն քաղաքին հարաւային կողմէն և Հալէպէն հինգ  
ժամ հեռաւորութեամբ կը կորսուի Մալի անուն տեղ  
մը: Հալէպ յոյժ բարդաւաճեալ էր ի ձեռս Արարաց-  
ւոց թէև շատ վտանգներ անցաւ ի ժամանակս Հագա-  
րացւոց, Խաշակրաց և Լէնկթիմուրի, որոնք կը քան-  
դէին, կը կողոպտէին կապաննէին աւերակ դարձնելու  
կաշխատէին այս նշանաւոր քաղաք. սակայն շէնքերու  
ամբողթեան, Արարացւոց ու Ասորւոց հաստատամտու-  
թեան և խորամանկութեան շնորհիւ դարձեալ կը մը-

նար անսասան, ներքին խռովութիւնք և կռիւք ան-  
պակաս էին, երբեմն երբեմն վրարնակ Արարք կը յար-  
ձակէին Հալէպի վրայ. (մինչեւ այս դարուս անաջին  
քառորդի Շամար և Էնէոն շատ ատեն կուգային այս  
հարուստ քաղաք կողոպտելու, երբեմն մասամբ կը հաս-  
նէին իրենց նպատակին, երբեմն չարաչար յաղթուելով  
վախէին) քանի քանի անգամներ փոփոխութիւն կրեց  
մինչեւ որ ինկաւ ընդ իշխանութեամբ Օսմանեան մե-  
ծաղօր տէրութեան 1500 թուին և յետ այնու տա-  
կաւ առ տակաւ խաղաղեցաւ և աւելի պայծառաց-  
եալ դարձեալ եղաւ շահաստան վաճառուց Ասորուց,  
միջագիտաց Արարիոյ և Հայոց :

1822ին մեծ դետնաշարժ մը ըլլալով քաղաքին  
մեծ մասը կործանեց և ըրաւ աւերակ, որով լքեցաւ  
քիչ մը ժամանակ վաճառականութիւն, և պակօնեցան  
բնակիչք, դարձեալ յառաջացաւ :

Եղիպտոսի Մէհմէտ Ալի բաշան երբ ապստամբե-  
ցաւ Օսմ. Տէրութենէն, և Նիղիպի առաջ մեր բանա-  
կը յաղթուեցաւ, այն ատեն Հալէպն ալ գրաւեց Մէհ-  
մէտ Ալիի որդի Իպրահիմ բաշա և ութ տարի նստաւ  
իբր վալի Հալէպ, ըրաւ բարեկարգութիւններ և շինեց  
մէկ զօրանոց մը որ ցարդ կը կոչուի (Իպրահիմ բաշա  
գըլլասի) :

Հալէպի շրջակայքն է Քիլիս, Մըմբիճ. (այժմ կէս  
աւերակ) Անտիոք, ձիսրի շուղուր և Սմըդ օլլասի ա-  
նուն ճախճախուտ դաշտը՝ օդը առողջարար է և տաք  
եռսուն տարին մի անգամ հաղիւ կը տեսնուի ձիւն՝ ի  
ձմեռան :

Բաղում կարաւանք յաճախին աստ սկսեալ Բաբե-

լոնէ՝ Եղեօսիայէ , Տիգրանակերտէ , Քարբերդէ , Ուրապ-  
կիրէ , Անթապէ , Մարաշէ և այլ բազում քաղաքներէ ,  
հաղորդակցութիւն ունի նաև Եւրոպայի . Գամասկոսի  
Եգիպտոսի և Հնդկաստանի հետ :

Նաւահանգստէն (Իսկէնտէրուն) 33 ժամ հեռու  
է : Սպրանաց փոխադրութիւնը կըլլայ ուղտերու , ձիե-  
րու միջոցաւ , մեծ քանակութեամբ ապրանք կուգայ  
Եւրոպայէն , մանած , կտաւ , չուխա , երկաթ , շաքար ,  
սուրճ , ա-հ . և մեծ քանակութեամբ կերթայ ցորեն  
բամպակ , քիթրէ , սիստակ (ֆըստըգ) մորթ , օձա-  
ձուկ և մետաքսեայ կերպասներ , որ աստ կը շինուին  
խիստ արհեստաւոր և վայելուչ , ունի շատ ձիթապը-  
տուղ , որոյ երկրորդ անգամ ելած իւղը կը շինեն ա-  
ճառ Անատօլուի և միջագետաց ամեն կողմերու համար .  
մինչեւ Կիւմրիւ կերթայ Հալէպի հռչակեալ սապօն .  
Հալէպ մեծ կեդրոն է առեւտուրի . կայ ճոխ վաճա-  
ռատունք և հարուստ վաճառականք , բայց հոս ալ  
Եւրոպացիք մուտ գտնելով սկսած են հետզհետէ իրենց  
ձեռք անցունել շահաւոր գործեր :

Հալէպի ժողովուրդը աշխատասէր է , արթուն ,  
խորամանկ , հեռատես և շահասէր վաճառական և յա-  
ռաջդիմութեան սիրահար :

Մետաքսեղէն տարազները , վերմակի , աթոռներու  
երեսներ , «էլ-է , ղը-մնէ , շէ-մարէ , սպլոս , մակոս . սենեա-  
կի վուոց , վարագոյր , ծրար , սեղանի ծածկոցներ ,  
մաշկ , «եթմարէ , շար-ճ , դաշկիմնակ , Հնդկաստանի տե-  
սակ լահօռանման շալեր , հաղարաւոր տեսակ բաներ  
կը շինեն զուտ մետաքսէ , խառն մանածէ և խառն ոս-  
կեթելով (գլափտանլը) :

Եւրոպացիք բերելով կը ծախեն իրենց աչք խաբող փայլուն և փտուն ապրանքներ , փոխարէն կը տանին յԵւրոպա նշանակեալ բոլոր ապրանքները , որովհետեւ դիմացկուն է , հաստատ է և մետաքսին մէջ խոտ կամ այլ բաներ խառնուած չէ , և թէ իրենց ծախածին 10 զրուշնոց տարադին մէջ հազիւ 3 զրուշի դրամագլուխ կայ , գնածնուն մէջ անշուշտ 8 զրուշի դրամագլուխ կայ և մնացեալ երկուսն ալ աշխատութեան փոքր վարձ մի է (1) :

Հալէպի շուրջը ամբողջ լայն պարիսպով պատած է , և երկաթէ եօթը դռներ ունի , պապիլ ճինէն , (դուռ պարտիզաց) : պապիլ ֆէրրաճ (դբօսանքի դուռ) , պապիլ էնթաքեայ , պապիլ հէտիտ (երկաթեայ դուռ) պապիլ համար (կարմիր դուռ) և ըն . անուններով , Տուները շինուած է ծանր քարուկիր խիստ դիմացկուն , ամենքէն հասարակ տունը կը դիմանայ 300 տարի , մինչև 2000 տարի յառաջ շինուած շէնքեր կան և մնան ցարդ : Թաղեր , փողոցներ շինուած է ոլորուն ձեւով և ամեն թաղի գլուխ կայ երկաթեայ դուռ . տուներու այն պատեր որ շինուած է փողոցի կողմն

---

(1) Ասոնք գրելը անօգուտ է քանի որ ջրի հոսանքի պէս Եւրոպայի ապրանքը կուգայ և մենք կը գնեմք զայն ինչ որ ալ բլայ , չեմք սիրեր տեղացի ապրանքը , որով մեր ոսկիները վազելով կերթայ և դնաց (սէլի) պէս . մնացեալ փոքր մասն ալ երթալու վրայ է , դեռևս մենք չեմք ուզեր արթննալ , դարձեալ Հալէպցիք և ընդ Հ . Սրապք առաւելութիւն ունին ուրիշ քաղաքացիներէ որ բնիկ ապրանաց աւելի յարգ կընծայեն :

բարձր հասա, և առանց լուսամուտի է, լուսամուտներ  
տանը բաց դաւթին վրայ է, այս կարգադրութիւնը  
ըրած են յարձակմանց տանն գիմադրելու համար :  
Հիմայ նոր տուն շինողներ կը շինեն նոր ձեւ, պարիս-  
պէն դուրս նոր և գեղեցիկ թաղ մը շինուած է (Ազի-  
զիէ) անուամբ, տարիէ տարի կը շատնայ տուններ : Սո-  
վորական լեզուն Արարերէն է . Թուրք, Հայք, Յայնք,  
Ասորիք, Խպտիք ամենեքեան խօսին Արարերէն և չեն  
գիտեր իրենց մայրենի լեզուն : Գիտցողներ բացառու-  
թիւն կը համարուի : Նոյնպէս վայրերու, թաղերու,  
խաներու, շուկաներու անուններ Արարերէն է բոլորովին :

Հալէպի կառավարութիւնն է վալիութիւն, ունի  
իւր իշխանութեամբ շատ քաղաքներ ու աւաններ : Մա-  
րաշ, Ուրֆա, Անթապ, Անախօք, Քիլիս, Տէէր (Զօր)  
Իսլիպ, Ճիսրի-շուղուր, Էրմէնէպ, Ազիզիէ, Պապը  
Ճապպուլ, Սըրուճ, Բում գալէ (Հասկիլայ), Իսլահիյէ  
Թասսէ, Պուլանըգ, Ալպիսթան, Զէյթուն, և ին :

Ասոնց ներքեւ կը գանուի հարիւրի չափ նահիէ  
և երկու հազար հինգ հարիւրի չափ գիւղեր, որոց ա-  
մենքի կեդրոնն է Հալէպ . կուսակալութեան մէկ ծայ-  
րէն միւս ծայրը 300 մղոն ճանապարհ կը հաշուեն :

Հալէպի ենթակայ էր 10 տարի յառաջ Ատանա,  
Հաճն, Սիս, Մէրսինէ, Տարսոն և ին, որոնք զատուե-  
լով եղաւ առանձին կուսակալութիւն . Հալէպի քաղա-  
քին մէջ կայ իբր 20,000 տուն որոց 3,500ը Քրիստոնե-  
կայ, 16,000ը Իսլամ, կարծեօք կայ 150 մղիկիթ և  
250 մէսճիտ դումար 400ի մօտ . քանի չափ թէքքէ,  
100ի չափ խան, 50 բազնիք, 30 շաղաք (Զուրով)



70 ջորիի և իշու միջոցաւ գարձունելիք ջաղայք, 80 աղբիւր, 80 սէպիլ (ջուր խմելու տեղ) մէկ պէղէսթէն 1000ի չափ վաճառատուն և 7000էն աւելի կրպակ, 420 ներկարան (լեղակի և այլ գոյներու) 30 մասմանայ (աճառ եփելու գործարան) 100 սրճարան, 400ի չափ հացի բուռ, և այլ շատ մը գործարանք տարազադորժութեան և այլ ինչ :

Քաղաքին շուրջ կայ 500ի չափ պիստակի պարտէզ 300էն աւելի ձիթապտուղի պարտէզներ, և 4—500ի չափ սովորական պարտէզներ, որոց քսանէն աւելին յատկացած է հասարակութեան : որ խուռն բազմութեամբ կը յաճախեն :

Այս պարտէզները ֆէլլահներ կը վարձեն և կը շարեն 500ի չափ կայիեօն (նարկելէ) որոց մի հատի գին 60 փարայ է, (20 փարայ շիշէն է, հոս կը շինեն չըրէայք փուլուղի գործարան մը կայ, 30 փարայ գըլուխն է, (սէք) սր փայտէ կը քաշեն և 10 փարայ եղեղեայ հարգածն է :)

Գուռնէն ներս մանողին կը պուռայ մեր տիրէթօռ ֆէլլահը (A) բարձր ձայնիւ, (ֆատտալ եա սէյաի) հըրամմեղէք տէր, մէկ նարկիլէ մէկ սուրճ 10 փարայ, այս է մուտքը. Ժողովուրդը ընտանեօք կերթայ իր հեա տանելով կերակուր, խմելիք, նուագարան :

Այս Ժողովուրդը զբօսասէր է և զուարթ, երեկոյին ժամը 9էն վերջ մեծ մասամբ կը լեցունին պարտէզ-

---

(A) Ֆէլլահ կը նշանակէ երկրագործ բայց այժմ կը գործածուի հասարակ մարդոց նշանակութեամբ :

ները որ խիստ ընդարձակ են ամեն ծառի քովէ, «հա-  
լէ՛ւ, եսլէ՛ւ, ես՛ էլնէ աղաղակներ և կերպ կերպ նը-  
ւագներու ձայներ կը լսուին :

Այս քաղաք բոլորովին տարբեր է իմ տեսած ու-  
րիշ քաղաքներէ, շէնքեր, բնակիչք, սովորութիւնք,  
զգեստներ ուրիշ կերպ :

Շէնքերը ամենէն աւելի հեռաքրքրական է իր հը-  
նութեամբ՝ յաւիտենական քաղաք մը, Հայր Աբրահամէն  
կսկսի, Հագարացոց, Խաչակրաց, Լէնկթիմուրի, Հա-  
յոց և Ասորւոց Սէլճուքներու, Էմէլիներու և այլ իշ-  
խանութեանց յիշատակները աչքիդ առաջ կերելի, ա-  
մէն տեղ հին արձանագրութիւններով Քրիստոսի (Ա) գը-  
րերով ճէլէ գրերով ծաղկեայ և այլ կերպ գրերով, եր-  
բեմն հնութիւնք կերելի որ Եւրոպայի նոր արհեստից  
բնատիպն է. օրինակ Եւրոպա հնարեր է գրամակղներ,  
(հին ձեւը որ մեծ մեծ գամեր ունին վրան) ահա ա-  
նոր ճիշդը հաղրէթի Ալէի թէքքէին գրանը վրան է,  
ի հեռուստ +սո մը կը կարծես՝ քովը կերթաս որ հաստ  
որմաքար միակտոր մի քարէ դուռ մը և ո՞վ գիտէ երբ  
շինուած : Մեք կը կարգայինք պատմութեան մէջ Հեղինէ  
Թագուհի, Կիլիկիոյ իշխաններ, Ասորւոց պատմութիւնք  
մեզի կերելէր ոմանք երեւակայական ոմանք չեղեալ  
բաներ. ահա հոս անոնց կենդանի յիշատակները կը  
տեսնես կը լսես ամեն օր : Հալէպի բերդը 4000 տար-

---

(Ա) Թուրք տառերը որ նաեւ Արարերէն և Պարսկերէն  
տառերով խառն է ունի 12 տեսակ գրեր, քուֆի, ճէլի, սի-  
լիւս, բիզէէ, թէալիդէլի :

ուան շէնք է կըսեն , և հազիւ սկսած է աւերակութեան , այն ալ երեսէ ձգուելուն համար , եթէ քիչ մը նորոգութեան հող տարուի 14,000 տարի ևս կընայ դիմանալ , Թիմուր-լէնկ (կաղ) Հալէպը դրաւած ատեն 10,000 մարդ կը յաակացնէ բերդը քանդելու համար , (որուն ուրախութեան առարկան էր քանդել) վեց ամիս կաշխատին հազիւ զառիվար բլուրին վրայի սալա-յատակը քիչ մը քանդելու կարող կըլլան . տեսնելով որ տարիներու կարօտ է՝ ասկա կը թողուն :

Բերդին մէջ 400 կտոր շէնքերու աւերակներ նըշմարին ոմանք դեռ կանգուն , Եկեղեցիի մը միայն աւաղանը և փլատակը կերելի , հաւանականաբար Հռովմայեցիք Հալէպը դրաւած ատեն շինած , այնքան արձանագրութիւնք կան Իս-ճէ գրերով՝ որոց լուծումը կը կարօտի տարիներու և գիտնոց . չըջապատի ահաւոր պարիսպը , աշտարակները , ջուրի խրամը , նկուզները , գետնափոր ճամբաները , կամուրջը , պատշգամբ , դռները , քանդակեալ արձանները . նկարները որ հին ատենուան քարադործութեան և ճարտարագետութեան արհեստներու բարձրութիւնը կը յիշեցնեն , եւ այժմ ահեղ տեսարան մը ունին , ահա այսպիսի մի հնութիւն քանդուելու և աւերակ ըլլալու դատապարտուած է :

Ոչ սակաւ արժանի է նկարագրել ի կարգի հնութեանց՝ թէքքէներ , մինարէներ , թիւրպէներ , ի մէջ այլոց մեծ մզկիթը , ուստի կամ Զեհեհէյե ճամիսի որ գլխաւոր հնութիւն մ'է : Այս մեծ մզկիթին կից կայ փսքրիկ մզկիթ մը հոգիէ Հեհեհէյե անուն , շինեալ ի Հեղինէ Թագուհիէ մայր Կոստանդինի 200 թ. Քրիստոսի յանուն 10 առաքելոց տասը սիւնակներով խաչաձեւ

ինչպէս կը վկայեն ներկայ արձանագրութիւնք և աւանդութիւնք և Հայէպի ձեռագիր և անկանոն պատմութիւն : (Հէլէվի բառն ալ հայլան բառին պէս Հէլինէ բառին աղաւաղեալն է) :

Մղկթի փոխուած է երջանկութեան ժամանակի (ղէմանի սաատէթ) (1) և հիճրէթէին՝ 29<sup>4</sup> տարի վերջ որ ըսել է 1000 տարուան մի շէնք (հիճրէթ տաճկաց թուականն է որ կըսուի թարիխի հիճրէթ ամիսները լուսնի վրայ կը հաշուին որ կըսեն Արէպի, իսկ Հռովմէական ամիսներուն կըսուի թարիխի շէմսի, (արեգնային) և Քրիստոսի թուականին կըսեն թարիխի միլատի) :

Այս մղկիթին շինութիւնը կսկսի նախ Մէլիքի Հիւշամ, (Էմէվիններու կամ իւմեանց ամիրապետը), և կը լրացնէ իր սրգին Սիւլէյման, որոյ եղբայրը շինած է Դամասկոս (Շամ)ի մեծ մղկիթը և Էփէ անուն . որ այժմ կոչի (— Բնարէ) ճերմակ աշտարակ : Ըստ դուրանի Քրիստոս վերջին գալստեան ատեն այս մինարէն պիտի իջնէ :

Հայէպի մեծ մղկիթի անունը Զէքէրիէի փոխած է հիճրէթի 399 թուականին . Զէնկիպանի ամիրապետներէն Նուրէտտինի Ատիլ իշխանը, Ս. Չաքարխայի գըլուխը Հայէպի միջնաբերդէն կը փոխադրէ այս ուլուճամին որ կըսուի Զէքէրիէ ճամիսի, այս մեծ մղկիթը

---

(1) Տաճկերէն և Արաբերէն խօսակցութեանց մէջ մարդարէի ատենուան կըսեն (ղէմանի սաատէթ) երջանկութեան ատեն :

և գաւիթը ու շուրջը գտնուած շէնքերուն գետինը կարծեօք 200,000 քառակուսի կանգուն է : Փոքր մըզկիթին պարտէզն է եղեր, գաւիթն է խիստ ընդարձակ զարդարեալ մարմարինն և կրանիթ քարերէ աղբիւրներով և շարժաններով :

Մզկիթը երկուքի բաժնուած է . մին հէնիֆիներու (A) և միւսն շաֆիիններու, ունի արձանագրութիւնք Իս-ճէ մեծ գրերով, մեք միայն մէկ հատը կրցինք օրինակել օրովհետեւ այս երկու մզկիթն ալ մտնել արգիւեալ է Քրիստոնէից համար :

« Իւմրա պի թամիրիհի, պատէլ հարիգ, մէվլանա սուլթան, իպնիս սուլթան—իւլազամ իւլ—մէլէք էլ մանսուր, սէ յֆէտտիւնեայ վէ էտտին Ղլավուն 670 :

### Թարգմանութիւն

Հլօր, յաղթող, և մեծ թագաւոր՝ որդի թագաւորի, սուր աշխարհի և օրինաց : Ղլավոն հրամայեաց նորոգել յետ հրդեհի, 670 թուականի : Փոքր մզկիթի առաջ կար հին խաչարձան մը, արձանագրութիւնք Արարերէն էին և աւրուած, մեծ իմամը ինձ պատմեց թէ այս քարին Եւրոպացի մը 300 Օամ լիրա տուաւ չի

(A) Խալամութիւնը չորս կրօնքի բաժնուած է, հէնիֆի, շաֆէի, յէնպէլի, մէլիքի, մեր տէրութեան պաշտօնական կրօնը հէնիֆիէ ինչպէս նաև բոլոր Պօլսոյ և Անատօլի թուրք Խալամները, շաֆէի կը գանուի Հէքքեարի կողմերը, և Տիգրանակերտէն սկսեալ Արարիոյ կողմեր նոյնպէս յէնպէլի և մէլիքի : Այս չորս յարանուանութիւնն իմնապէս մի է :

տուի, և հիմա շատ կաշխատին գողնալ բոյց չեն կրնար։  
Մղկիթներու ամենքն ալ կերպ կերպ հնութիւնք  
են, բերդին միւս կողմը անցնելով կը աեսնեմք շատ հը-  
նութիւնք, և հազրէթի Ալիին թէքքէն որոյ մէջ 100  
օխայի ծանրութեամբ ձուպածեւ քար մը, ջրի հոր մը,  
քարէ կոնք մը կայ, քարը Ալիին գաւազանն է, հորը  
Ալիին հորն է, և կոնքին մէջ իր ուղտը կը ջրէ եղեր-  
ըստ պատմութեան աւանդապահ տէրվիչի. այս թէք-  
քէին գուռն է մէկ քար է հաստ և հին, որ նմանի.  
հին դրամարկի, վրան քանի մը թռչնոց պատկեր կայ  
գիր չտեսնուիր :

Հիմայ հոս ուխտատեղի է, ձեռքերը ու ոտքերը  
հով (ըրմաթիզմ) ունեցողները կերթան ուրբաթ կէս  
օրին, տէրվիչը հորէն ջուր քաշելով կը լեցնէ կոնքին  
մէջ հիւանդը ձեռքեր կամ ոտքեր այն ջուրին մէջ դը-  
նելով կը բժշկուի քանի մը վայրկեան վերջ :

Հեռաւոր տեղեր ազգական կամ բարեկամ ունե-  
ցողներ կերթան ուրբաթի կէս օրին և հորին բերնէն  
վար կը պոռան և վարէն պատասխան կուգայ, ձայն կը  
լսուի բայց պատասխանին մեկնութիւնը տէրվիչը գիտէ :

Նիհարներ, հիւանդներ, երկշտաններ, կերթան  
ուխտի և կը քսեն երեսնին ձեռքերնին քարէ գաւա-  
զանին և կզգենուն քաջութիւն : Կարգ մը աւելորդա-  
պաշտութեանց ենթակայ է Արաբիոյ թուրք ժողովրդ-  
եան, ինչպէս նաեւ Քրիստոնեայ ժողովրդեան աամիկ  
մասը :

Այս թէքքէին մէջն է (ըստ տէրվիչի), Ալիին գե-  
րեղմանը (1). թէքքէն բոլորովին աւերակ ըլլալու վը-

(1) Ալին մեռած ատեն երեսը ծածկեալ ուղտաւան ան-  
ծանօթ Արաբ մը եկաւ Ալիին մարմինը ուղտի վրայ դնելով

բայ է : Թէքքէէն 200 մէթր հեռի կայ ուրիշ մի մըղ-  
կիթ ճամբէ Եւրոպէ և ամեն թողայ անուամբ . այս ճա-  
նին շէնքը խիստ հոյակապ է մարմարեայ հաստ սիւ-  
ներով , միլեօններ ծախսուած է շինութեան՝ 1000 տա-  
րի յառաջ շինուած է , լի է ամեն կողմ արձանագը-  
րութեամբ , արձանագրութեանց միոյն եզրակացութիւ-  
նը « խելք ունեցողը գլուխը թող փնտռէ » գրուած է ,  
իբր աւանդութիւն կը սլատմեն թէ՛ մինարէին գաղա-  
թը թանկագին գոհար մը պահուած ըլլտլով՝ խորա-  
մանկ Պարսիկ մը կը նշմարէ այս արձանագրութենէն ,  
գիշերայն կը գողնայ և կը տանի Պարսկաստան :

Հազարաւոր հնութիւնք կան ի Հալէպ , Անտիոք և  
չատ մը դաւառներ և գիւղեր , ինչպէս նաեւ Պիրէճիկ ,  
Պալգղ և այլ տեղեր : Անգլիացիք և այլ Եւրոպացիք որ  
ինչպէս Նինուէի բոլոր հնութիւնքն փոխադրեցին յԵւ-  
րոպա , հիմայ ալ ինկած են այս կողմեր , ամեն տեղ  
կը քննեն , կը գտնեն , կառնեն կը տանին , (չեմ գի-  
տեր տեղային կառավարութիւնք ինչո՞ւ այս կարեւոր  
կէտը ուշագրութեան չեն առնուր , և ինչո՞ւ թողելու  
է որ այս յաւիտենական և հին աշխարհի քաղցր յի-  
շատակներ փոխադրուին , կորսուին կամ աւրուին) :

Հնութեանց կարգէն է Հայոց եկեղեցին յանուն  
40 Մանկանց . որ գտանի ամուր պարսպաւոր ընդար-

---

տարաւ , այսպէս կտակած էր ողջութեանը , իր որդւոց Հասան  
Հիւսէյինի , քիչ մը վերջը որդիքը կտակածելով . արարին ետե-  
ւէն վաղեցին , Արաբը երեսի ծածկոցը բացաւ և տեսան որ  
իրենց հայրն է ուղտապանը , այս հրաշքէն վախնալով դարձան  
և իբր նշան այս գերեզմանը շինեցին կըսէ աւանդութիւնը :

ձակ մի բաղմամարդ թաղ ուր բնակութիւն է խառն քրիստոնեայ ազգաց :

Պարխազն ունի զոյդ երկաթեայ մեծ դուռներ , մինն առ հարաւ , ճիշդ յանդիման դրան 40 Մանկան եկեղեցւոյն՝ որ ունի դաւիթս կրկին :

Մեր եկեղեցւոյն արեւելից կողմը որմակից է Հըւսովմէական մառանեաց եկեղեցին : Նորա որմակից դէպ Սրեւելս՝ Հայոց միւս փոքր եկեղեցին յանուն Ս. Ս. սառածածնի , և անտի դէպ հարաւ եկեղեցին է հին Յուսաց . սոյն եկեղեցւոյն և երկաթեայ մեծ դռան (1) միջաւայրն է Հայոց ընդարձակ և քարակերտ առաջնորդրան :

Մեծ դրան ձախ կողմն է Հայոց երկսեռ վարժարանները՝ դաւիթները ամբողջ սալայատակ է , և Հայ մեռեալք թաղեալ կան իներքս սալայատակի , և մահարձանք դրեալ ի վերայ որմոց եկեղեցւոյն :

Երկու գրուներ սեփհականութիւնն է հին Հայոց քանդի Հայք ունին աստ 6-7 հատոր շինուածք իսկ Մառոնիք և հին Յոյնք (2) մի մի փոքր եկեղեցի :

Հայոց այս մայր եկեղեցի ի հնումն պաճուճեալ

---

(1) Մառոնիք և ընդ նոսին բոլոր Հասովմէադաւանք ուղած են գրաւել զմեծ դուռն և շին յաջողած , և արդէն պատմութիւնք , աւանդութիւնք , բացարձակ կը վկայեն որ այստեղ ամբողջ Հայոց սեպհականութիւնն է . իրենց ծանօթ հիւրասիրութեամ տուած են մի մի փոքր տեղեր իրենց Քրիստոնեայ կղբարց Ս. Եկեղեցի շինելու համար :

(2) Հալէպ Յունաց հին Յոյն և Հայոց հին Հայ կրսնն . Հասովմէական Յունաց նոր Յոյն , Հասովմէական Հայոց նոր Հայ . (Երմէն ճէախա Երմէն օթիւղ) նոյնպէս (Բուժ ճէախա Բուժ օթիւղ) :



էր ընտիր զարդերով, Չինական յախճապակիներով և միւսիօն նկարներով :

Մեծ խորանի կամարի ամբողջութեան չափով յատկապէս Չինաստան շինուած պատրաստուած և խնամով բերուած շարուած էր. Ս. Աւետարանչաց, հրեշտակաց և այլ պատկերներ, Հայ տառերով արձանադրութիւններ, և Ս. Աւետարանի պատգամներ (Հայ տառերով Հայ դրերով կըսեմ Չինաստան շինուած) այսպիսի մի սքանչելի բան այսպիսի մի յիշատակ քանդել կուտան, այսինքն այն պատուական շինիները իբր հնութեան մի կոշտութիւն փրցունելով՝ կիրով կը ծեփեն, և այն շինիներու կտորուանքը կը լեցնեն եկեղեցւոյն մի անկիւն :

Ինչ իմաստակութիւն, և ինչ անխելքութիւն, այն կոտորածներու կտորները անգամ հնախոյզներ գնել կուզեն սուղ գիներով. ապա ամբողջութիւնը ընթերցողը թող տնօրինէ :

(Այսպիսի շատ հնութիւնք կորսուած է անհետացած է. Օսմանեան երկրէն, ոմանք Եւրոպայիք կը տանին յԵւրոպ կամ այլուր) ոմանք ինքնին կանհետանայ. նոյնպէս Հայոց բազմաթիւ եկեղեցիներու, վանքերու մէջ դտնուած հնութիւնք տակաւ առ տակաւ հատնելու վրայ է մինչեւ իսկ անօթներ և նշխարք կը պակսին (1) :

Ժամերդութիւն կըլլայ միշտ 40 Մանկան եկեղեց.

---

(1) Մինչեւ ցարդ դեսևս մէկ մայր տոմար մը չկայ թէ վանքեր, եկեղեցիներ, ինչ կալուածներ ունին և թաւանները որո՞ց վրայ է և որքան հնութիւնք կան որքան եկեղեցւոյ անօթք և այլ նիւթեր, նոյնպէս գա-

յին : իսկ միւս (Ս. Աստուածածնի) եկեղեցին տօնի օրեր :

40 մանկան դրան վրայի հին յիշատակազինն ալ կորսուած է , այժմ գտնուած արձանադրութիւնք հետեւեալք են :

Հարաւային դրան վրայ Հայ տառերով

« Ի ժամանակի պարոնութեան Կիլիկիոյ , և առաջ նորդութեան Տեառն Յովհաննէս Կաթողիկոսի երկրորդ շինութեամբ նորոգեալ էր յարեւելից կողմանէ դռնն սոյն քառասուն Մանկանց եկեղեցւոյ Հայոցս , իսկ այժմ ի հարաւոյ կողմն փոխադրելով սոյն դռնն երրորդ անգամ շինեցաւ ի Կաթողիկոսութեան Տեառն Մկրտչի Եպիսկոպոսի և ջանիւք քահանայից և ժողովոյն ազգայնոց 1869 :

Արաբերէն տառերով ,

« Թէճէտալու սալիսէն պէքիւնեաւ էրպէային շէհիտ իւլ մէօմին էլ Լուսաւորչին , պի նագլիհի հէտա էլ մէքեան 1869

(Իմաստը հայերէնի մէջ կարդացածդ է :)

Ուրիշ մի արձանադրութիւն

Ի ժամանակի Սուլթան Սիւլէյմանի , և Կաթողիկոսութեան Յովհաննու և ին. 934 , ՌՁԴ Հայոց Թ .

Ուրիշ մը

Ի ժամանակի Սուլթան Մէճիտի և Կաթողիկոսութեան Միքայէլի և ին. 1849 Թ . Թ .

---

ւառները շատ տեղեր տոմար չկայ . տեղիս , տեղիս թաղականք նոր սկսած են տոմարներ հաստատել . սչս կէտ կարօտ է մի անհրաժեշտ անօրինութեան :

Ս. Աստուածածնի Եկեղեցւոյն դրան վրայ

Արարական տառերով

Էնա հու էլպասպ վէ էյ ինսանէն, ետ խիւլֆէտ  
Երիւխէս : եուտխէլ ու եուխրէճ վէ ճիւտաիւլ մէրէա,  
(Թիւ չունի)

Թարգմանութիւն

Ես եմ դուռն ուլ ոք մտանիցէ ընդիս վրկեցի .  
մտցէ և ելցէ ճարակ գտցէ :

40 Մանկանց Եկեղեցւոյ խորանին խիստ հին վա-  
րագոյրին վրայ կայ պատկեր Խաչելուծեան և արար  
տառերով գրեալ :

Էսա էլ Մէսի՛ն մէլիք էլ Եհնուտ

(Յիսուս Քրիստոս Թագաւոր Հրէից)

Եկեղեցւոյ ժամերգութիւնք կը կարգացունին ու-  
մանք օտար եղանակներով, ոմանք խորթ, քահանայից  
և դպրաց ու մանկանց շատեր հայերէն չգիտնալովն  
հայկական այնքազոր եղանակներու շատեր փոխուած են :

Ժամերգութիւնը հայերէն է . բայց աւետարաններ-  
ընդ ոմանք, քարոզներ, թէ հայերէն թէ Արաբերէն, ծա-  
նուցումներ բալորովին Արաբերէն է . քահանայք ան-  
դամ Եկեղեցւոյ մէջ Արաբերէն կը խօսին (1) . դանձա-  
նակը ժողովրդեան մէջ տարած ատեն կըսէ բնաբ  
Երբէ՛ Աւու՛ն է՛նի-բ է՛ն . Աստուած սղորմութիւննիդ  
չատցնէ վարձահատոյց ընէ :

Հայոց երկու Եկեղեցիներէ զառ կայ նաեւ 17 ե-  
կեղեցիք և մատուռք սյլեայլ քրիստոնէից :

(1) Ինչպէս Պօլսոյ Տ. Պապաներէն ոմանք ալ Տաճկերէն  
կը խօսին :

Մի եկեղեցի ընդարձակ և պայծառ 300 տուն  
(նոր) Հայոց, (Հռովմէական) :

Երկու մեծ եկեղեցի 1000 տուն նոր Յունաց, (Հր-  
ռովմէական) :

Մի եկեղեցի 300 տուն նոր Սօսրուց, (Հռովմէա-  
կան) :

Մի եկեղեցի 300 տուն նոր Մառոնիներու :

Մի մատուռ 20 տուն Քաղղէացուց (քիլտանի) :

Մի եկեղեցի 80 տուն Հին Յունաց :

Երկու եկեղեցի Լատինաց 33 տուն Լատինաց :

Մի եկեղեցի 20 տուն Հայ Բողոքականաց :

Երկու Սինակոկայ 300 տուն Իսրայէլացուց :

Մատուռներ և վանքեր որք չունին Ժալալուրդ-  
չինեալ ի կողմանէ Ֆաանչիսիեան, Յիսուսեան, Գովինիկ-  
եան, Գարուչին և այլ միաբանութեանց. Հալէպն է  
կեդրոն Հռովմէականաց, աղղապետները են կաթողիկոս,  
Պատրիարք, Եպիսկոպոս և ըն :

Հրէայք բռնած են քաղաքի առեւտրական շահա-  
ւոր ճիւղերը և են ճարպիկ ունին շատ հարուստներ (A) :

Հին Հայերը հազիւ կըլլան 300 տուն բնիկ, իսկ  
պանդուխտ միշտ գտանին անդ առաւել քան երկու  
երեք հազար անձինք, վաճառական, արհեստաւոր և այլ  
գործերով զբաղեալ, որք կուգան վանէն սկսեալ  
եօթանասուն ութսուն քաղաքներէ ինչպէս նաև շատ  
մը սասունցիք որք են հացադործ :

---

(A) Սինեօր Մուսէ անուն մի Հրէայն ունի մեծ հարստա-  
թիւն և անուն, կը վարէ հիւպատոսութեան պաշտօն, կայ նաև  
ուրիշ հարուստ վաճառականք :

Հայէպի բնիկներու մէջ սակաւ են հարուստ կամ նշանաւոր անձինք և այժմ եղածներն ալ դարուս ըսկիզբէն եկած հաստատուած են, հոն ինչպէս Սեթեան, Խարաճեան, Տ. Մարգարեան, Գալչինճեան, Եկաւեան : Պանդուխտներէ նշանաւորք են Արապեան, Քէշկէկեան, Գարայեան. Շողիկեան, Փիրաեան, Տապաղեան, Թահմազեան, Կ. Գրիգորեան և այլք :

Հին Հայոց (մեր) Եկեղեցին ունի 40 տուն քարուկիր, որոց եկամուտը ինսիսնուսն կը ծառայէր անհատից, այժմ 400 ոսկի եկամուտ կը բերէ կէսն վարժարանաց և կէսն տեղական ծախսի յատկացեալ :

Գալրոցները հին դրութեան մէջ են, այս տարի (1880) Կիլիկեան ընկերութիւնը սկսեց բարեկարգել ինչպէս նաեւ ստանձնեց Հաճընի, Ջէյթունի և այլ վարժարանք, Բնիկ և պանդուխտ վարժապետներ և Տ. Վ. Զօրեան վարժուհին կաշխատին անձնուիրութեամբ :

Եկեղեցին ունի մի ագարակ Աւելլէ Թաղի քով արտաքոյ պարսպին և այժմ կրնայ տան համար ծախուիլ մեծ գինով սակայն վէճի և դատի ներքեւ ինկած կը մնայ (A) :

Գրիստոնեայ ազգաց միւս վարժարանները հին դրութեան մէջ տեսչութեամբ կղերաց, յառաջադէմ է Լատինեանց միաբանութեան գիշերօթիկ վարժարանը,

---

(A) Յիշեալ ագարակը այսօր կարժէ 15,000 լիրայ և քիչ աշխատութեամբ կրնայ ձեռք բերուիլ շնորհիւ Օդոսսափառ Կնքնակալի արդար օրինաց, Պատրիարքարանի եւ Ս. Կաթողիկոսի եւ Հայէպի ազգայնոց ուշադրութեան կարօտ :

մէն մի թոշակաւոր աշակերտք կը վճարեն տարեկան  
15 լուիճ ոսկի . և աղքատք ձրիապէս :

Յոլոր վարժարանաց պաշտօնական լեզուն է Արա-  
բերէնը նոյն իսկ հին Հայոց վարժարանի տղայք կը խօ-  
սին ընդ միմեանս Արաբերէն և ընիկ տղայոց անուն-  
ներն ալ իրենց ծնողաց անունին նման Եուսուֆ, Իպրա-  
հիմ, Խելիլ, Ֆէտտալ, Ճրճիս, Ճէվհէր, Եագութ և ըն :

Արք կզգենուն Արաբական, Եւրոպական, Թուրքա-  
կան և հին հայկական զգեստներ, և շատեր դլուխնին  
ճերմակ (ապանիայ) կը կապեն . պանդուխտ մը երբ  
Հալէպ երթայ բնաւ չկրնալ ճանչել Իսլամը կամ Քը-  
րիստոնեայն , ոչ զգեստէն, ոչ լեզուէն և ոչ անունէն :

Կանանց զգեստներ և դարդեր խիստ ծանրագին  
են , շատ մը աղամանդներու հետ նաեւ իրենց վերար-  
կուներու շուրջը կը շարեն մարգարիտներ, ունին այլ  
ծանրագին զգեստներ ինչպէս լահօռի շալերէ շրջադ-  
գեստ Եւրոպական և Թուրքական ամեն կերպ զգեստ-  
ներ , փողոցներու մէջ կը հագնին նալն իբր դարդ , կա-  
տարեալ է Ասորահան և Արաբական պաճուճանք և  
ձեւեր :

Սովորութիւնք են Արաբական և Ասորական բնաւ  
չեն փոխեր իրենց նախնական սովորութիւնքն, հիւրա-  
սիրութեան մէջ քաղաքավարական ձեւերը ծայրայե-  
ղութեան տարածեն , հիւր մը դռնէ ներս մտնելէն ըս-  
կսեալ մէկ ժամ կը տեւէ միայն ընդունելութեան պատ-  
շաճութիւնք նարկիլէի սուրճի և անուշեղինաց մա-  
տուցումը :

Տանը մէջէն սկսեալ մինչեւ երեք տարեկան տղայք  
կը դիմաւորեն զհիւրն . և կսկսին արաբերէն բարի եւ

կաք. հարիւր անգամ բարի եկար տէր. հազար անգամ  
բարի եկար, պատուեցիր զմեզ. պարտաւորեցուցիր,  
խնդութեամբ լեցուցիր :

Երջանիկ ըրիք զմեզ. շատ դոհ եղանք, չափազանց  
ուրախ եմք, տուներնիս խնդութեամբ լցուցիք, անհունս  
յարգեցիք, փառաց հասուցիք զմեզ, այս ի՞նչ բաղդա-  
ւորութիւն, ձեր ծառաներու արտմութիւնը փարա-  
տեցիք, լուսաւորեցիք մեր տունը և լն. հազարաւոր  
բառեր :

Գարձեալ կըսեն նորիցն (A), անուշերդէնը և սուր-  
ճը բերած ատեն, վերջապէս մինչեւ մեկնիլը կը շա-  
րունակեն և մեկնած ատեն տանը բոլոր անգամք մինչ  
դուռը կը լեցուին, ճամբելու պատշաճութիւնք կսկսին  
արդեօք ուրիշ ատեն այս փառաց պիտի հասնի՞մք, այս  
պատիւը պիտոր ունենա՞մք, մի՛ մոռնաք ձեր սպասա-  
ւորները (կամ ազախինները) խնդալով գլուխնին ծռե-  
լով մինչեւ որ հիւրը այլևս չերեւի կը շարունակեն,  
հիւրըն ալ պարտաւոր է անոնց խօսից պատասխանել  
մինչեւ ի մեկնումն :

Արաբական լեզուն է ճոխ, արձակ, հարուստ և  
գիտնական, հնչումները են շեշտաւոր և սուր :

---

(A) Այր և կին (նարկիլէ) կը գործածեն մեծ մատամբ. մէն  
մի տուն կը գտնուի հինգէն մինչեւ քառսուն (նարկիլէ) արծա-  
թապատ և զարդարուն. հիւրերուն անհրաժեշտ է նախ (նար-  
կիլէ) և ապա անուշերդէններ մի քանի տեսակ, և ապա սուրճ.  
ընդհանրապէս սիրահարեն անուշեղինաց որ ամէն քաղաքէ  
շատ և տեսակաւորը կը շինեն Եւրոպայէն ալ կուգայ և կըս-  
պառի առատ :

Ամէն բառ ունի արական և իգական. մեր գրաբանին պէս ինդիրը բայէն վերջ կը գնեն. ինչպէս (Ֆէթհ էլպաս) բաց զդուռն, (սէքրէլպաս) գոցէ ըզդուռըն :

### Քանի մը բառ

Սէյրէ , սընրէ , ունի , վէլէ , էպոյ , էմմայ , պէյն , Պարոն , տէր , տիկին , աղջիկ , աղայ , հայր , մայր , տուն :  
Ոճը , ձեւը , հնչումները զմայլելի են :

Լեզուն այնչափ հարուստ և հրապուրիչ ըլլալուն բնաւ հոգ չեն տանիր մայրենի լեզունին սորվելու , արարելներ բաւ կը համարեն իրենց (1) . իսկ այն տունները որ կը խօսին հայերէն՝ թուրքերէն՝ չի նմանիր մեր խօսածներու , հայ մը և թուրք մը կզմայլի թէ մեր լեզուն այս ինչ քաղցր լեզու է եղեր . որովհետեւ արարելների պէս կը հնչեն սուր , և կը խօսին շեշտելով . ձեռաց և գլխու շարժումներով և աշխուժիւ : Արարական լեզուն ունի բազմաթիւ առածներ և բառախաղեր :

### Օրինակ .

Էլ բէֆիգ , սիւմմէթ—թարիգ . ընկերը ընկերին ճամբուն կը հետեւի : ինչպէս տաճկերէնն է (քիչի բէֆիքինտէն աղար) :

---

(1) Մինչև իսկ կրտսն թէ ինչպէս մարդ ըլլայ որ չդիտնայ Արարերէն :



Գեղեցիկը վասն գեղեցկութեան . ազեղն վասն Աստուծոյ (սիրել ընդունիլ) .

Ձեռք սրտընելը մօրուքի խնդալ է .

Մի փախցուներ պատահութիւն .

Աշխատէ հարստանալու . հարստացիր հանգտանալու համար .

Իր շահուն անհողը՝ նման է աւանակի .

Խնդա՛ զուարթ եղիր պարագոյ ատեն . կրակուբոց դործի ատեն .

Հիւրը մեծարել . Աստուած սիրել .

Կայ հազարաւոր առակներ կարճ . ազգու և արամարանական . սրոյ շառը Աւետարանի և Գուրանի պատգամներն են ինչպէս , զոր ինչ կամիս արասցենքեզ մարդիկ և դու արասցես ինոսա :

Սիրել զսիրելին , առել զատելին ,

Բառախաղ

ԱրՖա մըլխէթ , ապիաթ մըլլպէթ . հալիպ թթթօր . ըֆհէմ եա հրմար .

Թարգմանութիւն .

Թելէն բարակ հակթէն ճերմակ . կոլի կաթը . դիտցիր աւանակ .

Բառախաղ .

Պիամար պէս սէվիս թուր սոյ լէ քաֆֆի , քաֆֆի լէ թուրսոյ , թուրսոյ լէ քաֆֆի , քաֆֆի լէ թուրսոյ . քանիցս կրկնել .

Թարգմանութիւն .

Ձեղունն է դամ մը , ախրս դամին , դամը ախիս ախիս դամին , դամը ախիս . քանիցս կրկնել .

Այս բառախաղք պիտի ըսուին շուտ շուտ , սրոյ

հնչման և մասնիկներու կամ հոլովմանց ամենափոքր սխալ մը կը վերածէ ծիծաղելի խօսքերու :

Գործի մը ձեռնպահուածեան նպատակը հասկըցնելու համար կըսէ ,

էս սէլամ՝ եէճիւրրէլ քէլամ, էլ քէլամ՝ եա ճիւրրէլ պաթարգ. հէտա սէլամէթ, նէ սէլամ նէ ալէյք էս սէլամ, վէսսէլամ :

### Թարգմանութիւն

Բարեւը խօսքը կը քաշէ. (կը բերէ) խօսքն ալ սեխը կը քաշէ , ապահովութիւնը այս է ոչ բարեւ ոչ Աստուծոյ բարին . լմնցաւ :

Առուտուրի մեծ մասը քրիստոնէից և հրէից ձեռքըն է, քաղաքի սպանդանոցը բոլորովին հրէից կը վերաբերի , անոնց կրօնականները կը մորթեն (1) և իրենց պէտք եղած տեղերը առնելէն վերջ մնացածները կը ծախեն մսագործներու սպանդանոցները կը մորթուի ուղտ , եղ , կով , ոչխար , որ հրէայք մորթելով Աստուածաշունչի և Թալմուտի տրամադրած տեղերը միայն իրենք կառնեն և միւս կտորները կուտան մսագործաց որք կը ծախեն իսլամ և Քրիստոնեայ ժողովրդոց : Այս տարի (1880 թուրք և Քրիստոնեայք միանալով ուղե-

---

(1) Հրէից օրինօք ո և է կենդանի և թռչուն միայն կը բռնականք կրնան մորթել , աշխարհականք կարող չեն հաւ մը անդամ մորթելու , նոյպէս չեն կրնար ամեն տեղը ու ել ըստ հրամանի Աստուածաշունչի : տես Մենդոց Լ. Գ. 31—32 հ :

ցին հրէից ձեռքէն առնել և յարուցին մեծ վէճ մը (1) բայց չկրցին յաջողիլ, հրէից ձեռքն կայ հին վաւերական թուղթեր :

Ժողովուրդը այր և կին մեծաւ մասամբ են գեղեցիկ և ձեւաւոր բայց տարու վէրք կոչուած շրպարը մեծ ֆլաններ կուտայ, երեսի, ճակտի վրայ դրոշմներ կը թողու, ումանց աչքերը կը կուրացնէ, ումանք կունենան մեկէն մինչեւ 7—8 հատ վէրք, սովորապէս կը տեւէ մի տարի :

Իգական սեռն ալ կաշխատի հոս. կը շինեն մետաքսեայ և ոսկեթել կերպաններ յորմէ գոյացած շահը կը ծախսեն իրենց զգեստուց և զարդուց, ամօթ է կնօջ մը համար եթէ զգեստի ստակ ուղէ իր ամուսնէն. (քիչ կը մնայ որ Պօլսեցւոյ հասնին . . . .)

Հալէպէն նաւահանգիստ երթալու համար ընդհանրապէս երեքշաբթի օրն է յատկացեալ, ճանապարհորդաց անկանոնութիւնք և արարական իմաստութիւնը տեղի տրւած է ցարդ կարաւան կազմել և կարաւանով ճամբոր-

---

(1) Արար խօճայք ամբաստանեցին հրէից խախտաները թէ կենդանեաց վիզը կտրած ատեն (պիամիլլահ իւլ բահման իւլ բահիմ) (յանուն Աստուծոյ ողորմածին և գթածի) ազօթքը չեն կատարեր, և (Գուրանի) հրամանաւ անմաքուր կը սեպուի առանց այն ազօթքին. (ինչպէս քրիստոնեայք կրսեն յանուն հօր և որդւոյ և հոգւոյն սրբոյ) հրէայք պրնդեցին թէ կըսեմք. երկար և շատ օրեր դատը շարունակուելէ վերջ, որոշում տրուեցաւ երկու խում (խօճայ) տեսուչ դնել որ խախտմք (պիամիլլահ) ըսած ատեննին լսեն, և խօճայից ամուսկանը վճարեն խախտմք :

դել: ճամբարդ մը երեքշաբթի օր առանց ընկեր փրն-  
առելու ձին նստելով կերթայ քաղաքէն կէս ժամ հե-  
ռաւորութեամբ Սեպիւ (1) ուր պատրաստ է ֆելւ-  
պրճագետը «Փատտալ ետ սէյտի» ըսելով սուրճ մը  
նստի մը կուտայ, մինչ կէս օր ճամբարդը և ճամ-  
բարդ գումարելով կէս օրին կարաւանապետը կը ստուայ  
արարելէն բարձր ձայնիւ «ճամբարդը ի ճանապարհ  
ճամբարդը ի քաղաք»:

Հալէպի և գաւառաց մէջ կայ բազում հնութիւնք  
գետեր, անտառներ, նշանաւոր կամուրջներ և ըն:

Կուզէի գրել նաեւ քանի մը գաւառների, Մա-  
րաշի, Զէյթունի, Պերէթի քաղէ և այլ անդերու-  
վրայ ալ, սակայն պատեհութեան ժամանակի թողուլ  
ստիպուած եմք . . . Հալէպի շրջակայքը կայ նաեւ նը-  
շանաւոր աղբիւրներ անոյշ ջրերու և մի ջերմ ջերմուկ  
բաղանեայ՝ օգտակար:

Երեք ժամ հեռի է քաղցրահամ ջուրի ակն, յու-  
րում արարք կոչեն «յէ Հէլէյ» (Հեղինէի աղբիւրն):

Հալէպի կառավարութիւնն է վաւերութիւն և երկ-  
րորդ կեդրոն զօրաբաժնի հինգերորդ բանակին Գա-  
մատիսի. նստի կուսակալ մը ինչ ամեն պաշտօնակցնե-  
րով համարակալ, և քարտուղարներով և ունի դատա-  
բաններ ուր մեծ մասամբ կը խօսին Արաբիէն:

---

(1) Սեպիւ կրտսի ջուրի անդին. Արաբիայ գաղափարու  
մէջ անդ անդ շինուած է գետնախոր ջրէղջներ, անձրեւի  
ջուրեր հոն հաւաքուելով կը խմեն ճամբարդը՝ և կը խմցնեն  
իրենց կենդանեայ, անս Աստուածաշունչի. Ծնն. ԺԶ. գլուխ  
13 համար եւ ԻԱ. 19-31, ԻԴ. 62. եւ ԻԵ. 11:

Օտար տէրութեանց հիւպատոսներ : Ֆրանսայի ,  
Րուսիոյ , Գերմանիոյ , Անգղիոյ , Աւստրիոյ , Իտալիոյ ,  
Պէլճիոյ , Պարսից , Սվէճի , Նորվէկիոյ , Յունաստանի ,  
Բորթոգիլի , Տանիմարգայի և այլք . ունին գաղաններ .  
Թարգմաններ , հպատակներ պաշտպանեալներ և այլն  
որք տեղի կուտան միշտ վէճերու և դատերու , ինչպէս  
նաեւ քրիստոնէութեան այնքան բաժանումներ , հաշ-  
հեղեղ (հովարայ) բաղմութիւն և այլ ուրիշ առար-  
կայք առիթ կըլլան դատերու , սովորական դատերն ալ  
հաշուելով կրնայ գուշակուիլ Հալէպի կառավարութեան  
դժուար կացութիւնը և բաղում զբաղումը , որ իմաս-  
տութեամբ կը կառավարէ ներկայ վալին , որոյ օգնա-  
կան կը համարի Նուրեան էֆէնտի (1) :

Հալէպի վրայ ուրիշ դրեկիքներ թողլով . անցնիմք  
Սնախօքը Մէրսինէն Պէլէնը և Իսկէնտէրունը տեսնելու :



---

(1) Հալէպի կուսակալն է Սայիտ փաշայ 55 տարեկան  
գիտէ Անգլիերէն և Ֆրանսերէն , է ողջամիտ և հայրենա-  
սէր :

Նուրեան էֆ . է Պօլսեցի երկրորդ գոմիսէր Հալէպի ,  
և անդամ պետական խորհրդոյ :

## ՆԱՄԱԿ ԺԳ.

ՄԷՐՍԻՆԷ, ԻՍԿԷՆՏԷՐՈՒՆ, ՊԵՂԷՆ, ԱՆՏԻՈՒՔ

1879—1880

Մերսին եզերս միջերկրականի նորաշէն քաղաք փոքր. նաւահանգիստ Թարսուսի և Ատանայի. ունի նաւամատոյց համանուն. շոգենաւք կը մնան մինչ 24 ժամ ապրանայ փոխանակութեան համար :

Մէրսինէէ ի Թարսուս 2 ժամ և յԱտանայ 10 ժամ ճանապարհն է խճուղի (շէօսէ) որ սկսեց Մահմուտ Նէտիմ փաշայ և լրացուց Զիեա փաշայ (1) (կուսակալք Ատանայի) :

Մէրսինէի ջուրը և օդը առողջարար չէ, հաղիւկայ 400 տուն, 1860էն սկսեալ շենցած, ի հնումն էր գլուղ եղէգեայ տուներով որոցմէ դեռ կերեւի մի քանին :

Բերքն է ցորեն, բամպակ, նարինջ, լիմոն, շաքարեղեգն և շն. փողոցները շինուած է լայն և ուղիղ. ունի մաքսարան, կառավարիչն է գայմէգամ, ընդ իշ-

---

(1) Այս ճանապարհն է որ այժմ շինուեցաւ երկաթուղի ի խնդումն ժողովրդեան :

Զիեա փաշան է այն նշանաւոր Միր-Զիեա, որ Ալի փաշայի ատեն ժամանակ մ'մնաց յեւրոպա քանի մը ընկերաց հետ, եւ ներկայ Օգոտ. Սուլթանը ներեց ամենքին՝ վերագառնալով ի Թուրքիա վարեցին այլեւայլ սղաշտօններ. Զիեա փաշայ է բանաստեղծ եւ տէր ծայրայեղ գրչի. ունի շատ իմաստասիր գրուածքներ արձակ ոտանաւոր, տալուած, եւ անտիպ, ( Զիեա փաշայ մեռաւ յԱտանայ )

խանութեամբ Աստանայի կուսակալութեան, ունի պաշտօնեայնքն ըստ կարգի :

Կայ երեք հիւպատոս օտար տէրութեանց, մի քանի փոխ հիւպատոս, և «ճէնդէ»-նէր շոգենաւուց և ընկերութեանց :

Հայոց դաղթականութիւնն է միայն 23—30 տուն ունին մի փոքր եկեղեցի, մի դպրոց, մի քահանայ :

Ի վարժարանի կայ 10 մանչ 20 աղջիկ (մանչ տըղայք շատ չեն ապրիր) դասատուն է Չմիւռնիայի Փափաղեան աշխատասէր մի տիկին :

Գաղթականների մէջ նշանաւորն է Նազարէթ Աւզանճեան բնիկ Կեսարացի եղբայր Յակոբ էֆ.ի որ կը մնայ Ռուսճուք և էր երբեմն Օսմ. երեսփոխան :

Պատուարեր է Հայ վաճառականութեան, Կիւլպէնկեան էֆէնտիներու առեւտրական տունը, և ինչպէս շատ տեղեր նոյնպէս ի Մերսինէ կը գործեն կանոնաւոր ընթացքով :

Պօլսեցի Տրէնկեան էֆ.ները ունին շատ կալուածներ՝ իմաստուն հեռատեսութեամբ ժամանակին գնած են աժան գներով (1) :

---

(1) Աւ. կրկար թէոր հարուստները հեռուէին Տրէնկեաններու եւ ինէին կալուածատէր այլեւայլ դաւառս յօգուտ իրենց եւ դաւառացուց. թէեւ սրլսյ մէջ ալ կայ օգտակար կալուածներ նաեւ մօտակայ գիւղերը աժան գետիներ, բայց մեր ժողովուրդի մեծ մասը դեռ գաղարար չունի կալուածատիրութեան, շատեր ստակինն կը վաանեն աւելորդ դարդերու եւ կը ծախսեն առօրեայ հաճոյց. ապագայ մտածողներ սակաւաթիւ են :

Ֆռանսացի մը ունի խիստ ընդարձակ մի պարտէզ նարինջի և լիմոնի, Մերսինէէն միշտ նաւերով կը փոխադրեն նարինջ և լիմոն (անուշ և թթու) ի Պօլիս և այլ ուր :

Սովորական դինն է 100 հատը 50 փարայէն մինչև 70 փարայ, և երբ կը համրեն 100ին 10—20 իբր վրտած կը նետեն ծովը. ծովը նեաուածները մեր կողմերը գալածներէն վար չեն մնար :

Այս կողմեր երբ այցելես մի պարտէզ լիմոնի և նարինջի որքան որ ուտես և որքան որ դաշկինակդ լեցունես ամենքի համար պիտի վճարես միայն քսան փարայ ֆլէււն պարտիզպանին, եթէ բարեհաճիս 30 կամ 40 փարայ տալ, կընդունիս նաև մեծ ճիւղ մը որոյ վրայ կայ 7—10 խոշոր նարինջ իրարմէ չզատուած :

Երբ մեք Մերսինէ էինք և լիմոն ու նարինջի նաւերը առնլով մեկնեցան. իբր փտած ծովը ձգուածները ծածկած էին նաւահանգստի ամբողջ երեսը, ծովը կերելի դեղնագոյն ալիքներէ կը լողային. և մեք կայնած ծովեզրը կը դիտէինք այս տեսարան, յափըշտակուած մտքով, որ (որ մը Քարբերդի մէջ հիւանդը լլալով լիմոն մը գտնելու համար շատ աշխատանք կը բեցինք. և երբեմն մինչև մի հատը 10 զբուշի կը ծախուի այն կողմեր) և մտախոհ կըսէի :

Ո՞վ նախախնամութիւն, որքան տարբերութիւն միևնոյն երկրի մէջ, և որքան խտրութիւն, արդեօք բընութեան զուարճալիքն է, թէ մարդոց բաղդի աստիճանն :

Տեղ մը մէկ լիմոնը կամ նարինջը յարդելի և մինչև մի հասն 10 զբուշ, ուրիշ անդ մը 100 հատը 60 փարայ



և նաւահանգստի երեսը ծածկած լիմօն և նարինջով  
իրը անյարգ մի պտուղ .

Տեղ մը մէկ օխոյ հացը երկու երեք . մինչ հինգ  
ղրուշ, ուրիշ տեղմը 3-4 մինչ հինգ օխան մէկ զրուշ .

Տեղ մը խաղողի չամիչի և չոր թուղին երեք օխան  
մէկ զրուշ ուրիշ տեղ մը մէկ օխան 4-5 զրուշ .

Տեղ մը ոչխարի և կովի միսերու մէկ օխան 30-40  
փարայ ուրիշ տեղ մը 6-7-10 զրուշ .

Տեղ մը անարատ կարագ իւղի օխան 4-5 զրուշ .  
ուրիշ տեղ մը խարդախեալ իւղերու օխան 15 զրուշ .

Տեղ մը բրինձի 4 օխան 60 փարայ ուրիշ տեղ մը  
մէկ օխան 3-4-5 զրուշ .

Տեղ մը ձէթին (ղէյթունեալի) օխան 2 զրուշ . ուրիշ  
տեղ մը 10 զրուշ .

Տեղ մը քարիւղին (կաղ) օխան 20 փարայ ուրիշ  
տեղ մը 3-4 զրուշ .

Այս տարրերութեանց ս՞րը դրեմ և ս՞րը համրեմ .  
Ասոնց պէս հաղտորաւոր օրինակներ , Աստուծոյ ողոր-  
մութեան հաւատարութիւնը չի ներէր այսպիսի տար-  
բերութիւնք .

Ուրեմն ի՞նչ է պատճառը կը հարցնէի մտավի ,  
« պատճառ է ճարտոց որսորդական » կը սէր ձայն մը .

— Ինչպէս աղիտութիւն կը սէր . չէ՞ որ « որդիք  
մարդկան իմաստնագոյն են քան զորդիս լուսոյ » .

— Այս այդ իմաստութեան հետեւողներ այսօր կը  
վայելէն ամէն հաւատարութեան պտուղներ .

— Ինչպէս ,

— Երկաթուղիներու շոգենաւերու խճուղիներու  
միջոցաւ և աշխատութեամբ չե՞ս տեսներ այլ և

այլ երկաթուղիներ և շոգենաւք որքան, բերք և պը-  
տուղ փոխադրելով աժան գիներով կը ծախեն, որ  
մ'ալ այս նարինջ և լիմոնը Մերսինէէն պիտի երթայ  
Քարբերդ և Տիգրանակերտ միայն մէկ օրուան մէջ որ  
Մերսինէի դնոյն վրայ անդգալի բարդում մը ըլլալով  
պիտի ծախուի. այսինքն 100 հատը փոխանակ 60 փա-  
րայի՝ պիտի ծախուի 100 փարայ կամ 3 դրչ

— Երբ պիտի ըլլայ ըսի տխրութեամբ :

— « Սպասել և յուսալ » պատասխանեց ձայնը (1) .

Այս մտահագութեանս մէջ յանկարծ մեր գեղեցիկ  
(Տիանոյ) շոգենաւ ճշուկը հնչեցուց, ճամբորդները շո-  
գենաւ ժողվելու համար . 24 ժամու մէջ ունեցած բա-  
րեկամներ և անձանօթ հետաքրքիրներ խունեցան ինա-  
ւամատոյց, մեք մեր ընկերին հետ « մնաք բարեաւ » ը-  
սելով մեկնեցանք. կարծեօք 10 ժամէ վերջ՝ Իսկէնտերուն  
էինք .

### ԻՍԿԷՆՏԷՐՈՒՆ ԱԼԷՔՍԱՆՏՐԷԹ

Անուանի է նաւահանդիստը և ծովածոցն է հա-  
մանուն քաղաքի, Եւրոպացիք Ալէքսանարէթ, և Թուր-  
քերէն Իսկէնտերուն կրսեն .

Ծովերը և նաւահանդիստ Հալէպի, Անաիօքայ և  
ընդհանուր Կիլիկիոյ վերին մասի, միջագետի և Բա-

---

(1) Ահա հազիւ վեց տարիներ անցեր է այս տողերը գը-  
րելէս, Մերսինէէն յԱտանայ լրացած է երկաթուղին, ուրեմն  
այն ձայնը իրաւունք ունէր ըսելու, սպասել և յուսալ, ե-  
թէ յաւելցնէր նաև « կամք և տխրատութիւն » :

բելոնի, ա—հ. ունի մեծ և հարուստ մաքսատուն  
Եւրոպական և տեղական ապրանաջ համար, աստի Պէ-  
լէն 3. Անտիոք 10 և Հալէպ 33 ժամէ. շէնցած է 1830  
էն սկսեալ.

Օգը առողջարար չէ՛ Մէրսինէի պէս՝ ունի ճահիճ-  
ներ՝ այժմ մաքրելու հոգ կը տարուի .

Կառավարութիւնն է գոյնէ գոյն, ընդ իշխանու-  
թեամբ Հալէպի կուսակալութեան .

Կան վեց եօթը հիւպատոսք օտար տէրութեանց  
և շատ աճէնցիաներ, բերքը նման է Մէրսինէի .

Փողոցները են լայն և ուղիղ. հոգ կը տարուի  
մաքրութեան շէնքերը կը շինուին նոր ձեւերով .

Հայ բնակիչ չկայ, բաց ի մի քանի պանդուխանե-  
րէ, շոգենաւք միշտ կերթեւեկեն, աստի ի Հալէպ  
կարաւան կելլէ շարաթը երկու և երեք անգամ նոյն.  
պէս Անտիոք .

Իսկէնտէրուն գալօղ ճամբորդը գիշեր չի մնար օ-  
գի գեշութեան համար. այլ կերթայ ի Պէլէն սր երեք  
ժամէ .

Մեք ալ հետեւելով սովորութեան ձիերով գացինք  
Պէլէն ընկերիս հետ (A).

Ընկերութիւննիս եղած էր հաճելի, շոգենաւէն  
յառաջարանի սկսած էր Անտիոքի վրայէն երթալ ի  
Հալէպ, նա կուղէր պատիւ մը ընել մեզ. ճիշդը ըսէ

---

(A) Ընկերս էր Ֆէհիմ պէյ Անտիոքի առաջին մեծատու-  
նը, (գայմիէգամ) էր Զմիւռնիոյ Ֆոշաթէյն գաւառ, Զմիւռ-  
նիայէն ընկերացանք. էր կրթեալ մի անձ իբր 40 տարեկան .

լով ետ ալ կը ցանկայի տեսնել Անտիոքը , որ այնքա-  
նչանակութիւն ու կարեւորութիւն ունի պատմութեան  
մէջ , հետեւաբար իսկէնտէրուն համաձայնելով շարու-  
նակեցինք մեր ճանապարհ :

### ՊԵՂԷՆ ԿՍՄ ՊԵՅԼԱՆ

Այս գիւղոքաղաք շինեալ է համանուն լեռանց  
միջովայրը , ի մէջ գեղատեսիլ ձորի , օդաւէտ առողջա-  
րար , ունի պաղ և քաղցրահամ ջուրեր , այդիներ ,  
պարաէզներ , առատ է խաղողը և պէքմէղը , որ առա-  
կի կարգ անցած է Անթապի պէքմէղին պէս :

Քնակիչն է իւր 800 տուն . 500 թուրքև 300 Հայ ,  
Հայք ունին մի անշուք եկեղեցի և մի դպրոց և քանի  
սենեակք իբր առաջնորդարան :

Գպրոցի աշակերտաց թիւն է ամբան 70 և ձմեռը  
100 : Ժողովուրդի կացութիւնն է նահապետական :

Մեծաւ մասամբ են երկայնակեաց վասն առողջա-  
րարութեան կլիմայի . դիրքն է խիստ զուարճալի :

Հայք ունին բարեպաշտութիւն , և հիւրասիրու-  
թիւն :

Ազգային կառավարութիւնն է տեղապահով եր-  
բեմն տեղացի քահանայով . սիրով են և միարան :

Ամառ երեկոյներ կը դումարին պարտէզները , կը  
խօսին կրօնական խօսքեր , անմեղ զուարճութիւններ ,  
հին պատմութիւններ , չունին ուրիշ գիւղերի պէս վէճ  
և կռիւներ , ձմեռները կը դումարուն եկեղեցւոյ սեն-  
եակները և երեւելեաց տուները , իբրեւ մի եզրայր  
կը յարգեն կը սիրեն զՄիմեանս , կարծես Ս. Աւետա-  
րանի պապամբ աւելի ազդեցութիւն քրած են աստ :

Ս. Սուաքեալք Գրիստոսի այցելածեն աստ. Շատ մխիթարուեցայ այս աեղւ. և կուզէի մի քանի օրեր մը նալ եթէ ընկերէ բաժնուելու անպատշաճութիւն չըլինէր : Խիստ ուրախ էի տեսնելով 80 և 100 ամեայ ծերունիք շուրջս բոլորած, հայրաբար կը գգուէին զիս, ոմանք կուզէին պատուել <sup>դէմք</sup> պատէզ (1) կաթմածուն հրամայնելով. և հետաքրքրութեամբ հարցումներ կընէին, ազգային և կրօնական: Պէլէնի առեւտրական կեդրոնն է Իսկէնտէրուն, և երկրագործութիւն ի Պէլէն :

Շատ զարմացայ թէ այսպիսի մի պատուական տեղինչպէս վրիպած է ուշադրութենէ. օդ. և ջուր առողջարար, երկիր աժան, ծովի մօտիկ, յարմար երկրագործութեան և առուտուրի :

Ըստ իմ կարծեաց խիստ արժանաւոր տեղ մի է բնակելու, աղէկ կըլլայ որ փորձ մը ընեն արհեստաւորներ և առեւտրական անձինք, մանաւանդ գնեն աժան երկիրներ որ (ինչպէս յուսալի է) Հալէպի երկաթուղին սկսած օրը այն տեղերու գին չի հասնիր :

### ՊԵԼԷՆԷ ԱՆՏԻՈՒՔ

Հեռաւորութիւնն 7 ժամ. Պէլէնէ մէկ ժամ անդին կը բաժնուի Հալէպի և Անտիօքի ճամբան. մեք

---

(1) Պէքմէզ եւ պատեղը ծանօթ է գաւառացւոց, խաղողի եւ թութի բերքը ուր որ առատ կըլլայ այն տեղեր կը շինեն նոյնպէս եւ շարոց, (քեամէ,) սուճուխ եւ այլն անուններով, որք թէ գեղջական պաշարներ են եւ թէ կը ծախեն այլ ուր :

գնացիներ Անտիոքի ճամբով, և վերադարձին եկանք Հալէպի ճամբով, որով տեսած եղանք <sup>մեզ</sup> <sup>զմեզ</sup> ըստուած մեծ դաշտը և լիճը :

Անտիոքի ճամբան տեսանք Ռալէան ըստուած նշանաւոր տեղը որ շինուած է յատուկ ձուկ որսալու համար :

Տեսանք նաեւ բազրասի բերդը (մեծ հնութիւն) :

Տեսանք Սուլթան Մուրատի ատեն շինուած Խանը :

Վերջապէս այսօրուան (Պէլէնէ Անտիոք) ճամբանիս խիստ զուարճալի էր, ես ուրախ մեկնած էի Պէլէնէ, ճանապարհին կը տեսնէի նոր նոր բաներ, և Անտիոքը տեսնելու ցանկութեամբ. ընկերս ալ շատ ուրախ էր իր հայրենեաց առարկայներու մօտենալով :

Տեղ մը կանգ առած էինք ուրկից 3 ժամ էր Անտիոք սկսեց գիմաւորողներ, ոմանք կը բերէին արծաթապատ համետներով զարդարեալ ձիեր Ֆէհիմ պէյին (ընկերիս) ոմանք քաղցրեղէններ ոմանք կուգային ոտքը ձեռքը համբուրելու 100ի չափ ֆելան ձիաւորներ եկան՝ մերկ և անսանձ ձիերով (աւազակ կարծելով երկիւղ զգացի) ձիերէն իջնելով կարգաւ խոնարհութիւն կ'ընէին ձիուն ասպանդակին մօտելով, (իւր ագարակի մարապաներն են եղեր) :

Վերջապէս մինչեւ որ քաղաքի դուռ գնացինք կարծեմ թէ քաղաքի բնակչաց մեծ մասը եկած էին գիմաւորելու. Ֆէհիմ պէյ երեւելին էր քաղաքին, և սիրելին, սչ թէ <sup>տեղեկներու</sup> ոմանց պէս բարբարոս՝ այլ ազնիւ :

Հասանք քաղաք և հիւրնկալեցանք Ֆէհիմ պէյի տուն որով կը պատուէին զմեզ թուրք և Գրիստոնեայք :

Հիմայ տեսնեմք թէ ինչ կայ Անտիոքը որ այն քան ցանկութեամբ կերթայի և հետաքրքրութեամբ լցուած էի . հիմայ ընթերցողը քիչ մը վերջ ինձի հետ պիտի տխրի Անտիոքի պատմութիւնը կարգաւորվ , ահաւասիկ աշխարհի յոլովմունք իշխանութիւն ունին քաղաքներու , լեռներու , ծովերու վրայ անգամ , ուր կը մնան մահկանացուք , « եղիցին , առաջինք յետին , և յետինք առաջին » :

### ԱՆՏԻՈՔ

Անտիոք կամ Անտիոք , ի նախնուն մն կոչէր Հռիքլաթ գոր վերակառոյց Ստիգոնոս և ապա Սելեւկիոս որ յանուն իւր որդւոյն կոչեաց Անտիոք մեծ .

Ուր շուտօք լցուեցան Յոյնք , Հրէայք , Ասիացիք , ճոխացաւ բարդաւաճեցաւ այնչափ մինչեւ իսկ երբեմն կոչէին թագուհի քաղաքացն արեւելից .

Աստ անկեալ էր Սելեւկիացւոց դարներեայ ծառը ի պատիւ Ապոլոնի , որ եղեւ տեղի խէնէշութեան , յետոյ վառեցաւ շանթահար Յուլիանոսի ատեն .

Աստ հաստատեաց Պետրոս առաքեալ (վէմն հաւատոյ) իւր աթոռ .

Աստ կոչեցան Քրիստոսն Ա.Յ հաւատացեալք ի Քրիստոս . (Տես . Գործք Առաքելոց)

Այս Անտիոք երբեմն կոչէր թէուպօլիս (Աստուածաքաղաք) թէողոս կայսեր ատեն .

Հոս կար երբեմն մեծամեծ շինուածքներ որ մինչեւ իսկ կուղէր ի կշիռ գալ Հռոմի հետ . և ունէր երթանասուն բիւր բնակիչ Անտիոքնէր որ կործանեց խորով արքայն Պարսից , և կանգնեցաւ վերստին .

Հոս՝ տեղի ունեցաւ խաչակրաց արիւնայեղ պա-  
տերազմունք վասն առման քաղաքի :

Հետեւաբար պատմութիւնը կը պատմէ նշանաւոր  
դէպքեր ի վերայ այս հուշակեալ քաղաքի զոր փափա-  
զանօք ցանկացի տեսնել :

Գացինք այցելեցինք . շրջեցանք , տեսանք . և ինչ  
Ափսոս հողար փոսոս . . . կը տեսնեմք աւերակ  
մը , կամ տխուր աւան մը , աչքերուս չպիտի հաւա-  
տայի թէ այս է Անտիոքը եթէ ներկայ հնութիւնք չը  
վկային :

Քաղաքաց թագուհին այժմ եղեր է սպասուհի ,  
70 բիւր բնակիչներէ մնացեր է հաղիւ երեք բիւրը ,  
բազմապայծառ շէնքեր կը նմանի բուերու աւերակաց ,  
այն գեղեցիկ քաղաքը հիմայ եղեր է տգեղ և տձեւ ,

Այն աշխոյժ ժողովուրդի մնացորդը այժմ եղեր է  
տխուր թմրած և իբր սգաւոր Սրբազան Առաքելոյն  
աթոռը անշքացեր , այժմ կայ միայն Յունաց (Անտի-  
ոքայ) պատրիարքն որ ունի աստ միայն 400 տուն  
ժողովուրդ :

Կայտառ Որոնիդէսի (աղի գետ և տաճկերէն ասի-  
չայ) կարկաչումը հիմայ դարձերէ լուիկ մնչիկ մի գե-  
տակի երեւոյթ :

Այն գեղեցիկ կարմրախայտ ձուկերը փոխուած  
են օձաձուկի ի սոսկումն տեսողաց : (Թէեւ օձաձուկե-  
րը որ կելլեն աղի գետէն Անտիոք , Եւրոպացիք կը գը-  
նեն լաւ դիներով կը տանին յԵւրոպայ) այն դրախ-  
տանման պարտէզները և այգիները հիմայ եղեր է վայ-  
րենի այգիներ , և այն քաղցր խաղողի որդերու վրան  
անգամ եկած է հիւանդութիւն (քիւլէմէ) :



Հորք կայսրաց մեծ զօրութիւնք շէին բաւեր այս քաղաքիս վլասելու, հիմայ բնութիւնն ալ երես դարձնելով քանի տարին մի անգամ գեանաշարժի մը ցընցումով իրար կը խառնէ քաղաքը և շէնքերը տակն ու վրայ կը դարձնէ.

Վերջապէս տեսի Ոնախոքն ալ բաղդակից Անիի. Աստուած խնայէ եթէ երկրաշարժը կրկնէ իւր ցնցումներ՝ մնացեալ դժգոհ ժողովուրդն ալ պիտի ձգէ ու ցրուի, և ըլլայ բոլորովին աւերակ .

Արգեօք հոս ալ կա՞յ խորհուրդ նախախնամութեան,

Անշուշտ, և սքանչելի խորհուրդ .

Հոյակապ քաղաքներ կը կործանին, աննշան դիւղեր կը բարդաւաճին, մեծաշօր կայսրութիւնք և իշխանութիւնք կիյնան, կը կանգնին աննշան փոքրիկ իշխանութիւնք և կը զօրանան, կը վայլին մինչև իսկ աշխարհակալութիւն կերպղեն, օր մը կը փչրին և կանհետանան .

Մեծ և միլեօնաւոր ազգեր կոչընչանան, պղտիկ ազգեր կը զօրանան .

Նոյնպէս անհատք, մեծատունք և հարուստք կաղքատանան, և աղքատք ու աննշան անձինք կըլլան հաւրուստ և նշանաւոր .

Գեղեցիկ և հոյակապ տուներ կը կործանին, աննշան գետիններ կը շինուին գեղեցկագոյն տուներ պալատներ .

Իրախտի նման պարտէզներ կամայանան, ամայի տեղեր կըլլան գեղատեսիլ և զուարճալի պարտէզներ և այգիներ .

Ծովեր կըլլան ցամաք, և ցամաքներ կըլլան ծով, և ասոնց նման հազարաւոր առարկայք ենթակայ փոփոխութեան:

Գիտե՞ս սիրելի ընթերցող թէ ինչո՞ւ կըլլայ այսպէս, ասոնք կը վկայեն թէ այս աշխարհը ստեղծող մը ունի, տէր մը ունի, և ենթակայ ըրեր է փոփոխութեան, որ մարդիկ գիտնան թէ միայն Աստուած է անփոփոխ, անեղծ, անսկիզբն և անվախճան:

Այժմ Անտիօք կայ իբր 2500 տուն, 400 տունը Յոյն է որ շինած են նոր և ընդարձակ եկեղեցի, մեծ ծախքերով:

100 տուն կայ Հայ մէկ վեցերորդը Բողոքական, ժողովուրդը աղքատ (1) ունին մի խեղճ եկեղեցի և մի վարժարան նոյնպէս: 2000 տունը Թուրք են հին շէնքեր մզկիթներ շատ կայ, կարեւոր արձանագրութիւն եղծեալ են, բոլոր տուներ և շէնքեր խախտած են և նորերը կը շինեն առ ժամանակեայ:

Կասիոս լեռի ստորուոր Հրէամը շինած է մանածի մի դործարան որոյ ծախս դացած է մօտ 100 հազար լիրաներ և կիսատ կը մնայ խափան, թէ ինչ է պատճառը յարմար առթիւ պիտի պատմեմ: Երկու վանք ունին յանուն Ոսկերերանի և Մելիտոս հայրապետի աւերակ, 180 գիւղերէն միայն Պիթիաս (Պեսիթիայ) Խըտրէկ, Քեապուսի, Հաճի Հապապ անուն հինգ

---

(1) Անտիօք Քէօսէեան Սարգիս եւ փեսայն Մարտիրոս էֆէնտիներն են պատուարեր եւ դործունեայ, յարգ դասն են ժողովուրդէն եւ ունին արժանիք:

գիւղերու մէջ կայ իբր 1000 տուն Հայ, 50 տուն  
Հրէայ կայ ի քաղաքի ազքատ :

Քաղաքը ունի մզկիթներ , թէքէնէր , թիւրպէնէր ,  
8 խան 1200ի չափ կրպակ , աղբիւրներ , և հասարակ  
արհեստից գործարաններ , ներկի , աճառի , խաղա-  
խորդի և շն : Ունի շատ պարտէզներ , Քաղաքի որ կող-  
մը փորեն կելլէ շատ հնութիւնք : Քաղաքի շուրջը կայ  
շատ հնութիւնք և քարայրք որք կենդանի վկայք են  
պատմութեանց :

Գլխաւոր բերքն է խաղող , նարինջ , շերամ , ցու-  
րեն , պտուղ և շն :

Արհեստք սովորական , կը շինեն նաեւ մետաքսեայ  
(թրապլուս) դօսիներ շաշադներ , մաշահներ և կտաւ :

Ահա գրեցի խիստ սրտնեղութեամբ և հարեւանցի  
այն հռչակեալ Անտիոքի պատմութիւնը , վասն զի երբ  
երթալով քաղաքին կը մօտենայի մեծ ուրախութեամբ  
լցուած էի , երբ տեսի քաղաքն՝ պատեցայ տխրու-  
թեամբ և դարձայ ամսոսալով . . . . .



The first part of the paper is devoted to a general  
 consideration of the subject. It is shown that the  
 results of the experiments are in agreement with  
 the theoretical predictions. The second part of the  
 paper is devoted to a detailed description of the  
 experimental apparatus and the method of  
 observation. The third part of the paper is  
 devoted to a discussion of the results and  
 their significance. The fourth part of the  
 paper is devoted to a summary of the work  
 done and a list of references.

## Վ Ե Ր Զ Ա Բ Ա Ն

Ահաւաստիկ հոս լրացած կը համարի մեր ճամբարը-  
դուժեան մի մասն, ունէինք դեռ ևս մեր յուշատե-  
րի և նամակներու մէջ շատ մը գրելիք, բայց թողուցինք  
ապագային կամ պատեհուժեան ժամանակի կամաւ և  
յակամայս . . . .

Ինչպէս յառաջարանիս մէջ գրած եմ կը կրկնեմ  
վերջարանիս մէջ՝ գրքոյկիս թերուժեանցը համար, մա-  
նաւանդ տպագրեալ նամակներու մէջ կը տեսնեմք շատ  
մը սխալներ և մոռացումներ, ոմանք մեր անուշադրու-  
թեան ոմանք տպագրական անզգուշութեան արդիւնք.  
Թէ այսպէս և թէ այնպէս ընթերցողաց ներողամտու-  
թեան կարօտ : (1)

Գլխաւոր մոռացում է երես 27 խորհրդածութեան  
ներքև հետևեալ խօսքեր չգրուիլը, « այս աւանդու-  
թիւն չի համաձայնիր խորենացւոյն գրածին տես երես  
358 ԳԼ Դ :

Նոյնպէս Երիզայի Ս. Սարգիս եկեղեցւոյ 24 մա-  
ռունքը սը մեծ հնութիւն մ'է :

Երես 18 մոռցուած է ի կարդին Տաճրակ և Ս. Ս.  
հան անուն հայաբնակ գիւղեր

Նոյնպէս Երիզայի թթենին, որ պտուղն է օգտա-

---

(1) Մեր խորհրդածութեանց եւ դիտողութեանց ամեն-  
քին հետ պէտք է կարդալ «բացառութիւն յարգելով» :

կար՝ շերամադործութեան պիտանի: Անուշադրութեան արդիւնք է եկեղեցական Ս. Հարց կամ պաշտօնէից և կամ վաճառական և այլ անձանց ոմանց ածական դըրել և ոմանց չգրուիլը:

Նոյնպէս ուրիշ շատ մը մոռացումներ՝ որ կը յուսամ յաջորդ (2) հրատարակութեան ատեն յիշել,

Մեր յաջորդ հրատարակութիւնը պարունակել կը յուսամք հետեւեալ առարկայք.

Քարբերդ, Արապկէր, Ակն, Մատէն, Տաւրոս, (տէրսիմ), Քէմախ, Քղի, Փալու, Գայլգետ, Շէյրան, Գուրուչայ, Կէրճէնիս, Չարսանճադ, Բերդաղ, Բաբերդ, Կիւմիւշխանէ, Տրապիզօն, Զմիւռնիա, Սագըղ, Րատոս, Սամոն, Քիրասոն և այլ քաղաքներ և աւաններու վրայ:

Նաև Տիգրանակերտ, Մարտին, Ճիլղէ, Մժրին և այլ մի քոնի քաղաքաց վրայ բաւական տեղեկութիւնք որ ժողուած էր եղբայրս Յարութիւն 1883—85ին այն կողմեր պաշտօնիւ դանուած ատեն:

Ժողուած եմ նաև հետաքրքրականտեղեկութիւններ պաշտօնական կրօնքներէ, իսլամութեան, քրիստոնէութեան և հրէութեան արտաքոյ, անպաշտօն և փոքրամասն աղանդաւորներու վրայ՝ որք են. հոգեփոխականք, դըղըլպաշ, արեգնապաշտ, լուսնապաշտ, քրթահայ՝ կէս կէս, սագուկեցի, եղապաշտ, դիւապաշտ և այլք

---

(1) Յաջորդ հրատարակութիւննիս չ'սխալի կոչեմք երկրորդ կամ երրորդ հատոր այս գործիս, քանի որ սա չէ դասագիրք, կամ պատմութիւն կամ վիպասանութիւն:

որք գտանին քրթաստան Արարիայ և այլուր.

Մեր Օսմանեան երկրի բերք, ճանապարհք, երկրադործութիւն, հանք, արհեստ, վաճառականութիւն.

Տարբեր ազգութեանց սովորութիւնք, տեղական և ազգային իշխանութիւնք.

Քաղաքապետական կարևոր պաշտօն և ժողովուրդի անկարևոր ընթանում.

Գիւղական ժողովուրդի վիճակ.

Պօլսոյ, գաւառաց և գիւղացւոց միժեռանց զրոյ կողմնակի ունեցած երբեմն սխալ գազափարներ

Օսմանեան սահմանադրութիւն և երեսփոխանութիւն.

Կոստանդնուպոլսոյ պանդուխտներ

1877—78 թուրքիոյ ուստական պատերազմի և Նորա յարակից դէպքերու համառօտ տեղեկութիւնք:

Պօլսոյ զրոյ զանազան տեղեկութիւնք:

Գաւառական առածներ.

Տաճկերէն, Հայերէն, Արարերէն և Քուրդերէն երգերէ ընտրելով մի քանիներ.

Կրթական տեսչութեան և տպարաններու զրոյ. (A)

---

(A) Վասն զի գաւառացիներէ ոմանք կը կարծեն գրքէ մը հրաման առնուլը դժուար կամ անկարելի, և տպարանի ծախսերը անմատչելի, այս կարծիք սխալ է. որ և է գիրք կամ տետրակ որ օգտակար է երկրին, և անվնաս ժամանակի և պարագայից, չուտօք կը արուի հրամանը. և արդարաններու գիներ չափաւոր է այժմ. ուստի կը յանձնարարեմ գաւառացի եղբարց որ ունին գրուածներ և գրելիքներ, և իրենք չունին սրտեհութիւն անձամբ Պօլիս գալու,

և այլ զանազան տեղեկութիւնք և խորհրդածոթիւնք  
բաւ մեր կարեաց և քննութեանց :

Հաս պարտաւորութիւն կը համարիմ մեր այցելած  
գիւղերու, աւաններու, քաղաքներու ժողովրդեան, տե-  
ղական և ազգային պաշտօնէից երեւելեաց եւ այլոց  
(բաղաւորութեամբ) որ ինչպէս բոլոր ճամբորդաց նոյն-  
պէս և մեզի ցուցին սէր, յարգանք եւ պատուեցին ի-  
րենց ծանօթ հիւրասիրութեամբ :

Արդէն միշտ պարտաւոր եմք մեր բարեխնամ  
Օգոստափառ Մեծ Մօւլթանի կենաց համար ազօթել,  
հոս կրկնելու պարտաւորութիւն կզգամ, քանզի իւր  
բարձր շնորհիւն է որ կը վայելեմք անդորր կեանք, և  
այսպէս մի լուսաւոր դար : Նորին Կ. Վեհափառու-  
թեան բարի, աղնիւ նպատակներուն գլխաւորն է ուս-  
ման յաւաքիւթիմութիւնը :

Թարգանօք շնորհակալութիւն մատուցանել կպար-  
տիմք այն ամեն հեղինակաց և թարգմանչաց որ մարդ-  
կային ընկերականութեան օգտակար և կրթիչ գործեր  
հրատարակեցին և դեռ կը շարունակեն մեծ զոհողու-  
թիւններով, որովհետեւ մեք մեր գրագէտները չեմք  
կրնար քաջալերել ուրիշ կերպիւ, գէթ երախտապարտ

---

մի բարեկամունն կամ տպարանապետի մը հետ բանակցելով  
կրնան հրատարակել իրենց գործեր, որպէս զի չի կորսուի,  
որպէս զի սպագայ սրտամութեան մաշեր Կատարաստուի. ե-  
թէ մեր այցելած քաղաքներու վրայ յատուկ տեղեկութիւն-  
ներ եւ դիտողութիւնք գրուին մեզ, սիրով կընդունինք մեր  
յաջորդ գործոց մէջ հրատարակելու օ



դանուիմք, քանզի նոցա աշխատութեան արգիւնքը կը վայելեմք և մեծամեծ օգուաներ կը քաղեմք :

Իսկ այն հեղինակներ և թարգմանիչք որ ի կենդանութեան ծառայելով այժմ՝ կը հանդիսն ի յաւիտեանականութիւն, նոցա յիշատակներ օրհնութեամբ և գովութեամբ յիշելու և իրենց անմահութիւնը դիմնալու համար կը բաւէ կարգալ հեռեւեալ տխուր բանասանդժութիւնը, որ դրեց վաղամեռիկ Գուրեան, իւր մահուան սև օրերու մօտ :

Իմ մանք

Եթէ դժգոյն մահու հրեշտակ  
Անհուն ժպտով՝ իջնէ իմ դէմ  
Շողիանան ցաւքս ու հոգիս  
Գիտցէք որ դեռ կենդանի եմ :

Եթէ հակառակ արսօսրազօծ  
Զիս պատանի մէջ ցուրտ գերդ վէժ  
Փատտեն դնեն սև դադալը  
Գիտցէք որ դեռ կենդանի եմ :

Եթէ հնչէ տխուր կոչնակ  
Թոթոուն ծիծաղն մահու դժխեմ  
Դադաղս առնէ իւր համբ քայլ  
Գիտցէք որ դեռ կենդանի եմ :

Եթէ մարդիկն այն մահերդակ  
Որք սեւ ունին եւ խոժոռ դէմ  
Համապուեն խունկ ու սղօթք  
Գիտցէք որ դեռ կենդանի եմ :

Թէ յարդարեն իմ հողակոյտ  
Եւ հեծեծմամբ ու սղալէն  
Իմ սիրելիքը բաժնուին  
Գիտցէք որ միշտ կենդանի եմ :

Իսկ աննշան եթէ մնայ  
Երկրի մէկ խորշն հողակոյտն իմ  
Եւ յիշատակս ալ թառամի  
Ա՛հ, այն ատեն ես կը մեռնիմ :

Վ Ե Ր Ձ





## Յ Ա Ն Կ

	Երես
Յառաջարան.....	2
Ա. Նամակ Երզնկայ.....	7
Բ. « Դերջան.....	30
Գ. « Եփրատ գետ.....	36
Դ. « Կարին (Էրզրուժ).....	38
Ե. « Երեւան .....	55
Զ. « Էջմիածին վաղարշապատ.....	68
Է. « Կիւմրի (Աղէքսանդրապօլ).....	83
Ը. « Անի.....	94
Թ. « Կարս .....	106
Ժ. « Փասեն, ի վանս Ա. Աստուածածնի .....	110
ԺԱ. « Կ. Պօլիս .....	117
ԺԲ. « Հալէպ .....	149
ԺԳ. « Մէրսինէ, Իսկէնտէրուէն, Պէլէն, Անախոք.....	176
Վերջարան .....	191





## Վ Ր Ի Պ Ա Կ

Սխալ	Ուղիղ	Երես	Տող
12	21	8	8
խաղաղորդ	խաղախորդ	9	9
թէչքիլեաթ	թէչքիլաթ	16	28
էվկաֆ	էֆգաֆ	16	28
թէօհվէ	թէօհֆէ	49	7
նշխարհ	նշխար (մի քանի տեղ)	26	1
Աթանաս	Աթենաս	26	14
քար	քան	30	12
լովնալ	լոգնալ	43	26
խոսրոֆ	խոսրով (մի քանի տեղ)	61	8
կոչէ առ	կոչէր առ	67	29
նորա	նմա	77	16
հմուտ ,	մուտ	87	27
բացաղեայ	բացօղեայ	93	19
զի	քանչ	109	18
գորմ	գում	114	8
մէջէն	մեծէն	168	28

Ատոնցմէ զատ երբեմն օտար բառերու հնչմանց տարա-  
սխալներ , նոյնպէս տեղ տեղ համանրման եւ համաճոյն  
գրեր գբ , թդ , դդ , դլ , շշ , աա , սս , եւ տոնց նման գը-  
րեր իրարու տեղ շարուած է սխալմամբ :



ՏՊԱԳՐԵԱԿ ՀՐԱՄԱՆԱԻ

ԿՐԹԱԿԱՆ ՏԵՍՉՈՒԹԵԱՆ

---

معارف نظارت جلیله ... ك ۹ ذی القاده سنه ۳۰۳ و ۱۸ توز ۳۰۲  
و ۴۴۵ نومرولی رخصتنامه سبله طبع اولتمشدر

---

Հեղինակութեան բոլոր իրաւունքը վերապահեալ է.



7784

7785

7786

2013



0003984  
0003992  
0003993

